





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald. 2.3.27





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald. 2.3.27



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald. 2.3.27



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald. 2.3.27

Ms. 2/3. 10



Ex Libris Joannis Nencini
1874





CATECHISMVS,
Ex Decreto Concilii Tridentini,
AD PAROCHOS,
Pii V. Pont. Max. iussu editus.



Romæ, in ædibus Populi Romani,
apud Paulum Manutium,
M D L X V I I.

Cum priuilegio Pii V. Pōt. Max. & Philippi
Hispaniarum Regis per uniuersam Nea-
politānam & Mediolanensem
ditionem.



PII V. PONT. MAX.
PRIVILEGIUM.



OTV proprio &c. Pastoralis officio cupientes quam diligentissime possumus diuina adiuuante gratia fungi, & ea, quæ Sacro Tridentino Concilio statuta, & decreta fuerunt, exequi, curauimus, ut a delictis aliquot Theologis in hac alma Vrbe componeretur Catechismus: quo Christi fideles de eis rebus, quas eos nosse, profiteri, & seruare oporteret, Parochorum suorum diligentia edocerentur. qui liberum, Deo iuuante, perfectus, in lucem edendus sit; prouidendum duximus, ut quam diligentissime, et fidelissime imprimatur. itaque in hac alma Vrbe eius potissimum imprimi uoluimus dilecti filii Pauli Manutij diligentia, qui alios ecclesiasticos libros hic imprimere solet. Quia uero, si alibi imprimeretur, euenire posset, ut non pari fide, ac diligentia talis argumenti liber imprimeretur: ob hanc causam, & quia etiam indemnitati, ut æquum est, consultum uolumus ipsius Manutij, qui in eo imprimendo magnos sumptus fecit, et multum laboris suscepit; Vniuersis, & singulis librorum impressoribus, & bibliopolis tam extra, quam intra Italiam, sub excommunicationis latæ sententiæ pœna, nostris uero, & Sanctæ Romanæ Ecclesiæ temporali ditioni immediate, mediateue subiectis, etiam sub pœna quingentorum ducatorum auri, Fisco nostro applicandorum, & amissionis

A ij sionis

sionis librorum, ipso facto etiam sine declaratione
cuiusquam Iudicis incurrenda, inhibemus, & inter
dicimus ne quis prædictum Catechismum latinum,
aut in uulgarem sermonem translatum, intra quin-
quennium proximum possit imprimere, uel ab alijs
impressum uendere, ac ne post quinquennium quidē
absque licentia nostra, & Sedis Apostolicæ: Man-
dantes dilectis filijs nostris Camerario, & Vicario
Vrbis, necnō Gubernatori, Senatori, Camera Apo-
stolicæ causarū Auditori, & alijs Vrbis ordinarijs
Iudicibus, Legatisq., Vicelegatis, Gubernatoribus,
et Potestatibus terrarum Sanctæ Romanæ Ecclesiæ,
Baricellisq. earundē, ac uenerabilibus fratribus sin-
gularum extra terras prædictas ciuitatum Archi-
episcopis, & Episcopis, eorumq. Vicarijs, ut, quo-
ties ipsius Pauli nomine requisiti fuerint, ei effica-
cis defensionis præsidio assistentes præmissa omnia,
& singula cōtra inobedientes, & cōtrauenientes ad
executionem censurarum, & pœnarū prædictarum,
omni, et quacūque appellatione remota, procedant,
et quilibet eorum procedat, inuocato etiam, si opus
fuerit, auxilio brachij secularis. Quia uero difficile
esset hanc nostram cedulam originalem ad singula
loca deferri: uolumus quod de eius tenore, quod ad
prohibitionem nostram huiusmodi attinet, credi de-
beat exemplis in ipsis libris imprimendis, quodque
presentis nostri Motus proprii, etiam absque illius
registratura, sola signatura sufficiat, & ubique fidē
faciat in iudicio & extra, quacumque regula, siue
constitutione Apostolica contraria non obstante:


Non

Non obstantibus cōstitutionibus, & ordinationibus
Apostolicis, priuilegijs quoque, indultis quibus-
cumque alijs in contrarium fortasse facientibus.

Placet Motu proprio M.

Dat. Romæ, apud Sanctum Marcum, septimo
Kalend. Octobr. anno primo.

P H I L I P P V S
DEI GRATIA REX CASTELLÆ,
Aragonum, utriusque Siciliæ, Hierusalem,
Vngariæ, Dalmatiæ, Croatiæque etc.



ONPERAFANNVS de Ribera,
Dux de Alcala, & in hoc regno præ-
dictæ Maiestatis Vicerex, Locumte-
nens & Capitaneus generalis &c.


Magnifico uiro Paulo Manutio regio fideli dilecto
gratiam regiam & bonam uoluntatem. Quum per
suâ Sanctitatem, ut fuit nobis expositum, tibi com-
missum & iniunctum fuerit, ut, expensis Populi
Romani, Catechismum, nouum Breviarium, seu
Missale, & alios libros nouos imprimi cures: sup-
plicatumque propterea nobis fuerit pro tui parte,
quatenus regiæ et catholicæ Maiestatis nomine tibi
concederemus, per aliquod temporis spatium, uide-
licet per annos quindecim, libros prædictos, et quos-
cumque alios nouos, necnon complures in melius
redactos, aut cum nouis commentarijs, declaratio-
nibus, seu postillis, uel traductos in latinum seu
vulgaro

uulgare eloquium, seu in quamcumque linguam,
impressos tamē in Vrbe sub nomine Populi Roma-
ni, in presenti Regno imprimi non posse, nec extra
Vrbem impressos in Regnum immitti, nec alio modo
exemplari, & quouis modo imprimi facere, & in
Regno prædicto uendi, uel quouis modo cōtractari,
nisi tantummodo per te, uel tuos heredes & succes-
sores ac alios tui, uel tuorum heredum prædictorum
parte, dicto tempore annorum quindecim perdu-
rante. Nos autem attenta causa prædicta, & quod
super hac concessione fuimus suæ Sanctitatis nomi-
ne requisiti, eapropter tenore præsentium de certa
nostra scientia, deliberare, & consulto, ac ex gra-
tia spetiali prædictæ Maiestatis nomine, cum deli-
beratione & assistentia regij Collateralis Consilij, sta-
tuimus, & decernimus, quod per annos quindecim,
a die dat. præsentium in antea numerandos, nemini
liceat in hoc Regno libros iam dictos imprimere,
aut exemplari, & imprimi facere, nec extra dictā
Vrbem impressos in hoc prædictum Regnum immit-
tere, aut aliquo pacto contractare absque spetiali
permissione prædicti Pauli Manutij, uel dictorum
suorum heredum, & successorum dicto tempore an-
norum quindecim perdurante: Volentes & decer-
nentes expresse, quod si quis contra prædictam no-
stram ordinationem attentare præsumpserit, ipso fa-
cto incurrat in pœnam ducatorum trecentorum,
tibi, & tuis prædictis heredibus & successoribus
pro tertia parte applicandorum, & pro alia tertia
parte Regio Fisco, & pro reliqua alia accusatori,
ac libri

ac libri operum prædictorum in hoc Regno, aut per exemplum in quouis alio loco extra dictam Urbem impressi, & in Regnum ipsum immissi, deuoluatur, & sint tui, uel dictorum tuorum heredum, & successorum. Mandantes propterea per has easdem omnibus & singulis officialibus, & subditis Regis maioribus, & minoribus, quocumque nomine nuncupatis, titulo, officio, auctoritate, potestate, & iurisdictione fungentibus, præsentibus & futuris, ad quos, seu quæ spectabit, & præsentibus peruenierint, seu fuerint quomodolibet præsentata, unicuique in sua iurisdictione, quatenus tibi, seu alteri legitimæ personæ pro tui parte, præstent, & præstari faciât omne auxilium, consilium, & fauorem opportunum & necessarium super confiscatione dictæ pænæ & executione dictorum librorum in casibus præmissis tibi deuolutorum, adeo quod pro prædictis ad nos recursum habere tibi necesse non sit: & si secus factum fuerit, statim incurrant iram & indignationem Regiam, & pœnam ducatorum auri mille, præsentibus regio sigillo a tergo impressis, præsentanti singulis vicibus remansuris.

Datum Neapoli, die ultimo mensis Maij,

M. D. L. X. V. I.



PHILIPPVS Hispaniarū Rex &c.
Nostri semper instituti fuit ijs fauete:
qui religioni, ac rei litterariæ promo-
uendæ labore, sumptuq. suo incumbūt.
quorum in numero doctum, ac fidelem dilectum no-
strum

strum Paulum Manutium esse accepimus . is cum
significari nobis curauerit se Catechismum latina ,
italicaque lingua conscriptum , & suos in M. Tulli
Ciceronis epistolas , quas familiares appellat , com
mentarios in societate P. R. typis suis ad communē
omnium piorum , & studiosorum utilitatem edere se
paratum esse : at uereri ne alij postea , sumpto inde
exemplo , alibi eos edentes , & uendentes laboris , ac
sumptus , diligentiaq. suae fructum intercipient : di
gnus nobis uisus est , cui nos , pro nostra uirili , pro
spicere , ac consulere debeamus . Itaque his litteris
nostris sancimus & iubemus ; ut ne quis Typogra
phus , Bibliopola , Librarius , aut alius quiuis Cate
chismum & commentarios ante dictos Romae in so
cietate P. R. ab ipso Manutio editos , & impressos ,
a die impressionis ad annos sex , in uniuersa Medio
lanensi ditione nostra , eo inuito , imprimere , aut
alibi impressos clam , palam ue in eam inferre , &
uendere audeat . Si quis contra , quam his litteris
nostris sanctum , iussum ue est , fecit , fecerit ; illum
continuo pœnam scutatorum aureorum ter centum ,
ac amissionis librorum omnium subire uolumus :
quos cum eius pecuniae tertia parte Manutio , reli
qua uero dimidiam partem fisco nostro , alteram ac
cusatori assignari & attribui mandamus per eum
magistratum , cuius potestati subiectus fuerit is ,
qui contra fecisse reperietur . In quorum &c.

Dat. Mediolani. M. D. L X V I. mense Octob.

CATECHISMVS

Ex Decreto Concilij Tridentini,
AD PAROCHOS,

Sanctiss. D. N. Pii Quinti iussu editus.

E *A*EST humane mentis, & intelligentie ratio, ut, cum alia multa, quæ ad diuinarum rerum cognitionem pertinent, ipsa per se, magno adhibito labore, et diligentia, inuestigauerit, ac cognouerit, maximam tamen illorum partem, quibus æterna salus comparatur, cuius rei in primis causa homo conditus, atque ad imaginem & similitudinem Dei creatus est, nature lumine illustrata cognoscere, aut cernere numquam potuerit. Inuisibilia quidem Dei, ut docet Apostolus, a creatura mundi per ea, quæ facta sunt, intellecta, conspicuntur; sempiterna quoque eius uirtus, & diuinitas: uerum mysterium illud, quod absconditum est a seculis, & generationibus, ita humanam intelligentiam superat, ut, nisi manifestum fuisset sanctis, quibus uoluit Deus fidei munere notas facere diuitias gloriæ sacramenti huius in gentibus, quod est Christus, nullo studio homini ad eam sapientiam aspirare licuisset. Cum autem fides ex

B *auditis*

ad Rom. 1.
Ad Colos. 1.
Ad Rom. 10.

auditu concipiatur, perspicuum est, quam necessaria semper fuerit ad æternam salutem consequendam, doctoris legitimi fidelis opera, ac ministeriū:

Ad Rom. 10 siquidem dictum est; Quo modo audient sine predicante? quo modo uero predicabunt, nisi mittantur?

Ad Heb. 1 & quidem ab ipsius mundi origine, clementissimus ac benignissimus Deus suis numquam defuit, sed multifarie, multisque modis locutus est Patribus in prophetis, eisque pro temporum condicione ad celestem beatitudinem certum, ac directum iter

Psal. 49 monstrauit. Sed quoniam prädixerat, daturum

Ad Heb. 1 se doctorem iustitiæ in lucem gentium, ut esset salus eius usque ad extremum terræ, nouissime locutus

2. Pet. 1 est nobis in Filio, quem etiam, uoce e celo delapsa a magnifica gloria, iussit ut omnes audirent, eius-

Ad Eph. 4 que præceptis obtemperarent. Deinde uero Filius alios dedit apostolos, alios prophetas, alios Pastores, & doctores, qui uerbum uitæ annuntiarent, ne circumferremur tamquam paruuli, fluctuantes omni uento doctrinæ, sed firmo fidei fundamento adherentes, coedificaremur in habitaculum Dei, in spiritu sancto.

Verba Pastorum Ecclesiæ tamquam Dei uerba recipiendæ. Ac ne quis uerbum auditus Dei ab Ecclesiæ ministris, tamquam uerbum hominum, sed, sicut uere est, uerbum Christi acciperet, ille ipse Saluator noster tantā auctoritatē eorum magisterio tribuendam esse statuit, ut diceret: Qui uos audit, me audit;

Luc. 10 & qui uos spernit, me spernit. quod quidē non de ijs tantū, quibuscū sermo habebatur, intelligi uoluit, uerum

AD PAROCHOS. 3

uerum de omnibus etiam, qui legitima successione docendi munus obirent, quibus se omnibus diebus usque ad consummationem seculi affuturū esse pollicitus est. At uero, cum hæc diuini uerbi prædicationo numquam intermitteri in Ecclesia debeat, tum certe hoc tempore maiori studio, & pietate elaborandum est, ut sana, & incorrupta doctrina, tamquam pabulo uitæ, fideles nutriantur, & confirmantur. exierunt enim falsi prophete in mundum, de quibus dixit Dominus: Non mittebam prophetas, & ipsi currebant: non loquebar ad eos, & ipsi prophetabant, ut uarijs doctrinis, & peregrinis, Christianorum animos deprauarent. Quia in re illorum impietas, omnibus Satane artibus instructa, tam longe progressa est, ut nullis fere certis finibus contineri posse uideatur. ac, nisi Saluatoris nostri præclara illa promissione niteremur, qui se adeo stabile Ecclesiæ suæ fundamentum posuisse affirmavit, ut portæ Inferi aduersus eam preualere numquam possint: maxime uerendum esset, ne hoc tempore, tot undique hostibus obsessa, tot machinis tentata, & oppugnata, concideret.

Matth. 28

1. Ioan. 4
Hier. 23

Matth. 16

Nam ut omittamus nobilissimas prouincias, quæ olim ueram, & catholicam religionem, quam a maioribus acceperant, pie, & sancte retinebant, nunc autem derelinquentes uiam rectam, errauerunt, atque in eo se maxime pietatem colere palam profitentur, quod a patrum suorum doctrina quam longissime recesserunt; nulla tam remota regio, aut

Quo astu
hæretici
sint uti ad
impia dogmata
infundenda.

B ij tam

tam munitus locus, nullus Christianæ reipub. an-
 gulus inueniri potest, quo hæc pestis occulte ir-
 repere non tentarit. Qui enim fidelium mentes
 corrumpere sibi proposuerunt, cum fieri nullo mo-
 do posse intelligerent, ut cum omnibus coram col-
 loquerentur, & in eorum aures uenenatas vo-
 ces infunderent, idem alia ratione aggressi, mul-
 to facilius, ac latius impietatis errores dissemi-
 narunt. Nam, præter illa ingentia uolumina,
 quibus catholicam fidem euertere conati sunt, a
 quibus tamen cauere, cum apertam hæresim con-
 tinerent, non magni fortasse laboris, ac diligen-
 tiæ fuit, infinitos etiam libellos conscripserunt:
 qui cum pietatis speciem præferrent, incredi-
 bile est, quam facile incautos simplicium animos
 deceperint. Quamobrem Patres æcumenicæ Tri-
 dentinæ Synodi, cum tanto, & tam pernicioso
 huic malo salutarem aliquam medicinam adhibe-
 re maxime cuperent, non satis esse putarunt, gra-
 uiora catholicæ doctrinæ capita contra nostri tem-
 poris hæreses decernere, sed illud præterea sibi
 faciendum censuerunt, ut certam aliquam formu-
 lam & rationem Christiani populi ab ipsis fidei
 rudimentis instituendi, traderent, quam in omni-
 bus ecclesiis illi sequerentur, quibus legitimi Pa-
 storis, & doctoris munus obeundum esset. Mul-
 ti quidem adhuc in hoc scriptionis genere cum ma-
 gna pietatis & doctrinæ laude uersati sunt: sed
 tamen Patribus usum est maxime referre, si liber.
 sanctæ

Trid. Syn.

AD PAROCHOS.

5

sanctæ Synodi auctoritate ederetur, ex quo Pa-
rochi, uel omnes alij, quibus docendi munus im-
positum est, certa præcepta petere, atque depro-
mere ad fidelium ædificationem possint; ut quem-
admodum unus est Dominus, una fides, ita etiam
una sit tradendæ fidei, ad omniaque pietatis offi-
cia populum Christianum erudiendi, communis re-
gula, atque præscriptio.

capitulum

Ergo, cum multa sint, quæ ad hanc rationem
pertinere uideantur, nemo existimet, illud san-
ctæ Synodo propositum fuisse, ut omnia Christia-
næ fidei dogmata, uno libro comprehensa, subtili-
ter explicarentur: quod ab ijs fieri solet, qui se
profidentur uniuersæ religionis institutionem, &
doctrinam tradere: id enim & infiniti pene ope-
ris fuisset, & instituto minus conuenire perspi-
cium est: sed quoniam Parochos, sacerdotesque,
animarum curatores, earum rerum cognitione
instruendos suscepit, quæ pastoralis muneris ma-
xime propriæ sunt, & ad fidelium captum ac-
commodatæ, ea tantum in medium afferri uo-
luit, quæ hac in re pium Pastorum studium, si
in difficilioribus diuinarum rerum disputationibus
non ita uersati fuerint, adiuuare possent. Quæ
cum ita sint, ante quam ad ea singillatim tra-
ctanda accedamus, quibus huius doctrinæ sum-
ma continetur, institutæ rei ordo postulat, ut
pauca quædam exponantur, quæ Pastores con-
siderare, sibi que ante oculos proponere in primis

Catechif-
mus cur e-
ditus.

B iij debent

debent ; ut sciant , quoniam , ueluti ad finem , omnia eorum consilia , labores , studia referenda sint ; quoue pacto id , quod uolunt , facilius consequi , & efficere possint . Illud igitur primum uidetur esse , ut semper meminerint , omnem Christiani hominis scientiam hoc capite comprehendendi , uel potius , quem admodum Saluator noster ait , Hæc est uita æterna , ut cognoscant te solum uerum Deum , & , quem misisti , Iesum Christum . Quamobrem in eo præcipue ecclesiastici doctoris opera uersabitur , ut fideles scire ex animo cupiant Iesum Christum , & hunc crucifixum ; sibi que certo persuadeant , atque intima cordis pietate & religione credant , aliud nomen non esse datum hominibus sub celo , in quo oporteat nos saluos fieri : siquidem ipse propitiatio est pro peccatis nostris . At uero quia in hoc scimus , quoniam cognouimus eum , si mandata eius obseruamus ; proximum est , & cum eo , quod diximus , maxime coniunctum , ut simul etiam ostendat , uitam a fidelibus non in otio & desidia degendam esse , uerum oportere , ut , quemadmodum ipse ambulauit , ita & nos ambulemus , sectemurque omni studio iustitiam , pietatem , fidem , charitatem , mansuetudinem : dedit enim semet ipsum pro nobis , ut nos redimeret ab omni iniquitate , & mundaret sibi populum acceptabilem , sectatorem bonorum operum , quæ apostolus Pastoribus præcipit , ut loquantur , & exhortentur . Cum autem Dominus , ac Saluator noster non solum dixerit , sed etiam exemplo suo demon-

Ioan. 17

1. ad Cor. 2

A&. 4

3. Ioan. 2

1. Ioan. 3

Ad Tit. 2

Matth. 23

demonstrarit, legem, & prophetas ex dilectione pendere; Apostolus deinde confirmarit, charitatē esse finem præcepti, ac legis plenitudinem; dubitare nemo potest, hoc, tamquam præcipuum munus, omni diligentia curandum esse, ut fidelis populus ad immensam Dei erga nos bonitatem amandam excitetur, ac diuino quodam ardore incensus, ad summum illud & perfectissimum bonum rapiatur; cui adherere, solidam, & ueram felicitatem esse is plane sentiet, qui illud prophete dicere poterit: Quid enim mihi est in calo, & a te quid uolui super terram? Hæc nimirum est uia illa excellentior, quam idem Apostolus demonstrauit, cum omnem doctrinæ, & institutionis sue rationem ad charitatem, quæ numquam excidit, dirigeret. Siue enim credendum, siue sperandum, siue agendū aliquid proponatur, ita in eo semper charitas Domini nostri commendari debet, ut quiuis perspiciat, omnia perfectæ Christianæ uirtutis opera non aliunde, quam a dilectione, ortum habere, neque ad alium finem, quam ad dilectionem, referenda esse.

Cum autem in omni re tradenda plurimum intersit, utrū hoc, an illo modo aliquid doceas; tum uero hoc in Christiani populi institutione maximi momenti existimandum est. Obseruanda est enim audientium ætas, ingenium, mores, condicio; ut qui docendi munus exercet, omnia omnibus efficiatur; ut & omnes Christo lucrifaciat, & se ipsum fidelem ministrum, & dispensatorem probare possit.

B iiiij sit,

1. ad Tim. 2
ad Rom. 13

Psal. 72
1. ad Cor. 12

1. ad Cor. 13

Catechismi doctrina
ad captum
cuiusque
accommodata.

1. ad Cor. 9

1. ad Cor. 4

Matth. 23 sit, ac ueluti seruus bonus, & fidelis, dignus sit,
 qui super multa constituatur a Domino. Neque
 uero unius tantum generis homines fidei suae com-
 missos esse arbitretur, ut praescripta quadam, &
 certa docendi formula erudire, atque ad ueram pie-
 tatem instituere aequae omnes fideles possit: sed cum
 alij, ueluti modo geniti, iufantes sint, alij in Chri-
 sto adolescere incipiant, nonnulli uero quodam mo-
 do confirmata sint aetate, necesse est diligenter consi-
 derare, quibus lacte, quibus solidiore cibo opus sit,
 ac singulis ea doctrinae alimenta praebere, quae spiri-
 tum augeant, donec occurramus omnes in unita-
 tem fidei, et agnitionis filij Dei in uirum perfectum,
 in mensuram aetatis plenitudinis Christi. Id uero
 Apostolus in se ipso omnibus obseruandum iudica-
 uit, cum dixit, se Graecis, & barbaris, sapienti-
 bus, et insipientibus debitorem esse; ut uidelicet in-
 telligerent, qui ad hoc ministerium uocati sunt, ita
 in tradendis fidei mysterijs, ac uita praecipitis, do-
 ctrinam ad audientium sensum, atque intelligentiam
 accommodari oportere; ut, cum eorum animos, qui
 exercitados sensus habent, spirituali cibo expleuerint,
 ne interim paruulos fame perire patiantur, ut qui
 panem petant, & non sit qui frangat eis. Neque
 uero cuiusquam studium in docendo retardari debet,
 propterea quod interdum necesse sit auditorem ea-
 rum rerum praecipitis instrui, quae leuiiores, & hu-
 miliores uidentur, nec sine molestia ab ijs potissi-
 mum tractari solent, quorum animus in sublimium
 rerum

rerum contemplatione uersatur, ac conquiescit.
 Nam si ipsa æterni patris sapientia in terras descen-
 dit, ut in carnis nostræ humilitate celestis uitæ præ-
 cepta nobis traderet; quem non compellat charitas ^{1. Ad The. 2}
 Christi, ut paruulus fiat in medio fratrum suorum,
 & tamquam nutrix fouens filios suos ita cupide
 proximorum salutem desideret, ut, quod de se ipso
 Apostolus testatur, eis uelit non solum euangelium ^{1. Ad The. 3}
 Dei, sed etiam animam tradere?

Omnis autem doctrinæ ratio, quæ fidelibus tra-
 denda sit, uerbo Dei continetur, quod in scriptu-
 ram, traditionesque distributum est. itaque in ha-
 rum rerum meditatione Pastores dies, noctesq. uer-
 sabuntur, memores illius D. Pauli admonitionis,
 quam ad Timotheum scriptam, omnes, quicumque
 animarum curæ præpositi sunt, ad se pertinere exi-
 stimabunt. est autem hæc admonitio in hunc modum.

Doctrina fi-
 dei catholi-
 cæ contine-
 tur scriptu-
 ra & tradi-
 tionibus. tum
 de Symbo-
 lo, sacra-
 mentis, De-
 calogo, ora-
 tione Domi-
 nica

Attende lectioni, exhortationi, & doctrinæ: est
 enim omnis scriptura diuinitus inspirata utilis ad do-
 cendum, ad arguendum, ad corripiendum, ad erudien-
 dum in iustitia, ut perfectus sit homo Dei, ad omne
 opus bonum instructus. Sed quoniam, quæ diuinitus
 tradita fuerunt, multa sunt, & uaria, ut nec ita fa-
 cile aut animo comprehendi, aut etiam, mente com-
 prehensa, memoria teneri possint, ut, cum se obtule-
 rit docendi occasio, eorum parata sit et prompta expli-
 catio; sapientissime maiores nostri totam hanc uim,
 & rationē salutaris doctrinæ, in quattuor hæc capi-
 ta redactam, distribuerunt, apostolorum Symbolum,
 Sacramenta,

2. ad Tim. 3
 1. ad Tim. 4

Sacramenta, Decalogum, Dominicam orationem. nam omnia, quæ Christianæ fidei disciplina tenenda sunt, siue ad Dei cognitionem, siue ad mundi creationem & gubernationem, siue ad humani generis redemptionem spectent, siue ad bonorum præmia, & malorum pœnas pertineant, Symboli doctrina continentur. Quæ autem signa sunt, & tamquam instrumenta ad diuinam gratiam consequendam, hæc septem sacramentorum doctrina complectitur. Iam uero quæ ad leges referuntur, quorum finis est

1. ad Tim. 1 charitas, Decalogo descripta sunt. Quidquid denique ab hominibus optari, sperari, ac salutariter peti possit, id Dominica precatione comprehenditur. Quare sequitur, ut, explanatis quattuor his quasi communibus sacre scripturæ locis, nihil fere ad eorum intelligentiam, quæ Christiano homini discenda sunt, desiderari possit. Itaque uisum est monere Parochos, ut, quoties usu uenerit, ac aliquem interpretentur euangelij, uel quemuis alium diuinæ scripturæ locum, intelligant, eius loci, quicumque is fuerit, sententiam cadere sub unum aliquod quattuor illorum capitum, quæ diximus, quo, tamquam ad eius doctrinæ fontem, quod explicandum sit, confugient. exempli causa, si explanandum sit illud euangelium

Luc. 11 primæ dominicæ Aduentus: Erunt signa in sole & luna &c. quæ ad eam rationem pertinent, tradita sunt illo Symboli articulo, Venturus est iudicare uiuos, & mortuos. quibus inde assumptis, Pa-

stor

stor una eademque opera fidelem populum & Sym-
bolum, & Euangelium docebit. Quare in omni
docendi, & interpretandi munere, hanc consuetu-
dinem tenebit dirigendi omnia ad prima illa quat-
tuor genera, ad quæ referri uniuersam diuinæ scri-
pturæ uim, atque doctrinam diximus.

Docendi autem ordinem cum adhibebit, qui &
personis, & tempori accommodatus uidebitur: nos
Patrum auctoritatem secuti, qui initiandis Christo
domino, et in eius disciplina instituendis hominibus,
a fidei doctrina initium fecerunt, operæpretium du-
ximus, quæ ad fidem pertinent, prius explicare.
Sed quoniam in diuinis litteris multiplex est fidei
significatio, hic de ea loquimur, cuius ui omni-
no assentimur ijs, quæ tradita sunt diuinitus. Hanc
autem ad salutem consequendam esse necessariam,
nemo iure dubitabit, præsertim cum scriptum sit:
Sine fide impossibile est placere Deo. Cum enim fi- Ad Heb. 8
nis, qui ad beatitudinem homini propositus est,
altior sit, quam ut humane mentis acie perspi-
ci possit, necesse ei erat, ipsius a Deo cognitionem
accipere. Hæc uero cognitio nihil aliud est, nisi
fides: cuius uirtus efficit, ut id ratum habeamus,
quod a Deo traditum esse sanctissimæ matris Ec-
clesiæ auctoritas comprobarit. nulla enim fideli-
bus potest accidere dubitatio in ijs, quorū Deus au-
ctor est, qui est ipsa ueritas. ex quo intelligimus,
quantum inter hanc fidem, quam Deo habemus,
inter sit, & illam, quam humane historiæ scripto-
ribus

ribus adhibemus. Fides autem, quamquam late patet, & magnitudine, ac dignitate differat, (est enim sic in sacris litteris, Modica fidei, quare dubitasti? & Magna est fides tua: & Adauge nobis fidem: item, Fides sine operibus mortua: & Fides, quæ per charitatem operatur) tamen est idem genere, & diuersis fidei gradibus eadem definitionis uis, & ratio conuenit. Quam uero fructuosa sit, & quantam ex ea utilitatem capiamus, in articulorum explicatione dicetur. Quæ igitur primum Christiani homines tenere debent, illa sunt, quæ fidei duces doctoresque sancti apostoli, diuino spiritu afflati, duodecim Symboli articulis distinxerunt. nam cum mandatum a Domino accepissent, ut pro ipso legatione fungentes, in uniuersum mundum proficiscerentur, atque omni creaturæ euangelium prædicarent, Christianæ fidei formulam componendam censuerunt, ut scilicet id ipsum omnes sentirent, ac dicerent, neque ulla essent inter eos schismata, quos ad fidei unitatem uocassent, sed essent perfecti in eodem sensu, & in eadem sententia. Hanc autem Christianæ fidei, & spei professionem, a se compositam, apostoli Symbolum appellarunt; siue quia ex uarijs sententijs, quas singuli in commune contulerunt, conflata est; siue quia ea ueluti nota, et tessera quadam uterentur, qua desertos, & subintroductos falsos fratres, qui euangelium adulterabant, ab ijs, qui uere Christi militiæ sacramento se obligarent, facile possent internoscere.

CREDO

CREDO IN DEVM. Cum multa in Christiana religione fidelibus proponantur, quorum singillatim, uel uniuerse certam, & firmam fidem habere oportet, tum uero illud primo, ac necessario omnibus credendum est, quod ueluti ueritatis fundamentum ac summa de diuinæ essentia unitate, & trium personarum distinctione, earumq. actionibus, quæ præcipua quadam ratione illis attribuantur, Deus ipse nos docuit. Huius mysterij doctrinam breuiter in Symbolo apostolorum comprehensam esse, Parochus docebit. Nam ut maiores nostri, qui in hoc argumento pie, & accurate uersati sunt, obseruauerunt, in tres potissimum partes ita distribuitur, ut in una, diuinæ naturæ prima persona, et mirum creationis opus describatur; in altera, secundæ persona, et humanæ redemptionis mysterium; in tertia, tertia item persona, caput, & fons sanctitatis nostræ, uarijs, & aptissimis sententijs concludatur. Eas autem sententias, similitudine quadam a Patribus nostris frequenter usurpata, articulos appellamus. Vt enim corporis membra articulis distinguuntur: ita etiam in hac fidei confessione, quidquid distincte, & separatim ab alio nobis credendum est, recte, & apposite articulum dicimus.

CREDO IN DEVM PATREM
OMNIPOTENTEM, CREATOR-
REM CAELI, ET TERRAE.
His uerbis ea sententia subiecta est: certo credo,
ac

ac sine ulla dubitatione profiteor Deum patrem, primam scilicet Trinitatis personam, qui sua omnipotenti uirtute calum ipsum, & terram, & omnia, quæ celi, & terræ ambitu continentur, ex nihilo condidit; & condita tuetur, ac regit: neque solum eum corde credo, & ore confiteor, uerum summo studio, ac pietate ad illum, ueluti summum, & perfectissimum bonum, contendo. Hæc igitur sit breuis quadam primi huius articuli comprehensio. Sed quoniam magna mysteria in singulis fere uerbis latent, ea nunc diligentius Parocho perpendenda sunt: ut, quantum Dominus permiserit, ad eius maiestatis gloriam contemplandam cum timore, & tremore fidelis populus accedat.

Verbi huius, credo, in materia fidei euangelicæ acceptio, & professio.

Igitur credendi uox hoc loco putare, existimare, opinari, non significat, sed, ut docent sacræ litteræ, certissimæ assensionis uim habet, qua mens Deo, sua mysteria aperienti, firme, constanterque assentitur. Quamobrem is credit, (quod ad huius loci explicationem attinet) cui aliquid sine ulla hæsitacione certum, & persuasum est. Neque uero existimare quisquam debet, fidei notitiam minus certam esse, quod ea non cernantur, quæ nobis credenda fides proponit. etenim diuinum lumen, quo ea percipimus, tametsi rebus perspicuitatem non afferat, nos tamen de his dubitare non finit. Deus enim, qui dixit de tenebris lucem splendescere, ipse illuxit in cordibus nostris, ut non sit nobis opertum euangelium, sicut ihs, qui pereunt. Iam uero, ex ihs,

2. ad Cor. 4

ista sunt, consequitur, eum, qui caelesti
cognitione praeditus est, inquirendi curio-
rum esse. Deus enim cum iussit nos crede-
diuina iudicia scrutanda, eorumque ratio-
is causam perquirendam nobis proposuit,
mutabilem fidem precepit, quae efficit, ut
us in aeternae ueritatis notitia conquiescat. Ac

profecto cum Apostolus testetur; Deus uerax est, ad Rom.

omnis autem homo mendax; si arrogantis, et im-
pudentis hominis est, graui, ac sapienti uiro aliquid
affirmanti fidem non habere, sed praeterea urgere,
ut, quod dixerit, rationibus, aut testibus probe-
tur: cuius temeritatis, atque adeo stultitiae fue-
rit, Dei uoces audientem, caelestis, ac salutaris
doctrinae rationes requirere? fides itaque, seclu-

sa omni non solum ambiguitate, sed etiam demon-

strandis studio, tenenda est. Verum illud pra-

eterea doceat Parochus, eum, qui dicit CREDO,

praeterquam quod intimum mentis suae assensum

declarat, qui interior fidei actus est, debere id,

quod animo inclusum habet, aperta fidei professio-

ne praesferre, summaque alacritate palum fateri, Psalm. 115.

ac praedicare. Oportet enim fideles eum spiritum

habere, quo fretus Propheta dixit; Credidi pro-

pter quod locutus sum: imitari apostolos, qui ad Act. 4.

principes populi responderunt; Non possumus, quae Ad Rom.

uidimus, et audiimus, non loqui: diui Pauli pra-

clara illa uoce excitari; Non erubescere euangelium:

Virtus enim Dei est in salutem omni credenti, Item

quo

quo maxime huius sententiæ veritas confirmatur.
Ad Rom. Corde creditur ad iustitiam, ore autem confessio
 ad salutem.

IN DEVM. Hinc iam Christianæ sapientie
 dignitatem, & præstantiam, ex eaque, quantum
 diuinæ bonitati debeamus, cognoscere licet, quibus
 datum est, statim ad rei præstantissimæ, maximeque
 expetendæ cognitionem quasi fidei gradibus ascen-
 dere. In hoc enim multum inter se differunt Chri-
 stiana philosophia, & huius sæculi sapientia, quod
 hæc quidem naturalis tantum luminis ductu ab effe-
 ctibus, & ab iis, quæ sensibus percipiuntur, pau-
 latim progressa, non nisi post longos labores uix
 tandem inuisibilia Dei contemplatur, primamque
 omnium rerum causam & auctorem agnoscit,
 atque intelligit: contra uero illa humanæ mentis
 aciem ita exacuit, ut in cælum nullo labore penetra-
 re possit, atque diuino splendore collustrata, primum
 quidem æternum ipsum luminis fontem, deinde quæ
 infra ipsum posita sunt, intueri; ut nos uocatos esse
 de tenebris in admirabile lumen, quod est apud apo-
 stolorum Principem, cum summa animi iucunditate
 experiamur, & credentes exultemus lætitia in-
 narrabili. Recte igitur fideles primo se in Deum
Hierem. 32 credere profitentur, cuius maiestatem ex Hieremiæ
1. ad Tim. 6 sententia incomprehensibilem esse dicimus: Lucem
 enim, ut ait Apostolus, inhabitat inaccessibilem,
 quem nullus hominum uidit, sed nec uidere potest.
Exod. 33 cum enim ad Moysen loqueretur, Non uidebit me,
 inquit,

inquit, homo, & uiuet. Nam ut mens nostra ad Deum, quo nihil est sublimius, perueniat, necesse est eam omnino a sensibus abstractam esse: cuius rei facultatem in hac uita naturaliter non habemus.

Sed quamuis hæc ita sint, non reliquit tamen Deus, ut inquit Apostolus, semet ipsum sine testimonio ^{Ag. 14} bene faciens, de celo dans pluias, et tempora fructifera, implens cibo, & letitia oorda hominum.

Quæ causa fuit philosophis nihil abiectum de Deo sentiendi, & quidquid corporeum, quidquid concretum, & admistum est, ab eo longissime remouendi; cui etiam bonorum omnium perfectam uim, & copiam tribuerunt, ut ab eo, tamquam a perpetuo quodam, & inexhausto fonte bonitatis, ac benignitatis, omnia ad omnes creatas res, atque naturas perfecta bona dimanent; quem sapientem, ueritatis auctorem, & amantem, iustum, beneficentissimum, & alijs nominibus appellauerunt, quibus summa, & absoluta perfectio continetur: cuius tmmensam, & infinitam uirtutem, omnem complentem locum, & per omnia pertinentem esse dixerunt. Hoc ex diuinis litteris longe melius constat & illustrius, ut illo loco, Spiritus est Deus:

item, Estote uos perfecti, sicut & Pater uester cælestis perfectus est: tum, Omnia nuda, & aperta sunt oculis eius: & illud, O altitudo diuitiarum sapientie, & scientie Dei: deinde, Deus uerax est: ^{Ioan. 4} ^{Matth. 5} & Ego sum uia, & ueritas, & uita: præterea, ^{Ad Heb. 4} ^{Ad Rom. 11} ^{Ad Rom. 3} ^{Ioan. 14} Iustitia plena est dextera tua: denique, Aperis tu

C manum

Psal. 47 manum tuam, & imple omne animal benedictione : postremo, Quo ibo a spiritu tuo, & quo a facie tua fugiam? & Si ascendero in calum, tu illic es: si descendero in infernum, ades: si sumpsero pennas meas diluculo, & habitauero in extremis maris &c. & Numquid non calum, & terram ego impleo, dicit Dominus? Magna, & praeclara haec sunt, quae de Dei natura sacrorum librorum auctoritate consentanea, & consequentia ex rerum effectarum inuestigatione philosophi cognouerunt. quamquam in eo etiam caelestis doctrinae necessitatem cognoscimus, si animaduertamus, fidem non solum hoc praestare, quemadmodum supra dictum est; ut, quae uiri tantum sapientes longo studio consecuti sunt, ea rudibus quoque, & imperitis hominibus statim pateant, atque in promptu sint; uerum ut rerum notitia, quae fidei disciplina comparatur, multo certior, atque ab omni errore purior in mentibus nostris insideat, quam si eas ipsas res, humanae scientiae rationibus comprehensas, animus intelligeret. Sed quanto praestantior diuini numinis cognitio censenda est, ad quam non communiter omnibus naturae contemplatio, sed proprie credentibus fidei lumen aditum patefecit? haec autem Symboli articulis continetur, qui nobis diuinae essentiae unitatem, & trium personarum distinctionem, tum uero ipsum Deum esse ultimum hominis finem aperiunt, a quo caelestis, aeternaeque beatitudinis possessio expectanda sit: siquidem a diuo Paulo didicimus, Deum in-
 quirentibus

Ad Heb. 11

quirentibus se remuneratorem esse. Hæc quanta ^{1. ad Cor. 3}
 sint, & an eius generis sint bona, ad quæ humana
 cognitio aspirare potuerit, multo ante eundem Apo-
 stolum Isaias propheta his uerbis ostendit: ^{Isa. 64}
 A sæculo non audierunt, neque auribus perceperunt: ocu-
 lus non uidit, Deus, absque te, quæ preparasti ex-
 pectantibus te.

Sed ex ijs, quæ diximus, unum etiam Deum esse, ^{Vnum solū}
 non plures Deos, confitendum est. nam cum Deo ^{Deum esse,}
 summam bonitatem, & perfectionem tribuamus; ^{nō plures.}
 fieri non potest, ut id, quod summum, atque abso-
 lutissimum est, inueniatur in pluribus. Quod si cui
 aliquid ad summum deest, eo ipso imperfectus est:
 quare nec Dei natura illi conuenit. hoc autem mul-
 tis sacrarum litterarum locis comprobatur. scri-
 ptum est enim: Audi Israel: Dominus Deus no-
 ster, Deus unus est. Præterea est Domini iussu: ^{Deuter. 6}
 Non habebis Deos alienos coram me. deinde per
 Prophetam sæpe admonet: Ego primus, & ego ^{Exod. 10}
 nouissimus, & asque me non est Deus. Aposto- ^{Eccl. 44. 48}
 lus etiam palam testatur: Unus Dominus, una ^{41.}
 fides, unum baptisma. Neque uero nos moueat, ^{Ad Eph. 4}
 quod interdum sacræ litteræ Dei nomen creatis
 etiam naturis imponunt. Nam quod prophetas,
 & iudices deos appellarunt, non gentium more
 factū est, quæ sibi plures deos stulte, & impie fin-
 xerunt, sed quadam loquendi consuetudine signi-
 ficare uoluerunt excellentem aliquam uirtutem,
 uel functionem, quæ Dei munere illis concessa sit.

C ij Deum

Deum igitur natura, substantia, essentia unum, quemadmodum ad confirmandam ueritatem in Symbolo Niceni Concilij dictum est, Christiana fides credit, & profitetur, sed altius etiam ascendens ita unum intelligit, ut unitatem in trinitate, & trinitatem in unitate ueneretur: de quo nobis mysterio nunc dicere incipiendum est. Sequitur enim in Symbolo,

PATREM. sed quoniam Patris uox non una ratione Deo tribuitur, illud prius declarandum erit, quæ sit magis propria huius loci significatio. Deum nonnulli etiam, quorum tenebris fides lucem non attulit, æternam substantiam esse intellexerunt, a qua res ortæ essent, & cuius prouidentia omnia gubernarentur, suumque ordinem, & statum conseruarent. Ex humanis igitur rebus ducta similitudine, quemadmodum eum, a quo familia propagata est, cuiusque consilio, & imperio regitur, patrem uocabant: ita hac ratione factum est, ut Deum, quem omnium rerum opificem, & rectorem agnoscebant, Patrem appellari uoluerint. eo dem nomine sacræ etiam litteræ usæ sunt, cum de Deo loquentes uniuersorum creationem, potestatem, admirabilemque prouidentiam ei tribuendam indicarent. legimus enim: Numquid non ipse est pater tuus, qui possedit te, & fecit, & creauit te? Deuter. 32
& alibi: Numquid non pater unus omnium nostrum? Numquid non Deus unus creauit uos? At Malach. 2
uero multo frequentius, & peculiari quodam nomine, præsertim in noui testamenti libris, Deus pater Ad Rom. 8

ter Christianorum dicitur, qui non acceperunt spiritum seruitutis in timore, sed acceperunt spiritum adoptionis filiorum Dei, in quo clamant, Abba pater: eam enim charitatem dedit nobis pater, ut filij Dei nominemur, & simus: quod si filij, & heredes, heredes quidem Dei, coheredes autem Christi, qui est primogenitus in multis fratribus, nec confunditur uocare nos fratres. Siue igitur communem creationis, & providentiæ, siue præcipuam spiritualis adoptionis causam spectes, merito fideles Deum patrem se credere profitentur.

1. Ioan. 3
Ad Rom. 8

Ad Heb. 2

Pia meditatio circanomen Pater, in diuinis: & de personarum proprietatibus

Verum præter eas notiones, quas explicauimus, Patris nomine audito, ad altiora mysteria mentem erigendam esse Parochus docebit. Quod enim in luce illa inaccessibili, quam inhabitat Deus, magis reconditum, & abstrusum est, quodque humana ratio, & intelligentia non consequi, aut ne suspicari quidem poterat, id Patris uocabulo diuina oracula nobis aperire incipiunt. Indicat autem hoc nomen, in una diuinitatis essentia non unam tantum personam, sed personarum distinctionem credendam esse. Tres enim sunt in una diuinitate personæ, Patris, qui a nullo genitus est; Filij, qui ante omnia sæcula a patre genitus est; Spiritus sancti, qui itidem ab æterno ex patre, & filio procedit. Atqui pater est in una diuinitatis substantia, prima persona, qui cum unigenito filio suo & spiritu sancto unus est Deus, unus est Dominus, non in unius singularitate personæ, sed in

C ij unius

unius Trinitate substantiæ. Iam uero hæ tres per-
 sonæ, cum in ijs quidquam dissimile, aut dispar cogi-
 tare nefas sit, suis tantummodo proprietatibus di-
 stinctæ intelliguntur. Pater siquidem inginitus est:
 Filius a patre genitus: Spiritus sanctus ab utroque
 procedit. Atque ita trium personarum eandem es-
 sentiam, eandem substantiam confitemur; ut in con-
 fessione ueræ, sempinernæque deitatis, et in personis
 proprietatē, et in essentia unitatem, et in Trinitate
 æqualitatem pie, & sancte colendam credamus.
 Nam quod patris primam esse personam dicimus,
 hoc non ita accipiendum est, perinde ac si aliquid in
 Trinitate prius aut posterius, maius, aut minus co-
 gitemus. absit enim hæc a fidelium mentibus impie-
 tas, cū eādem æternitatem, eandem gloriæ maiesta-
 tem in tribus personis Christiana religio prædicet.
 Sed patrem propterea quod ipse sit principium sine
 principio, primam esse personam, uere, et sine ulla
 dubitatione affirmamus; quæ quidē uti patris pro-
 prietate distincta est, ita in unam illam præcipue hoc
 conuenit, quod filium ab æterno genuerit: semper
 enim Deum simul & patrem fuisse nobis significa-
 tur, cum Dei, & patris nomina coniuncta in hac
 confessione pronunciamus. Verum quoniam in nul-
 lius rei, quā huius omnium altissimæ, ac difficillimæ
 notitia, atque explicatione, aut periculosius uersa-
 ri, aut grauius errare possumus, doceat Parochus,
 religiose retinenda esse essentia, et personæ propria
 uocabula, quibus hoc mysterium significatur, &
 sciant

sciant fideles unitatem esse in essentia, distinctionem autem in personis. Sed hæc subtilius exquirere nihil oportet, cum meminerimus illius uocis: Qui scrutator est maiestatis, opprimetur a gloria: satis enim uideri debet, quod fide certum, & exploratum habeamus, nos a Deo (cuius oraculis non assentiri, extrema stultitiæ, atque miseriæ est) ita edoctos esse. Docete, inquit, omnes gentes, baptizantes eos in nomine patris, & filij, et spiritus sancti. rursus, tres sunt, qui testimonium dant in cælo, pater, uerbum, & spiritus sanctus, & hi tres unum sunt. Oret tamen assidue, ac precetur Deum, & patrem, qui uniuersa ex nihilo condidit, disponitque omnia suauiter, qui dedit nobis potestatem filios Dei fieri, qui Trinitatis mysterium humanæ menti patefecit: oret, inquam, sine intermissione, qui diuino beneficio hæc credit, ut aliquando in æterna tabernacula receptus dignus sit, qui uideat, quæ tanta sit Dei patris sæcunditas, ut se ipsum intuens, atque intelligens, parem et æqualem sibi filium gignat; quomodo duorum idem plane & par charitatis amor, qui spiritus sanctus est, a patre & filio procedens, genitorem, & genitum æterno, atque indissolubili vinculo inter se connectat; atque ita diuinæ trinitatis una sit essentia, & trium personarum perfecta distinctio.

OMNIPOTENTEM. Solent sacræ litteræ multis nominibus Dei summam uim, et immensam maiestatem explicare, ut ostendant quanta religione et pietate illius

C iiij sanctissi-

sanctissimum numen colendum sit : sed in primis doceat Parochus, illi omnipotentem uim frequentissime tribui. Ipse enim de se dicit, Ego Dominus omnipotens. & rursus Iacob, cum filios ad Ioseph mitteret, ita illis precatus est : Deus autem meus omnipotens faciat uobis eum placabilem : deinde uero in Apocal. 1 Apocalypsi scriptum est, Dominus Deus, qui est, & qui erat, et qui uenturus est omnipotens. et alibi, Dies magnus Dei omnipotentis appellatur.

Luc. 1 Nonnumquam etiam pluribus uerbis illud idem significari solet. Atque huc pertinet, quod dicitur : Num. 11 Non erit impossibile apud Deum omne uerbum.

Sap. 12 Numquid manus Domini inualida est ? item, Subest tibi, cum uolueris, posse. et alia generis eiusdem. ex quibus uariis dicendi formis id percipitur, quod uno omnipotentis uerbo comprehendi perspicuum est. Intelligimus autem hoc nomine, nihil esse, nihil animo, & cogitatione fingi posse, quod Deus efficere nequeat. etenim non solum hæc, quæ tametsi maxima sunt, aliquo tamen modo in cogitationem nostram cadunt, efficiendi potestatem habet, nimirum, ut omnia ad nihilum recidant, atque ut plures mundi ex nihilo repente existât, uerum etiam multa maiora in illius potestate sita sunt, quæ humanæ menti, et intelligentiæ suspicari non licet. Neque uero, cum omnia Deus possit, mentiri tamen, aut fallere, aut falli, aut peccare, aut interire, aut ignorare aliquid potest. hæc enim in eam naturam cadunt, cuius imperfecta actio est : Deus uero, cuius perfe-

Etissima semper est actio, ideo hæc non posse dicitur, quia, posse ea, infirmitatis est, non summæ, & infinitæ omnium rerum potestatis, quam ille habet. Ita igitur Deum omnipotentem esse credimus, ut ab eo tamen longe omnia abesse cogitemus, quæ perfectæ eius essentiæ maxime coniuncta, & convenientia non sunt.

Recte autem, sapienterque factum Parochus ostendat, ut, prætermittis alijs nominibus, quæ de Deo dicuntur, hoc unum nobis credendum in Symbolo proponeretur. Nam cum Deum omnipotentem agnoscimus, simul etiam fateamur necesse est, eum omnium rerum scientiam habere, omnia item eius ditioni, & imperio subiecta esse. Cum uero, omnia ab eo fieri posse, non dubitemus, consequens omnino est, ut cetera etiam explorata de illo habeamus, quæ si desint, quo modo omnipotens sit, prorsus intelligere non possumus. Præterea nullæ res tam ad fidem, et spem nostram cōfirmandam ualent, quam si fixum in animis nostris teneamus, nihil non fieri a Deo posse. quidquid enim deinceps credere oporteat, quamuis magnum, & admirabile sit, rerumque ordinem, ac modum superet, illi tamen facile humana ratio, postquam Dei omnipotentis notitiam perceperit, sine ulla hæsitacione assentitur: quin potius, quo maiora sint, quæ diuina oracula doceant, eo libentius fidem eis habendam esse existimat. Quod si boni etiam aliquid expectandum sit, numquam animus rei magnitudine,

quam

Fides de
omnipoten
tia Dei quæ
necessaria,
& utilis.

quam exoptat, frangitur, sed erigit sese, atque confirmat, saepe illud cogitans, nihil esse, quod ab omnipotenti Deo effici non possit. Quare hac fide praecipue munitos nos esse oportet, uel cum admiranda aliqua opera ad proximorum usum, & utilitatem edere cogimur, uel cum a Deo precibus impetrare aliquid uolumus. Alterum enim ipse Dominus docuit, cum apostolis incredulitatem obijciens diceret: Si habueritis fidem sicut granum sinapis, dicetis monti huic, transi hinc illuc, & transibit, & nihil impossibile erit uobis. De altero autem sanctus Iacobus ita testatus est: Postulet in fide nihil haesitans. qui enim haesitat, similis est fluctui maris, qui a uento mouetur, & circumfertur. non ergo aestimet homo ille, quod accipiat aliquid a Domino. Multa praeterea haec fides commoda, atque utilitates nobis praebet, in primis uero ad omnem animi modestiam, & humilitatem nos instituit: sic enim inquit Princeps apostolorum: Humiliamini sub potenti manu Dei. monet etiam non esse trepidandum, ubi non sit timor, sed unum Deum timendum esse, in cuius potestate nos ipsi, nostraque omnia posita sint. inquit enim Saluator noster: Ostendam uobis, quem timeatis. Timete eum, qui postquam occiderit, habet potestatem mittere in gehennam.

Vtimur deinde hac fide ad immensa erga nos Dei beneficia cognoscenda, & celebranda. Nam
qui

qui Deum omnipotentem cogitat, tam ingrato animo esse non potest, quin sapius exclamet: Fecit ^{Luc. 1} mihi magna, qui potens est. Sed quod patrem omnipotentem in hoc articulo uocamus, neminem eo errore duci oportet, ut arbitretur ita illi hoc nomen tributum esse, ut filio etiam, & spiritui sancto commune non sit. Nam quemadmodum Deum patrem, Deum filium, Deum spiritum sanctum, neque tamen tres Deos, sed unum Deum esse dicimus: ita & patrem, ac filium & spiritum sanctum omnipotentem, neque tamen tres omnipotentes, sed unum omnipotentem esse confitemur. At uero, præcipua quadam ratione, patrem, quia omnis originis fons est, hoc nomine uocamus, uti etiam filio, qui æternum patris uerbum est, sapientiam, & spiritui sancto, quia utriusque amor est, bonitatem tribuimus: quamuis hæc, & alia huiusmodi nomina communiter in tribus personis, ex catholice fidei regula, dicantur.

CREATOREM CAELI, ET TERRÆ.

Quam necessarium fuerit, omnipotentis Dei cognitionem paulo ante fidelibus tradi, ex ijs, quæ nunc de uniuersorum creatione explicanda erunt, perspicui potest. Tanti enim operis miraculum facilius creditur, quod nullus de immensa creatoris potestate dubitandi locus relinquitur. Deus enim non ex materia aliqua mundum fabricatus est, sed ex
nihilō

nihilo creauit, idque nulla vi, aut necessitate co-
 actus, sed sua sponte, & uoluntate instituit. Neque
 uero ulla alia fuit causa, quæ illum ad opus crea-
 tionis impelleret, nisi ut rebus, quæ ab ipso effectæ
 essent, bonitatem suam impertiretur. nam Dei na-
 tura, ipsa per se beatissima, nullius rei indigens est,
 Psal. 15 ut inquit Dauid, Dixi domino, Deus meus es tu,
 quoniam bonorum meorum non eges. Quemad-
 modum autem sua bonitate adductus, quæcumque
 uoluit, fecit: ita non exemplum aliquod, aut for-
 mam, quæ extra se posita esset, cum uniuersa con-
 deret, secutus est: uerū quia rerum omnium exem-
 plar diuina intelligentia continetur, id summus ar-
 tifex in se ipso intuens, ac ueluti imitatus, summa
 sapientia, & infinita uirtute, quæ ipsius propria
 est, rerum uniuersitatem initio procreauit: Ipse
 enim dixit, & facta sunt: ipse mandauit, & creata
 Psal. 148 sunt. Verum cali, & terræ nomine, quidquid cæ-
 lum, & terra complectitur, intelligendum est.

Psal. 8 Nam præter calos, quos opera digitorū eius Pro-
 pheta appellauit, solis etiam splendorem, lunæque,
 & ceterorum siderum ornatum addidit, atque,
 ut essent in signa, & tempora, & dies, & annos,
 ita calorum orbes certo, & constanti cursu tempe-
 rauit, ut nihil perpetua eorum conuersione mobi-
 lius, nihil mobilitate illa certius uideri possit.

De creatio-
 ne angelo-
 rum, mun-
 di uisibilis,
 & ipsius ho-
 minis.

Præterea spiritualement naturam, innumerabi-
 lesque angelos, qui Deo ministrarent, atque adsi-
 sterent, ipse ex nihilo creauit, quos deinde admi-
 rabili

rabili gratiæ suæ, & potestatis munere auxit,
 atque ornauit. Nam cum illud sit in diuinis lit-
 teris, Diabolum in ueritate non stetisse; perspi- Ioan. 8
 cuum est, eum, reliquosque desertores angelos ab
 ortus sui initio gratia præditos fuisse. de quo ita est
 apud sanctum Augustinum: Cum bona uoluntate, Augusti.
lib. 12. de Ci-
ui. Dei ca. 9
 idest, cum amore casto, quo illi adhærent, angelos
 creauit, simul in eis & condens naturam, & lar-
 giens gratiam. Vnde sine bona uoluntate, hoc est Dei
 amore, numquam sanctos angelos fuisse credendum
 est. Quod autem ad scientiam attinet, extat il-
 lud sacrarum litterarum testimonium: Tu domine 2. Reg. 14
 mi rex sapiens es, sicut habet sapientiam angelus Psal. 102
 Dei, ut intelligas omnia super terram. Potesta-
 tem denique eis tribuit diuinus Dauid illis uerbis:
 Potentes uirtute, facientes uerbum illius. atque
 ob eam rem sæpe in sacris litteris uirtutes, et exer-
 citus Domini appellantur. Sed quamuis omnes ij
 cælestibus donis ornati fuerint, plurimi tamen, qui
 a Deo parente, & creatore suo defecerunt, ex al-
 tissimis illis sedibus deturbati, atque in obscurissi-
 mum terræ carcerem inclusi, æternas superbiæ suæ
 pœnas luunt: de quibus Princeps apostolorum scri-
 bit in hunc modum; Angelis peccantibus non peper-
 cit, sed rudentibus Inferni detractos in Tartarum 2. Pet. 1
 tradidit cruciandos, in iudicium reseruari.

At uero terram etiam super stabilitatem suam
 fundatam Deus uerbo suo iussit in media mundi par- Psal. 103
 te consistere, effecitque ut ascenderent montes, &
 descenderent

descenderent campi in locum, quem fundauit eis: ac, ne aquarum uis illam inundaret, terminum posuit, quem non transgredientur, neque conuerterentur operire terram. Deinde non solum arboribus, omnique herbarum, & florum uarietate conuestiuit, atque ornauit, sed innumerabilibus etiam animantium generibus, quemadmodum antea aquas, & aera, ita etiam terras compleuit. Postremo, ex limo terræ hominem sic corpore effectum, & constitutum effinxit, ut non quidem naturæ ipsius ui, sed diuino beneficio immortalis esset, et impassibilis. Quod autem ad animam pertinet, eum ad imaginem, et similitudinem suam formauit, liberumque ei arbitrium tribuit: omnes præterea motus animi, atque appetitiones ita in eo temperauit, ut rationis imperio numquam non parerent. Tum originalis iustitiæ admirabile donum addidit, ac deinde ceteris animantibus præesse uoluit: quæ quidem facile erit Parochis ad fidelium institutionem ex sacra Genesis historia cognoscere. Hæc igitur de uniuersorum creatione, cali, & terræ, uerbis intelligenda sunt: quæ omnia breuiter quidem Propheta complexus est illis uerbis: Tui sunt cali, & tua est terra; orbem terræ, & plenitudinem eius tu fundasti: sed multo etiam breuius Patres Niceni Concilij, additis in Symbolo duobus illis uerbis, uisibilem, & inuisibilem, significauerunt. Quæcumque enim rerum uniuersitate comprehenduntur, atque a Deo creata esse confitemur, ea uel sub sensum cadunt,

Gal. 88

dunt, & uisibilia dicuntur, uel mente, & intelligentia percipi a nobis possunt, quæ inuisibilium nomine significantur. Nec uero ita Deum creatorem, atque effectorem omnium credere oportet, ut existimemus, perfectò, absolutoque opere, ea, quæ ab ipso effecta sunt, deinceps sine infinita eius uirtute constare potuisse. Nam quemadmodum, omnia ut essent, creatoris summa potestate, sapientia, & bonitate effectum est: ita etiam, nisi conditis rebus perpetua eius providentia adesset, atque eadem ui, qua ab initio constitutæ sunt, illas conseruaret, statim ad nihilum reciderent. atque id scriptura declarat, cum inquit: Quo modo posset ^{Sap. 15} aliquid permanere, nisi tu uoluisses, aut, quod a te uocatum non esset, conseruaretur? Non solum autem Deus uniuersa, quæ sunt, providentia sua tuetur, atque administrat, uerum etiam, quæ mouentur, & agunt aliquid intima uirtute, ad motum, atque actionem ita impellit, ut, quamuis secundarum causarum efficientiam non impediat, præueniat tamen, cum eius occultissima uis ad singula pertineat, et, quemadmodum sapiens testatur, Attingat a fine usque ad finem fortiter, ^{Sap. 8} & disponat omnia suauiter. Quare ab Apostolo dictum est, cum apud Athenienses annuntiaret Deum, quem ignorantes colebant: Non longe est ^{Aq. 17} ab unoquoque nostrum. in ipso enim uiuimus, & mouemur, & sumus. Atque hæc de primi articuli explicatione satis fuerint; si tamen illud etiâ admo-
nuerimus

nuerimus, creationis opus omnibus sanctæ & indiuiduæ Trinitatis personis commune esse. Nam hoc loco, ex apostolorum doctrina, patrem creatorem celi, & terræ confitemur: in scripturis sacris legimus de filio. Omnia per ipsum facta sunt: & de Spiritu sancto, Spiritus Domini ferebatur super aquas: & alibi, Verba Domini celi firmati sunt, & spiritu oris eius omnis uirtus eorum.

Ioan. 1

Gen. 1

Psal. 12

ET IN IESVM CHRISTVM, FILIVM EIVS VNICVM, DOMINVM NOSTRVM. Mirificam, & uberrimam esse utilitatem, quæ ex huius articuli fide, & confessione confluit ad humanum genus, & illud sancti Ioannis testimonium

1. Ioan. 4

ostendit: Quisquis confessus fuerit, quoniam Iesus est filius Dei, Deus in eo manet, & ipse in Deo: & beatitudinis præconium declarat, quod a Christo domino tributum est Principi apostolorum. Beatus es

Marth. 16

Simon Bariona, quia caro, & sanguis non reuelauit tibi, sed pater meus, qui in celis est. Hoc enim fundamentum firmissimum est nostræ salutis, ac redemptionis. Sed quoniam admirabilis huius utilitatis fructus maxime ex felicissimi illius status ruina intelligitur, in quo Deus primos homines collocarat, incumbat in hanc curam Parochus, ut fideles communium miseriarum, & ærumnarum

Gen. 2

causam cognoscant. Cum enim a Dei obedientia descuiisset Adam, interdictumque uiolasset illud, Ex omni ligno paradisi comede, de ligno autem scientiæ boni, & mali ne comedas: in quocumque enim

dis

die comederis ex eo, morte morieris : in summam illam incidit calamitatem, ut sanctitatem, & iustitiam, in qua constitutus fuerat, amitteret, & reliqua subiret mala, quae sancta Tridentina Synodus Cōc. Trid. uberius explicauit. Propterea uero peccatum, & peccati poenam in uno Adam non constituisse commemorabunt, sed ex eo, tamquam ex semine, & causa, ad omnem posteritatem iure permixtae. Cum igitur ex altissimo dignitatis gradu concidisset nostrum genus, subleuari inde, & in pristinum locum restitui nullo modo poterat hominum aut angelorum uiribus. quare reliquum erat illud ruinae, & malorum subsidium, ut Dei filij infinita uirtus, assumpta carnis nostrae imbecillitate, infinitam tolleretur peccati uim, & nos reconciliaret Deo in sanguine suo. Huius autem redemptionis fides, & confessio hominibus ad salutem consequendam necessaria est, semperque fuit, quam Deus initio praemonstrauit. nam in illa damnatione humani generis, quae statim peccatum consecuta est, ostensa etiam fuit spes redemptionis illis uerbis, quibus proprium Diabolo damnum, quod ex liberatione hominum facturus erat, denunciavit : Inimicitias ponam inter te, & mulierem, semen tuum, et semen illius : ipsa conteret caput tuum, & tu insidiaberis calcaneo eius. Et deinceps eandem promissionem saepe confirmauit, maioremque sui consilij significationem iis praesertim hominibus dedit, quibus uoluit singularem beneuolentiam praestare. inter ceteros uero,

D

cum

cum patriarcha. Abrahæ sæpenumero hoc mysteriū significasset, tum eo tempore apertius declarauit, cum ille Dei iussis obediens, filium suum unicum

Gen. 22. Isaac immolare uoluit: inquit enim: Quia fecisti hanc rem, & non pepercisti filio tuo unigenito, benedicam tibi, & multiplicabo semen tuum sicut stellas cæli, & uelut arenam, quæ est in littore maris. possidebit semen tuum portas inimicorum tuorum, & benedicentur in semine tuo omnes gentes terræ, quia obedisti uoci meæ. Ex quibus uerbis facile colligi poterat, ex progenie Abrahæ futurum, qui omnibus ab immanissima Satana tyrannide libertatis salutem afferret. illum autem Dei filium, natum ex semine Abrahæ, secundum carnem fore necessesse erat. Non ita multo post Dominus, ut eiusdem promissionis memoria conseruaretur, idem fœdus cū

Gen. 28. Iacob Abrahæ nepote sanciuuit. nā cū ille in somnis uidit scalam stantem super terrā, & cacumen illius tangens cælos, angelos quoque Dei ascendentes et descendentes per eam, ut testatur scriptura; audiuit

Gen. 28 etiam Dominum innixum scala, dicentem sibi: Ego sum dominus Deus Abraham patris tui, & Deus Isaac. terram, in qua dormis, tibi dabo, & semini tuo, eritq. semē tuum quasi puluis terræ. Dilataberis ad orientem, & occidentem, et septentrionem, et meridiem, et benedicentur in te, et in semine tuo cunctis tribus terræ. Neque postea destitit Deus, eadem sui promissi memoria renouāda, et generi Abrahæ, & multis præterea hominibus Saluatoris expectationem

tionem commouere: siquidem Iudeorum republica,
 & religione constituta, notior populo suo fieri cœ-
 pit. nam & mutæ res significarunt, & homines
 prædixerunt, quæ, & quanta nobis bona saluator
 ille, & redemptor noster Christus Iesus allaturus
 esset. Ac prophete quidem, quorum mens cele-
 sti lumine illustrata fuit, filij Dei ortum, admira-
 bilia opera, quæ homo natus efficit, doctrinam,
 mores, consuetudinem, mortem, resurrectionem,
 ceteraq. eius mysteria, hæc omnia, quasi tum ades-
 sent, palam docentes, populo prænunciarunt; ita
 ut, si futuri, & præteriti temporis tollatur diuer-
 sitas, nihil iam inter prophetarum prædicta, &
 apostolorum prædicationem, nihil inter ueterum pa-
 triarcharum fidem, & nostram interesse uidea-
 mus. Sed iam de singulis articuli partibus dicen-
 dum uidetur.

IESVS, proprium est nomen eius, qui Deus,
 & homo est, quod saluatorem significat, non qui-
 dem fortuito, aut hominum iudicio, & uolunta-
 te, sed Dei consilio, & præcepto illi impositum. Luc. 1
 Angelus enim Mariæ matri ita annunciauit: Ec-
 ce concipies in utero, & paries filium, & uoca-
 bis nomen eius Iesum. Ac deinde Ioseph uirgi- Math. 1
 nis sponso non solum, ut eo nomine puerum ap-
 pellaret, præcepit, sed etiam, cur ita nominan-
 dus esset, declarauit: inquit enim: Ioseph, fili Da-
 uid, noli timere accipere Mariam coniugem tuam:
 quod enim in ea natum est, de spiritu sancto est.
 D ij pariet

pariet autem filium, et uocabis nomen eius Iesum : ipse enim saluum faciet populum suum a peccatis eorum . Ac multi quidem hoc nomine fuerunt in diuinis litteris . nam idem nomen Naue filio fuit, qui Moyse successit, & populum a Moyse ex Aegypto liberatum, in terram promissionis, quod illi negatum fuerat, deduxit . Eodem etiam nomine Ioseph, sacerdotis filius appellatus est . Sed quanto uerius Saluatorem nostrum hoc nomine appellandum existimabimus? qui non uni alicui populo, sed uniuersis omnium aetatum hominibus, non quidem fame, aut Aegyptiaco, uel Babylonico dominatis oppressis, sed in umbra mortis sedentibus, & durissimis peccati, & Diaboli uinculis obstrictis, lucem, libertatem, & salutem dederit; qui eis celestis regni ius, & hereditatem acquisiuerit; qui eos Deo patri reconciliauerit . in illis Christum dominum adumbratum uidemus, a quo iis beneficijs, quae diximus, cumulatam est genus humanum . Quae praeterea nomina praedicta sunt Dei filio diuinitus imponenda, ad unum hoc Iesus nomen referuntur . cum enim cetera salutem, quam nobis daturus erat, aliqua ex parte attingerent, hoc ipsum uniuersae salutis humanae uim, rationemq. complexum est.

Iesus Christi, rex, sacerdos, & propheta supremus.

Iesus nomini Christi etiam nomen additum est, quod unctum significat, & honoris, et officij nomen est, nec unius rei proprium, sed commune multorum . nam ueteres illi Patres nostri christos appellabant sacerdotes, & reges, quos Deus propter muneris dignitatem

dignitatem ungi praeceperat. Sacerdotes enim ij sunt, qui populum assiduis precibus Deo commendant, qui sacrificia Deo faciunt, qui pro populo deprecantur. Regibus autem populorum gubernatio commissa est; ad eosque pertinet maxime, legum auctoritatem, innocentium uitam tueri, & innocentium audaciam ulcisci. Quoniam igitur utraque harum functionum Dei maiestatem referre in terris uidetur, ideo qui uel ad regium, uel ad sacerdotale munus obeundum delecti erant, unguento ungebantur. Prophetas etiam ungendi mos fuit, qui Dei immortalis interpretes, & internuncij caelestia arcana nobis aperuerunt, atque ad emendandos mores salutaribus praeceptis, & futurorum praedictione hortati sunt. At uero cum Iesus Christus Saluator noster in mundum uenit, trium personarum partes, & officia suscepit, prophetae, sacerdotis, ac regis, atque ob eas causas Christus dictus est, & unctus ad illorum munerum functionem, non quidem alicuius mortalis opera, sed caelestis patris uirtute, non terreno unguento, sed spiritali oleo, quippe cum in sanctissimam eius animam spiritus sancti plenitudo, gratiaque, & omnium donorum uberior copia effusa sit, quam ulla alia creata natura capere potuerit. atque id praecclare Propheta ostendit, cum redemptorem ipsum affatus diceret: Dilexisti iustitiam, & odisti iniquitatem: propterea unxit te Deus Deus tuus oleo letitiae praefortibus tuis. Idem etiam, ac multo apertius Isaias

*in chris-
to unctus
officiis.*

Psal. 45

16.61

D iij ijs

ijs uerbis demonstrauit: Spiritus Domini super me,
 eo quod unxerit Dominus me, ad annunciandum
 mansuetis misit me. Itaque Iesus Christus sum-
 mus propheta, & magister fuit, qui nos Dei uolun-
 tatem docuit, & a cuius doctrina orbis terrarum
 patris caelestis cognitionem accepit: quod ei nomen
 praeclarus, ac praestantius conuenit, quod omnes
 quicumque propheta nomine dignati sunt, eius disci-
 puli fuerunt, atque ob illam praecipue causam mis-
 si, ut prophetam hunc, qui ad saluandos omnes uen-
 turus erat, praenunciarent. Christus item sacer-
 dos fuit, non quidem ex ordine, ex quo in ueteri
 lege leuitica tribus sacerdotes extiterunt, uerum
 Psal. 109 ex illo, de quo Dauid propheta cecinit: Tu es sacer-
 dos in aeternum secundum ordinem Melchisedec.
 Ad Heb. 5.7 cuius rei argumentum Apostolus ad Hebraeos scri-
 bens, accurate persecutus est. sed Christum, non
 solum ut Deus, uerum ut homo, ac nostrae natu-
 rae particeps est, regem etiam agnoscimus: de quo
 Luc. 1 angelus testatus est: Regnabit in domo Iacob in
 aeternum, & regni eius non erit finis. Quod qui-
 dem Christi regnum spirituale est, atque aeternum,
 in terrisque iuchoatur, in caelo perficitur. Ac re-
 gis quidem officia admirabili prouidentia suae praes-
 tat Ecclesiae: ipse eam regit, ipse ab hostium impe-
 tu, atque insidiis tuetur: ipse ei leges praescribit:
 ipse non solum sanctitatem, iustitiam largitur, ue-
 rum etiam ad perseuerandum facultatem, & ui-
 res praebet. quamquam autem huius regni finibus
 tam

tam boni, quam mali contineantur, atque adeo omnes homines iure ad illud pertineant; ij tamen præ ceteris summam regis nostri bonitatem, & beneficentiam experiuntur, qui ex eius præceptis integram, atque innocentem uitam degunt. neque uero hoc illi regnū hereditario aut humano iure obtigit, tametsi genus a clarissimis regibus duceret, sed rex fuit, propterea quod Deus in illum hominē contulit quidquid potestatis, amplitudinis, dignitatis hominis natura capere posset. Illi igitur totius mundi regnum tradidit, eique omnia, quod iam fieri cœptū est, plene, perfecteque in die iudicii subijcientur.

FILIVM EIVS VNICVM. His uerbis altiora mysteria de Iesu credenda, & contemplanda, fidelibus proponuntur, nimirum filium Dei esse, & uerum Deum, sicuti pater est, qui cum ab æterno genuit. præterea illum diuinæ Trinitatis secundam personam alijs duabus omnino equalcm confitemur. nihil enim impar, & dissimile in diuinis personis aut esse, aut fingi animo debet, cum unam omnium essentiam, uoluntatem, potestatem agnoscamus. quod cum multis pateat diuinæ scripturæ oraculis, tum præclarissime illud ostendit sancti Ioannis testimonium: In principio erat uerbum, & Ioan. 1. uerbum erat apud Deum, & Deus erat uerbum. Sed cum Iesum filium Dei esse audimus, nihil terrenum, aut mortale de eius ortu cogitandum est; uerum ortum illum, quo ab omni æternitate pater filium genuit, quem ratione percipere, atque perfecte

D iij intelli-

intelligere nullo modo possumus, constanter credere, & summa animi pietate colere debemus, ac ueluti mysterij admiratione obstupesci, illud cum
 15.5; Propheta dicere, Generationem eius quis enarrabit? Hoc igitur credendum est, filium eiusdem esse nature, eiusdem potestatis, & sapientie cum patre, ut in Symbolo Niceno explicatius confitemur: inquit enim: Et in Iesum Christum filium eius unigenitum, & ex patre natum ante omnia secula, Deum de Deo, lumen de lumine, Deum uerum de Deo uero, genitum non factum, consubstantialem patri, per quem omnia facta sunt. Ex omnibus autem, quæ ad indicandum modum, rationemq. æternæ generationis similitudines afferuntur, illa propius ad rem uidetur accedere, quæ ab animi nostri
 1. Ioan. 1 cogitatione sumitur. quamobrem sanctus Ioannes filium eius uerbum appellat. Ut enim mens nostra, se ipsa quodam modo intelligens, sui effingit imaginem, quam Verbum theologi dixerunt: ita Deus, quantum tamen diuinis humana conferri possunt, se ipsum intelligens, Verbum æternum generat. etsi præstat contemplari, quod fides proponit, et sincera mente Iesum Christum uerum Deum, & uerum hominem credere, & confiteri, genitum quidem, ut Deum, ante omnium seculorum ætates, ex patre, ut hominem uero natum in tempore ex matre Maria uirgine. & quamquam duplicem eius natiuitatem agnoscamus, unum tamen filium esse credimus. Vna enim persona est, in quam di-
 uina

aīna, & humana natura conuenit. Et quod ad di-
 uinam generationem attinet, nullos aut fratres,
 aut coheredes habet, cum ipse patris unicus filius,
 nos uero homines figmentum, & opus manuum eius
 simus. At si humanum ortum consideremus, mul-
 tos ille non solum fratrum nomine appellat, sed fra-
 trum etiam loco habet, ut una cum eo paternæ he-
 reditatis gloriam adipiscantur. ij sunt, qui fide
 Christum dominum receperunt, & fidem, quam
 nomine profitentur, re ipsa, & charitatis officijs
 præstant. quare primogenitus in multis fratribus
 ab Apostolo uocatur. Ad Rom. 8

DOMINVM NOSTRVM. Multa sunt, quæ
 de Salvatore nostro in sacris litteris dicuntur: quo-
 rum alia, ut Deus est, alia, ut homo, ipsi conue-
 nire perspicuum est, quoniam a diuersis naturis di-
 uersas earum proprietates accepit. Igitur uere di-
 cimus Christum esse omnipotentem, æternum, im-
 mensum, quod a diuina habet. rursus de illo dici-
 mus, passim, mortuum esse, resurrexisse, quæ na-
 turæ hominum conuenire nemo dubitat. Verum
 præter hæc quadam alia utrique naturæ cōgruunt,
 ut hoc loco, cum Dominum nostrum dicimus. Igi-
 tur si ad utramque naturam hoc nomen referatur,
 merito Dominus noster prædicandus est. Nam
 quemadmodum ipse æternus Deus est, uti pater,
 ita etiam omnium rerum æque dominus est, ac pa-
 ter. & quemadmodum ipse & pater non est alius,
 atque alius Deus, sed idem plane Deus, ita etiam
 ipse,

ipse, & pater non est alius, atque alius dominus. Sed recte etiam multis rationibus, ut homo est, Dominus noster appellatur. Ac primum quidem, quoniam ipse redemptor noster fuit, atque a peccatis nos liberavit, iure hanc potestatem accepit, ut vere Dominus noster esset, ac diceretur. ita enim

Ad Phil. 2 Apostolus docet: Humiliauit semet ipsum, factus obediens usque ad mortem, mortem autem crucis: propter quod & Deus exaltauit illum, & donauit illi nomen, quod est super omne nomen, ut in nomine **I E S V** omne genu flectatur, celestium, terrestrium, & infernorum: & omnis lingua confiteatur, quia dominus Iesus Christus in gloria est Dei

Matth. 28 patris. Atque ipse de se post resurrectionem, Data est, inquit, mihi omnis potestas in caelo, & in terra. ob eam quoque rem Dominus dicitur, quod in una persona duæ naturæ, diuina, & humana, coniunctæ sint. hac enim admirabili coniunctione meruit, ut quamuis pro nobis mortuus non esset, tamen Dominus constitueretur communiter quidem omnium rerum, quæ conditæ sunt, præcipue autem fidelium qui illi parent, atque summo animi studio inseruiunt.

Quantū homo Christianus Christo debeat.

Quod igitur reliquum est, Parochus fidelem populum ad eam rationē cohortabitur, ut sciat æquisimum esse, præ ceteris hominibus, nos, qui ab eo nomen inuenimus, Christianique uocamur, et, quanta ille in nos beneficia contulerit, ignorare non possumus, ob id maxime, quod eius munere hæc omnia fide intelligimus; æquum esse, inquam, nos ipsos, non

non secus ac mancipia, redemptori nostro, & domi-
no in perpetuum addicere, et cōsecrare. Et quidem,
cū baptismo initiaremur, ante ecclesiæ fores id pro-
fessi sumus. declarauimus enim, nos Satana, &
mundo renunciare, & Iesu Christo totos nos trade-
re. Quod si, ut Christianæ militiæ adscriberemur,
tum sancta, & sollemni professione nos ipsos Domi-
no nostro deuouimus: quo supplicio digni erimus, si
postquam ecclesiam ingressi sumus, Dei uolūtatē,
et leges cognouimus; postquam sacramētorum gra-
tiam percipimus, ex mundi, & Diaboli praeceptis,
ac legibus iuxerimus; perinde ac si, cum baptismo
abiuti sumus, mundo, et Diabolo, non Christo domi-
no, ac redemptori, nomen dedissemus? sed cuius ani-
mū amoris facibus non incendat tanti domini tam
benigna, & propensa in nos uoluntas, qui, tametsi
nos in potestate sua, & dominatu ueluti seruos san-
guine suo redemptos habeat, ea tamē charitate com-
plectitur, ut non seruos uocet, sed amicos, sed fra-
tres? Hæc profecto iustissima causa est, atque haud
scio an omnium sit maxima, cur cū perpetuo debeat
mus dominū nostrum agnoscere, uenerari, et colere.

IOAN. 19

QVI CONCEPTVS EST DE SPIRITU
SANCTO, NATVS EX MARIA VIRGINE.
Maximo quidem, & singulari beneficio humanum
genus a Deo affectum esse, qui nos e durissimi ty-
ranni seruitute in libertatem vindicauit, ex ijs, quæ
superiori articulo declarata sunt, intelligere fideles
possunt. At uero si consilium etiam, et rationē, qua
potissi-

potissimum id efficere uoluit, nobis ante oculos ponamus, profecto nihil diuina in nos beneficentia, ac bonitate illustrius, nihil magnificentius esse uidebitur. Eius igitur mysterij magnitudinem, quod nobis tamquam salutis nostræ præcipuum caput sacræ litteræ considerandum sæpiissime proponunt, Parochns a tertij articuli explicatione ostendere incipiet: cuius hanc esse sententiam docebit, nos credere, & confiteri, cum ipsum Iesum Christum, unicum Dominum nostrum, Dei filium, cum pro nobis humanam carnem suscepit in utero uirginis, non ex uirili semine, ut alij homines, sed supra omnem naturæ ordinem spiritus sancti uirtute conceptum esse, ita ut eadem persona Deus permanens, quod ex eternitate erat, homo fieret, quod ante non erat. Ea autem uerba ita accipienda esse, ex sacri Concilij Constantinopolitani confessione plane perspicitur: inquit enim: Qui propter nos homines, & propter nostram salutem descendit de cælis: & incarnatus est de spiritu sancto ex Maria uirgine, & homo factus est. Atque id etiam sanctus Ioannes Euangelista explicauit, ut qui ex ipsius Domini Saluatoris pectore, altissimi huius mysterij cognitionem hausisset. nam cum diuini uerbi naturam declarasset illis uerbis: In principio erat uerbum, & uerbum erat apud Deum, & Deus erat uerbum: ad extremum conclusit: Et uerbum caro factum est, & habitauit in nobis. Verbum enim, quod diuine naturæ hypostasis est, ita humanam naturam

Ioan. i

naturam assumpsit, ut una, & eadem esset, diuine, & humane naturæ hypostasis, ac persona: quo factum est, ut tam admirabilis coniunctio utriusque naturæ actiones, & proprietates conseruaret, atque, ut est apud sanctum Leonem magnum S. Leo PP. illum Pontificem, Nec inferiorem consumeret glorificatio, nec superiorem minueret assumptio.

Sed quoniam prætermittenda non est uerborum explanatio, doceat Parochus, cum dicimus, Dei filium spiritus sancti uirtute conceptum esse, unam hanc diuinæ Trinitatis personam incarnationis mysterium non consecisse. Quamuis enim unus filius humanam naturam assumpserit, tamen omnes diuinæ Trinitatis personæ, Pater, Filius, & Spiritus sanctus, huius mysterii auctores fuerunt. siquidem illa Christianæ fidei regula tenenda est: Omnia, quæ Deus extra se in rebus creatis agit, tribus personis cōmunia esse, neque unam magis quam aliam, aut unam sine alia agere. Quod autem una persona ab alia procedat, hoc unum omnibus commune esse non potest. nam filius a patre tantum generatur, spiritus sanctus a patre, & filio procedit. quidquid uero extra illas ab ipsis proficiscitur, tres personæ sine ullo discrimine agunt: atque ex hoc genere filij Dei incarnatio censenda est. Quamquam uero hæc ita se habeant, solent tamen sacræ litteræ earum rerum, quæ omnibus personis cōmunes sunt, aliam alijs tribuere; quemadmodum summam omnium rerum potestatem patri, sapientiam filio, spiritui

spiritui sancto amorem adscribunt. Et quoniam di-
 uine incarnationis mysterium singularem, atque
 immensam Dei erga nos benignitatem declarat, ob
 eam rem peculiari quadam ratione hoc opus spiritui
 sancto tribuitur. In hoc mysterio quaedam supra na-
 turæ ordinem, quaedam naturæ uel effecta esse ani-
 maduertimus. Nam, quod ex purissimo uirginis
 matris sanguine Christi corpus formatum credi-
 mus, in eo naturam humanam agnoscimus; cum
 illud omnium hominum corporibus commune sit, ut
 ex matris sanguine formentur. Quod uero & na-
 turæ ordinem, & humanam intelligentiam supe-
 rat, illud est, simul atque beata uirgo angeli uer-
 bis assentiens dixit: Ecce ancilla Domini, fiat mihi
 secundum uerbum tuum: statim sanctissimum Chri-
 sti corpus formatum, eique anima rationis compos
 coniuncta est, atque ita in ipso temporis articulo
 perfectus Deus, & perfectus homo fuit. Hoc au-
 tem nouum fuisse, atque admirabile spiritus sancti
 opus, nemo dubitare potest, cum, seruato naturæ
 ordine, nullum corpus, nisi intra præscriptum tem-
 poris spatium, hominis anima informari queat.
 Deinde uero illud accedit, maxima admiratione di-
 gnum, quod, ut primum cum corpore anima con-
 iuncta fuit, ipsa etiam diuinitas cum corpore, &
 anima copulata est. quare simul corpus forma-
 tum, atque animatum est, corpori, & animæ di-
 uinitas coniuncta. ex quo fit, ut eodem temporis
 puncto perfectus Deus, & perfectus homo esset,

✠

& uirgo sanctissima uere, & proprie mater Dei,
 & hominis diceretur, quod eodem momento Deum,
 et hominem concepisset. Hoc autem ab angelo ei si-
 gnificatum est, cum ait: Ecce concipies in utero, Luc. 1.
 & paries filium, & uocabis nomen eius IESVM:
 hic erit magnus, & filius altissimi uocabitur. Et
 euentu comprobatum est, quod Isaias prædixit:
 Ecce uirgo concipiet, & pariet filium. Idem quoque Isa. 7.
 Elisabeth, cum spiritu sancto repleta, filij Dei con-
 ceptionem intellexisset, his uerbis declarauit: Vnde Luc. 1.
 de hoc mihi, ut ueniat mater Domini mei ad me?
 Sed quemadmodum Christi corpus ex purissimis in-
 tegerrimæ uirginis sanguinibus sine ulla uiri opera,
 ut antea diximus, uerum sola spiritus sancti uirtu-
 te formatum est: ita etiam, ut primum conceptus
 est, illius anima uberrimam spiritus Dei copiam,
 atque omnem charismatum abundantiam accepit.
 neque enim, ut alijs hominibus, qui sanctitate, &
 gratia ornantur, ipsi ad mensuram, ut testatur
 sanctus Ioannes, dat Deus spiritum, sed omnem Ioan. 3.
 gratiam tam affluenter in eius animam infudit, ut Ioan. 3.
 de plenitudine eius nos omnes acceperimus. Ne-
 que tamen filium Dei adoptiuum appellare licet,
 quamuis spiritum illum habuerit, quo sancti ho-
 mines filiorum Dei, adoptionem consequuntur. nam
 cum natura filius Dei sit, adoptionis gratiam, aut
 nomen in eum conuenire nullo modo existimandum
 est. Hæc sunt, quæ de admirabili conceptionis my-
 sterio explicanda uisa sunt. ex quibus ut salutaris
 fructus

fructus ad nos redundare possit, illa in primis fideles memoria repetere, ac saepius cogitare cum animis suis debent, Deum esse, qui humanam carnem assumpsit; ea uero ratione hominem factum, quam mente nobis assequi non licet, nedum uerbis explicare; ob eum denique finem hominem fieri uoluisse, ut nos homines filij Dei renasceremur. Hæc cum attente considerauerint, tum uero omnia mysteria, quæ hoc articulo continentur, humili, ac fideli animo credant, & adorent; nec curiose, quod sine periculo uix umquam fieri potest, illa inuestigare, ac perscrutari uelint.

NATVS EX MARIA VIRGINE. Hæc altera est huius articuli pars, in qua explicanda Parochus diligenter uersabitur, cum fidelibus credendum sit, Iesum dominum non solum conceptum spiritus sancti uirtute, sed etiam ex Maria uirgine natum, & in lucem editum esse. cuius mysterij fides quanta cum lætitia, & iucunditate animi meditanda sit, angeli uox, qui primus felicissimum nuncium mundo attulit, declarat: inquit enim:

Luc. 3 Ecce euangelizo uobis gaudium magnum, quod erit omni populo. Tum ex illius celestis militie cantico; Gloria in altissimis Deo, & in terra pax hominibus bonæ uoluntatis; quod angeli cecinerunt, facile est intelligere. Hinc etiam amplissimum illud Dei promissum ad Abraham impleri incepit, cui Gen. 22 dictum est, fore aliquando, ut in eius semine omnes gentes benedicerentur. Maria enim, quam uere

matrem

matrem Dei prædicamus, & colimus, quod eam personam, quæ simul Deus, & homo erat, peperit, a Dauide rege originem duxit. Sed quemadmodum conceptio ipsa naturæ ordinem prorsus uincit: ita in ortu nihil non diuinum licet contemplari. Præterea, quo nihil admirabilius dici omnino, aut cogitari potest, nascitur ex matre sine ulla maternæ uirginitatis diminutione. et quo modo postea ex sepulcro clauso, & obsignato egressus est, atque ad discipulos clausis ianuis introiuit: uel, ne a rebus Ioan. 20 etiam, quæ natura quotidie fieri uidemus, discendatur, quo modo solis radij concretam uitri substantiam penetrant, neque frangunt tamen, aut aliqua ex parte lædunt: simili, inquam, & altiori modo Iesus Christus ex materno aluo, sine ullo maternæ uirginitatis detrimento, editus est. ipsius enim incorruptam, & perpetuam uirginitatem uerissimis laudibus celebramus. Quod quidem spiritus sancti uirtute effectum est, qui in filij conceptione, et partu, matri ita affuit, ut ei & sæcunditatem dederit, & perpetuam uirginitatem conseruari. Solet interdum 1. ad Cor. 15 Apostolus Christum Iesum nouissimum Adam appellare, cumque primo Adam conferre. nam ut in primo omnes homines moriuntur, ita in secundo omnes ad uitā reuocantur: atque ut Adam, quod ad naturalem condicionem pertinet, humani generis parens fuit, ita Christus gratiæ, & gloriæ auctor est. Adeum modum nobis etiam licet uirginem matrem cum Eua ita conferre, ut priori

E Eua

Eua secūda Eua, quæ est Maria, respondeat, quem-
admodum secundum Adam, hoc est Christum,
primo Adam respondere ostendimus. Eua enim,
quia serpenti fidem habuit, maledictum, & mor-
tem in humanum genus inuexit: & Maria post-
quam angelo credidit, Dei bonitate effectum est, ut
benedictio, & uita ad homines perueniret. propter
Euam nascimur filij iræ: a Maria Iesum Christum
accepimus, per quem filij gratiæ regeneramur.

Gen. 3 Eua dictum est: In dolore paries filios. Maria hac
lege soluta est, ut quæ, salua uirginalis pudicitie
integritate, sine ullo doloris sensu, ut antea dictum
est, Iesum filium Dei peperit.

Prophetia
& figuræ
conceptio-
nis & nati-
uitatis Ie-
su Christi.

Cum igitur tanta, & tam multa sint admiran-
dæ huius conceptionis, & natiuitatis sacramenta,
diuinæ prouidentie consentaneum fuit, ut ea mul-
tis figuris, & oraculis significarentur. Quare huc
pertinere sancti doctores intellexerunt multa, quæ
in uarijs sacræ scripturæ locis legimus, præcipue ue-

Ezech. 44
Dan. 2

ro Portam illam sanctuarij, quam Ezechiel clau-
sam uidit: item lapidem de monte sine manibus ab-
scissum, ut est apud Danielem, qui factus est ma-
gnus mons, & impleuit uniuersam terram: deinde

Num. 17

Aaron uirgam, quæ una inter uirgas principum
Israelis germinauit: & rubum, quem Moyses ui-
dit ardere, & non comburi. Multis uerbis sanctus

Exod. 3

Luc. 2

Euangelista Christi natiuitatis historiam descripsit.
qua de re nihil est quod plura a nobis dicantur, cum

Ad Rom. 15

ea lectio Parocho in promptu sit. Danda autem illi
est

est opera, ut hæc mysteria, quæ ad doctrinam nostram scripta sunt, infixæ animo, & mentibus fidelium hæreant; primum quidem, ut tanti beneficij cõmemoratione aliquam gratiam eius auctori Deo referant; deinde, ut eximium hoc, et singulare humilitatis exemplum eis ante oculos ad imitandum proponat. Quid enim nobis utilius, atque ad animorum nostrorum superbiam, & elationem comprimendam accomodatius esse potest, quam sæpius cogitare, Deum ita sese humiliare, ut cū hominibus gloriam suam communicet, et hominum infirmitatem, fragilitatemq. assumat; Deum hominẽ fieri, summamq. illam, et infinitam maiestatem homini ministrare, ad cuius nutũ columnæ celi, ut inquit scriptura, contremiscunt, et pauent, eumq. in terra nasci, quem in celis angeli adorant? Quid igitur, cū hæc Deus nostra causa faciat, quid, inquam, nos, ut illi obsequamur, facere oportet? quam libenti, atque alacri animo debemus omnia humilitatis officia amare, amplecti, præstare? Videant fideles, quã salutaris doctrina Christus nascens nos instituat, antequam uocem aliquam emittere incipiat. Nascitur egenus: nascitur ut peregrinus in diuersorio: nascitur in uili præsepio: nascitur media hieme. ita enim scribit sanctus: Lucas: Factum est, cum essent ibi, Luc. 2 impleti sunt dies, ut pareret, & peperit filium suũ primogenitum, & pannis eum inuoluit, et reclinauit eũ in præsepio, quia non erat ei locus in diuersorio. Potuit ne Euãgelista humilioribus uerbis omnẽ

E ii celi,

caeli, & terræ maiestatem, & gloriam includere?
 Neque uero scribit, non fuisse locum in diuerso-
 rio, sed ei non fuisse, qui dicit: Mens est orbis ter-
 ræ, & plenitudo eius. Quod etiam alius euangeli-
 sta testatus est: In propria uenit, & sui eum non
 receperunt.

Incarratio-
 nis filii Dei
 mysterium
 quāto pie-
 tatis studio
 recolendū.

Hæc cum fideles sibi ante oculos proposuerint,
 tum uero cogitent, Deum carnis nostræ humilitatē,
 & fragilitatem subire uoluisse, ut humanum genus
 in altissimo dignitatis gradu collocaretur. Nam il-
 lud unum satis declarat excellentem hominis digni-
 tatem, & præstantiam, quæ illi diuino beneficio tri-
 buta est, quod homo fuerit, qui idem uerus, & perse-
 ctus Deus sit: ut iam gloriari nobis liceat, filiū Dei
 os nostrum, & carnem nostrā esse: quod beatissimis
 illis spiritibus non licet. nusquam enim, ut est apud
 Apostolum, angelos apprehendit. Præterea cauē-
 dum est, ne maximo nostro malo eueniat, ut, quem-
 admodum illi in diuersorio Bethleem locus, ubi na-
 sceretur, defuit, ita etiam, quando iam in carne
 non nascitur, locum in cordibus nostris inuenire non
 possit, ubi in spiritu nascatur. hoc enim, cum salu-
 tis nostræ cupidissimus sit, uehementer optat. nam
 ut ille spiritus sancti uirtute supra naturæ ordinem
 homo factus, & natus est, sanctusque, atque adeo
 sanctitas ipsa fuit: ita nos oportet, non ex sangui-
 nibus, neque ex uoluntate carnis, sed ex Deo na-
 sci, ac deinde ueluti nouam creaturam in nouitate
 spiritus ambulare, sanctitatem illam, ac mentis
 integri

tegritatem custodire, quæ homines spiritu Dei regeneratos maxime decet. hac enim ratione sanctæ huius filij Dei conceptionis, & natiuitatis imaginem aliquam in nobis ipsis exprimemus, quam fidei animo credimus, & credentes Dei sapientiam in mysterio, quæ abscondita est, suspicimus, & ado- 1. ad Cor. 2
ramus.

PASSVS SVB PONTIO PILATO, CRV
CIFIXVS, MORTVVS, ET SEPVLTVS.

Quãtam habeat necessitatẽ huius articuli cogniti-
tio, & quam diligenter Parochus curare debeat, ut
fideles dominicæ passionis memoriam sæpissime ani-
mo repetant, docet Apostolus, qui nihil aliud se scire
testatus est, nisi Iesum Christum, & hunc crucifi- 1. ad Co. 2
xum. Quare in hoc argumento omne studium, &
opera adhibenda est, ut quammaxime illustretur,
fidelesque tanti beneficij commemoratione excitati,
totos se ad Dei erga nos amorem, & bonitatem su-
spiciendam conuertant. Fides itaque priore articuli
parte (nam altera postea dicitur) illud nobis cre-
dendum proponit, Christum dominum, cum Pon-
tius Pilatus Tiberij Cæsaris iussu Iudæam prouin-
ciam administraret, cruci affixum esse. nam ca-
ptus, irrisus, uarijs iniuriarum, & cruciatuum
generibus affectus, demum in crucem sublatus est.
Nec uero cuiquam dubitandum est, eius animam,
quod ad inferiorem partem attinet, ab ijs cruciati-
bus liberam non fuisse. nam quod humanam natu-
ram uere assumpsit, necesse est fateri, animo etiam

E iii grauissimum

Matth. 26

Mar. 14

grauissimum dolorem sensisse . quare inquit : Tristis est anima mea usque ad mortem . Nam etsi personæ diuinæ humana natura coniuncta fuit , tamen propter eam coniunctionem nihilo minus passionis acerbicatem sensit , quam si ea coniunctio facta non fuisset , cum in una Iesu Christi persona , utriusque naturæ , diuinæ , et humanæ , proprietates seruatae sint : atque idcirco , quod erat passibile & mortale , passibile & mortale permansit : rursus uero quod impassibile , & immortale erat , qualem esse diuinam naturam intelligimus , suam proprietatem retinuit . Quod autem hoc loco tam diligenter obseruari uidemus , Iesum Christum eo tempore passum esse , quo Pontius Pilatus Iudeam prouinciam procuraret , id ea re factum esse docebit Parochus , quia tantæ rei , & tam necessariæ cognitio exploratio omnibus esse poterat , si rei gestæ certum , quod & ab Apostolo Paulo factum legimus , tempus describeretur : tum etiam , quia ijs uerbis declaratur , illam Saluatoris prædictionem exitu comprobata esse : Tradent , inquit , eum gentibus ad illudendum , & flagellandum , & crucifigendum .

Matth. 26

Cur Christus in ligno mortem perpe-

Sed quod potissimum in ligno crucis mortem per tulit , hoc etiam diuino consilio tribuendum est , ut scilicet , unde mors oriebatur , inde uita resurgeret . serpens enim , qui in ligno primos parentes uicerat , uictus est a Christo in ligno crucis . Plures eius rei afferri rationes possunt , quas sancti Patres latius persecuti sunt , ut ostendamus consentaneum fuisse ,
redempto-

redemptorem nostrum mortem crucis potissimum subire. Verum satis esse Parochus admoneat, si fideles credant illud genus mortis a Salvatore deletum esse, quod quidem ad humani generis redemptionem aptius, atque accommodatius uideretur, quemadmodum certe nullum turpius, atque indignius esse potuit. Non solum enim apud Gentiles crucis supplicium execrandum, & dedecoris, ignominiaeq. plenissimum semper existimatum est, uerum etiam in lege Moysis, maledictus homo appellatur, qui pendet in ligno. Neque uero Parochus huius articuli historiam pratermittet, quæ diligentissime a sanctis euangelistis exposita est, ut saltem summa eius mysterij capita, quæ ad cõfirmendam fidei nostræ ueritatem magis necessaria uidentur, fideles cognita habeant. Hoc enim articulo, ueluti fundamento quodam, Christiana religio, et fides nititur; eoque posito, reliqua omnia recte constituta sunt. Nam si quid aliud humanæ menti, et intelligentiæ difficultatē affert; certe crucis mysterium omnium difficillimum existimandum est, uixque percipi a nobis potest, salutem nostram ex cruce ipsa, et ex eo, qui pro nobis ligno illi affixus est, pendere. Sed in hoc, ut docet Apostolus, summam Dei prouidentiam licet admirari. Nam quia in Dei sapientia non cognouit mundus per sapientiam Deum, placuit Deo per stultitiam prædicationis saluos facere credētes. Quare mirandum non est, si propheta ante Christi aduentum, apostoli post eius mortem, & resurre-

Deut. 21
Ad Gal. 3

1. ad Cor. 1

E iij Etionem

etionem tã opere laborarunt, ut hominibus persua-
derent, hunc esse mundi redemptorem, eosque in
crucifixi potestatem, atque obedientiam redigeret.
Quare Dominus, cum nihil tam ab humana ratio-
ne remotum esset, quam crucis mysterium, statim
post peccatum numquam destitit tum figuris, tum
prophetarum oraculis filij sui mortem significare.

Atque ut de figuris pauca quædam attingamus,

[Gen. 4] Abel primum, qui fratris inuidia occisus est, de-

Gen. 22 inde Isaac sacrificium, præterea Agnus, quem
Iudæi, cum e terra Aegypti egrederentur, im-

Exod. 12 molarunt, tum serpens æneus, quem Moyses in

Num. 21 deserto exaltauit, Christi domini passionis, ac mor-

Ioan. 3 tis figuram præmonstrabant. Quod autem ad

prophetas pertinet, quam multi extiteriut, qui
de ea uaticinati sunt, id uero multo notius est,
quam ut explicari hoc loco oporteat. Sed præ cete-
ris, ut Dauidem omittamus, qui omnia præci-
pua redemptionis nostræ mysteria in psalmis com-
plexus est, Isaia oracula tam aperta, & clara
sunt, ut recte dici queat, eum potius rem gestam
exposuisse, quam futuram prædixisse.

D. Hieron.

MORTVVS, ET SEPVLTVS. His uerbis
Parochus credendum explicabit, Iesum Christum,
postquam crucifixus est, uere mortuum, ac sepul-
tum esse. Neque uero sine causa hoc separatim fi-
delibus credendum proponitur, cum non defuerint,
qui eum in cruce mortuum negarent. illi igitur er-
rori hanc fidei doctrinam sancti apostoli merito op-
ponendam

ponendam censuerunt : de cuius articuli ueritate dubitandi nullus nobis locus relinquitur . nam omnes euangelistæ consentiunt , Iesum spiritum emisisse . Præterea , cum Christus , uerus , & perfectus homo fuerit , uere etiam mori potuit : moritur autem homo , cum anima separatur a corpore . Quare cum Iesum mortuum esse dicimus , id significamus , eius animam a corpore diuisam esse : neque tamen concedimus diuinitatem seiunctam a corpore : quin potius cōstanter credimus et confitemur , anima eius a corpore diuisa , diuinitatem tum corpori in sepulcro , tum animæ apud inferos coniunctam semper fuisse . Decebat autem filium Dei mori , ut per mortem destrueret eum , qui habebat mortis imperiū , id est Diabolum , & liberaret eos , qui timore mortis per totam uitam obnoxij erant seruituti . Sed illud in Christo domino singulare fuit , quod tunc mortuus est , cum ipse mori decreuit , & mortem non tam aliena ui illatam , quam uoluntariam obijt . Nec uero mortem solum , sed locum etiam , & tempus , in quo moreretur , ipse sibi constituit . ita enim Isaia scripsit : Oblatus est , quia ipse uoluit . Atque idem Dominus de se ante passionem dixit : Ego pono animam meam , ut iterum sumam eam : nemo tollit eam a me , sed ego pono eam a me ipso ; potestatem habeo ponendi eam , & potestatem habeo iterum sumendi eam . Quod autem ad tempus , & locum attinet , cum Herodes eius uitæ insidiaretur , ipse inquit : Dicite uulpi illi , ecce eijcio demonia & sanitates perficio hodie , & cras , & tertia

Matth. 27
Mar. 15
Luc. 23
Ioan. 19.

Ad Heb. 2

Isa. 53

Ioan. 10

Luc. 13

die consumor: uerumtamen oportet me hodie, & cras, & sequenti die ambulare: quia non capit prophetam perire extra Hierusalem. Ille igitur nihil inuitus, aut coactus fecit, sed ipse sese uolens
 Ioan. 18. obtulit, atque inimicis suis obuiam procedens dixit: Ego sum: & sponte sua ea omnia supplicia pertulit, quibus illum iniuste, & crudeliter affecerunt. quo quidem nihil ad commouendos animi nostri sensus maiorem uim habere potest, cum pœnas, tormenta que eius omnia cogitatione perpendimus. Nam si quispiam nostra causa omnes dolores patiat, non quos ipse sua uoluntate suscipiat, sed quos uitare nequeat, hoc uero haud magni beneficii loco a nobis ponetur: uerum si nostro tantum nomine mortem, quam defugere poterat, libenter occumbat, profecto hoc beneficii genus tantum est, ut omnem non solum referendæ, sed etiam habendæ gratiæ facultatem uel gratissimo cuique eripiat. ex quo Iesu Christi summa, & eximia charitas, eiusque diuinum, & immensum in nos meritum perspicitur potest.

Sepulture
 Christi cur
 expressa
 mentio, &
 quid de il-
 lius passio-
 ne meditan-
 dum.

Iam uero quod sepultum fuisse confitemur, hoc quidem ueluti articuli pars non constituitur, quod nouam aliquam difficultatem habeat, præter ea, quæ iam de morte dicta sunt. Nam si Christum mortuum credimus, facile etiam nobis persuaderi potest, eum sepultum esse. Verum hoc additum est, primum, ut minus dubitare de morte liceat; cum maximo argumento sit, aliquem mortuum esse, si eius corpus sepultum probemus: deinde, ut resur-
 rectionis

rectionis miraculum magis declaretur, atque eluceat. neque uero hoc solum credimus, Christi corpus sepultum esse, sed illud præcipue his uerbis credendum proponitur, Deum sepultum esse, quemadmodum ex fidei catholicæ regula uerissime etiam dicimus, Deum mortuum, & ex uirgine natum esse. nam cum diuinitas nunquam diuisa fuerit a corpore, quod in sepulcro conditum est; recte confitemur Deum sepultum esse. Ac de genere quidem, & loco sepulturæ illa Parocho satis erunt, quæ a sanctis euangelistis dicta sunt. Duo uero in primis obseruanda sunt, alterum, Christi corpus in sepulcro nulla ex parte corruptum esse: de quo Prophetia ita naticinatus erat: Non dabis sanctum tuum uidere corruptionem. Alterum est, quod ad omnes huius articuli partes attinet, sepulturam scilicet, passionem etiam, et mortem Christo Iesu, ut homini, non ut Deo cōuenire. nam pati, et mori, in humanam tantum naturam cadunt: quamuis Deo etiam hæc omnia tribuantur; quoniam de illa persona, quæ simul perfectus Deus, perfectus homo fuit, recte dici perspicuum est. His cognitis, ea de Christi passione, et morte Parochus explicabit, ex quibus tanti mysterij immensitatem si non comprehendere, contemplari saltem fideles possint. Ac primum quidem considerandum est, quis ille sit, qui hæc omnia patitur. Et quidem nullis uerbis eius dignitatem explicare, aut mente comprehendere possumus. Sanctus Ioannes uerbum esse dicit, quod erat apud Deum. Matth. 27
Mar. 15
Luc. 23
Ioan. 19
Psal. 15
Aq. 2

Apostolus

Ad Heb. 1.

Apostolus magnificis uerbis describit in hunc modum: esse eum quem Deus constituit heredem uniuersorum, per quem fecit & secula: qui est splendor gloriæ, & figura substantiæ eius, qui portat omnia uerbo uirtutis suæ. Hic igitur purgationem peccatorum faciens, sedet ad dexteram maiestatis in excelsis. Atque ut uno uerbo complectamur, patitur Iesus Christus Deus & homo: patitur creator pro ijs, quos ipse condidit: patitur dominus pro seruis: patitur is, per quem angeli, homines, cæli, elementa facta sunt, ille, inquam, in quo, per quem, & ex quo sunt omnia. Quare mirandum non est, si, eo tot passionum tormentis commoto, totum etiam ædificium concussum est. nam, ut inquit scriptura, Terra mota est, & petre scissæ sunt: tenebræ etiam factæ per uniuersam terram, & sol obscuratus est. Quod si mutæ etiam res, & sensu carentes creatoris sui passionem luxerunt, cogitent fideles quibus lacrymis ipsi, tamquã uiui lapides huius ædificij, dolorẽ suum declarare debeant.

Matth. 27
Luc. 23

Passionis
Christi cau-
sa, & de gra-
uitate rela-
tione.

Iam uero causæ etiam passionis exponendæ sunt, ut eo magis diuinæ erga nos charitatis magnitudo, & uis appareat. Si quis igitur quærat, quæ causa fuerit cur filius Dei acerbissimam passionem subierit, hanc potissimum fuisse inueniet, præter hereditariam labem primorum parentum, uitia, & peccata, quæ homines a mundi origine usque ad hanc diem admiserunt, ac deinceps usque ad consummationem sæculi admissuri sunt. hoc enim in passione

&

& morte filius Dei, saluator noster, spectauit, ut
 omnium aetatum peccata redimeret, ac deleteret, &
 pro eis patri abunde, cumulateque satisfaceret. Il-
 lud etiam accedit ad augendam rei dignitatem, quod
 non solum Christus pro peccatoribus passus est, sed
 etiam poenarum omnium, quas pertulit, peccatores,
 & auctores, & ministri fuerunt: de quo Apostolus
 admonet, ita ad Hebraeos scribens: Recogitate eum, Ad Heb. 12
 qui talem sustinuit a peccatoribus aduersus semet
 ipsum contradictionem, ut ne fatigemini animis ue-
 stris deficientes. Atque hac culpa omnes teneri
 iudicandum est, qui in peccata saepius prolabuntur.
 Nam cum peccata nostra Christum dominum impu-
 lerint, ut crucis supplicium subiret; profecto qui Ad Heb. 6
 flagitijs, & sceleribus uoluntantur, rursus, quod
 in ipsis est, crucifigunt in semet ipsis filium Dei, &
 ostentui habent. Quod quidem scelus eo grauius in
 nobis uideri potest, quam fuerit in Iudaeis, quod 1. ad Cor. 2
 illi, eodem Apostolo teste, Si cognouissent, num-
 quam dominum gloriae crucifixissent: nos autem
 & nosse eum profiteamur; & tamen, factis negan-
 tes, quodam modo uiolentas ei manus uidemur
 inferre. Sed a patre etiam, et a semet ipso Christum
 dominum traditum esse sacrae litterae testantur: in-
 quit enim apud Isaiam: Propter scelus populi per- Isa. 53
 cussi eum. & paulo ante idem propheta, cum Do-
 minum plagis, & uulneribus affectum, spiritu Dei
 plenus uideret, dixit: Omnes nos quasi oves erra-
 uimus, unusquisque in uiam suam declinauit, &
 posuit

posuit Dominus in eo iniquitatem omnium nostrum.
 De filio autem scriptum est: Si posuerit pro peccato animam suam, uidebit semen longæuum. Sed eandem rem Apostolus grauioribus etiam uerbis expressit, cum tamen ex altera parte uellet ostendere, quantum nobis de immensa Dei misericordia & bonitate sperare liceat: inquit enim: Qui etiam proprio filio suo non pepercit, sed pro nobis omnibus tradidit illum, quo modo non etiam cum illo omnia nobis donauit? Sequitur nunc, ut, quanta fuerit passionis acerbitas, Parochus doceat. quamquam si memoria teneamus, sudorem Domini factum ut guttas sanguinis decurrentis in terram, cum ille tormenta, & cruciatus animo perciperet, quibus paulo post afficiendus erat; facile ex eo unusquisque intelliget, nihil ad illum dolorem addi potuisse. nam si malorum imminentium cogitatio tam acerbata fuit, id quod sanguinis sudor declarauit; quid ipsam perpeffionem fuisse existimandum est? Sed tamen Christum dominum summis tum animi, tum corporis doloribus affectum esse constat. Ac primum quidem nulla fuit eius corporis pars, quæ grauissimas pœnas non senserit. nam & pedes, & manus clauis cruci affixæ, caput spinis compunctum, & arundine percussum, facies sputis scedata, alapis cæsa, totum corpus flagellis uerberatum est. Præterea omnium & generum, & ordinum homines conuenerunt in unum aduersus Dominum, & aduersus Christum eius. Gentes enim

Ic. 53

Ad Rom. 8

Luc. 22

Luc. 22

Psal. 2

enim & Iudæi passionis suasores, auctores, ministri fuerunt: Iudas eum prodidit, Petrus negavit, ceteri omnes deseruerunt. Iam uero in cruce ipsa acerbitatem ne, an ignominiam, an utrumque simul queremur? Ac profecto nullum aut turpius genus mortis, aut acerbius excogitari eo potuit, quo affici non nisi nocentissimi, & sceleratissimi homines consueuerunt, & in quo summi doloris, & cruciatus sensum mortis diuturnitas uehementiorem efficiebat. Augebat autem pœnarum magnitudinem ipsa Christi Iesu corporis constitutio, et habitus: quod quidem cum spiritus sancti uirtute formatum esset, multo perfectius, & temperatius fuit, quam aliorum hominum corpora esse possunt; atque ideo acriorem quoque sentiendi uim habuit, & grauius tormenta illa omnia perpeffum est. Quod uero ad intimum animi dolorem pertinet, nemo dubitare potest, quin summus in Christo fuerit. sanctis enim hominibus, quicumque supplicia, & cruciatus pertulerunt, non defuit anima solatium diuinitus datum, quo recreati, tormentorum uim æquo animo ferre possent: immo uero in cruciatibus plerique intima lætitia efferebantur: inquit enim Apostolus: Gaudeo in passionibus pro uobis: & adimpleo ea, quæ defunt passionum Christi in carne mea pro corpore eius, quod est Ecclesia. & alibi: Repletus sum consolatione: superabundo gaudio in omni tribulatione nostra. Verum Christus dominus amarissima passionis calicem, quem bibit, nulla suauitate permista

Matth. 26
Mar. 14
Luc. 22

Ad Colof. 1
2. ad Cor. 7

permista temperauit. humanæ enim naturæ, quam assumpserat, sentire omnia tormenta permisit, non secus, ac si homo, non etiam Deus fuisset.

Reliquum modo est, ut commoda etiam, & bona, quæ ex passione Domini percepimus, a Parocho accurate explicentur. Primum igitur Domini passio, peccati liberatio fuit. nam, ut est apud
 Apoc. 1 sanctum Ioannem, Dilexit nos, & lauit nos a peccatis nostris in sanguine suo: & Apostolus inquit:
 Ad Col. 2 Conuiniificauit uos, donans uobis omnia delicta, delens quod aduersum nos erat chirographum decreti, quod erat contrarium nobis, & ipsum tulit de medio affigens illud cruci. Deinde a demonis tyrannide nos eripuit: ipse enim Dominus inquit:
 Ioan. 12 Nunc iudicium est mundi: nunc princeps huius mundi eijcietur foras: & ego, si exaltatus fuero a terra, omnia traham ad me ipsum. Pœnam præterea peccatis nostris debitam persoluit. Tum uero, quia nullum gratius, & acceptius Deo sacrificium afferri potuit, patri nos reconciliauit, eumque nobis placatum, & propitium reddidit. Postremo, quoniam peccata sustulit, calorum etiam aditum, communi humani generis peccato interclusum, nobis patefecit. Atque id Apostolus significauit illis
 Ad Heb. 10 uerbis: Habemus fiduciam in introitu sanctorum in sanguine Christi. Neque uero in ueteri lege huius mysterij figura, & imago quædam defuit. nam illi, quibus interdictum erat, ne in patriam ante
 Num. 35 summi sacerdotis mortem reuenterentur, hoc significabant,

ficabant, nemini, quamuis iuste, & pie uixisset,
 aditum in caelestem patriam patere, antequam sum-
 mus ille, atque aternus sacerdos Christus Iesus mor-
 tem obiret. qua quidem obita, statim celi fores pa-
 tuerunt ijs, qui sacramentis expiati, fideque, spe,
 & charitate praediti, passionis eius participes fiunt.
 Haec autem omnia maxima, & diuina bona Paro-
 chus docebit ex Domini passione ad nos peruenisse:
 primum quidem, quia est integra, atque omnibus
 numeris perfecta satisfactio, quam admirabili qua-
 dam ratione Iesus Christus pro peccatis nostris Deo
 patri persoluit. Neque uero pretium, quod pro no-
 bis persoluit, debitis nostris par solum, & aequale
 fuit, uerum ea longe superauit. Deinde sacrifi-
 cium Deo acceptissimum fuit; quod cum illi fi-
 lius in ara crucis obtulit, patris iram, atque indi-
 gnationem prorsus mitigauit. atque hoc nomine
 Apostolus usus est, cum inquit: Christus dilexit Ad Eph. 5
 nos, & tradidit semet ipsum pro nobis oblationem
 & hostiam Deo in odorem suauitatis. Praeterea re-
 demptio, de qua est apud apostolorum Principem:
 Non corruptilibus auro, uel argento redem- 1. Pet. 1
 pti estis de uana uestra conuersatione paternae tradi-
 tionis, sed pretioso sanguine quasi agni immaculati
 Christi, & incontaminati. & Apostolus docet:
 Christus nos redemit de maledicto legis, factus Ad Gal. 3
 pro nobis maledictum. Verum, praeter haec im-
 mensa beneficia, illud etiam uel maximum cōsecuti
 sumus, ut in hac una passione, omnium uirtutum
 clarissima

clarissima exempla habeamus. nam et patientiam, & humilitatem, & eximiam charitatem, & mansuetudinem, & obedientiam, & summam animi constantiam non solum in perferendis propter iustitiam doloribus, sed etiam in morte oppetenda ita ostendit, ut uere dicere possimus, saluatorem nostrum, quacumque uitæ præcepta toto prædicationis suæ tempore uerbis nos docuit, ea omnia uno passionis die in se ipso expressisse. Atque hæc breuiter de Christi domini saluberrima passione & morte dicta sunt. Vtinam uero hæc mysteria in animis nostris assidue uersentur, & una cum Domino pati, & mori, & sepeliri discamus; ut deinde, abiecta omni sorde peccati, ad nouam uitam cum illo resurgentes, aliquando tandem, ipsius gratia, & misericordia, digni simus, qui caelestis regni, & gloriæ participes efficiamur.

DESCENDIT AD INFEROS, TERTIA DIE RESVRREXIT A MORTUIS. Maxime quidem refert posse gloriam sepulture domini nostri Iesu Christi, de qua proxime dictum est: sed plus interest fidelis populi, cognoscere illustres triumphos, quos ex deuicto Diabolo, & spoliatis inferorum sedibus deportauit: de quibus, simulque de resurrectione dicendum est. qui locus etsi separatim per se recte tractari possit: nos tamen, sanctorum patrum auctoritatem secuti, eum cum descensu ad inferos coniungendum putauimus. Eius igitur priori parte hoc nobis credendum proponitur,

tur, Christo iam mortuo, eius animam ad inferos descendisse, ibique tamdiu mansisse, quamdiu eiusdem corpus in sepulcro fuit. His autem uerbis simul etiam confitemur, eandem Christi personam eo tempore & apud inferos fuisse, & in sepulcro iacuisse. Quod quidem cum dicimus, nemini mirum uideri debet: propterea quod, ut sæpe iam docuimus, quamuis anima a corpore discesserit, numquam tamen diuinitas uel ab anima, uel a corpore separata est.

Sed quoniam articuli explanationi plurimum lucis afferre potest, si Parochus prius doceat, quid hoc loco inferorum uocabulo intelligendum sit, monere oportet, inferos hoc loco pro sepulcro non accipi, ut quidam non minus impie, quam imperite putauerunt. superiori enim articulo, Christum dominum sepultum esse, edocti sumus: nec nulla causa erat, cur in fide tradenda alio, & quidem obscuriori loquendi genere idem a sanctis apostolis repeteretur: uerum inferorum nomen abdita illa receptacula significat, in quibus animæ detinentur, quæ caelestem beatitudinem non sunt consecutæ. Ita uero sacræ litteræ hanc uocem multis in locis usurparunt. nam apud Apostolum legimus: In nomine Iesu omne genu flecti caelestium, terrestrium, & infernorum. & in Actis apostolorum diuus Petrus testatur: Christum dominum suscitatum solutis doloribus Inferni. Neque tamen ea receptacula unius, & eiusdem generis

De multiplicitate uocis, Inferni, significatione: ubi & de Purgatorio animarum.

Ad Phil. 2

Act. 2

F u sunt

sunt omnia . est enim teterrimus , & obscurissimus
 carcer , ubi perpetuo , & inextinguibili igne damna-
 torum animæ simul cum immundis spiritibus tor-
 quentur , qui etiam gehenna , abyssus , & propria
 significatione Infernus uocatur . Præterea est pur-
 gatorius ignis , quo piorum animæ ad definitum
 Apocal. 21 tempus cruciata expiantur , ut eis in æternam pa-
 triam ingressus patere possit , in quam nihil coin-
 quatum ingreditur . Ac de huius quidem doctri-
 næ ueritate , quam & scripturarum testimonijs ,
 & apostolica traditione confirmatam esse sancta
 Concilia declarant , eo diligentius , & sæpius Pa-
 rocho differendum erit , quod in ea tempora incidi-
 mus , quibus homines sanam doctrinam non susti-
 nent . Tertium postremo receptaculi genus est , in
 quo animæ sanctorum ante Christi domini aduen-
 tum excipiebantur ; ibique sine ullo doloris sensu ,
 beata redemptionis spe sustentati , quieta habitatio-
 ne fruebantur . horum igitur piorum animas , qui
 in sinu Abrahamæ Saluatorem expectabant , Chri-
 stus dominus ad inferos descendens liberauit . Nec
 uero existimandum est , eum sic ad inferos descen-
 disse , ut eius tantummodo uis ac uirtus , non etiam
 anima , eo peruenerit . Sed omnino credendum est ,
 ipsam animam re , & præsentia ad inferos descen-
 disse : de quo extat firmissimum illud Dauidis testi-
 monium : Non derelinques animam meam in Infer-
 no . Verum etsi Christus ad inferos descendit , ni-
 hil de eius summa potestate detractum est : neque
 eius

eius sanctitatis splendor macula aliqua aspersus: cum potius hoc facto uerissima esse omnia, quæ de illius sanctitate celebrata erant, eumque filium Dei esse, quemadmodum antea tot prodigijs declarauerat, apertissime comprobatum sit. id quod facile intelligemus, si causas, cur Christus, & alij homines in ea loca uenerint, inter se conferamus. Ceteri enim omnes captiui descenderant: ipse uero inter mortuos liber, & uictor, ad profligandos Psal. 85 demones, a quibus illi ob noxam inclusi, & constructi tenebantur, descendit. Præterea alij omnes, qui descenderunt, partim pœnis acerbissimis torquebantur, partim uero, ut alio doloris sensu carent, tamen Dei aspectu priuati, & spe beatæ gloriæ, quam expectabant, suspensi torquebantur. At Christus dominus descendit, non ut aliquid pateretur, uerum ut sanctos, & iustos homines ex misera illius custodiæ molestia liberaret, eisque passionis suæ fructum impertiret. Quod igitur ad Inferos descendit, nulla prorsus de summa eius dignitate, & potestate diminutio facta est.

His expositis, docendum erit, propterea Christum dominum ad inferos descendisse, ut, ereptis demonum spolijs, sanctos illos patres, ceterosque Quibus de causis Christus ad inferos descendit. pios e carcere liberatos secum adduceret in calum. quod ab eo admirabiliter, summaque cum gloria perfectum est. statim enim illius aspectus clarissimam lucem captiuis attulit, eorumque animas immensa letitia, gaudioque impleuit: quibus etiam

F iij optatissimam

optatissimam beatitudinem, quæ in Dei uisione consistit, impertiuuit. quo facto, id comprobatum est, quod latroni promiserat illis uerbis: Hodie mecum
 Luc. 23 eris in paradiso. Hanc uero piorum liberationem
 Ose. 13 Oseas tanto ante prædixerat in hunc modum: Ero mors tua, o mors: morsus tuus ero inferne. Hoc
 Zach. 9 etiam significauit Zacharias propheta, cum ait: Tu quoque in sanguine testamenti tui emisisti uinctos tuos de lacu, in quo non est aqua. Id ipsum de
 Ad Colof. 2 nique expressit Apostolus illis uerbis: Expoliatis principatus, & potestates, traduxit confidenter palam triumphans illos in semet ipso. Verum, ut huius mysterij uim melius intelligamus, sæpe illud memoria repetere debemus, pios homines non solum qui post aduentum Domini in lucem editi erant, sed qui illud post Adam antecesserant, uel qui usque ad finem sæculi futuri sunt, eius passionis beneficio salutem consecutos esse. Quamobrem ante quam ille moreretur, ac resurgeret, cæli portæ nemini unquam patuerunt: sed piorum animæ, cum e uiuis excessissent, uel in sinum Abrahamæ deferebantur, uel, quod etiam nunc ijs contingit, quibus aliquid diluendum, & persoluendum est, Purgatorij igne expiabantur. Est illa præterea causa, cur descenderit ad Inferos Christus dominus, ut ibi etiam, quemadmodum in cælo, & in terris, uim suam, potestatemque declararet, & omnino, ut in nomine eius omne genu flecteretur cælestium, terrestrium, & infernorum. Quo loco quis summam

Dei

Dei benignitatem in genus humanum non admittetur, & obstupescat, qui non modo pro nobis acerbissimam mortem subire, sed infimas etiam terræ partes penetrare uoluerit, ut sibi charissimas animas, inde ereptas, ad beatitudinem traduceret?

Sequitur altera articuli pars: in qua explicanda quantum laborare Parochus debeat, declarant illa Apostoli uerba: Memor esto, dominum Iesum Christum resurrexisse a mortuis. quod enim Timotheo præcipit, idem etiam reliquis animarum curatoribus præceptum esse dubitandum non est. Ea autem articuli est sententia: Postquam Christus dominus sexta feria, hora diei nona, in cruce spiritum emisit, & eadem die uespere sepultus est ab eius discipulis, qui Pilati præsidis permissu corpus Domini e cruce depositum in propinqui horti monumentum nouum intulerunt; tertio a morte die, qui fuit dominicus, summo mane illius anima corpori iterum coniuncta est: atque ita is, qui triduum illud mortuus fuerat, ad uitam, ex qua moriens discesserat, rediit, & surrexit. sed resurrectionis uoce non illud solum intelligendum est, Christum a mortuis excitatum esse, quod multis alijs commune fuit, sed sua ui, ac uirtute resurrexisse, quod proprium in illo fuit, & singulare. Neque enim natura patitur, nec ulli homini concessum est, ut se ipsum possit uirtute sua a morte ad uitam reuocare. Hoc uero summæ Dei

De glorio-
so resurre-
ctionis Chri-
sti myste-
rio.
2. ad Tim. 3

F iij potestati

- potestati tantummodo reſeruatum eſt, ut ex illis
 1. ad Cor. 13 Apoſtoli uerbis intelligimus: Eſi crucifixus eſt
 ex infirmitate, ſed uiuit ex uirtute Dei. quæ quo-
 niam neque a Chriſti corpore in ſepulcro, neque ab
 anima, cum ad Inferos deſcendiſſet, ſeiuncta um-
 quam fuit, diuina uis tum in corpore inerat, quæ
 animæ iterum coniungi, tum in anima, qua ad cor-
 pus denuo reuerti poſſet: qua & licuit ſua uirtute
 reuiuſcere, atque a mortuis reſurgere. Id uero
 Pſal. 97 Dauid ſpiritu Dei plenus prædixit his uerbis: Sal-
 uauit ſibi dextera eius, & brachium ſanctum eius.
 Deinde ipſe Dominus diuino oris ſui teſtimonio con-
 Ioan. 10 firmauit: Ego pono animam meam, ut iterum ſu-
 mam eam: & poteſtatem habeo ponendi eam, &
 iterum ſumendi eam. Iudeis etiam ad confirman-
 Ioan. 2 dam doctrinæ ueritatem dixit: Soluite templum
 hoc, & in tribus diebus excitabo illud. Quod qui-
 dem tametsi de templo illo magnifice ex lapidibus
 ſtructo intelligerent, ille tamen, ut ſcripturæ uer-
 Ioan. 2 bis eodem in loco declaratum eſt, dicebat de templo
 corporis ſui. Quamuis autem in ſcripturis inter-
 dum legamus, Chriſtum dominum a patre ſuscita-
 tum eſſe: hoc ad eum, ut ad hominem, referendum
 eſt: quemadmodum illa rurfus ad eundem, ut Deum,
 ſpectant, quibus ſignificatur, eum ſua uirtute re-
 ſurrexiſſe.

Sed illud etiam præcipuum Chriſti fuit, quod
 ipſe primus omnium hoc diuino reſurrectionis bene-
 Ad Colof. 1 ficio affectus eſt. nam in ſcripturis & primogeni-
 Apocal. 1 tus

tus ex mortuis, & primogenitus mortuorum uocatur. Atque, ut est apud Apostolum, Christus resurrex- 1. ad Cor. 15
 xit a mortuis, primitiæ dormientium: quoniā qui
 dem per hominem mors, et per hominem resurrectio
 mortuorū: & sicut in Adam omnes moriuntur, ita
 et in Christo omnes uiuificabuntur. Vnusquisq. au-
 tem in suo ordine, primitiæ Christus: deinde ij, qui
 sunt Christi. Quæ quidem uerba de perfecta resurre-
 ctione interpretanda sunt, qua ad immortalem ui-
 tam, omni prorsus moriendi necessitate sublata, ex-
 citamur. Atque in eo genere Christus dominus pri-
 mum locum obtinet. nam si de resurrectione loqui-
 mur, hoc est de reditu ad uitam, cui iterum morien-
 di necessitas adiuncta est; ante Christum multi alij a
 mortuis excitati sunt; qui omnes tamen ea condi-
 cione reuixerunt, ut eis iterum moriendum esset:
 at Christus dominus ita resurrexit morte subacta,
 & oppressa, ut mori amplius non posset: quod qui-
 dem apertissimo illo testimonio confirmatur: Chri-
 stus resurgens ex mortuis iam non moritur: mors Ad Rom. 6
 illi ultra non dominabitur. Quod uero articulo addi-
 tur, TERTIA DIE, Parocho explanandum erit,
 ne fideles arbitrentur, totos ipsos tres dies Domi-
 num in sepulcro fuisse. nam quod integrum natura-
 lem diem, partemque tum antecedentis, tum con-
 sequentis dici in sepulcro conditus est, ob eam rem
 uerissime dicitur triduo in sepulcro iacuisse, ac ter-
 tia die a mortuis surrexisse. Vt enim diuinitatem
 suam declararet, resurrectionem ad finem sæculi
 differre

differre noluit . rursus uero , ut eum uere hominem ,
uereque mortuum esse crederemus , non statim post
mortem , sed tertio die reuixit : quod temporis spa-
tium ad ueram mortem comprobendam satis esse
uidebatur .

Patres primæ Constantinopolitanæ Synodi huic
loco addiderūt , SECVNDVM SCRIPTVRAS .
Quod quidem ab Apostolo acceptum , in fidei Sym-
bolum propterea transtulerunt , quod resurrectio-
nis mysterium maxime necessarium esse , idem Apo-
stolus docuerit ijs uerbis : Si Christus non resurre-
xit , inanis est ergo prædicatio nostra , inanis est fi-
des uestra : & si Christus non resurrexit , uana est
fides uestra : adhuc enim estis in peccatis uestris .

S . August. Quare D. Augustinus , cum huius articuli fidem
admiraretur , ita scripsit : Non magnum est cre-
dere , quia mortuus est Christus . hoc & Pagani ,
& Iudæi , & omnes iniqui credunt : hoc omnes
credunt , quia mortuus est : fides Christianorum re-
surrectio Christi est : hoc pro magno habemus , quia
credimus eum resurrexisse . ex quo factum est , ut
frequentissime Dominus de sua resurrectione locu-
tus sit : ac nunquam fere de passione sua cum di-
scipulis collocutus est , quin de resurrectione loque-
retur . quare cum dixisset : Filius hominis trade-
tur gentibus , & illudetur , & flagellabitur , &
conspuetur , & , postquam flagellauerint , occident
eum : ad extremum addidit , Et tertia die resurget .
& cum Iudæi ab eo peterent , ut aliquo signo , &
miraculo

miraculo doctrinam suam comprobaret, respondit, Luc. 11
 nullum aliud signum eis datum iri, quam Iona prophetæ signum. sicut enim fuit Ionas in uentre ceti Matth. 12
 tribus diebus, & tribus noctibus, sic futurum as-
 firmavit, filium hominis in corde terræ tribus die-
 bus, & tribus noctibus.

Verum, ut huius articuli uim, & sensum me-
 lius perspiciamus, tria nobis inuestiganda, & co-
 gnoscenda sunt, Primum quidem, quare necesse
 fuerit Christum resurgere; deinde, qui resurrectionis
 finis, & scopus sit, & quæ ab ea utilitates, &
 commoda in nos sint profecta. Quod igitur ad pri-
 mum attinet, necesse fuit eum resurgere, ut Dei ius-
 titia ostenderetur, a quo maxime decebat eum ex-
 tolli, qui, ut illi obtemperaret, depressus, atque
 omni ignominia affectus erat. Hanc Apostolus Ad Phil. 2
 causam attulit, cum ad Philippenses inquit: Hu-
 miliauit semet ipsum factus obediens usque ad mor-
 tem, mortem autem crucis, propter quod & Deus
 exaltauit illum. Præterea, ut fides nostra confir-
 maretur, sine qua hominis iustitia constare non po-
 test: illud enim maximo argumento esse debet, Chri-
 stum filium Dei fuisse, quod sua uirtute a mortuis
 resurrexit: deinde ut spes nostra aleretur, atque su-
 stentaretur. Cum enim Christus resurrexerit, certa
 spe nitimur fore, ut nos etiam resurgamus: siquidē
 membra capitis sui condicionem cōsequantur, neces-
 se est. ita enim Apostolus argumentationem conclu-
 dere uidetur, cum ad Corinthios, & Thessalonicenses
 scribit.

De necessi-
 tate, fine, &
 utilitate re-
 surrectionis
 Iesu Chri-
 sti.

1. ad Cor. 15
 1. ad Thes. 4
 1. Pet. 1

scribit. & a Principe apostolorum Petro dictum est: Benedictus Deus, & pater domini nostri Iesu Christi, qui secundum misericordiam suam magnam regenerauit nos in spem uiuam per resurrectionem Iesu Christi ex mortuis in hereditatem incorruptibilem. Postremo ob eam etiam rem Domini resurrectionem necessariam fuisse docendum est, ut salutis, & redemptionis nostrae mysterium absolueretur. Christus enim morte sua nos a peccatis liberauit: resurgens uero praecipua nobis bona restituit, quae peccando amiseramus. Quare est apud Apostolum dictum: Christus traditus est propter delicta nostra, & resurrexit propter iustificationem nostram. Ne quid igitur humani generis saluti deesset, quemadmodum illum mori, ita resurgere etiam oportuit. Ex ijs uero, quae haecenus dicta sunt, perspicere possumus, quantum utilitatis Christi domini resurrectio fidelibus attulerit. In resurrectione enim, Deum esse immortalem, plenum gloria, mortis & Diaboli uictorem, agnoscimus: quod de Christo Iesu sine ulla dubitatione credendum, & confitendum est. Deinde Christi resurrectio nobis etiam corporis resurrectionem peperit; tum quia eius mysterij efficiens causa fuit; tum quia ad Domini exemplum resurgere omnes debemus. Nam quod ad corporis resurrectionem attinet, Apostolus ita testatur: Per hominem mors, & per hominem resurrectio mortuorum. quaecumque enim Deus in redemptionis nostrae mysterio egit

Ad Rom. 4

1. ad Cor. 15

egit, ad om
cienti in str
tio instrum
nostram eff
quoniam
perfectiss
surgens a
ita nostra
mortalia
ta restitue
torem expe
sum, qui
consequat
de anima
tio Christi
Apostolu
surrexit
in nouita
facti sum
surrection
Scientes q
non mori
Quod enim
mel: quod
stimat
tes autem
Duo
re debem
maculas

egit, ad omnia Christi humanitate, tamquam effici-
 cienti instrumento, usus est. Quare eius resurre-
 ctio instrumentum quoddam fuit ad resurrectionem
 nostram efficiendam: exemplar uero dici potest,
 quoniam Christi domini resurrectio omnium est
 perfectissima: ac quemadmodum Christi corpus re-
 surgens ad immortalem gloriam immutatum est,
 ita nostra etiam corpora, quæ prius imbecilla, &
 mortalia fuerant, gloria, & immortalitate orna-
 ta restituentur. Vt enim Apostolus docet, Salua- Ad Phil. 2.
 torem expectamus dominum nostrum Iesum Chri-
 stum, qui reformabit corpus humilitatis nostræ
 configuratum corpori claritatis suæ. Hoc etiam
 de anima in peccatis mortua dici potest: cui quo pa-
 eto Christi resurrectio exemplar proponatur, idem
 Apostolus ijs uerbis ostendit: Quo modo Christus ad Rom. 6
 surrexit a mortuis per gloriam patris, ita & nos
 in nouitate uitæ ambulemus. si enim complantati
 facti sumus similitudini mortis eius, simul & re-
 surrectionis erimus. & paucis interiectis, inquit:
 Scientes quod Christus resurgens ex mortuis, iam
 non moritur: mors illi ultra non dominabitur.
 Quod enim mortuus est peccato, mortuus est se-
 mel: quod autem uiuit, uiuit Deo. Ita & uos exi-
 stimate, uos mortuos quidem esse peccato, uiuen-
 tes autem Deo in Christo Iesu.

Duo igitur a Christi resurrectione exempla pete-
 re debemus. Alterum est, ut, postquam peccati
 maculas eluimus, nouum uitæ genus instituamus, Quæ ex
Christi re-
surrectione
exempla su-
menda,
 in quo

in quo morum integritas, innocentia, sanctitas, modestia, iustitia, beneficentia, humilitas eluceant. Alterum est, ut in eo uitæ instituto ita perseueremus, ut, adiuuante Domino, a iustitiæ uia, quam semel ingressi fuerimus, non excidamus. Neque uero Apostoli uerba id solum demonstrant, Christi resurrectionem ad resurrectionis exemplum nobis proponi; uerum etiam resurgendi uirtutem nobis præbere, uiresque, & spiritum largiri, quo in sanctitate, & iustitia permaneamus, ac Dei præcepta seruemus, declarant. nam quemadmodum ex eius morte non solum peccatis moriendi exemplum capimus, sed uirtutem etiam haurimus, qua peccatis moriamur: ita eius resurrectio ad iustitiam consequendam nobis uires affert, ut deinde pie, & sancte Deum colentes, in nouitate uitæ ambulemus, ad quam resurgimus. Hoc enim maxime resurrectione sua Dominus effecit, ut qui antea una cum illo peccatis, & huic sæculo mortui eramus, cum illo etiam ad nouam uitæ institutionem, & disciplinam resurgeremus. Cuius resurrectionis quæ potissimum signa obseruanda sint, Apostolus nos

Ad Colof. 3 admonet. nam cum inquit: Si consurrexistis cum Christo, quæ sursum sunt querite, ubi Christus est in dextera Dei sedens: plane ostendit, eos, qui uitæ, honores, otium, diuitias ibi maxime, ubi Christus est, habere cupiunt, uere cum Christo surrexisse. Cum uero addit: Quæ sursum sunt sapite, non quæ super terram: alteram etiam hanc ueluti notam

apposuit

apposuit, qua perspicere possimus, num uere cum Christo surreximus. ut enim corporis affectionem & ualitudinem gustus indicare solet: ita, si, quæcumque sunt uera, quæcumque pudica, quæcumq. iusta, quæcumque sancta, alicui sapiant, isque cælestium rerum iucunditatem intimo mentis sensu percipiat, hoc maximo argumento esse potest, eum, qui ita affectus sit, ad nouam, & spirituales uitam una cum Christo Iesu surrexisse. Ad Phil. 4

ASCENDIT AD CAELOS, SEDET AD DEXTERAM DEI PATRIS OMNIPOTENTIS. David propheta, cum beatam, & gloriosam Domini ascensionem spiritu Dei plenus contempleretur, omnes ad eum triumphum summa letitia, & gaudio celebrandum illis uerbis hortatur, cum inquit: Omnes gentes plaudite manibus, iubilate Deo in uoce exultationis: ascendit Deus in iubilatione. ex quo intelliget Parochus, maximo studio hoc mysterium explicandum esse, sibi que diligenter curandum, ut fideles illud non solum fide, & mente percipiant, sed, quoad eius fieri poterit, iuuante Domino, factis etiam, et uita exprimere studeant. Quod igitur ad sexti articuli explanationem attinet, in quo potissimum de diuino hoc mysterio agitur, a priori eius parte incipiendum est, & quæ eius sit uis, atque sententia, aperiendum. De Christo enim Iesu illud etiam fideles sine ulla dubitatione credere oportet, eum, perfecto iam & absoluto redemptionis nostræ Psal. 46

nostræ mysterio, ut homo est, in calum corpore,
 & anima ascendisse. nam, ut Deus est, numquam
 ab eo absuit, ut qui diuinitate sua loca omnia com-
 pleat. Ascendisse autem sua uirtute, doceat, non
 4. Reg. 2 aliena ui sublatum, quemadmodum Helias, qui
 Daniel. 14 igneo cirru in calum euectus est: uel Habacuc pro-
 pheta, uel Philippus diaconus, qui diuina uirtute
 Act. 8 per aerem delati, longinqua terrarum spatia per-
 mearunt. Neque uero solum, ut Deus, præpotenti
 diuinitatis uirtute in celos ascendit, sed etiam, ut
 homo est. Quamuis enim naturali ui id fieri non po-
 tuerit, tamen uirtus illa, qua beata Christi anima
 prædita erat, corpus, ut libuit, mouere potuit:
 corpus uero, quod iam gloriam adeptum erat, mo-
 uentis animæ imperio facile parebat. Atque hac
 ratione, ut Deus, & ut homo est, Christum in cæ-
 lum sua uirtute ascendisse credimus. In altera ar-
 ticuli parte hæc sunt: Sedet ad dexteram patris.
 quo loco tropum, idest uerbi immutationem licet
 animaduertere, frequentem in diuinis litteris, cum
 humanas affectiones, & membra ad nostram in-
 telligentiam accommodantes, Deo tribuimus. ne-
 que enim, cum spiritus sit, quidquam in eo corpo-
 reum cogitari potest. Sed quoniam in humanis re-
 bus ei maiorem honorem tribui existimamus, qui
 ad dexteram collocatus est; eandem rem ad cælestia
 etiam transferentes ad explicandam Christi glo-
 riam, quam ut homo præ ceteris omnibus adeptus
 est, eum in patris dextera esse confitemur. Sedere
 autem

autem hoc loco non situm, & figuram corporis significat, sed eam regie, summæque potestatis, ac gloriæ firmam & stabilem possessionem, quam a patre accepit, declarat: de quo ait Apostolus: Suscitans illum a mortuis, & constituens ad dexteram suam in caelestibus supra omnem principatum, & potestatem, & uirtutem, & dominationem, & omne nomen, quod nominatur non solum in hoc sæculo, sed etiam in futuro: & omnia subiecit sub pedibus eius. Ex quibus uerbis apparet, hanc gloriam adeo propriam, & singularem Domini esse, ut cuius alij creatæ naturæ conuenire non possit. Quare alio loco testatur: Ad quem autem angelorum dixit aliquando: Sede a dextris meis? Sed articuli sensum Parochus latius explanabit, ascensionis historiam persequens, quam sanctus Lucas euangelista in Actis apostolorum admirabili ordine descripsit. In cuius explicatione illud primum obseruare oportebit, cetera omnia mysteria ad ascensionem, tamquam ad finem, referri, in eoque omniū perfectionem, & absolutionem contineri. nam, ut ab incarnatione Domini omnia religionis nostræ mysteria initium habent; ita ascensione eius peregrinatio concluditur. Præterea, alia Symboli capita, quæ ad Christum dominum pertinent, summam eius humilitatem, & contemptionem ostendunt. neque enim abiectius, aut humilius quidquam cogitari potest, quam quod filius Dei pro nobis humanam naturam, & imbecillitatem assumpserit

Ad Eph. i

Ad Heb. i

A. r

G pferit

pferit, patique, & mori uoluerit. At uero, quod-
tum superiori articulo a mortuis surrexisse, nunc
uero in cælum ascendisse, & ad Dei patris dexte-
ram sedere confitemur, nihil ad eius summam glo-
riam, diuinamque maiestatem declarandam ma-
gnificentius dici, aut admirabilius potest.

Christi in
cælū ascen-
sionis cau-
sa, & quæ
nobis inde
beneficia.

Iam his expositis, accurate docendum est, cu-
ius rei causa Christus dominus in cælos ascenderit.
Primum enim ascendit, propterea quod eius cor-
pori, quod immortalitatis gloria in resurrectione
donatum fuerat, non terrenæ huius, & obscuræ
habitationis locus, sed altissimum, & splendidissi-
mum cæli domicilium conueniret: nec uero solum
ut eius gloriæ, & regni solium potiretur, quod
sanguine meruerat, uerum etiam ut ea, quæ ad sa-
lutem nostram pertinebant, curaret: deinde, ut
Ioan. 18 regnum suum non esse ex hoc mundo, re ipsa com-
probaret. nam mundi regna, terrena, & fluxa
sunt, magnisque opibus, & carnis potentia nitun-
tur: Christi uero regnum non terrenum, quale Iu-
dæi expectabant, sed spirituale, et æternum. itemq.
eius opes, & diuitias spirituales esse ipse ostendit,
cum suam sedem in cælis collocauit. in quo quidem
regno illi ditiores, & omnium bonorum copia af-
fluentiores existimandi sunt, qui ea, quæ Dei sunt,
diligentius quærunt. nam & sanctus Iacobus te-
Iacob. 2 statur, Deum elegisse pauperes in hoc mundo, di-
uites in fide, & heredes regni, quod repromisit
Deus diligentibus se. Sed illud etiam Dominus
noster

noster in cælum ascendēs efficere uoluit, ut nos eum
 ascendentem mente & desiderio prosequeremur.
 nam quemadmodum morte, & resurrectione sua
 moriendi, et resurgendi spiritu exemplum nobis re-
 liquerat, ita ascensu nos docet, atque instruit, ut
 in terris positi, in cælum nos cogitatione confera-
 mus, confitentes nos peregrinos, & hospites esse
 super terram, ac patriam inquirentes ciues esse san-
 ctorum, & domesticos Dei. Nostra enim, ut idem
 inquit Apostolus, conuersatio in cælis est. Iam ue-
 ro uim, & magnitudinem inexplicabilium bono-
 rum, quæ in nos Dei benignitas effundit, diuinus
 Dauid, Apostolo interprete, multo ante cecinerat
 illis uerbis: Ascendens in altum captiuam duxit ca-
 ptiuitatem, dedit dona hominibus. Nam decimo die
 spiritum sanctum dedit, cuius uirtute, atque uber-
 tate compleuit præsentem illam fidelium multitu-
 dinem: & uere tum magnifica illa promissa persol-
 uit: Expedit uobis, ut ego uadam si enim non abie-
 ro, paracletus non ueniet ad uos: si autem abiero,
 mittam eum ad uos. Ascendit etiam in cælum ex
 Apostoli sententia, ut appareat nunc uultui Dei
 pro nobis, & apud patrem aduocati officio funga-
 tur. Filioli mei, inquit sanctus Ioannes, hæc scribo
 uobis, ut non peccetis: sed &, si quis peccau-
 erit, aduocatum habemus apud patrem Iesum Chri-
 stum iustum, & ipse est propitiatio pro peccatis no-
 stris. Nec uero quidquam est, unde fideles maio-
 rem letitiam, et animi iucunditatē capere debeant,

Ad Heb. 11

Ad Eph. 2

Ad Phil. 3

Psal. 67

Ad Eph. 4

Act. 1

Ioan. 16

Ad Heb. 9

1. Ioan. 2

G ij quam

quam Iesum Christum patronum causæ, ac deprecatorem salutis nostræ constitutum esse, cuius sit apud æternum patrem summa gratia, & auctoritas. Parauit denique nobis locum, quod etiam se facturum promiserat, atque omnium nostrum nomine caput ipse Iesus Christus uenit in cælestis gloriæ possessionem, nam in cælum abiens, portas, quæ Adami peccato interclusæ fuerant, patefecit, nobisque uiam muniuit, qua ad cælestem beatitudinem perueniremus; quemadmodum ipse in cena discipulis futurum prædixerat. quod quidem ut rei etiam euentu aperte comprobaret, piorum animas, quas ab inferis eripuerat, secum in æternæ beatitudinis domicilium introduxit. Hanc cælestium munerum admirabilem copiam salutaris illa commodorum series consecuta est. primum enim fidei nostræ merito maximus cumulus accessit: nam fides earum rerum est, quæ sub aspectum non cadunt, atque ab hominum ratione, ac intelligentia remotæ sunt. Quare si Dominus a nobis non discessisset, fidei nostræ meritum minueretur: siquidem a Christo domino beati prædicantur, qui non uiderunt, & crediderunt. Præterea Christi in cælum ascensus ad confirmandam spem in cordibus nostris magnum momentum habet. nam quoniam Christum hominem in cælum ascendisse, & humanam naturam in dextera Dei patris collocasse credimus, magna in spe sumus, fore, ut nos etiam, eius membra, illuc ascendamus,

Ioan. 14

Ioan. 20

ascendamus, atque ibi cum capite nostro coniungamur: quod ipse Dominus his uerbis testatus est: *Pa* ^{Ioan. 17}
ter, quos dedisti mihi, uolo, ut, ubi sum ego, &
illi sint mecum. Deinde hoc quoque uel maximum
 beneficium consecuti sumus, quod amorem nostrum
 ad cælum rapuit, ac diuino spiritu inflammanit:
 nam uerissime dictum est, ibi cor nostrum esse, ubi
 thesaurus noster est. *Ac* ^{Matth. 6} *profecto, si Christus domi-*
nus in terris uersaretur, omnis nostra cogitatio in
ipso hominis aspectu, & consuetudine defixa esset;
& illum dumtaxat hominem spectaremus, qui nos
tantis beneficijs afficeret, eumque terrena quadam
beneuolentia prosequeremur: uerum in cælum
ascendens, amorem nostrum spiritualem reddidit, ef-
fecitque, ut, quem nunc absentem cogitamus, eum,
ut Deum, ueneremur, & diligamus. Id autem
 partim apostolorum exemplo intelligimus, qui-
 bus dum præsens affuit Dominus, humano fere
 sensu de illo iudicare uidebantur; partim uero
 ipsius Domini testimonio confirmatum est, cum
 inquit: *Expedi uobis, ut ego uadam.* ^{Ioan. 16} *Nam im-*
perfectus ille amor, quo Christum Iesum præ-
sentem diligebant, diuino amore perficiendus
erat, idque spiritus sancti aduentu: quare sta-
tim addit: Si enim non abiero, paracletus non
ueniet ad uos. Accedit etiam, quod in terris
domum suam, idest Ecclesiam, amplificauit,
quæ spiritus sancti uirtute, & ductu guberna-
retur. eius uero uniuersæ inter homines Pa-

G iij & sum-

Ad Eph. 4

& summum antistitem Petrum, apostolorum principem, reliquit. tum uero dedit quosdam quidem apostolos, quosdam autem prophetas, alios uero euangelistas, alios autem pastores, & doctores. atque ita ad dexteram patris sedens, alijs, atque alijs diuersa dona semper impertitur. nam testatur Apostolus, unicuique nostrum datam esse gratiam secundum mensuram donationis Christi. Ad extremum uero quod antea de mortis, & resurrectionis mysterio docuimus, idem etiam de ascensu fidelibus cogitandum est. quamuis enim Christi passioni salutem, & redemptionem nostram debeamus, qui merito suo aditum iustis ad calum aperuit: tamen eius ascensus non solum ueluti exemplar nobis propositum est, quo alte spectare, & spiritu in calum ascendere discamus, sed diuinam etiam uirtutem, qua id efficere possimus, largitus est.

Ad Eph. 4

INDE VENTVRVS EST IUDICARE VIVOS ET MORTVOS. Tria sunt domini nostri Iesu Christi ad suam Ecclesiam decorandam, & illustrandam insignia officia, & munera, redemptionis, patrocinijs, & iudicijs. cum autem superioribus articulis, ab eo genus humanum passione, & morte redemptum esse ascensu etiam in calum, nostram causam, & patrocinium in perpetuum susceptum constet: sequitur, ut eius iudicium hoc articulo declaretur: cuius articuli ea uis est, & ratio, summo illo die Christum dominum de uniuerso hominum genere iudicaturum esse. Sacra enim litteræ

litteræ duos filij Dei aduentus esse testantur, alterum, cum salutis nostræ causa, carnem assumpsit, & homo in uirginis aluo effectus est: alterum, cum in consummatione sæculi ad iudicandos omnes homines ueniet. hic aduentus in sacris litteris dies Domini appellatur: de quo Apostolus ait: Dies Domini, sicut fur in nocte, ita ueniet. & Saluator ipse: De die autem illa, & hora nemo scit. 1. ad Thef. 5
Matth. 24

Ac de summo iudicio satis sit illa auctoritas Apostoli: Omnes nos manifestari oportet ante tribunal Christi, ut referat unusquisque propria corporis, prout gessit, siue bonum, siue malum. Plena enim est sacra scriptura testimoniorum, quæ passim Parochis occurrent, ad rem non solum comprobendam, sed etiam fidelium oculis subiiciendam; ut, quemadmodum a mundi initio dies ille Domini, quo humanam carnem induit, omnibus optatissimus semper fuit, quod in eo mysterio liberationis suæ spem positam haberent; ita deinceps post filij Dei mortem, & ascensum in cælum, alterum diem Domini uehementissimo studio desideremus, expectantes beatam spem, et aduentū gloriæ magni Dei. Marc. 13
2. ad Cor. 5

Sed duo tempora Parochis ad rei explicationem obseruanda sunt, in quibus unicuique neesse est in conspectum domini uenire, & singularum cogitationum, actionum, uerborum denique omnium rationem reddere, demumque iudicis præsentem subire sententiam. Primum est, cum unusquisque nostrum migrat e uita: nam statim ad Dei tribunal De duplici
ad nos adue
tu Domini:
& de neces
sitate gene
ralis iudi
cii.

G iiii sistitur,

sistitur, ibiq. de omnibus iustissima quæstio habetur, quacumque aut egerit, aut dixerit, aut cogitarit umquam. atque hoc priuatim iudicium uocatur. Alterum uero, cum uno die, atque uno in loco omnes simul homines ad tribunal iudicis stabunt, ut, omnibus omnium seculorum hominibus inspectantibus, et audientibus, singuli, quid de ipsis decretum, et iudicatum fuerit, cognoscant: cuius sententiæ pronuntiatio impijs, & scelestis hominibus non minima futura est pœnarum, & suppliciorum pars. rursus uero pij, & iusti non paruum ex ea præmium, fructumq. percepturi sunt, cum, qualis quisque in hac uita fuerit, apparebit. hoc autem generale iudicium appellatur: de quo illud necessario ostendendum est, quæ causa fuerit, cur, præter priuatim de singulis, alterum etiam de uniuersis hominibus iudicium exerceretur. nam cum uel ipsis hominibus mortuis interdum superstitēs sint filij parentum imitatores, reliqui sint libri, discipuli, exemplorum, orationum, actionum amatores, ac propugnatores, quibus rebus ipsorum mortuorum præmia, & pœnas augeri necesse est; cum hæc uel utilitas, uel calamitas ad plurimos pertinens, non prius finem habitura sit, quâ extremus ueniat mundo dies; æquum erat de uniuersa hac recte, aut perperam factorum, dictorumq. ratione perfectâ quæstionem haberi: quod fieri nō poterat, nisi facto communi omnium hominum iudicio. Accedit etiam, quod, cum piorum fama sæpe lædatur, impij uero inno-

innocentiæ laude commendentur; diuinæ iustitiæ ratio postulat, ut pij ereptam iniuria apud homines existimationem in publico uniuersorum hominum conuentu, & iudicio recuperent. deinde uero boni, et mali homines, quæcumque in uita egerunt, cum non sine corporibus egerint; omnino sequitur, ut benefacta, siue malefacta ad corpora etiâ pertineant, quæ actionum ipsarum instrumentum fuerint. Maxime igitur conueniebat, corporibus una cum eorû animis debita æternæ gloriæ præmia, aut supplicia impertiri: quod quidem neque sine omnium hominum resurrectione, neque sine generali iudicio fieri poterat. Postremo, quoniam in aduersis, & secundis hominum rebus, quæ promiscue nonnumquam bonis & malis eueniunt, probandum erat, nihil nõ infinita Dei sapientia, & iustitia geri, ac gubernari; par fuit, non solum bonis præmia, improbis supplicia in futuro sæculo constitui, uerum etiam publico, ac generali iudicio decerni; quo omnibus notiora, & illustriora fierent, atque ut Deo iustitiæ, & prouidentie iaus ab omnibus tribueretur, pro iniusta illa querela, qua sancti etiam uiri deplo- rare interdum, ut homines, solebant, cum improbos ualentes opibus, & honoribus florentes animaduenterent. nam Propheta, Mei, inquit, ^{Psalm. 79} pene moti sunt pedes, pene effusi sunt gressus mei, quia zelauī super iniquos pacem peccatorum uidens. & paulo post: Ecce ipsi peccatores, & abundantes in sæculo, obtinuerunt diuitias: & dixi; Ego

Ergo sine causa iustificauit cor meum : & laui inter
innocentes manus meas : et fui flagellatus tota die :
& castigatio mea in matutinis . Atque hæc frequēs
querela multorum fuit . Ergo necesse erat , ut ge-
nerale iudicium exerceretur ; ne forte homines di-
cerent , Deum circa cardines cæli perambulantem
non curare terrena . Hæc autem ueritatis formu-
la , iure una ex duodecim fidei Christianæ articulis
constituta est , ut , si quorum animi in providentia
et iustitia Dei nutarent , huius doctrinæ ratione con-
firmarentur . Præterea , proposito iudicio pios re-
creari , impios terreri oportebat , ut , cognita Dei
iustitia , illi ne deficerent , hi a malis , æterni sup-
plicij metu , atque expectatione , reuocarentur .

Iob 22 Quare Dominus , & Saluator noster , cum de ex-
tremo die loqueretur , declarauit futurum aliquan-
do generale iudicium ; signaque aduentantis eius
temporis descripsit ; ut , cum illa uiderimus , finem
sæculi prope esse intelligamus . ac deinde in calum
ascendens angelos misit , qui apostolos , eius absen-
tia mærentes , his uerbis consolarentur : Hic Iesu ,
qui assumptus est a uobis in calum , sic ueniet ,
quemadmodum uidistis eum euntem in calum .

Matth. 24

A. 1

Christus
cur iudex
omnium fu-
turus ; ac de
præcedenti-
bus iudicii
signis , deq.
forma , sen-
tentia , mo-
do .

Verum , Christo domino non solum ut deo , sed
etiam ut homini hoc iudicium datum esse , sacræ lit-
teræ declarant . quamuis enim iudicandi potestas
omnibus sanctæ Trinitatis personis communis sit :
præcipue tamen filio eam tribuimus ; quod ipsi
quoque sapientiam cōuenire dicimus . Quod autem ,

ut

ut homo, mundum indicaturus sit, Domini testimonio confirmatur, qui inquit: Sicut pater habet uitam ^{Ioan. 5} in semet ipso, sic dedit et filio habere uitam in semet ipso, et potestatem dedit ei iudicium facere, quia filius hominis est. Decebat autem maxime a Christo domino hoc iudicium exerceri, ut, cum de hominibus decernendum esset, illi corporeis oculis iudicem uidere, & auribus sententiam, quæ proferebatur, audire possent, & omnino iudicium illud sensibus percipere. Ac præterea æquissimum erat, ut homo ille, qui iniquissimis hominum sententijs condemnatus fuerat, omnium deinde iudex sedere ab omnibus conspiceretur. Quamobrem apostolorum Princeps, cum in Cornelij domo summa Christianæ religionis capita exposuisset, docuissetque Christum a Iudæis in ligno suspensum, atque occisum, tertia uero die ad uitam resurrexisse, subiunxit: Et præcepit nobis, prædicare populo, & testificari, quia ipse est, qui constitutus est a Deo iudex ^{Act. 10} uiuorum, & mortuorum. Sed tria hæc præcipua signa iudicium antecessura esse, sacræ litteræ declarant, prædicationem euangelij per uniuersum orbem, discessionem, Antichristum: inquit enim Dominus: Prædicabitur hoc euangelium regni in ^{Matth. 24} uniuerso orbe in testimonium omnibus gentibus, & tunc ueniet consummatio. & Apostolus nos admonet, ne ab aliquo seducamur, quasi instet dies Domini: quoniam, nisi uenerit discessio primum, ^{1. ad Thes. 2} & reuelatus fuerit homo peccati, iudicium non fiet.

fiet. Quæ autem iudicij forma, et ratio futura sit, Parochis ex Danielis oraculis, tum ex sanctorum euangeliorum, & Apostoli doctrina facile erit cognoscere. Præterea, sententia, quæ a iudice pronuntianda sit, diligentius hoc loco expendenda erit. Christus enim saluator noster, letis oculis pios a dextera stantes intuens, ita de illis iudicium summa cum benignitate pronuntiabit: Venite benedicti patris mei: possidete regnum, quod paratum est uobis a constitutione mundi. Quibus uerbis nihil iucundius audiri posse illi intelligent, qui ea cum impiorum damnatione contulerint, ac cum animo suo cogitauerint, ijs uerbis pios & iustos homines a laboribus ad quietem, a lacrymarum ualle ad summum gaudium, a miserijs ad perpetuam beatitudinem, quæ illi charitatis officijs promeriti fuerint, uocari. Deinde ad eos, qui a sinistra stabunt, conuersus, suam iustitiam in eos effundet his uerbis. Disceditis a me maledicti in ignem æternum, qui paratus est Diabolo, & angelis eius. Prioribus illis uerbis, Disceditis a me, maxima pœna significatur, qua impij plectendi erunt, cum a Dei aspectu quamlongissime eiicientur; neque ulla spes eos consolari poterit, fore aliquando, ut tanto bono perfruantur. atque hæc quidem a theologis pœna damni appellata est, quod scilicet impij apud inferos diuinæ uisionis luce perpetuo carituri sint. Quod uero additur, Maledicti; mirum in modum auget illorum miseriam, & calamitatem. si enim,

cum

Matth. 25

Matth. 25

cum a diuina præsentia expellendi essent, aliqua saltem benedictione digni haberentur; hoc perfecto magno eis solatio esse potuisset. at quoniam nihil eiusmodi ipsis expectandum est, quod calamitatem leuiorem faciat, iure optimo, cum expellentur, diuina iustitia eos omni maledictione persequetur. Sequitur deinde: In ignem æternum. quod quidem Matth. 25 alterum pœnarum genus, pœnam sensus theologi uocarunt: propterea quod sensu corporis percipitur, ut in uerberibus, & flagellis, alioque grauiore suppliciorum genere; inter quæ, dubitari non potest, ignis tormenta summum doloris sensum efficere. cui malo cum accedat, ut perpetuum tempus duraturum sit; ex eo ostenditur, damnatorum pœnam omnibus suppliciis cumulandam esse. atque hoc magis declarant uerba illa, quæ in extrema sententiæ parte posita sunt: Qui paratus est Diabolo, & angelis eius. Cum enim ita comparatum sit, ut omnes molestias leuius feramus, si calamitatis nostræ socium aliquem, & consortem habeamus, cuius prudentia, atque humanitate aliqua ex parte iuuari possimus: quæ tandem erit damnatorum miseria, quibus in tantis ærumnis a perditissimorum demonum societate diuelli numquam licebit? & hæc quidem sententia in impios iustissime a domino Salvatore nostro feretur; ut, qui omnia ueræ pietatis opera neglexerint, & esurienti, ac sitienti nec cibum, nec potum ministrauerint, hospitem non exceperint, nudum non

Eccle. 7

non operuerint, aut in carcere inclusum, ægrumq.
non uisitarint. Hæc sunt, quæ Pastores fidelis po-
puli auribus sæpissime inculcare debent. nam huius
articuli ueritas fide concepta maximam uim habet
ad frenandas prauas animi cupiditates, atque a pec-
catis homines abstrahendos. Quare in Ecclesiasti-
co dictum est: In omnibus operibus tuis memorare
nouissima tua, & in æternum non peccabis. Ac
profecto uix quisquam adeo præceptum in scelera fe-
retur, quem illa cogitatio ad pietatis studium non
reuocet, fore aliquando, ut ei apud iustissimum iu-
dicem omnium non solum factorum, dictorumque,
sed occultissimarum etiam cogitationum ratio red-
denda, & pro meritis pœna persoluenda sit. Iu-
stus uero ad colendam iustitiam magis ac magis in-
citetur, ac summa letitia efferatur, necesse est,
quamuis etiam in egestate, infamia, cruciatibus
uitam degat, cum animum ad eum diem refert,
quo, post ærumnosæ huius uitæ certamina, uictor
uniuersis hominibus audientibus declarabitur, &
diuinis, atque illis quidem æternis honoribus, in cæ-
lestem patriam receptus, afficietur. Quod igitur
reliquum est, hortari fideles oportet, ut optime ui-
uendi rationem comparent, ad omne pietatis stu-
dium se exerceant, quo possint aduentantem ma-
gnam illum diem Domini, maiore cum securitate
animi expectare, atque adeo, ut filios decet, cum
summa cupiditate expectare.

CREDO

CREDO IN SPIRITUM SANCTUM.

Haftenus, quæ ad primam, & secundam sanctæ Trinitatis personam pertinebant, quantum propositi argumenti ratio postulare uidebatur, exposita sunt: sequitur nunc, ut illa etiam, quæ in Symbolo de tertia persona, hoc est de spiritu sancto traduntur, explicentur. Qua in re declaranda omne studium, & diligentiam Pastores adhibebunt, cum homini Christiano non magis liceat hanc partem ignorare, uel de ea minus recte sentire, quam de alijs superioribus articulis existimandum sit. Quare Apostolus non permisit Ephesios quosdam spiritus sancti personam ignorare: a quibus cum quaesisset, an spiritum sanctum acceperint, cum illi, ne si spiritus sanctus quidem esset, se scire respondissent, statim rogauit: In quo ergo baptizati estis? quibus uerbis significauit, distinctam huius articuli notitiam fidelibus maxime necessariam esse: ex qua eum præcipue fructum capiunt, quod cum attente cogitant, se, quidquid habent, spiritus sancti munera, & beneficio consecutos esse; tum uero de se ipsis modestius, & humiliter sentire, & in Dei præsidio omnem spem ponere incipiunt: qui primus homini Christiano gradus ad summam sapientiam, & felicitatem esse debet.

Huius igitur articuli explanationem a ui, & De propria
notione, quæ hoc loco spiritus sancti uocabulo sub-
iuncta est, exordiri oportebit. nam cum illud æque
de patre, & filio rectissime dicatur; (uterque
enim

spiritus sancti
significa
tione.

enim spiritus est, & sanctus: siquidem Deum spiritum esse confitemur) deinde uero hac uoce angeli etiam, & piorum animæ significantur; cauendum est, ne populus uerbi ambiguitate in errorem inducatur. Quare docendum est in hoc articulo, spiritus sancti nomine tertiam Trinitatis personam intelligi: quo modo in sacris litteris tum ueteris nonnumquam, tum noui testamenti frequenter accipitur. nam David precatur: Et spiritum sanctum tuum ne auferas a me. in libro sapientiæ legimus: Sensum tuum quis sciet, nisi tu dederis sapientiam, et miseris spiritum sanctum tuum de altissimis? et alibi: Ipse creauit illam in spiritu sancto. In nouo uero testamento iubemur baptizari in nomine patris, & filii, & spiritus sancti. & sanctissimam uirginem de spiritu sancto concepisse legimus. tum uero a sancto Ioanne ad Christum mittimur, qui nos spiritu sancto baptizat: ac plurimis præterea aliis in locis ea uox legentibus occurrit. Verum nemo mirari debet, tertiæ personæ, quemadmodum primæ, & secundæ, proprium nomen tributum non esse. nam secunda persona ideo proprium nomen habet, & filius dicitur, quia eius æternus a patre ortus proprie generatio uocatur, ut in superioribus articulis explicatum est. Vt igitur ortus ille, generationis nomine significatur: ita personam, quæ emanat, proprie filium appellamus, &, a qua emanat, patrem. Nunc cum tertiæ personæ productioni proprium

Bsal. 50

Sap. 9

Eccle. 1

Matth. 28

Matth. 1

Luc. 1

Ioan. 1

proprium nomen impositum non sit, sed spiratio, et processio appelletur; sequitur, ut etiam persona, quæ producitur, suo nomine careat. Nullum autem proprium nomen eius emanatio habet: propterea quod nomina, quæ Deo tribuuntur, a rebus creatis mutuari cogimur: in quibus quoniam nullam aliam naturæ, & essentiæ communicandæ rationem, quam generandi uirtute, agnoscimus, ob eam causam fit, ut rationem, qua se ipsum totum Deus uel amoris communicat, proprio uocabulo exprimere non possimus. Quare communi SPIRITVS SANCTI nomine tertia persona appellata est. quod quidem illi maxime conuenire ex eo intelligimus, quia spirituales uitam in nos infundit, ac sine eius sanctissimi numinis afflatu nihil æterna uita dignum efficere possumus.

Verum, explicata uocabuli significatione, docendus in primis erit populus, spiritum sanctum æque ac patrem & filium Deum esse, eidem æqualem, æque omnipotentem, æternum, & infinitæ perfectionis, summum bonum, ac sapientissimum, eiusdemq. cum patre, et filio naturæ. Quod quidem illius uocis, IN, cum dicimus, Credo in spiritum sanctum, proprietas satis indicat, quæ, ad exprimendam fidei nostræ uim, singulis Trinitatis personis apposita est. Atque id etiam aperta sacrarum litterarum testimonia confirmant. nam cum sanctus Petrus in Actis apostolorum dixisset: Ana-

Spiritu sanctum omnino Patri & Filio in omnibus æqualem esse.

12.

H spiritui

spiritui sancto ; mox inquit : Non es mentitus hominibus , sed Deo : quem prius spiritum sanctum appellauerat , eundem statim Deum uocat . Apostolus etiam ad Corinthios , quem Deum dixerat , spiritum sanctum esse interpretatur . Diuisiones , inquit , operationum sunt , idem uero Deus , qui operatur omnia in omnibus . deinde subiungit : Hæc autem omnia operatur unus , atque idem spiritus , diuidens singulis prout uult . Præterea in Actis apostolorum , quod uni Deo prophætæ tribuunt , ille spiritui sancto adscribit . dixerat enim

1. ad Cor. 12 Isaias : Audiui uocem Domini dicentis , Quem mittam ? et dixit mihi : Vade , et dices populo huic , Excæca cor populi huius , & aures eius aggraua , & oculos eius claudes : ne forte uideat oculis suis , & auribus suis audiat . Quæ uerba cum Apostolus citaret , Bene , inquit , spiritus sanctus locutus est per Isaiam prophetam . Deinde uero cum scriptura spiritus sancti personam cum patre & filio coniungit , ut cum patris , & filij , & spiritus sancti nomen in baptismo adhiberi præcipit , nullus nobis de huius mysterij ueritate dubitandi locus relinquitur . nam si pater Deus est , & filius Deus ; omnino fateri cogimur , etiam spiritum sanctum , qui cum eis pari honoris gradu coniungitur , Deum esse . Accedit autem , quod is , qui in nomine cuius rei creatæ baptizatur , nullum ex eo fructum cõsequi potest . Numquid in nomine Pauli , inquit , baptizati estis ? ut ostenderet hoc eis nihil ad comparandam

randam salutem profuturum esse. Cum igitur baptizemur in nomine spiritus sancti, eum esse Deum fateri oportet. Sed hunc eundem trium personarum ordinem, quo spiritus sancti diuinitas comprobatur, licet animaduertere tum in epistola Ioannis: Tres sunt qui testimonium dant in cælo, pater, uerbum, 1. Ioan. 5 & spiritus sanctus, & hi tres unum sunt: tum ex præclaro illo sanctæ Trinitatis elogio, quo diuinæ laudes & psalmi concluduntur, Gloria patri, & filio, & spiritui sancto. Postremo, quod ad eam ueritatem confirmandam maxime pertinet, quæcumque Dei propria esse credimus, ea spiritui sancto conuenire sacræ litteræ testantur. Quare illi templorum honorem tribuunt, ut cum Apostolus ait: An nescitis, quoniam membra uestra templū 1. ad Cor. 6 sunt spiritus sancti? Item sanctificationem, & ui- 2. Ad Thes. uificationem; & scrutari profunda Dei; & per 2. 1. p. 1 prophetas loqui; & ubique esse: quæ omnia diui- Ioan. 6 no tantum numini tribuenda sunt. Sed illud præte- 2. ad Cor. 3 rea fidelibus accurate explanandum est, spiritū san- 1. ad Cor. 2 ctū ita Deum esse, ut eum tertiam personam in diuina natura a patre, & filio distinctam, & uoluntate productam confiteri oporteat. nam, ut alia scriptū Matth. 28 rarū testimonia omittantur, baptismi forma, quam Saluator noster docuit, apertissime ostendit spiritum sanctū tertiā esse personā, quæ in diuina natura per se cōstet, et ab alijs distincta sit. Quod etiā Apostoli uerba declarant, cum inquit: Gratia domini nostri 2. ad Cor. 13 Iesu Christi, et charitas Dei, et communicatio sancti

H ū spiritus

spiritus sit cum omnibus uobis, Amen. Idem uero multo apertius demonstrant, quæ Patres in Constantinopolitano primo Concilio hoc loco ad confutandam impiam Macedonij amentiam addiderunt, & in SPIRITVM SANCTVM DOMINVM, & uiuificantem, qui ex patre, filioque procedit: qui cū patre et filio simul adoratur, & conglorificatur, qui locutus est per prophetas. Quod igitur spiritum sanctum Dominum consitentur, in eo declarant, quantum angelis antecellat; qui tamen nobilissimi spiritus a Deo cōditi sunt. illos enim omnes sanctus Paulus testatur esse administratorios spiritus, in ministerium missos, propter eos, qui hereditatem capiunt salutis. VIVIFICANTEM uero appellant, quod anima cum Deo coniuncta magis uiuit, quam corpus animæ coniunctione alitur, ac sustinetur. Quoniam uero spiritui sancto sacræ litteræ hanc animæ cum Deo coniunctionem tribuunt, rectissime uiuificantem spiritum sanctum uocari perspicuum est. Iam uero quod sequitur, Qui ex patre, filioque procedit, docendi sunt fideles, spiritum sanctum a patre, & filio, tamquam ab uno principio, æterna processione procedere. id enim ecclesiastica regula, a qua Christiano non licet aberrare, credendum nobis proponit, & diuinarum litterarum & Conciliorum auctoritate confirmatur. nam Christus dominus, cū de spiritu sancto loqueretur, dixit: Ille me clarificabit, quia de meo accipiet. Hoc idem ex eo colligitur, quod in scripturis

Ad Heb. 1

Ioan. 16

scripturis sacris spiritus sanctus nonnumquam spiritus Christi, interdum spiritus patris appellatur: modo a patre, modo a filio mitti dicitur, ut aequè a patre, & filio procedere non obscure significetur. Qui spiritum Christi non habet, inquit sanctus Paulus, hic non est eius. et idem spiritum Christi uocat, cum ad Galatas inquit: Misit Deus spiritum filij sui in corda uestra, clamantem Abba pater. Apud sanctum Matthæum spiritus patris appellatur: Non uos estis qui loquimini, sed spiritus patris uestri. & Dominus in cena inquit: Paracletus, quem ego mit- tam uobis spiritum ueritatis, qui a patre procedit, ille testimoniū perhibebit de me. Tum alibi eundem spiritum sanctum a patre mittendum affirmat his uerbis: Quem mittet pater in nomine meo. Ex quibus uerbis cum processionem spiritus sancti intelligamus, perspicuum est, eundem ab utroque procedere. Hæc sunt, quæ de spiritus sancti persona tradenda erunt.

Docere præterea oportebit, quosdam esse spiritus sancti admirabiles effectus, & amplissima quædam munera, quæ ab ipso, tamquam a perenni bonitatis fonte, oriri, & manare dicuntur. Quamuis enim sanctissimæ Trinitatis opera, quæ extrinsecus sunt, tribus personis communia sint: ex ijs tamen multa spiritui sancto propria tribuuntur, ut intelligamus illa in nos a Dei immensa charitate proficisci. nam cum spiritus sanctus a diuina uoluntate, ueluti amore inflammata, procedat; perspic-

H iij potest,

De admirandis spiritus sancti effectibus & donis.

potest, eos effectus, qui proprie ad spiritum sanctum referuntur, a summo erga nos Dei amore oriri. Quare ex eo consequitur, ut spiritus sanctus DONVM appelletur. nam doni uocabulo significatur id, quod benigne, & gratuito, nulla spe remunerationis proposita, donatur. Ac proinde quæcunque bona, & beneficia a Deo in nos collata sunt, (quid autem habemus, quod a Deo, ut inquit Apostolus, non acceperimus?) ea nobis spiritus sancti concessu, & munere data esse, pio, & grato animo agnoscere debemus. Eius autem plures effectus sunt. nam ut mundi creationem, creaturarumque rerum propagationem, & gubernationem omittamus, de quibus in primo articulo commemorauimus; uiuificationem spiritui sancto proprie tribui, paulo ante demonstratum est, & Ezechielis testimonio confirmatur: Dabo, inquit, uobis spiritum, & uiuetis. Præcipuos tamen, & maxime proprios spiritus sancti effectus Propheta enumerat: **II. 11** Spiritum sapientiæ, et intellectus, spiritum consilij, & fortitudinis, spiritum scientiæ, & pietatis, & spiritum timoris Domini: quæ dona spiritus sancti uocantur: interdum autem spiritus sancti nomen eis tribuitur. Quare sapienter D. Augustinus monet, Animaduertendum esse, cum in sacris litteris huius uocis SPIRITVS SANCTI mentio fit, ut diiudicare possimus, tertiam ne Trinitatis personam eius effectus, atque operationes significet. nam hæc duo eodem intervallo distinguenda sunt, quo etiam

etiam creatorem a rebus creatis differre credimus. Atque hæc eo diligentius explicanda sunt, quod ex hisce spiritus sancti donis, Christianæ uitæ præcepta haurimus, sentireque possumus, an spiritus sanctus in nobis sit. Verum, præ ceteris eius amplissimis muneribus, gratia illa prædicanda est, quæ nos iustos facit, signatque spiritu promissionis sancto, Ad Eph. 1. qui est pignus hereditatis nostræ. hæc enim mentem nostram arctissimo amoris uinculo Deo iungit: ex quo fit, ut summo pietatis studio accensi, nouam ui- 1. Ioan. 1. tam instituamus, ac naturæ diuinæ participes effecti, filij Dei nominemur, & uere simus.

CREDO SANCTAM ECCLESIAM CATHOLICAM. Quanta diligentia curare Pastores debeant, ut huius noni articuli ueritatem fidelibus explicent, si duo potissimum considerantur, facile cognosci poterit. Primum enim, teste sancto Augustino, propheta planius, & apertius de Ec- 3. August. clesia, quam de Christo, locuti sunt, cum in eo multo plures errare, ac decipi posse, quam incarnationis sacramento, præuiderent. Neque enim defuturi erant impij, qui ad simiæ imitationem, quæ se hominem esse fingit, solos se catholicos esse profiterentur, & catholicam Ecclesiam apud se tantum, non minus nefarie, quam superbe affirmarent. Deinde, si quis hanc ueritatem firmo animo conceptam habuerit, facile horrendum hæresis periculum effugiet. Non enim, ut quisque primum in fide peccarit, hæreticus dicendus est,

H uiy sed

sed qui, Ecclesie auctoritate neglecta, impias opiniones pertinaci animo tuetur. Cum igitur fieri non possit, ut aliquis se hæresis peste commaculet, si ijs fidem adhibeat, quæ in hoc articulo credenda proponantur; curent omni studio Pastores, ut fideles, cognito hoc mysterio, contra aduersarij artes muniti, in fidei ueritate perseuerent. Pendet autem hic articulus a superiori: quia cum iam demonstratum sit, spiritum sanctum omnis sanctitatis fontem, & largitorem esse, nunc ab eodem Ecclesiam sanctitate donatam confitemur.

Quid proprie nomine Ecclesie Christianis intelligendum: & quæ mysteria contineat.

Ac quoniam Ecclesie uocem Latini a Græcis mutuati, post diuulgatum euangelium ad res sacras transfulerunt; quam uim habeat hoc uocabulum, aperiendum est. Significat autem Ecclesia euocationem; uerum scriptores postea usurparunt pro concilio, & concione. Neque uero refert, utrum populus ille ueri Dei, an falsæ religionis cultor extiterit. in Actis enim de Ephesino populo scriptum est, cum scriba turbas sedasset, dixisse: Si quid autem alterius rei queritis, in legitima Ecclesia poterit absolui. Legitimam uocat Ecclesiam populum Ephesinum, Dianæ cultui addictum. Neque solum gentes, quæ Deum non nouerunt, sed etiam malorum, & impiorum hominum concilia interdum Ecclesia nominantur. Odiui, inquit Propheeta, Ecclesiam malignantium, & cum impijs non sedebo. Comuni uero deinde sacrarum scripturarum consuetudine hæc uox ad remp. Christianam, fideliumque

fideliūque tantum congregationes significandas
usurpata est; qui scilicet ad lucem ueritatis, &
Dei notitiam per fidem uocati sunt, ut, reiectis
ignorantie, & errorum tenebris, Deum uerum,
& uiuum pie, & sancte colant, illique ex toto cor-
de inserviant. atque, ut unico uerbo hæc res tota
absoluatur, Ecclesia, ut ait sanctus Augustinus, *s. August.*
est populus fidelis per uniuersum orbem dispersus.
Nec uero leuia mysteria in hoc uocabulo continen-
tur. etenim in euocatione, quam Ecclesia signifi-
cat, statim diuinæ gratiæ benignitas, & splendor
elucet, intelligimusque Ecclesiam ab alijs rebus pu-
blicis maxime differre. illæ enim humana ratione,
& prudentia nituntur: hæc autem Dei sapientia,
& consilio constituta est. uocauit enim nos intimo
quidem spiritus sancti afflatu, qui corda hominum
aperit, extrinsecus autem Pastorum et predicatorum
opera, ac ministerio. Præterea, ex hac uoca-
tione quis nobis finis propositus esse debeat, nimi-
rum æternarum rerum cognitio, & possessio, is
optime perspiciet, qui animaduernerit, cur olim fi-
delis populus sub lege positus, synagoga, idest con-
gregatio diceretur. nam, ut docet sanctus Augu-
stinus, hoc ei nomen impositum est, quia pecudum
more, quibus magis congregari conuenit, terrena,
& caduca tantum bona spectaret. quare merito
Christianus populus, non synagoga, sed Ecclesia
dicitur: quia, terrenis, & mortalibus rebus con-
temptis, cælestes, & æternas tantummodo conse-
cratur

Etatur. Multa præterea nomina, quæ plena sunt
 mysterijs, ad Christianam rempub. significandam
 traducta sunt. nam & domus, & ædificium Dei
 ab Apostolo uocatur. Si tardauero, inquit ad Ti-
 ad Tim. 3 motheum, ut scias quo modo oporteat te in domo
 Dei conuersari, quæ est Ecclesia Dei uiui, columna,
 & firmamentum ueritatis. Domus autem Ecclesia
 idcirco appellatur, quia sit ueluti una familia, quæ
 unus paterfamilias moderatur, & in qua est bono-
 rum omnium spiritualium cõmunio. Dicitur etiam
 ad Cor. 11 stor. Vocatur sponsa Christi. Despondi uos uni ui-
 ro uirginem castam exhibere Christo, inquit Apo-
 Ad Eph. 5 storus ad Corinthios. Idem ad Ephesios: Viri dili-
 gite uxores uestras, sicut & Christus dilexit Ecce-
 siam. Ac de matrimonio: Sacramentum hoc, in-
 quit, magnum est, ego autem dico in Christo, & in
 Ecclesia. Dicitur denique Ecclesia corpus Christi,
 Ad Eph. 1 ut ad Ephesios, & Colossenses licet uidere. Et hæc
 Ad Colof. 1 singula plurimum ualent ad fideles excitandos, ut
 se dignos immensa Dei clementia, & bonitate præ-
 beant, qui eos, ut populus Dei esset, elegit.

Ecclesia - His uero explicatis, necesse erit singulas Ecclesiæ
 cur Militās & Trium- partes enumerare, earumque differentias docere,
 phans dica quo magis Deo dilectæ Ecclesiæ naturam, proprie-
 tur, & quof tates, dona, & gratias populus percipiat, & ob
 nam cõple eam causam sanctissimum Dei numen laudare num-
 Etatur. quam intermittat. Ecclesiæ autem duæ potissi-
 mum sunt partes, quarum altera Triumphans,
 altera

altera Militans uocatur. Triumphans est, cætus ille clarissimus, & felicissimus beatorum spirituum, & eorum, qui de mundo, de carne, de iniquissimo demone triumpharunt, & ab huius uitæ molestiis liberi ac tuti, æterna beatitudine fruuntur. Militans uero Ecclesia est, cætus omnium fidelium, qui adhuc in terris uiuunt: quæ ideo Militans uocatur, quod illi cum immanissimis hostibus, mundo, carne, Sathana perpetuum sit bellum. Neque idcirco tamẽ duas esse Ecclesias censendum est: sed eiusdem Ecclesiæ, ut antea diximus, partes duæ sunt, quarum una antecessit, & cælesti patria iam potitur: altera in dies sequitur, donec aliquando cum Saluatore nostro coniuncta, in sempiterna felicitate conquiescat. Iam in Ecclesia Militandi duo sunt hominum genera, bonorum & improborum. & improbi quidem eorundem sacramentorum participes eandem quoque, quam boni, fidem profitentur, uita, ac moribus dissimiles: boni uero in Ecclesia dicuntur ij, qui non solum fidei professione, & communione sacramentorum, sed etiam spiritu gratiæ, & charitatis uinculo inter se coniuncti, & colligati sunt: de quibus dicitur: Cognouit Dominus, qui sunt eius. Possunt uero etiam homines aliquibus coniecturis opinari, quinam sint, qui ad hunc piorum hominum numerum pertineant, certo autem scire minime possunt. Quare existimandum non est, Christum saluatorem de hac Ecclesiæ parte locutum esse,

1. ad Tim. 2

Match. 18

esse, cum ad Ecclesiam nos remisit, eique ut pareamus præcepit. nam cum illa sit incognita; cui certum esse poterit, ad cuius iudicium confugiendum, & cuius auctoritati obtemperandum sit? Bonos igitur, & improbos Ecclesia complectitur, quemadmodum & diuinæ litteræ, & sanctorum uirorum

Ad Eph. 4 scripta testantur: In quam sententiam scriptum est illud Apostoli: Vnum corpus, & unus spiritus.

Ecclesia quibus figuris & similitudinibus designata, & quinam ab ea excludantur. Hæc autem Ecclesia nota est, urbiq; supra montem sita comparata, quæ undique conspicitur. nam cum illi ab omnibus parendum sit, cognoscatur necesse est. Neque bonos tantum, sed malos etiam complectitur, ut multis parabolis euangelium docet, ueluti cum regnum calorum, idest Militantem Ecclesiam, simile esse sagenæ in mare missæ commemorat; uel agro, in quo zizania superseminata

Matth. 13 sunt; uel area, in qua frumentum cum paleis con-

Matth. 3 tinetur; uel decem uirginibus partim fatuis, par-

Luc. 3 tim prudētibus. Sed multo ante etiam in arca Noe,

Matth. 25 qua non solum munda, sed etiam immunda animan-

Gen. 7 tia concludebantur, huius Ecclesiæ figuram, &

similitudinem licet intueri. Quamuis autem, bonos, & malos ad Ecclesiam pertinere, catholica fides uere, & constanter affirmet: ex iisdem tamen fidei regulis fidelibus explicandum est, utriusque partis diuersam admodum rationem esse. ut enim paleæ cum frumento in area confusæ sunt, uel interdum membra uarie intermortua corpori coniunguntur: ita etiam mali in Ecclesia continentur: ex quo fit

fit, ut tria tantummodo hominum genera ab ea excludantur, primo infideles, deinde hæretici et schismatici, postremo excommunicati: ethnici quidem, quod in Ecclesia numquam fuerunt, neque eam umquam cognouerunt, nec ullius sacramenti participes in populi Christiani societate facti sunt: hæretici uero, atque schismatici, quia ab Ecclesia descuerunt. neque enim illi magis ad Ecclesiam spectant, quam transfugæ ad exercitum pertineant, a quo defecerunt. Non negandum tamen, quin in Ecclesiæ potestate sint, ut qui ab ea in iudicium uocentur, puniantur, & anathemate damnentur. Postremo etiam excommunicati, quod Ecclesiæ iudicio ab ea exclusi, ad illius communionem non pertineant, donec resipiscant. De ceteris autem quamuis improbis, & sceleratis hominibus, adhuc eos in Ecclesia perseuerare dubitandum non est: idque fidelibus tradendum assidue, ut, si forte Ecclesiæ antistitum uita flagitiosa sit, eos tamen in Ecclesia esse, nec propterea quidquā de eorum potestate detrabi certo sibi persuadeant. Verum uniuersæ etiam Ecclesiæ partes Ecclesiæ nomine significari solent, ut cum Apostolus Ecclesiam, quæ est Corinthi, Galatiæ, Laodicensium, Thessalonicensium nominat, priuatæ etiam fidelium familias Ecclesias uocat: nam Priscæ, & Aquilæ domesticam Ecclesiam salutare iubet. item alio in loco, Salutant uos, inquit, in domino multum Aquila, & Priscilla cum domestica sua Ecclesia. Ad Philemonem etiam scribens eandem

2. ad Cor. 1

1. ad Cor. 16

Ad Colof. 4

1. ad Thef. 1

Ad Rom. 16

1. ad Cor. 16

eandem uocem usurpauit. Interdum quoque Ecclesie nomine eius præsides, ac Pastores significantur:

Matth. 18 Si te non audierit, inquit Christus, dic Ecclesie. Quo in loco præpositi Ecclesie designantur. Sed locus etiam, in quem populus siue ad concionem, siue alicuius rei sacre causa conuenit, Ecclesia appellatur. Præcipue uero in hoc articulo Ecclesia bonorum simul, & malorum multitudinem, nec præsides solum, sed eos etiam, qui parere debent, significat.

Ecclesie catholice proprietates & prærogatiua, de quibus eius uisibili supremo capite Pontifice Romano

Aperienda autem sunt fidelibus huius Ecclesie proprietates, ex quibus licebit agnoscere, quanto beneficio a Deo affecti sint, quibus contigit in ea nasci, atque educari. Prima igitur proprietas in Symbolo Patrum describitur, ut una sit: Vna enim, inquit, est columba mea, una est speciosa mea. Vocatur autem una tanta hominum multitudo, quæ tam longe, lateque diffusa est ob eas causas, quæ ab Apostolo ad Ephesios scriptæ sunt: unum enim dominum, unam fidem, unum baptisma tantum esse prædicat: Vnus est etiam eius rector, ac gubernator, inuisibilis quidem Christus, quem æternus pater dedit caput super omnem Ecclesiam, quæ est corpus eius; uisibilis autem is, qui Romanam cathedram, Petri apostolorum Principis legitimus successor, tenet: de quo fuit illa omnium patrum ratio, et sententia consentiens, hoc uisibile caput ad unitatem Ecclesie constituendam, & conseruandam necessarium fuisse. quod præclare

& uidit

& uidit, & scripsit sanctus Hieronymus, & con- S. Hieroni-
mus.
 tra Iovinianum ijs uerbis: Unus eligitur, ut, capi-
 te constituto, schismatis tollatur occasio. & ad Da-
 masum: Faceſſat inuidia: Romani culminis recedat
 ambitio: cum ſucceſſore Piſcatoris, et diſcipulo cru-
 cis loquor. Ego nullum primum, niſi Chriſtum,
 ſequens, beatitudini tue, ideſt cathedræ Petri,
 communionem conſocior: ſuper illam petram ædifica-
 tam Eccleſiam ſcio. Quicumque extra hanc do-
 mum agnum comederit, profanus eſt: Si quis in
 arca Noe non fuerit, peribit regnante diluuio. quod
 & longe antea ab Irenæo probatur, & Cypriano, B. Cypria-
nus.
 qui de unitate Eccleſiæ loquens ait. Loquitur Do-
 minus ad Petrum: Ego Petre dico tibi, quia tu es
 Petrus, & ſuper hanc petram ædificabo Eccleſiam
 meam. Super unum ædificat Eccleſiam: & quam-
 uis apoſtoliſ omnibus, poſt reſurrectionem ſuam,
 parem poteſtatem tribuat, & dicat: ſicut miſit me
 pater, & ego mitto uos: accipite ſpiritum ſanctum:
 tamen, ut unitatem manifeſtaret, unitatis eiſdem
 originem, ab uno incipientem, auctoritate ſua diſpo-
 ſuit, &c. Optatus deinde Mileuitanus ait: Igno- Optatus
 rantia tibi adſcribi non poteſt, ſcienti in urbe Ro-
 ma, Petro primo cathedram episcopalem eſſe col-
 latam, in qua ſederit omnium apoſtolorum caput Pe-
 trus; in quo uno cathedræ unitas ab omnibus ſer-
 uaretur, ne ceteri apoſtoli ſingulas ſibi quiſq. deſen-
 deret; ut iâ ſchiſmaticus, & præuicator eſſet, qui
 contra ſingularem cathedram alteram collocaret.

Post

Post uero Basilius sic scriptum reliquit : Petrus collocatus est in fundamento : dixit enim ; Tu es Christus filius Dei uiui : & uicissim audiuit , se esse petram . licet enim petra esset , non tamen petra erat ut Christus . nam Christus uere immobilis petra : Petrus uero propter petram . Dignitates enim suas Deus largitur alijs : sacerdos est , & facit sacerdotes : petra est , & petram facit : & quæ sua sunt , largitur seruis suis . Postremo uero sanctus

S. Ambros. Ambrosius ait : Si quis obijciat , Ecclesiam , uno capite , & sponso Iesu Christo contentam , præterea nullum requirere ; in promptu responsio est . Vt enim Christum dominum singulorum sacramentorum non solum auctorem , sed intimum etiam præbitorem habemus : (nam ipse est qui baptizat , & qui absoluit , & tamen is homines sacramentorum externos ministros instituit) sic Ecclesiæ , quam ipse intimo spiritu regit , hominem suæ potestatis uicarium , & ministrum præfecit . nam cum uisibilis Ecclesia , uisibili capite egeat : ita Saluator noster Petrum uniuersi fidelium generis caput , & pastorem constituit , cum illi oues suas pascendas uerbis amplissimis commendauit , ut , qui ei successisset , eandem plane totius Ecclesiæ regendæ , & gubernandæ potestatem habere uoluerit . Vnus præterea , idemque est spiritus , inquit Apostolus ad

1. ad Cor. 12 Corinthios , qui fidelibus gratiam , perinde atque anima corporeis membris uitam , impertitur . Ad

Ad Eph. 4 quam unitatem seruandam cum Ephesios hortaretur

retur, inquit: Solliciti seruare unitatem spiritus
 in uinculo pacis: unum corpus, & unus spiritus.
 Quemadmodum enim humanum corpus multis
 constat membris, eaque ab una anima aluntur, quæ
 oculis uisum, auribus auditum, & alijs sensibus
 diuersas uires subministrat: ita corpus Christi my-
 sticum, quod est Ecclesia, ex multis fidelibus com-
 positum est. Vna quoque est spes, ut in eodem loco Ad Eph. 4
 idem Apostolus testatur, ad quam uocati sumus:
 siquidem omnes eandem rem, nempe æternam &
 beatam uitam, speramus. Vna est denique fides,
 quæ omnibus tenenda est, ac præseferenda. Non 2. ad Cor. 1
 sint, inquit Apostolus, in uobis schismata: atque
 unum baptisma, quod quidem est Christianæ fidei
 sacramentum. Altera proprietas Ecclesiæ est, ut sit
 sancta: quod a Principe apostolorum accepimus eo 1. Pet. 2
 loco: Vos autem genus electum, gens sancta. Ap-
 pellatur autem sancta, quod Deo consecrata, dedi-
 cataque sit. sic enim cetera huiusmodi, quamquã
 corporea sint, sancta uocari consueuerunt, cum di-
 uino cultui addicta, et dedicata sunt. cuius generis
 sunt in lege ueteri uasa, uestes, & altaria: in qua
 primogeniti quoque, qui Deo altissimo dedicabatur,
 sancti sunt appellati. Nec mirum cuiquam uideri
 debet, Ecclesiam dici sanctam, tamen si multos pec-
 catores continet. sancti enim uocantur fideles, qui
 populus Dei effecti sunt, qui uel se fide, & bap-
 tismate suscepto, Christo consecrarunt: quamquam
 in multis offendunt, & quæ polliciti sunt, non
 præstant.

præstant. quemadmodum etiam, qui artem aliquam profitentur, etsi artis præcepta non seruent, nomen tamen artificum retinent. Quare D. Paulus Corinthios sanctificatos, & sanctos appellat: in quibus nonnullos fuisse perspicuum est, quos, ut carnales, & grauioribus etiam nominibus acriter obiurgat. Sancta etiam dicenda est, quod ueluti corpus cum sancto capite Christi domino, totius sanctitatis fonte, coniungitur, a quo spiritus sancti charismata, & diuinæ bonitatis diuitiæ diffunduntur. Præclare sanctus Augustinus interpretans uerba illa prophetæ, Custodi animam meam, quoniam sanctus sum; Audeat, inquit, & corpus Christi, audeat & unus ille homo, clamans a finibus terræ, cum capite suo, & sub capite suo dicere, sanctus sum: accepit enim gratiam sanctitatis, gratiam baptismi, & remissionis peccatorum. Ac paulo post: Si Christiani omnes, & fideles, in Christo baptizati, ipsum induerunt, sicut Apostolus dicit: Quotquot in Christo baptizati estis, Christum uidistis: si membra sunt facti corporis eius, & dicunt se sanctos non esse, capiti ipsi faciunt iniuriam, cuius membra sancta sunt. Accedit etiam, quod sola Ecclesia legitimum sacrificij cultum, & salutarem habet sacramentorum usum: per quæ, tamquam efficacia diuinæ gratiæ instumeta, Deus ueram sanctitatem efficit; ita ut, quicumque uere sancti sunt, extra hanc Ecclesiam esse non possint. Patet igitur, Ecclesiam esse sanctam, ac sanctam quidem

1. ad Cor. 1

S. August.

Ad Gal. 3

dem : quoniam corpus est Christi , a quo sanctifica-
 tur , cuiusque sanguine ubluitur . Tertia proprie-
 tas Ecclesiæ ea est , ut Catholica , nempe uniuersa-
 lis , uocetur : quæ appellatio uere illi tributa est :
 quoniam , ut testatur sanctus Augustinus , *A* so- S. Augu.
 lis ortu usque ad occasum unius fidei splendore dif-
 funditur . Neque enim , ut in humanis rebus .
 aut hæreticorum conuentibus , unius tantum re-
 gni terminis , aut uno hominum genere Ecclesia
 definita est : uerum omnes homines , siue illi bar-
 bari sint , siue Scythæ , siue serui , siue liberi , siue
 masculi , siue femine , charitatis sinu complecti-
 tur . Quare scriptum est : Redemisti nos Deo in Apocal. 5
 sanguine tuo ex omni tribu , & lingua , & po-
 pulo , & natione , & fecisti nos Deo nostro re-
 gnum . De Ecclesia dicit David : Postula a me , Psal. 2
 & dabo tibi gentes hereditatem tuam , et possessio-
 nem tuâ terminos terræ . Item : Memor ero Raab , Psal. 36
 & Babylonis scientium me . & : Homo natus est
 in ea . Præterea omnes fideles , qui ab Adam in
 hunc usque diem fuerint , quiue futuri sunt , quam-
 diu mundus extabit , ueram fidem profitentes , ad
 eandem Ecclesiam pertinent , quæ super fundamen Ad Eph. 2
 to apostolorum fundata est , ac prophetarum , qui
 omnes in illo lapide angulari Christo , qui facit utra-
 que unum , & pacem ijs , qui prope , & ijs , qui
 longe , annunciauit , constituti sunt , et fundati .
 Vniuersalis etiam ob eam causam dicitur , quod
 omnes , qui salutem æternam consequi cupiunt ,

I ij eam

eam tenere, & amplecti debeant, non secus ac qui arcam, ne diluuiο perirent, ingressi sunt.

Ecclesiæ
ueræ a falsa
dignoscen-
dæ certissi-
ma regula.

Hæc igitur ueluti certissima regula tradenda est, qua uera, & falsa Ecclesia indicetur: sed ex origine etiam, quam reuelata gratia ab apostolis ducit, Ecclesiæ ueritatem agnoscimus: siquidem eius doctrina ueritas est, non recens, neque nunc primum orta, sed ab apostolis iam olim tradita, et in omnem orbem terrarum disseminata. ex quo fit, ut nemo dubitare possit, impias hæreticorum uoces longe a ueræ Ecclesiæ fide abesse, cum doctrinæ Ecclesiæ, quæ ab apostolis ad hanc diem prædicata est, aduersentur. Quare, ut omnes intelligerent, quanam esset Ecclesia catholica, Patres in Symbolo illud diuinitus addiderunt, APOSTOLICAM. Etenim spiritus sanctus, qui Ecclesiæ præsidet, eam non per aliud genus ministrorum, quam per apostolicum, gubernat. Qui spiritus primum quidem apostolis tributus est, deinde uero summa Dei benignitate semper in Ecclesia mansit. Sed quemadmodum hæc una Ecclesia errare non potest in fidei, ac morum disciplina tradenda, cum a spiritu sancto gubernetur: ita ceteras omnes, quæ sibi Ecclesiæ nomen arrogant, ut quæ Diaboli spiritu ducantur, in doctrinæ, & morum perniciosissimis erroribus uersari necesse est. Sed quoniam magnam uim habent figuræ ueteris testamenti ad excitandos fidelium animos, reuocandamque rerum pulcherrimarum memoriam, cuius rei potissimum causa apostoli his
usi

usi sunt; illam quoque doctrinæ partem, quæ magnas utilitates habet, Parochi non prætermittent. In his autem illustrem significationem habet arca Noë: quæ ob eam rem tantum diuino iussu constructa est, ut nullus dubitandi locus relinquatur, quin Ecclesiam ipsam significet; quam Deus sic constituit, ut, quicumque per baptismum illam ingrederentur, ab omni mortis æternæ periculo tuti esse possent; qui uero extra illam essent, quemadmodum ijs. euenit, qui in arcam recepti non sunt, suis sceleribus obruerentur. Alia figura est, magna illa ciuitas Hierusalem, cuius nomine scripturæ sæpius sanctam Ecclesiam significant. Nimirum in illa solum offerre Deo sacrificia licebat: quia in sola etiam Dei Ecclesia, neque extra eam usquam, uerus cultus, uerumque sacrificium reperitur, quod Deo placere ullo modo possit. Iam, illud etiam extremo loco de Ecclesia docendum erit, quam ratione nos credere Ecclesiam, ad articulos fidei pertineat. nam etsi qui uis ratione, et sensibus percipit, Ecclesiam, idest hominum conuentum in terris esse, qui Christo domino addicti, & consecrati sunt, neque ad eam rem animo concipiendam fide opus esse uideatur; cum nec Iudæi, nec Turcæ quidem de eo dubitent: tamen illa mysteria, quæ in sancta Dei Ecclesia contineri partim declaratum est, partim in sacramento ordinis explicabitur, mens fide tantummodo illustrata, non ullis rationibus conuicta, intelligere potest. Cum igitur hic articulus non minus, quam

Gen. 6

I iij ceteri

ceteri, intelligentiæ nostræ facultatem, & vires superet; iure optimo cōfitemur, nos Ecclesiæ ortum, munera, & dignitatem non humana ratione cognoscere, sed fidei oculis intueri. Neque enim homines huius Ecclesiæ auctores fuerunt, sed Deus ipse immortalis, qui eam super firmissimam petram **Psal. 86** edificauit, teste Propheta: Ipse fundauit eam altissimus: quam ob causam hereditas Dei, & Dei populus appellatur. Nec potestas, quam accepit, humana est, sed diuino munere tributa. Quare quemadmodum naturæ uiribus comparari non potest: ita etiam fide solum intelligimus, in Ecclesia clauēs regni calorum esse, eique potestatem peccata remittendi, excommunicandi, uerumque Christi **Ad Heb. 13** fidei corpus consecrandi traditam: deinde ciues, qui in ea morantur, non habere hic ciuitatem permanentem, sed futuram inquirere. Vnam igitur Ecclesiam sanctam, & catholicam esse, necessario credendum est. tres enim Trinitatis personas, Patrem, & Filium, & Spiritum sanctum, ita credimus, ut in eis fidem nostram collocemus. Nunc autem, mutata dicendi forma, sanctam, & non, in sanctam Ecclesiam, credere profiteamur: ut, hac etiam diuersa loquendi ratione, Deus omnium effector a creatis rebus distinguatur, præclaraque illa omnia, quæ in Ecclesiam collata sunt, beneficia diuinæ bonitati accepta referamus.

SANCTORVM COMMVNIONEM. Cum sanctus Ioannes euangelista de diuinis mysterijs ad fideles

fideles scriberet, cur eos in illis erudiret, hanc rationem attulit: Vt & uos, inquit, societatem habeatis nobiscum, & societas nostra sit cum patre, ^{1. Ioan. 3} & cum filio eius Iesu Christo. Hæc societas in communione sanctorum sita est, de qua in hoc articulo sermo habetur. utinam uero in eo explicando ecclesiarum præsides, Pauli, & aliorum apostolorum diligentiam imitarentur. est enim non solum quedam superioris articuli interpretatio, doctrinaque uberrimorum fructuum, sed etiam, quis usus mysteriorum esse debeat, quæ Symbolo continentur, declarat. omnia enim eius rei causa peruestiganda sunt, ac percipienda, ut in hanc tam amplam, & beatam societatem sanctorum admittamur, admisque constantissime perseueremus, cum gaudio gratias agentes Deo patri, qui dignos nos fecit in partem sortis sanctorum in lumine. In primis igitur fideles docendi sunt, hunc articulum esse illius, qui de una sancta Ecclesia catholica antea positus est, ueluti explicationem quandam. unitas enim spiritus, a quo illa regitur, efficit, ut, quidquid in eam collatum est, commune sit. omnium enim sacramentorum fructus ad uniuersos fideles pertinet: quibus sacramentis, ueluti sacris uinculis, Christo connectuntur, & copulantur, & maxime omnium baptismo, quo, tamquam ianua, in Ecclesiam ingredimur. Hac autem sanctorum communione, sacramentorum communionem intelligi debere, Patres in Symbolo significant illis uerbis: Confiteor

Ad Colos.

I iiij unum

unum baptisma . Baptismum uero in primis Eucharistia , & deinceps cetera sacramenta consequuntur . nam etsi hoc nomen omnibus sacramentis conuenit , cum Deo nos coniungant , illiusque participes , cuius gratiam recipimus , efficiant ; magis tamen proprium est Eucharistiae , quæ hanc efficit communionem . Sed alia etiam communio in Ecclesia cogitanda est . Quæcumque enim pie . sancteq. ab uno suscipiuntur , ea ad omnes pertinent , et , ut illis profint , charitate , quæ non quarit , quæ sua sunt , efficitur . Id uero cum S. Ambrosii testimonio comprobatur , qui locum illum psalmi explanans , Participes ego sum omnium timentium te , ita inquit : Sicut membrum particeps esse dicimus totius corporis , sic coniunctum omnibus timentibus Deum . Quare Christus eam nobis orandi formam præscripsit , ut diceremus , Panem nostrum , non meum ; ac reliqua eius generis , non nobis tantum , sed omnium saluti , & commodis prospicientes . At uero hæc bonorum communicatio , membrorum humani corporis aptissima similitudine in sacris litteris sæpe demonstratur . nam in corpore multa sunt membra : sed etsi multa sunt , unum tamen corpus constituunt , in quo singula proprio , non autem omnia eodem munere funguntur . Nec uero omnia eandem dignitatem habent , aut æque utiles , et decoras functiones exequentur ; nullique suum , sed totius corporis commodum , atque utilitas proposita est . Omnia deinde tam apta inter se , & con-

nexa

nexa sunt, ut, si unum aliquod dolore afficitur, cetera item naturæ cognatione, et consensu doleant; si contra bene affectum est, communis sit omnibus ille iucunditatis sensus. Atque hæc eadem in Ecclesia licet contemplari: in qua etsi diuersa sunt membra, nempe uariæ nationes, Iudæorum, Gentium, liberi, & serui, pauperes, & diuites; cum tamen baptismo initiantur, unum corpus cum Christo fiunt, cuius ille caput est. Vnicuique præterea in hac Ecclesia suum munus assignatum est. ut enim alij in ea apostoli, alij doctores, omnes uero publicæ utilitatis causa sunt constituti: ita aliorum est, præesse, ac docere; aliorum item parere, & subiectos esse. At uero tot, tantisque muneribus, ac bonis diuinitus collatis illi fruuntur, qui in charitate uitam Christianam degunt, iustique, & chari Deo sunt. Membra uero mortua, nimirum homines sceleribus obstricti, & a Dei gratia alienati, hoc quidem bono non priuantur, ut huius corporis membra esse desinant; sed cum sint mortua, fructum spiritualem, qui ad iustos, & pios homines peruenit, non percipiunt. tamen si, cum in Ecclesia sint, ad missam gratiam, uitamque recuperandam ab ijs adiuuantur, qui spiritu uiuunt, & eos fructus capiunt, quorum experies esse dubitari non potest, qui omnino ab Ecclesia sunt præcisi. Nec uero tantum communia sunt ea dona, quæ homines charos Deo, ac iustos reddunt, sed gratiæ etiam gratis datæ, in quibus numerantur scientia

scientia, prophetia, donum linguarum, ac miraculorum, & cetera huius generis: quæ dona malis etiam hominibus, non priuatæ, sed publicæ utilitatis causa, ad ædificandam Ecclesiam conceduntur. nam sanitatis gratia, non illius, qui ea præditus est, sed agroti curandi causa tributa est. Ac nihil tandem a uere Christiano homine possidetur, quod sibi cum ceteris omnibus commune esse non existimare debeat. quare ad subleuandam indigentium miseriam prompti, ac parati esse debent. nam qui huiusmodi bonis ornatus est, si uiderit fratrem suum egere, nec illi subuenerit, is Dei charitatem non habere plane conuincitur. Quæ cum ita se habeant; satis constat, eos, qui in hac sancta communione sunt, quadam felicitate perfrui, & uere illud dicere posse: Quam dilecta tabernacula tua Domine uirtutum; concupiscit, et deficit anima mea in atria Domini: et beati, qui habitant in domo tua Domine.

1. Ioan. 3

Psal. 83

REMISSIONEM PECCATORVM. Nemo est, qui cum uideat, hunc articulum de remissione peccatorum, in ceteris fidei articulis numeratum esse, dubitare possit, eo non solum diuinum aliquod mysterium, sed etiam ad salutem comparandam maxime necessarium contineri. nam antea declaratum est, sine certa eorum fide, quæ in Symbolo credenda proponuntur, nemini ad Christianam pietatem aditum patere. Verum si id, quod per se omnibus notum esse debet, aliquo etiam testimonio

monio confirmādum uideatur, satis illud erit, quod Saluator noster paulo ante ascensum in calum de ea re testatus est, cum discipulis sensum aperuit, ut intelligerent scripturas: Oportebat, inquit, Chri- Luc. 24stum pati, & resurgere a mortuis tertia die, & prædicari in nomine eius penitentiam, et remissionem peccatorum in omnes gentes incipientibus ab Hierosolyma. Quæ uerba si Parochi animaduerterint, facile intelligent, cum cetera, quæ ad religionem pertinent, fidelibus tradenda sint, tum uero præcipue huius articuli diligenter explicandi magnam eis a Domino necessitatem impositam esse. Munus igitur Parochi erit, quod ad hunc locum attinet, docere, non solum peccatorum remissionem in catholica Ecclesia reperiri; de qua Isaias Isa. 33 prædixerat: Populus qui habitat in ea, aufertur ab eo iniquitas: sed etiam potestatem peccata remittendi in ea esse: qua si rite, & secundum leges a Christo domino præscriptas sacerdotes utantur, uere peccata remitti, & condonari credendum est. Hæc autem uenia, cum primum fidem profitentes sacro baptismo abluimur, adeo cumulate nobis datur, ut nihil aut culpæ delendum, siue ea origine contracta, siue quid propria uoluntate commissum, uel commissum sit, aut pænæ persolnendum relinquatur. Verum per baptismi gratiam nemo tamen ab omni naturæ infinitate liberatur: quin potius, cum unicuique aduersus concupiscentiæ motus, quæ nos ad peccata incitare non desinit, pugnandum

pugnandum sit, uix ullum reperiās, qui uel tam acriter resistat, uel tam uigilanter salutem suam tueatur, ut omnes plagas uitare possit.

Cum igitur necesse fuerit, in Ecclesia potestatem esse peccata remittendi; alia etiam ratione, quam baptismi sacramento, clauēs regni cælorum illi conceditæ sunt, quibus possint unicuique pœnitenti, etiam si usque ad extremum uitæ diem peccasset, delicta condonari. Clarissima huius rei testimonia in sacris litteris habemus: nam apud sanctum Matthæum Dominus ita ad Petrum loquitur: Tibi dabo clauēs regni cælorum: et quodcumque ligaueris super terram, erit ligatum et in cælis: et quodcumque solueris super terram, erit solutum & in cælis.

Matth. 18 Item: Quaecumque alligaueritis super terram, erunt ligata & in cælo: & quaecumque solueritis super terram, erunt soluta & in cælo. Deinde san-

Ioan. 20 Etus Ioannes testatur, Dominum, cum insufflasset apostolis, dixisse: Accipite spiritum sanctum: quorum remiseritis peccata, remittuntur eis: & quorum retinueritis, retenta sunt. Neque uero existimandum est, hanc potestatem certis quibusdā peccatorum generibus definitā esse. nullum enim tam nefarium facinus uel admitti, uel cogitari potest, cuius remittendi potestatem sancta Ecclesia non habeat. quemadmodum etiam nemo adeo improbus, & scelestus fuerit, quem si erratorum suorum uere pœniteat, certa ei uenix spes proposita esse non debeat. Sed neque hæc eadem potestas ita circumscribitur

scribitur, ut præfinito solum aliquo tempore ea uti liceat. nam quacumque hora peccator ad sanitatem redire uoluerit, reiiciendum non esse docuit Saluator noster, cum Principi apostolorum interroganti quoties peccatoribus ignoscendum esset, an septies, respondit, Non septies, sed usque septuagies septies. Verum si ministros diuinæ huius potestatis spectemus, ea minus late patere uidebitur. Dominus enim non omnibus, sed Episcopis tantum, & sacerdotibus tam sancti muneris potestatem dedit. Idem etiam censendum erit, quod ad rationem eius potestatis exercendæ pertinet. nam per sacramenta solum, si eorum forma seruetur, peccata remitti possunt: aliter uero nullum ius a peccatis soluendi Ecclesiæ datum est. ex quo sequitur, tum sacerdotes, tum sacramenta ad peccata condonanda ueluti instrumenta ualere: quibus Christus dominus auctor ipse, & largitor salutis remissionem peccatorum, & iustitiam in nobis efficit. Ut autem fideles cæleste hoc munus, quod singulari in nos Dei misericordia Ecclesiæ donatum est, magis suspiciant, atque ad eius usum, et tractationem ardentiori pietatis studio accedant, conabitur Parochus huius gratiæ dignitatem, & amplitudinem demonstrare. ea autem ex hoc potissimum perspicitur, si, cuius uirtutis sit peccata remittere, et homines ex iniustus iustos reddere, diligenter expositum fuerit. Constat enim, infinita, & immensa Dei ui hoc effici; quæ eandem in excitandis mortuis, et in mundi creatione

Matth. 18

creatione necessariam esse credimus. Quod si etiam, ut Augustini sententia confirmatur, maius opus existimandum est, aliquem ex impio piū facere, quam calum, & terram ex nihilo creare, cum ipsa creatio non nisi ex infinita uirtute possit existere: consequens est, ut multo magis peccatorum remissio infinita potestate tribuenda sit. quare uerissimas esse priscorum Patrum uoces agnoscimus, quibus confitentur, ab uno Deo peccata hominibus condonari, neque ad alium auctorem, quam ad summam eius bonitatem, et potentiam, tam mirificum opus referendum esse. Ego sum, inquit ipse Dominus per Prophetam, ego sum ipse, qui deleo iniquitates tuas. Nam scelerum remittendorum eadem ratio uidetur esse, quam in pecunia debita seruare oportet. Quemadmodum igitur a nemine, nisi a creditore, pecunia, quæ debetur, remitti potest: ita, cum uni Deo peccatis obstricti simus, (siquidem quotidie oramus, Dimitte nobis debita nostra) perspicuum est, a nemine, prater illum, debita nobis condonari posse. Hoc uero admirabile, & diuinum munus, antequam Deus homo fieret, nulli creatæ naturæ impertitum est. Primus omnium Christus, saluator noster, ut homo, cum idem uerus Deus esset, hoc munus a caelesti patre traditum accepit.

Matth. 9
Mar. 2 Vt sciatis, inquit, quia filius hominis habet potestatem in terra dimittendi peccata, ait paralytico: Surge, tolle grabatū tuum, & uade in domum tuam. Cum igitur homo factus esset, ut hominibus hanc

hanc peccatorum ueniam largiretur, priusquam in
celum ascenderet, ut ibi ad dexteram Dei in perpe-
tuum sederet, eam potestatem Episcopis, & pre-
sbyteris in Ecclesia concessit: quamquam, ut an-
tea docuimus, Christus sua auctoritate, ceteri, ut
eius ministri, peccata dimittunt. Quamobrem si,
quæ infinita uirtute effecta sunt, maxime admira-
ri, & suscipere debemus: satis intelligimus, pre-
tiosissimum hoc munus esse, quod Christi domini be-
nignitate Ecclesiæ donatum est. sed ipsa etiam ra-
tio, qua Deus, clementissimus pater, mundi pec-
cata delere constituit, animos fidelium ad huius be-
neficii magnitudinem contemplandam uehementer
excitabit: sanguine enim unigeniti filij sui scelera
nostra expiari uoluit, ut pœnam, quam nos pro
peccatis commeruimus, ultro ille persolueret, iu-
stusque pro iniustis damnaretur, innocens pro reis
morte acerbissima afficeretur. Quare cum animo
cogitabimus, nos non corruptibilibus auro, & ar-
gento redemptos esse, sed pretioso sanguine quasi
agni immaculati Christi, & incontaminati; facile
statuemus, nihil nobis salubrius contingere potuis-
se hac remittendi peccata potestate, quæ inexplica-
bilem Dei prouidentiam, summamque erga nos
charitatem ostendit. Ex hac autem cogitatione ma-
ximus fructus ad omnes perueniat, necesse est. nam
qui Deum mortali aliquo peccato offendit, quid-
quid meritorum ex Christi morte, & cruce conse-
cutus est, statim amittit, et omnino paradisi aditu,
quem

quē prius interclusum Saluator noster passione sua omnibus patefecit, prohibetur. Quod quidem cum in mentem uenit, facere non possumus, quin humane miserie consideratio uehementer sollicitos nos habeat. Verum si animum ad hanc admirabilem potestatem referamus, quæ Ecclesiæ diuinitus tributa est; et huius articuli fide confirmati, oblatam unicuique facultatem credamus, ut possit diuina ope adiutus in pristinum dignitatis statum restituere: tunc uero cogimur summo gaudio, & letitia exultare, et immortales Deo gratias agere. Ac profecto, si grata, & iucunda medicamenta uideri solent, quæ nobis medicorum arte, et industria, cum graui aliquo morbo laboramus, parantur: quanto iucundiora esse debent ea remedia, quæ Dei sapientia ad animorum curationem, atque adeo ad uitam reparandam instituit? cum præsertim non quidem dubiam salutis spem, ut medicinæ illæ, quæ corporibus adhibentur, sed certissimam ipsi, qui sanari cupiunt, salutem afferant.

Beneficiū
remissionis
sanctorum
quanto stu-
dio susci-
piendum.

Erunt igitur fideles hortandi, postquam tam ampli, & præclari muneris dignitatem cognouerint, ut illud etiam studeant ad suum commodum religiose conuertere. Vix enim fieri potest, ut qui re utili, & necessaria non utatur, eam contemneri non existimetur; præsertim uero cum Dominus hanc potestatem remittendi peccata ea re tradiderit Ecclesiæ, ut omnes hoc salutari remedio uterentur. nam quemadmodum nemo sine baptismo expiari potest:

potest: ita, quicumque baptismi gratiam, mortiferis sceleribus amissam, recuperare uoluerit, ad aliud expiationis genus, nimirum penitentiae sacramentum, confugiat necesse est. Verum hoc loco admonendi sunt fideles, ne, tam ampla ueniae facultate proposita, quam etiam nullius temporis termino definiri declarauimus, uel ad peccandum faciliores, uel ad resipiscendum tardiores reddantur: in altero enim cum iniuriosi, et cōtumeliosi in hanc diuinam potestatem manifeste deprehendantur, indigni sunt, quibus Deus misericordiam suam imperiatur: in altero uero magnopere uerendum est, ne morte praecipitati, frustra peccatorum remissionem confessi fuerint, quam tarditate & procrastinatione merito amiserunt.

CARNIS RESURRECTIONEM.

Magnā huius articuli uim esse ad fidei nostrae ueritatem stabiliendā id maxime ostēdit, quod diuinis litteris non solum credendus fidelibus proponitur, sed multis etiam rationibus confirmatur. quod quidem cum in alijs Symboli articulis uix fieri uideamus, intelligi potest, hoc ueluti firmissimo fundamento salutis nostrae spem nixam esse. nam, ut Apostolus ratiocinatur: Si mortuorum resurrectio non est, neque Christus resurrexit: quod si Christus non resurrexit, inanis est praedicatio nostra, inanis est & fides uestra. In eo igitur explicando Parochus non minus operæ, & studij ponet, quam in eo euertendo multorum impietas laborarit. ma-

K gnas

gnas enim & præclaras utilitates ex ea cognitione ad fidelium fructum redundare, paulo post demonstrabitur. Sed hoc in primis attendere oportebit, resurrectionem hominum in hoc articulo, carnis resurrectionem appellari. quod quidem sine causa factum non est. nam docere uoluerunt Apostoli id, quod necessario ponendum est, animam esse immortalem. quare ne quis forte eam simul cum corpore interijssse, utrumque uero in uitam reuocari existimaret, cum animam plurimis sacrarum litterarum locis immortalem esse plane constet, ob eam rem carnis tantum suscitandæ mentio in articulo facta est. & quamquam sæpe etiam in sacris scripturis

Is. 40
Ioan. I caro integrum hominem, ut est apud Isaiam, Omnis caro fenum; & apud sanctum Ioannem, Et uerbum caro factum est; significet: hoc tamen loco carnis uox corpus declarat: ut duarum partium, animæ & corporis, quibus homo constat, alteram tantum, nempe corpus corrumpi, & in puluerem terræ, ex qua compactum est, redire, animam uero incorruptam manere intelligamus. At uero, cum nemo, nisi mortuus fuerit, ad uitam reuocetur, anima proprie non dicitur resurgere. Carnis quoque mentio facta est, illius hæresis confutandæ causa, quæ, uiuo Apostolo, Hymenæi, et Phileti fuit; qui asserebant, cum de resurrectione in scripturis sacris ageretur, non de corporea, sed de spiritali, qua a morte peccati ad uitam innocentem resurgitur, accipiendum esse. Itaque his uerbis planum fit,

fit, eum errorem tolli, & ueram corporis resurre-
ctionem confirmari.

Verum Parochi partes erunt, hanc ueritatem Carnis re-
illustrare exemplis ex ueteri, nouoque testamento, surrectio
& ex omni ecclesiastica historia depromptis. alij exēplis scri-
enim ab Helia, & Heliseo in ueteri testamento, alij pturæ & te-
præter eos, quos Christus dominus a morte excita- stimoniis
uit, a sanctis apostolis, alijsque permultis ad uitam comproba-
reuocati sunt: quæ resurrectio multorum huius ar- tur.
ticuli doctrinam confirmat. ut enim plures a mor-
te excitatos credimus: ita uniuersos ad uitam reuo-
catum iri credendum est. quin etiam præcipuus fru-
ctus, quem nos ex huiusmodi miraculis capere de-
bemus, ille est, ut summam fidem huic articulo tri-
buamus. Sunt multa testimonia, quæ Parochis,
qui in sacris litteris mediocriter uersati sunt, facile
occurent. Illustriora uero loca sunt in ueteri qui-
dem testamento, quæ leguntur apud Iob, cum ait, Iob 19
se in carne sua conspecturum Deum suum: &
apud Daniele de ijs, qui in puluere terræ dor Daniel. 12
miunt, alios in uitam æternam, alios in oppro-
brium sempiternum euigilaturos: in nouo autem
testamento, quæ sanctus Matthæus refert de di Matth. 22
sputatione, quam Dominus cum Sadducæis ha-
buit: præterea, quæ euangelistæ narrant de ex-
tremo iudicio. Atque huc etiam referenda sunt,
quæ Apostolus, ad Corinthios, & ad Thessalo 1. ad Cor. 15
nicenses scribens, accurata oratione disseruit. 1. ad Thes. 4

Sed quamuis hoc fide certissimum sit, multum

K ij tamen

tamen proderit, uel exemplis, uel rationibus ostendere, id, quod fides credendum proponit, a natura, aut ab humanæ mentis intelligentia non abhorre-
 itaque Apostolus quærenti quo modo resurgerent
 1. ad Cor. 15 mortui, sic respondit: Insipiens tu quod seminas,
 non uiuificatur, nisi prius moriatur: & quod se-
 minas, non corpus, quod futurum est, seminas, sed
 nudum granum, ut puta tritici, aut alicuius cete-
 rorum: Deus autem dat illi corpus sicut uult. &
 paulo post inquit: Seminatur in corruptione, sur-
 get in incorruptione. Ad eam similitudinem mul-
 tas præterea adiungi posse, sanctus Gregorius osten-
 dit: Lux enim, inquit, quotidie quasi moriendo
 oculis subtrahitur, & rursus quasi resurgendo
 reuocatur: & arbuta uiriditatem amittunt, &
 rursus quasi resurgendo reparantur: & semina pu-
 trescendo moriuntur, & rursus germinando re-
 surgunt. Rationes illæ præterea, quæ ab ecclesiasti-
 cis scriptoribus afferuntur, satis ad eam rem pro-
 bandam accommodatæ uideri possunt. Ac primum
 quidem, cum animæ immortales sint, & tamquam
 pars hominis ad humana corpora naturalem pro-
 pensionem habeant, eas a corporibus seiunctas per-
 petuo manere, præter naturam existimandum est.
 Quoniam uero, quod naturæ aduersatur, ac uiol-
 entum est, diuturnum esse non potest; consenta-
 neum fore uidetur, ut denuo cum corporibus iun-
 gantur: ex quo etiam sequitur, ut corporum resur-
 rectio futura sit. quo quidem argumentandi gene-
 re

S. Grego-
 rius.

re Saluator ipse noster usus est, cum, aduersus
 Sadducæos disputans, ex animarum immortalitate
 corporum resurrectionem conclusit. Deinde cum
 malis supplicia, bonis præmia a iustissimo Deo sint
 proposita; ex illis uero quamplurimi, ante quam
 debitas pœnas persoluant, ex his magna ex parte
 nullis affecti uirtutis præmijs e uita decedant: ne-
 cesse est iterum animas cum corporibus coniungi, ut
 pro sceleribus, aut recte factis corpora, quibus ue-
 luti peccati socijs homines utuntur, una cum ani-
 ma pœna, aut præmio afficiantur. qui locus dili-
 gentissime tractatus est a sancto Chrysostomo in ho-
 milia ad populum Antiochenum. Quare Aposto-
 lus, cum de resurrectione differeret, Si in hac ui-
 ta, inquit, tantum in Christo sperantes sumus, mi-
 serabiliores sumus omnibus hominibus. Quæ qui-
 dem uerba nemo ad animæ miseriam referri existi-
 mabit; quæ cum immortalis sit, quamuis corpora
 non resurgerent, in futura tamen uita beatitudine
 frui posset; uerum de toto homine intelligenda sunt.
 nisi enim corpori debita pro laboribus præmia red-
 dantur; necesse est, ut, qui, quemadmodum apo-
 stoli, tot ærumnas, & calamitates in uita perpeffi
 sunt, omnium sint miserrimi. Idem uero multo aper-
 tius docet ad Thessalonicēses his uerbis: Gloriamur
 in ecclesijs Dei pro patientia uestra, & fide in omni-
 bus persecutionibus uestris, & tribulationibus,
 quas sustinetis in exemplum iusti iudicij Dei, ut di-
 gni habeamini in regno Dei, pro quo & patimini:

S. Chryso-
stomus.

1. ad Cor. 15

2. ad Thess

K iij si ta-

si tamen iustum est apud Deum retribuere tribulationem ijs, qui uos tribulant, & uobis, qui tribulamini, requiem nobiscum in reuelatione domini Iesu de celo, cum angelis uirtutis eius in flamma ignis dantis uindictam ijs, qui non nouerunt Deum, & qui non obediunt euangelio domini nostri Iesu Christi. Adde etiam, non posse homines, quam diu anima a corpore seiuncta est, plenam felicitatem, & bonis omnibus cumulata adipisci. Vt enim quælibet pars, a toto separata, imperfecta est: ita etiã anima, quæ corpori non est adiuncta: ex quo sequitur, ut illi ad summam felicitatem nihil desit, corporum resurrectionem necessariam esse.

De uaria re
surgētium
cōdicione.

His igitur, atque alijs huiusmodi rationibus Parochus fideles in hoc articulo erudire poterit. Explicare præterea diligenter oportebit ex Apostoli doctrina, quinam ad uitam suscitandi sint. nam ad
1. ad Cor. 15 Corinthios scribens, Sicut in Adam, inquit, omnes moriuntur, ita & in Christo omnes uiuificabuntur. Omni itaque malorum, bonorumque discrimine remoto, omnes a mortuis, quamquam non omnium
Ioan. 5. par condicio futura est, resurgent, qui bona fecerunt, in resurrectionem uitæ, qui uero mala egerunt, in resurrectionem iudicij. Cum autem omnes dicimus, tam eos intelligimus, qui aduentante iudicio mortui iam erunt, quam eos, qui morientur. Huic enim sententiæ, quæ asserit omnes morituros esse, nemine excepto, Ecclesiam acquiescere, ipsamque sententiam magis ueritati conuenire, scriptum reliquit

liquit sanctus Hieronymus . idem sentit & sanctus Augustinus . Neque uero huic sententiae repugnant Apostoli uerba , ad Thessalonicenses scripta : Mortui qui in Christo sunt , resurgent primi : ^{1 ad Thes.} deinde nos , qui uiuimus , qui relinquimur , simul rapiemur cum illis in nubibus obuiam Christo in aera . nam sanctus Ambrosius , cum ea explana- ^{S. Ambros.} ret , ita inquit : In ipso raptu mors praeniet , & quasi per soporem , ut egressa anima in momento reddatur : cum enim tollentur , morientur , ut peruenientes ad Dominum , praesentia Domini recipiant animos , quia cum Domino mortui esse non possunt . Eademq. sententia comprobatur sancti Augustini auctoritate in libro de Ciuitate Dei . Cum uero multum referat , nobis certo persuaderi , hoc ipsum , atque adeo idem corpus , quod uniuscuiusque proprium fuit , quamuis corruptum sit , & in puluerem redierit , tamen ad uitam suscitandum esse ; illud etiam Parochus accurate explicandū suscipiet . Hæc Apostoli est sententia , cum inquit : Oportet ^{1. ad Cor. 15} corruptibile hoc induere incorruptionem : ea uoce , Hoc , proprium corpus aperte demonstrans . Iob etiam de eo clarissime uaticinatus est : Et in ^{Iob 19} carne mea , inquit , uidebo Deum , quem uisurus sum ego ipse , & oculi mei conspекturi sunt , & non alius . Hoc idem colligitur ex ipsius resurrectionis definitione . est enim resurrectio , auctore Damasceno , ad eum statum , unde cecideris , ^{Damascenus.} reuocatio . Denique , si consideremus , cuius rei

K iiij causa

2. ad Cor. 5

causa resurrectionem futuram paulo ante demonstratum est; nihil erit, quod cuiusquam animum hac in re dubium facere possit. Idcirco autem corpora excitanda esse docuimus, ut referat unusquisque propria corporis prout gessit, siue bonum, siue malum. Hominē igitur ex ipso corpore, cuius opera uel Deo, uel Dæmoni seruiuit, resurgere oportet; ut cum eodem corpore triumphus coronas, & præmia consequatur, aut pœnas, & supplicia miserrima perferat. Neque uero corpus tantum resurget, sed quidquid ad illius naturæ ueritatem, atque ad hominis decus, & ornamentum pertinet, restituendum est.

S. Augustinus.

Præclarum ea de re sancti Augustini testimonium legimus: Nihil tunc uitij, inquit, in corporibus existet: si aliqui plus pinguedine obesi, & crassi extiterint, non totam corporis molem assument, sed, quod illam habitudinem superabit, reputabitur superfluum: & e diuerso, quæcumque uel morbus, uel senium cōfecit in corpore, reparabitur per Christum uirtute diuina, ut, si aliqui propter macerem fuerint graciles, quia Christus non solum nobis corpus reparabit, sed quidquid per miseriam huius uitæ fuerit nobis ademptum. Item alio loco:

S. Augustinus.

Matth. 10

Non resumet homo capillos, quos habuerit, sed quos decuerit, iuxta illud: Omnes capilli capitis uestri numerati sunt, qui secundum diuinam sapientiam sunt reparandi. In primis uero, quoniam membra ad ueritatem humanæ naturæ pertinent, simul restituētur omnia. Qui enim uel ab ipso ortu oculis capti

capti sunt, uel ob aliquem morbum lumina ami-
 serunt, claudi, atque omnino manci, et quibusuis
 membris debiles, integro, ac perfecto corpore re-
 surgent. aliter enim animæ desiderio, quæ ad cor-
 poris coniunctionem propensa est, minime satisfac-
 tum esset: cuius tamen cupiditatem in resurrectione
 explendam esse, sine dubitatione credimus. Præ-
 terea, satis constat, resurrectionem æque, ac crea-
 tionem, inter præcipua Dei opera numerari. Quem
 admodum igitur omnia a Deo initio creationis per-
 fecta fuerunt, ita etiam in resurrectione futurum
 omnino affirmare oportet. Neque id de martyribus
 solum fatendum est, de quibus sanctus Augusti-
 nus ita testatur: Non erunt absque illis membris:
 non enim posset illa mutilatio non esse corporis ui-
 tium: alioquin, qui capite truncati sunt, deberent
 sine capite resurgere. uerum tamen extabunt in
 eorundem membrorum articulis gladij, cicatri-
 ces refulgentes super omne aurum, & lapidem
 pretiosum, ueluti & cicatrices uulnerum Chri-
 sti: quod de improbis quoque uerissime dicitur,
 etsi illorum culpa membra amputata fuerint. nam
 quo plura membra habebunt, tanto acerbiori dolo-
 rum cruciatu conficientur. quare illa membrorum
 restitutio non ad eorum felicitatem, sed calamita-
 tem, ac miseriam est redundatura; cum merita nõ
 ipsis membris, sed personæ, cuius corpori coniuncta
 sunt, adscribantur. nam ijs, qui pænitentiam ege-
 runt, ad præmium; illis uero, qui eandem contem-
 pserint,

psierint, ad supplicium restituentur. Hæc uero si a Parochis attente considerentur, numquam eis rerum & sententiarum copia deerit ad excitandos, inflammandosque pietatis studio fidelium animos; ut uitæ huius molestias, & ærumnas cogitantes, beatam illam resurrectionis gloriam, quæ iustis, & pijs proposita est, auide expectent.

Sequitur nunc, ut fideles intelligant, si ea spectemus, quæ corporis substantiam constituunt, quamuis illud ipsum, atque idem corpus a mortuis reuocari oporteat, quod antea extinctum fuerat, longe aliam tamen, & diuersam eius condicionem fore. ut enim cetera omittamus, in eo maxime resurgentium corpora omnia a se ipsis different, quod, cum antea mortis legibus subiecta essent, postea quam ad uitam suscitata fuerint, sublato bonorum, malorumque discrimine immortalitatem assequuntur. Quam quidem admirabilem naturæ restitutionem insignis Christi uictoria meruit, quam de morte reportauit, quemadmodum sacrarum scripturarum testimonia nos admonent: scriptum est enim; *Præcipitabit mortem in sempiternum. & alibi; Ero mors tua, o mors. quod explicans Apostolus, inquit: Nouissima inimica destruetur mors. & apud sanctum Ioannem legimus: Mors ultra non erit. Decebat autem maxime, Christi domini merito, quo mortis imperium euersum est, peccatum Adæ longo interuallo superari. Idem etiam diuinæ iustitiæ consentaneum fuit, ut boni beata uita*
perpetuo

If. 25
Os. 13
1. ad Cor.
15
Apoc. 21

perpetuo fruerentur; mali uero sempiternas pœnas
 lucentes, quærent mortem, & non inuenirent; Apoc. 9
 optarent mori, & mors fugeret ab eis. Atque hæc
 quidem immortalitas bonis, malisque communis
 erit. Habebunt præterea sanctorum rediuiua cor
 pora insignia quedam, & præclara ornamenta,
 quibus multo nobiliora futura sint, quam umquam
 antea fuerint. Præcipua uero sunt quatuor illa, quæ
 dotes appellantur, ex Apostoli doctrina a Patri
 bus obseruata. earum prima est impassibilitas, mu
 nus scilicet, & dos, quæ efficiet, ne molesti aliquid
 pati, ulloue dolore, aut incommodo affici queant.
 nihil enim aut frigorū uis, aut flammæ ardor, aut
 aquarum impetus obesse eis poterit. Seminatur, in 1. ad Cor. 15
 quit Apostolus, in corruptione, surget in incorru
 ptione. Quod autem impassibilitatem potius,
 quam incorruptionē scholastici appellarint, ea cau
 sa fuit, ut, quod est proprium corporis gloriosi, si
 gnificarent. non enim impassibilitas illis communis
 est cum damnatis, quorum corpora, licet incorru
 ptibilia sint, æstuari tamen possunt, atque algere,
 uariisque cruciatibus affici. Hanc consequitur cla
 ritas, qua sanctorū corpora, tamquā sol, fulgebunt.
 ita enim apud sanctum Matthæum testatur Salua
 tor noster: Iusti, inquit, fulgebunt sicut sol in regno Matth. 13
 patris eorū. Ac ne quis de eo dubitaret, suæ transfi
 gurationis exemplo declarauit. Hanc interdū Apo Matth. 17
 stolus gloriā, modo claritatem appellat. Reforma Ad Phil. 3
 bit, inquit, corpus humilitatis nostræ configuratum
 corpori

1. ad Cor. 15 corpori claritatis suæ. & rursus: Seminatur in
 Exod. 34 ignobilitate, surget in gloria. Huius etiam gloriæ
 2. ad Cor. 3 imaginem quandam uidit populus Israel in deserto,
 cum facies Moysis ex colloquio, & præsentia Dei
 ita colluceret, ut in eam filij Israel oculos intendere
 non possent. Est uero claritas hæc fulgor quidam
 ex summa animæ felicitate ad corpus redundans,
 ita ut sit quædam communicatio illius beatitudinis,
 qua anima fruitur: quo modo etiam anima ipsa bea
 ta efficitur, quod in eam pars diuinæ felicitatis deri
 uetur. Hoc uero munere non æque omnes, perin
 de ac primo, ornari credendum est. erunt quidem
 sanctorum corpora omnia æque impassibilia, sed
 eundem splendorem non habebunt. nam, ut testa
 1. ad Cor. 15 tur Apostolus, Alia claritas solis, alia claritas lu
 næ, & alia claritas stellarum: stella enim a stella
 differt in claritate, sic & resurrectio mortuorum.
 Cum hac de te coniuncta est illa, quam agilitatem
 uocant, qua corpus ab onere, quo nunc premitur,
 liberabitur: facillimeque, in quamcumque partem
 anima uoluerit, ita moueri poterit, ut ea motione
 nihil celerius esse queat, quemadmodum aperte san
 ctus Augustinus in libro de Ciuitate Dei, & Hie
 1. ad Cor. 15 ronymus in Isaiam, docuerunt. Quare ab Apo
 stolo dictum est: Seminatur in infirmitate, surgit
 in uirtute. His uero addita est, quæ uocatur subti
 litas: cuius uirtute corpus animæ imperio omnino
 subijcietur, eique seruiet, & ad nutum præsto erit:
 1. ad Cor. 15 quod ex illis Apostoli uerbis ostenditur. Semina
 tur,

*Vt autem fideles sciant, quem fructum ex tot, Quam salu
tantorumque mysteriorum cognitione capere pos- tares ex ar-
sint; primum declarare oportebit, maximas a no- ticulo Re-
bis Deo gratias agendas esse, qui hæc sapientibus surrectio-
absconderit, & reuelauerit paruulis. Quot enim nis capian-
tur fructus.*

Quam salu-
tares ex ar-
ticulo Re-
surrectio--
nis capian-
tur fructus.

Matth. 18

1.2d Thef.4

Iob 16

labe puram agere quam diligentissime curent . si enim cogitauerint , ingentes illas diuitias , quæ resurrectionem consequuntur , ipsis propositas esse , facile ad uirtutis , & pietatis studia allicientur . Contra uero nulla res maiorem uim habitura est ad cõprimendas animi cupiditates , hominesque a sceleribus auocandos , quam si sæpius admoneantur , quibusnam malis , & cruciatibus improbi afficiendi sunt , qui
 Ioan. 5 extremo illo die procedent in resurrectionem iudicij .

VITAM AETERNAM . Sancti apostoli , duces nostri , Symbolum , quo fidei nostræ summa continetur , æternæ uitæ articulo claudi , & terminari uoluerunt ; tum quia post carnis resurrectionem nihil aliud fidelibus expectandum est , nisi æternæ uitæ præmium ; tum uero , ut perfectæ illa felicitas , & bonis omnibus cumulata , nobis semper ante oculos uersaretur , doceremurq. in ea mentem , & cogitationes nostras omnes defigendas esse . Quare Pastores in erudiendis fidelibus numquam intermittet , præmijs æternæ uitæ propositis , eorum animos accendere ; ut , quæcumque uel difficillima Christiani nominis causa subeunda esse docuerint , facilia , atque adeo iucunda existiment , promptioresque ad parendum Deo , & alacriores reddantur . Sed quoniam sub his uerbis , quæ ad beatitudinem nostram declarandam hoc loco usurpantur , plurima mysteria in occulto latent , ea sic aperienda sunt , ut , quantum cuiusque ingenium ferat , omnibus patere possint . Admonendi igitur sunt fideles , his uocibus ,

Vitam

Vitam æternam, non magis perpetuitatem uitæ, cui etiam dæmones, sceleratique homines addicti sunt, quam in perpetuitate beatitudinem, quæ beatorum desiderium expleat, significari. Atque ita intelligebat legis peritus ille, qui a Domino Salvatore nostro, quid sibi faciendum esset, ut uitam æternam possideret, in euangelio quæsiuit: perin- Luc. 18.
de ac si diceret: Quenam mihi præstanda sunt, ut ad eum locum, ubi perfecta felicitate frui liceat, perueniam? In hunc uero sensum sacræ litteræ hæc uerba accipiunt, ut multis in locis licet animadu-
tere. Hoc uero potissimum nomine summa illa be-
tudo appellata est, ne quis existimaret eam in re-
bus corporeis, & caducis, quæ æterna esse nō pos-
sunt, consistere. Neque enim hæc ipsa beatitudi-
nis uox satis explicare poterat, quod quærebatur;
præsertim cum non defuerint homines inavis cu-
iusdam sapientiæ opinione inflati, qui summum bo-
num in ijs rebus ponerent, quæ percipiuntur sensi-
bus. hæc enim pereunt, & ueterascunt: beatitu-
do uero nullo temporis termino definienda est. quin
potius terrena hæc longissime a uera felicitate ab-
sunt: a qua is quammaxime recedit, qui mundi
amore, & desiderio tenetur. scriptum est enim: 1. Ioan. 2
Nolite diligere mundum, neque ea, quæ in mun-
do sunt. si quis diligit mundum, non est chari-
tas Patris in eo. & paulo post: Mundus transit,
& concupiscentia eius. Hæc igitur Parochi fide-
lium mentibus imprimenda diligenter curabunt,
ut mor-

Ad Titũ. 2.

ut mortalia contemnere, nullamque in hac uita, in qua non ciues, sed aduenæ sumus, felicitatem obtineri posse in animum inducant. Quamquam hic etiam spe beati merito dicemur, si abnegantes impietatem, ac secularia desideria, sobrie, & iuste, & pie uixerimus in hoc sæculo, expectantes beatam spem, & aduentum gloriæ magni Dei, & saluatoris nostri Iesu Christi. Hæc autem cū permulti, qui sibi ipsi sapientes uidebantur, minus intelligerent, & in hac uita felicitatem querendam putarent, stulti facti sunt, & in maximas calamitates inciderunt. Sed illud præterea ex ui huius nominis, Vitam æternam, percipimus, semel adeptam felicitatem amitti numquam posse, ut falso nonnulli suspicati sunt. nam felicitas ex omnibus bonis sine ulla mali admistione cumulatur: quæ cum hominis desiderium expleat, in æterna uita necessario consistit. neque enim potest beatus non magnopere uelle, ut illis bonis, quæ adeptus est, sibi perpetuo frui liceat. Quare, nisi ea possessio stabilis, & certa sit, maximo cruciatu timoris angatur, necesse est.

De inenarrabili sanctorum gloria; & de præmiis essentialibus & accidentalibus.

Verum, quanta sit beatorum, qui in cælesti patria uiuunt, felicitas, eaque ab ipsis tantum, præterea nemine, comprehendendi possit, hæ ipsæ uoces, cum uitam beatam dicimus, satis demonstrant. nam cum ad rem aliquam significandam eo nomine utimur, quod cum multis alijs commune est, facile intelligimus deesse propriam uocem, qua res illa plane exprimatur. Cum igitur felicitas ijs uocibus declaratur

declaretur, quæ non magis in beatos, quàm in omnes, qui perpetuo uiuant, recte conueniunt, hoc nobis argumento esse potest, altiore, & præstantiore quandam rem esse, quam ut proprio uocabulo perfecte significare eius rationem possimus. nam etsi plurima alia nomina celesti huic beatitudini in sacris litteris tribuuntur, cuiusmodi sunt, regnum Dei, Christi, calorum, paradysus, sancta ciuitas, noua Hierusalem, domus patris: tamen perspicuum est, nullum ex ijs ad eius magnitudinem explicandam satis esse. Quare Parochi hoc loco oblatam sibi occasionem non prætermittent, fideles tam amplis præmijs, quæ uitæ æternæ nomine declarantur, ad pietatem, & iustitiam, & omnia Christianæ religionis officia inuitandi. Constat enim, uitam in maximis bonis, quæ natura expetuntur, numerari solere. atqui hoc potissimum bono, cum uitam æternam dicimus, beatitudo definitur. Quod si exigua hac, & calamitosa uita, quæ tot, & tam uarijs miserijs subiecta est, ut mors uerius dicenda sit, nihil magis amatur, nihil aut carius, aut iucundius esse potest: quo tandem animi studio, qua contentione æternam illam uitam querere debemus, quæ defunctis omnibus malis perfectam & absolutam bonorum omnium ratione coniunctam habet? nam, ut sancti Patres tradiderunt, æternæ uitæ felicitas, omnium malorum liberatione, & bonorum adeptione definienda est. De malis clarissima sunt sanctarum litterarum testimonia: scriptum

L

est

Apoc. 7. 21 est enim in Apocalypsi: Non esurient, neque sitient amplius: neque cadet super illos sol, neque ullus aestus. & rursus: Absterget Deus omnem lacrymam ab oculis eorum: & mors ultra non erit, neque luctus, neque clamor, neque dolor erit ultra, quæ prima abierunt. Iam uero beatorum immensa gloria, innumeraque solida lætitiæ, & uoluptatis genera futura sunt: cuius gloriæ magnitudinem cum animus noster capere, aut illa in animos nostros penetrare nullo modo possit, necesse est, nos in illam, nempe in gaudium Domini, intrecire, ut eo

S. August. circumfusi, mentis desiderium cumulate expleamus. Quamuis autem, ut sanctus Augustinus scribit, facilius mala, quibus carituri sumus, quam bona, ac uoluptates, quas hausuri sumus, numerari posse uideantur: danda tamen erit opera, ut, quæ fideles summæ illius felicitatis adipiscendæ cupiditate inflammare poterunt, breuiter, & dilucide explicentur. Sed illa in primis distinctione uti oportebit, quam a grauissimis diuinarij rerum scriptoribus accepimus. y enim duo bonorum genera esse statuunt: quorum alterum ad beatitudinis naturam pertinet: alterum ipsam beatitudinem consequitur. quare illa essentialia, hæc uero accessoria bona, docendi causa, appellarunt. Ac solida quidæ beatitudo, quam essentialem communi nomine licet uocare, in eo sita est, ut Deum uideamus, eiusque pulchritudine fruamur, qui est omnis bonitatis, ac perfectionis fons, & principium. Hæc est uita
eterna

aeterna, inquit Christus dominus, ut cognoscant te Ioan. 17
 solum Deum uerū, et quem misisti Iesum Christum:
 quam sententiam sanctus Ioannes uidetur interpre-
 tari, cum ait: Carissimi, nunc filij Dei sumus: & 1. Ioan. 3
 nondum apparuit, quid erimus: scimus quoniam,
 cum apparuerit, similes ei erimus, quoniam uide-
 bimus eum, sicuti est. significat enim beatitudinem
 ex ijs duobus constare: tum quod Deum intuebi-
 mur, qualis in natura sua, ac substantia est; tum
 quod ueluti Dij efficiemur. nam qui illo fruuntur,
 quamuis propriam substantiam retineant, admira-
 bilem tamen quandam, & prope diuinam formam
 induunt, ut Dij potius, quam homines uideantur.
 Hoc autem cur ita fiat, ex eo perspicuum est, quod
 unaquaeque res uel ex eius essentia, uel ex eius simi-
 litudine, & specie cognoscitur. At quoniam nihil
 est Dei simile, cuius similitudinis adiumento ad per-
 fectam eius notitiam peruenire possimus: conse-
 quens est, ut eius naturam, & essentiam uidere
 nemini liceat, nisi haec eadem diuina essentia se no-
 bis coniunxerit. atque id Apostoli uerba illa si- 1. ad Cor. 13
 gnificant: Videmus nunc per speculum in aenigma-
 te, tunc autem facie ad faciem. nam quod in-
 quit, In aenigmate; interpretatur sanctus Au- S. August.
 gustinus, in similitudine ad Deum intelligendum
 accommodata. Quod etiam sanctus Dionysius S. Diony-
sius Areo-
pagita.
 aperte ostendit, cum affirmat, nulla inferiorum
 similitudine superiora percipi posse. neque enim
 ex alicuius rei corporeae similitudine, eius,

Lij . quod

quæ corpore careat, essentia, & substantia cognosci potest; cum præsertim necesse sit, rerum similitudines minus concretionis habere, & magis spirituales esse, quam res ipsas, quarum imaginem referunt: quemadmodum in omnium rerum cognitione facile experimur. quoniam uero fieri non potest, ut alicuius rei creatæ similitudo æque pura, & spiritualis, ac Deus ipse est, reperiatur: ita fit, ut ex nulla similitudine diuinam essentiã perfectè intelligere possimus. Accedit etiam, quod omnes creatæ res certis perfectionis terminis circumscribuntur: at Deus infinitus est, neque ullius rei creatæ similitudo eius immensitatem capere potest. Quocirca una illa ratio diuinæ substantiæ cognoscendæ relinquitur, ut ea se nobis coniungat, & incredibili quodam modo intelligētiam nostram altius extollat, atque ita idonei ad eius naturæ speciem contemplandam reddamur. id uero lumine gloriæ assequemur, cum eo splendore illustrati, Deum lumen uerum in eius lumine uidebimus. nam beati Deum præsentem semper intuentur: quo quidem dono, omnium maximo, & præstantissimo, diuinæ essentiæ participes effecti, uera, & solida beatitudine potiuntur: quam nos ita credere debemus, ut, eam Dei benignitate cum certa spe nobis expectandam esse, in Symbolo Patrum definitum sit: inquit enim: Expecto resurrectionem mortuorum, & uitam uenturi seculi. Diuina hæc plane sunt, neque ullis uerbis explicari, aut cogitatione comprehendere a nobis

a nobis possunt. Verum licet aliquam huius beatitudinis imaginem in ijs etiam rebus, quæ sensu percipiuntur, cernere. Nam quemadmodum ferrum, admoto igni, ignem concipit, & quavis eius substantia non mutetur, fit tamen, ut diversum quippiam, nimirum ignis, esse uideatur: eodem modo, qui in caelestem illam gloriam admissi sunt, Dei amore inflammati, ita afficiuntur, cum tamen id, quod sunt, esse non desinant, ut multo magis distare ab ijs, qui in hac uita sunt, merito dici possint, quam ferrum candens ab eo, quod nullam caloris uim in se contineat. Ut igitur rem paucis complectamur, summa illa, & absoluta beatitudo, quam essentialem uocamus, in Dei possessione constituenda est. Quid enim ei ad perfectam felicitatem deesse potest, qui Deum optimum, & perfectissimum possidet? Verum ad illam tamen quædam accedunt ornamenta, omnibus beatis communia; quæ quoniam ab humana ratione minus remota sunt, uehementius quoque animos nostros commouere, & excitare solent. Huius generis ea sunt, de quibus Apostolus ad Romanos uidetur intelligere: Gloria, & honor, & pax omni operanti bonum. nam gloria quidem beati perfruentur, non illa solum, quam tandem essentialem beatitudinem, uel cum eius natura maxime coniunctam esse ostendimus: sed ea etiam, quæ constat ex clara, & aperta notitia, quam singuli de alterius eximia, & præstanti dignitate habituri sunt. At uero quantus

L iij illo

ille honor existimandus est, qui eis a Domino tri-
 buitur, cum non amplius serui, sed amici, fratres,
 ac filij Dei uocentur? quare ita electos suos amantis-
 simis, & honorificentissimis uerbis Saluator noster
 cath. 2 compellabit: Venite benedicti Patris mei, posside-
 te paratum uobis regnum: ut merito liceat excla-
 Psal. 1. 38 mare, Nimis honorificati sunt amici tui Deus. Sed
 laudibus etiam a Christo domino, coram patre cele-
 sti, & angelis eius, celebrabuntur. Præterea, si
 hoc commune omnibus hominibus desiderium natu-
 ra ingenuit honoris, qui a uiris sapientia præstan-
 tibus habeatur, quod eos locupletissimos uirtutis
 sue testes fore existiment: quantum beatorum glo-
 riæ accessurum putamus, quod alius alium summo
 honore prosequetur? Infinita esset omnium oblecta-
 tionum enumeratio, quibus beatorum gloria cumu-
 lata erit, ac ne cogitatione quidem fingere eas pos-
 sumus. Sed tamen hoc fidelibus persuasum esse de-
 bet, quacumque nobis iuunda in hac uita contin-
 gere, uel etiam optari quæant, siue ea ad mentis
 cognitionem, siue ad corporis perfectum habitum
 pertineant, earum rerum omnium copijs beatam
 celestium uitam circumfluere: quamuis hoc altiore
 quodam modo, quam oculus uidit, aut auris audi-
 1. ad Cor. 2 uit, aut in cor hominis ascendit, fieri Apostolus
 affirmat. nam corpus quidem, quod antea crassum,
 & concretum erat, cum in cælo, detracta morta-
 litate, tenue, & spiritale effectum fuerit, nullis
 Luc. 12 amplius alimentis indigebit: anima autem æterno
 gloria

*glorie pabulo, quod magni illius conuiuij auctor
 transiens omnibus ministrabit, cum summa uolu-
 ptate exsaturabitur. Quis uero pretiosas uestes,
 aut regales corporis ornatus desiderare poterit, ubi
 nullus harum rerum usus futurus sit, omnesque
 immortalitate, & splendore amicti, & sempiter-
 nae gloriae corona ornati erunt? Sed si amplae etiam,
 & magnificae domus possessio ad humanam felicitate
 tem pertinet; quid caelo ipso, quod Dei claritate un-
 dique collustratur, uel amplius, uel magnificen-
 tius cogitari potest? Quare Propheta, cum eius
 domicilij pulchritudinem sibi ante oculos poneret,
 & ad beatas illas sedes perueniendi cupiditate arde-
 ret, Quam dilecta, inquit, tabernacula tua Do- Psal. 83
 mine uirtutum: concupiscit, & deficit anima mea
 in atria Domini: cor meum, & caro mea exulta-
 uerunt in Deum uiuum. Atque, ut hic sit omnium
 fidelium animus, haec communis omnium uox,
 quemadmodum Parochi uehementer optare, ita
 etiam omni studio curare debent. nam, In domo [Ioan. 14]
 patris mei, inquit Dominus, mansiones multae
 sunt; in quibus maiora, & minora praemia,
 ut quisque promeritus erit, reddentur. Qui enim 2. ad Cor. 9
 parce seminat, parce metet; & qui seminat in
 benedictionibus, de benedictionibus & metet.
 Quare non solum ad eam beatitudinem fideles
 excitabunt, uerum etiam eius consequenda cer-
 tam rationem hanc esse frequenter monebunt, ut
 fide, & charitate instructi, & in oratione, &*

L iij sacra-

sacramentorum salutari usu perseverantes, ad omnia
benignitatis officia i proximos se exerceant. ita enim
Dei misericordia fiet, qui beatam illam gloriam di-
ligentibus se preparavit, ut aliquando impleatur,
Isa. 32: quod dictum est per prophetam: Sedebit populus
meus in pulchritudine pacis, & in tabernaculis fi-
duciae, & in requie opulenta.

DE SACRAMENTIS.

CVM OMNIS Christianæ doctrinæ
pars scientiam, diligentiamque deside-
rat: tum sacramentorum disciplina,
quæ & Dei iussu necessaria, & utili-
tate uberrima est, Parochi facultatem, & indu-
striam postulat singularem; ut eius accurata, ac
frequenti perceptione fideles tales euadant, quibus
præstantissimæ, ac sanctissimæ res dignæ & salu-
tariter impertiri possint, & sacerdotes ab illa diui-
ni interdicti regula non discedant: Nolite sanctum
dare canibus, neque mittatis margaritas uestras
ante porcos.

Principio igitur, quoniam uniuerse de toto gene-
re sacramentorum agendum est, ab ipsius nominis
ui, atque notione oportet incipere, eiusque ambi-
guam significationem explanare; ut, quæ huius
uerbi sententia hoc loco propria sit, facilius intelli-
gatur. Quare docendi sunt fideles, sacramenti no-
men, quod ad propositam rem attinet, aliter a
profanis,

profanis, quam a sacris scriptoribus, acceptum esse. nam alij auctores sacramenti nomine obligationem illā significari uoluerunt, cum iurati aliquo seruitutis uinculo obstringimur, ex quo iusiurandum, quo se milites fidelem operam reip. præstatueros pollicentur, sacramentū militare dictum est. atque hæc frequētissima huius uocabuli significatio apud illos uidetur fuisse. Verum apud Latinos patres, qui res diuinas scriptis tradiderunt, sacramenti nomen aliquam rem sacram, quæ in occulto latet, declarat, quemadmodum Græci, ad eandem rem significandam, mysterij uocabulo usi sunt. in eam uero sententiam sacramenti uocem accipiendam esse intelligimus, cum ad Ephesios scribitur: Vt notum faceret nobis sacramentum uoluntatis suæ. Deinde ad Timotheum: Magnum est pietatis sacramentum. Præterea in libro sapientiæ: Nescierunt sacramenta Dei. Quibus in locis, & alijs multis, licet animaduertere, sacramentum nihil aliud, nisi rem sacram, abditam, atque occultam, significare. Quare Latini doctores signa quedam sensibus subiecta, quæ gratiam, quam efficiunt, simul etiam declarant, ac ueluti ante oculos ponunt, sacramenta commode appellari posse existimarunt. Quamquam, ut D. Gregorio placet, ob id sacramenta dici possunt, quod diuina uirtus sub rerum corporearum tegumentis occulte salutem efficiat. Nec uero quisquam putet hoc uocabulum nuper in Ecclesiā inductum esse. nam qui sanctos Hieronymum, & Augustinum

Ad Eph. 1

1. ad Tim. 3

Sap.

D. Gregor.

Augustinum legerit; facile perspiciet, antiquos religionis nostræ scriptores ad eam, de qua loquimur, rem demonstrandam sapissime sacramenti nomine, interdum uero etiam Symboli, uel mystici signi, uel sacri signi uoce usos esse. Atque hæc de sacramenti nomine dicta sint: quod quidem ueteris etiam legis sacramentis conuenit: de quibus nihil opus est Pastoribus præcepta tradere, cum ea euangelij lege, & gratia sublata sint.

*De propria
ui, atque
natura sa-
cramenti.*

D. August.

*Verum, præter nominis notionem, quæ hæc-
nus declarata est, rei etiam uis, & natura diligen-
ter inuestiganda, & quid sacramentum sit, fideli-
bus aperiendum est. Sacramenta enim ex genere
earum rerum esse, quibus salus & iustitia compa-
ratur, dubitare nemo potest. Sed cum multæ ra-
tiones sint, quæ ad hanc rem explicandam aptæ,
& accommodatæ uideantur, nulla tamen planius,
& dilucidius eam demonstrat, quam definitio a
D. Augustino tradita, quam deinde omnes doctores
scholastici secuti sunt. Sacramentum, inquit ille,
est signum rei sacræ: uel, ut alijs uerbis, in eandem
tamen sententiam, dictum est, sacramentum est
inuisibilis gratiæ uisibile signum, ad nostram iusti-
ficationem institutum. Quæ quidem definitio ut
magis pateat, singulæ eius partes Pastoribus ex-
ponenda erunt. Atque in primis docere oportebit,
rerum omnium, quæ sensibus percipiuntur, duo
esse genera. aliæ enim ob id inuentæ sunt, ut ali-
quid significent: aliæ non alterius rei significandæ,
se*

sed sua tantum causa effecta sunt : quo in numero omnes penes res, quæ natura constant, haberi possunt.

At uero in priori genere uocabula rerum, scriptura, uexilla, imagines, tubæ, & alia huiusmodi permulta ponenda sunt. nam si ex uocabilis uim significandi detraxeris, sublata uidetur esse causa, quamobrem uocabula instituerentur. Hæc igitur signa proprie dicuntur. illud enim signum esse sanctus Augustinus testatur, quod præter rem, quam S. August. sensibus obijcit, efficit etiam, ut ex se alterius rei cognitionem capiamus : sicut ex uestigio, quod terræ impressum intuemur, transisse aliquem, cuius uestigium apparet, facile cognoscimus. Quæ cum ita se habeant : sacramentum ad hoc rerum genus, quæ significandi causa instituta sunt, referri, perspicuum est : siquidem specie quadam, & similitudine id nobis declarat, quod Deus in animis nostris sua uirtute, quæ sensu percipi non potest, efficit. Baptismus enim, (ut, quod docetur, exemplo notius fiat) cum, adhibitis certis, & sollemnibus uerbis, aqua extrinsecus abluimur, hoc significat : spiritus sancti uirtute omnem peccati maculam, et turpitudinem interius elui, et animas nostras præclaro illo cælestis iustitiæ dono augeri, atque ornari : simulq. ea corporis ablutio, ut postea suo loco explicabitur, illud in animo efficit, quod significat. Sed ex scripturis etiam aperte colligitur, sacramentum inter signa numerandum esse. Apostolus. n. de circumcissione, ueteris legis sacramento, quæ Abraham patri omnium credentium data erat,

Ad Rom. 4 erat, ita ad Romanos scribit: Et signum accepit
 Ad Rom. 6 circumcisionis, signaculum iustitiae fidei. Et alio
 loco, cum affirmat nos omnes, qui baptizati sumus
 in Christo Iesu, in morte ipsius baptizatos esse, li-
 cet cognoscere, baptismum huius rei significatio-
 nem habere, nimirum, ut ait idem Apostolus, nos
 ad Rom. 6 cōsepultos esse cum illo per baptismum in mortem.
 Neque uero parum proderit, si fidelis populus sa-
 cramenta ad signa pertinere intellexerit. ita enim
 fiet, ut, quae illis significantur, continentur, atque
 efficiuntur, sancta, & angusta esse facilius sibi per-
 suadeat; cognitaque eorum sanctitate, ad diuinam
 erga nos beneficentiam colendam, ac uenerandam
 magis excitetur.

Sacramen-
 tum esse rei
 sacre signū,
 quo modo
 intelligen-
 dum.
 S. August. Sequitur nunc, ut uerba illa, REI SACRAE,
 quae est altera definitionis pars, explicentur. quod
 quidem ut commode fieri possit, paulo altius repe-
 tenda sunt, quae de signorum uarietate sanctus Au-
 gustinus acute; & subtiliter disputauit. Quaedam
 enim signa naturalia dicuntur, quae praeter se ipsa
 alterius rei notitiam (quod omnibus signis commu-
 ne esse, antea demonstratum est) in animis nostris
 gignunt, ueluti fumus, ex quo statim ignem adesse
 intelligitur. atque hoc signum ob eam causam na-
 turale appellandum est, quod fumus non uoluntate
 ignem significat, sed rerum usus efficit, ut, si quis
 fumum tantum uideat, naturam simul et uim ignis,
 qui adhuc latet, subesse, mente, & cogitatione
 percipiat. Quaedam uero signa natura non con-
 stant

stant, sed constituta, atque ab hominibus inuenta sunt, ut & colloqui inter se, & alijs animi sui sensa explicare, uicissimque aliorum sententiam, & consilia possent cognoscere. Hæc autem quam uaria, & multiplicia sint, ex eo licet animaduvertere, quod nonnulla ad oculorum, pleraque ad aurium sensum, reliqua ad ceteros sensus pertinent. nam cum aliquid alicui innuimus, & exempli causa, sublato uexillo quippiam declaramus; satis constat, eam significationem ad oculos tantum referri: quem admodum tubarum, tiliarum, aut citharæ sonus, qui non solum delectandi, sed plerumque significandi causa funditur, ad aurium iudicium spectat: quo quidem præcipue sensu uerba etiam accipiuntur, quæ ad exprimendas intimas animi cogitationes maximam uim habent. Verum, præter illa signa, quæ hominum consensu, & uoluntate constituta esse, hætenus diximus, alia quædam sunt diuinitus data, quorum tamen non unum genus esse omnes consentiunt. Alia enim signa ob eam tantum rem a Deo hominibus commendata sunt, ut aliquid significarent, uel admonerent: cuiusmodi fuerunt, legis purificationes, panis azymus, & alia permulta, quæ ad Mosaici cultus caerimonias pertinebant: alia uero Deus instituit, quæ non significandi modo, sed efficiendi etiam uim haberent. atque in hoc posteriori signorum genere sacramenta nouæ legis numeranda esse, liquido apparet. signa enim sunt diuinitus tradita, non ab hominibus inuenta, quæ
rei

rei cuiuspiam sacre, quam declarant, efficientiam in se continere certo credimus. Sed quemadmodum signa in multiplici uarietate esse ostendimus; ita etiam res sacra non unius modi existimanda est. Quod uero ad propositam sacramenti definitionem atinet, diuinarum rerum scriptores, sacre rei nomine Dei gratiam, quæ nos sanctos efficit, ac omnium diuinarum uirtutum habitu exornat, demonstrant. huic enim gratie propriam sacre rei appellationem tribuendam merito putarunt, quippe cum eius beneficio animus noster Deo consecratur, & coniungatur. Quare, ut explicatius, quid sacramentum sit, declaretur, docendum erit, rem esse sensibus subiectam, quæ ex Dei institutione sanctitatis, & institutionis significandæ, tum efficiendæ uim habet: ex quo sequitur, ut facile quiuis possit intelligere, imagines sanctorum, cruces, & alia id generis, quamuis sacrarum rerum signa sint, non ideo tamen sacramenta dicenda esse. Huius autem ueritatis doctrinam facile erit omnium sacramentorum exemplo comprobare, si, quod antea de baptismo admonuimus, cum dicebamus sollemnem illam corporis ablutionem signum esse, & efficientiam habere rei sacre, quæ interius spiritus sancti ui fieret, idem etiam in alijs sacramentis exercere aliquis uelit. Iam uero hisce mysticis signis, quæ a Deo instituta sunt, illud etiam præcipue conuenit, ut ex Domini institutione non unam aliquam rem, sed plures simul significant. Quod in singulis sacramentis

sacramentis licet cognoscere, quæ non solum sancti-
tatem, & iustitiam nostram, sed præterea duæ alia
cum ipsa sanctitate maxime coniuncta declarant,
Christi scilicet redemptoris passionem, quæ sancti-
tatis causa est, & uitam æternam, cælestemque
beatitudinem, ad quam sanctitas nostra, tamquam
ad finem, referri debet. Quod quidem cum in omni-
bus sacramentis perspicui possit, merito sacri docto-
res unicuique sacramentorum triplicem significan-
di uim inesse tradiderunt; tum quia alicuius rei præ-
terita memoriam asserat; tum quia aliam præsen-
tem indicet, ac demonstrat; tum quia aliam futu-
ram prænunciet. Neque uero existimandum est,
hoc ita ab illis doceri, ut etiam sanctarum scriptu-
rarum testimonio non probetur. nam cum Aposto-
lus ait: Quicumque baptizati sumus in Christo Ie-
su, in morte ipsius baptizati sumus: plane ostendit,
iccirco baptismum signum dicendum esse, quod Do-
minicæ passionis & mortis nos admoneat. Deinde
cum inquit: Consepulti enim sumus cum illo per ba-
ptismum in mortem, ut, quo modo Christus surre-
xit a mortuis per gloriam patris, ita & nos in
nouitate uitæ ambulemus: ex ijs uerbis perspicuum
est, baptismum signum esse, quo cælestis gratia in
uos infusa declaratur: cuius munere nobis da-
tum est, ut, nouam uitam instituentes, omnia
uere pietatis officia facile, & libenti animo exe-
quamur. Postremo cum addit: Si enim complan-
tati facti sumus similitudini mortis eius, simul &
resur-

Ad Rom. 6

Ad Rom. 6

resurrectionis erimus : apparet, baptismum uitæ
etiam æternæ, quam per illum consecuturi sumus,
non obscuram significationem dare. Sed præter hæc,
quæ commemorauimus, uaria significandi genera,
& rationes, sæpe etiam euenit, ut sacramentum
non unam tantum rem præsentem, sed plures de-
monstret, ac notet. id uero sanctissimum Euchari-
stie sacramentum intuentibus facile est intelligere,
quo ueri corporis, & sanguinis Domini præsentia,
necnon gratia, quam non impure sacra mysteria su-
mentes percipiunt, designatur. Ex iis igitur, quæ
dicta sunt, Pastoribus argumenta deesse non pote-
runt, quibus ostendant, quanta diuinitatis poten-
tia, quot arcana miracula sacramentis nouæ legis
insint; ut, ea summa cum religione colenda, & su-
scipienda esse, omnibus persuadeant.

Sacramen-
ta, præfer-
tim legis e-
uangelicæ,
cur institu-
ta.

Verum ad rectum sacramentorum usum docen-
dum nihil accommodatius uideri potest, quam dili-
genter causas exponere, cur sacramenta institui
oportuerit. Plures autem numerari solent: qua-
rum prima est, humani ingenij imbecillitas. siqui-
dem natura ita comparatum uidemus, ut ad earum
rerum notitiam, quæ mente, atque intelligentia
comprehensæ sunt, nisi per ea, quæ aliquo sensu
percipiuntur, nemini adspirare liceat. Vt igitur,
quæ occulta Dei uirtute efficiuntur, facilius intelli-
gere possemus, idem summus rerum omnium arti-
fex sapientissime fecit, ut eam ipsam uirtutem ali-
quibus signis, quæ sub sensum cadunt, pro sua in
nos

nos benignitate declaret . nam, ut præclare a sancto Chrysostomo dictum est ; si homo corporis con- S. Chryl.
 cretione caruisset, nuda ipsa bona, neque ullis integumentis inuoluta, ei oblata essent : quoniam uero anima corpori cōiuncta est , omnino opus fuit, ut rerum , quæ sentiuntur , adminiculo ad ea intelligenda uteretur . Altera uero causa est , quod animus noster haud facile commouetur ad ea, quæ nobis promittuntur, credenda . Quare Deus a mundi exordio quæ facere instituerat , uerbis quidem frequētissime indicare consuevit ; interdum uero , cum opus aliquod institueret , cuius magnitudo promissi fidē abrogare posset , alia etiam signa, quæ nonnumquā miraculi speciem haberent , uerbis adiunxit . nam cum Deus Moysen ad Israelitici populi liberationem Exod. 9
 mitteret ; ille uero, ne Dei quidem præcipientis auxilio fretus , timeret, ne onus sibi grauius imponeretur, quam ut sustinere posset ; aut ne populus diuinis oraculis , & dictis fidem non adiungeret ; Dominus promissionem suam multa signorum Exod. 4
 uarietate firmavit . Quemadmodum igitur in ueteri testamento Deus fecerat, ut magni alicuius promissi constantiam signis testificaretur : ita etiam in noua lege Christus, saluator noster, cū nobis peccatorum ueniam, caelestem gratiam, spiritus sancti cōmunicationem pollicitus est, quædam signa oculis, & sensibus subiecta instituit , quibus eum quasi pignoribus obligatum haberemus , atque ita fidelem in promissis futurum dubitare numquā possemus .

M Tertia

Tertia causa fuit, ut illa tāquam remedia, ut scribit sanctus Ambrosius, atque euangelici Samaritani medicamenta ad animarum sanitatem uel recuperandam, uel tuendam præsto essent. Virtutem enim, quæ ex passione Christi manat, hoc est gratiam, quam ille nobis in ara crucis meruit, per sacramenta, quasi per alueum quendam, in nos ipsos deriuare oportet. aliter uero nemini ulla salutis spes reliqua esse poterit. Quare clementissimus Dominus sacramenta uerbo suo, & promissione sancta relinquere in Ecclesia uoluit, per quæ passionis suæ fructum nobis re ipsa communicari sine dubitatione crederemus; si modo unusquisque nostrum ad se eam curationem per, & religiose admoueret.

Sed quarta etiam causa accedit, cur sacramentorum institutio necessaria uideri possit; ut scilicet notæ quædam, & symbola essent, quibus fideles internoscerentur, cum præsertim nullus hominum cætus queat, ut etiam a D. Augustino traditum est, siue ueræ, siue falsæ religionis nomine, quasi unum corpus coagmentari, nisi aliquo uisibilium signorum fœdere coniungantur. Vtrumque igitur præstant nouæ legis sacramenta, quæ & Christianæ fidei cultores ab infidelibus distinguunt, et ipsos fideles sancto quodam uinculo inter se connectunt.

Præterea, aliam etiam iustissimam fuisse causam sacramenta instituendi, ex illis Apostoli uerbis, Corde creditur ad iustitiam, ore autem confessio fit ad salutem, ostendi potest. Sacramentis enim

fidem

D. Augusti
nus.

Ad Ro. 10.

fidem nostram in hominum conspectu profiteri, & notam facere uidemur. Quare ad baptismum accedentes, palam testamur, nos credere, eius aquæ uirtute, qua in sacramento abluimur, spiritualem animæ purgationem fieri. Magnam deinde uim habent sacramenta non solum ad fidem in animis nostris excitandam, & exercendam, sed etiam eam charitatem inflammandam, qua amare inter nos debemus, cum, arctissimo nos uinculo colligatos, & unius corporis membra effectos esse, ex sacrorum mysteriorum communione, recordamur. Postremo, quod in Christianæ pietatis studio plurimi faciendum est, humanæ mentis superbiam edomât, ac comprimunt, nosque ad humilitatem exercent; dum sensibilibus elementis subicere nos cogimur, ut Deo obtemperemus, a quo antea impie defeceramus, ut mundi elementis seruiremus. Hæc sunt, quæ potissimum de sacramenti nomine, natura, institutione, fideli populo tradenda esse uisa sunt: quæ posteaquam a Pastoribus accurate exposita fuerint, docere deinceps oportebit, quibus ex rebus singula sacramenta constent, quæue sint illorum partes, ac præterea qui ritus, & cærimoniæ additæ illis fuerint.

Primum igitur explicandum est, rem sensibilem, quæ supra in sacramenti definitione posita est, non unam tantum esse, quamuis unum signum constitui credendum sit. Duo enim sunt, ex quibus quodlibet sacramentum conficitur: quorum alterum

De materia
& forma sa-
cramento-
rum, eorū-
que cæri-
moniarum.

M ij materia

materia rationem habet, atque elementum dicitur: alterum formæ uim, & uerbum communi uocabulo appellatur: sic enim a Patribus accepimus. quæ in re notum est, atque apud omnes peruulgatum.

¶ *S. August.* illud sancti Augustini testimonium: Accedit uerbū ad elementum, & fit sacramentum. Rei igitur sensibilis nomine tum materiam, siue elementum intelligunt, ut in sacramento baptismi aquam, confirmationis chrisma, & extremæ unctionis oleum, quæ omnia sub aspectum cadunt; tum præterea uerba, quæ formæ rationem habent, atque ad aurium sensum pertinent. Apostolus uero utrumque aper-

¶ *Ad Eph. 5* te indicauit, cum inquit: Christus dilexit Ecclesiam, & se ipsum tradidit pro ea, ut illam sanctificaret, mundans eam lauacro aquæ in uerbo uitæ. Quo in loco materia, & forma sacramenti exprimitur. Addenda autem erant uerba ad materiam, ut apertior, clariorque rei, quæ gerebatur, significatio fieret. Verba enim inter omnia signa maximam uim habere perspicuum est: ac, si ipsa desint, plane obscurum erit, quidnam materia sacramentorum designet, ac demonstret. Nam, ut in baptismo licet uidere, cum aqua non minus refrigerandi, quam abluendi uim habeat, & utriusque rei symbolum esse possit, nisi uerba addantur, utrū horum in baptismo significet, aliquis fortasse coniectura aliqua diiudicabit; nemo autem ea de re quippiam certi affirmare audebit: at cum uerba adhibentur, statim intelligimus, abluendi uim, & signifi-

significationem habere.

In hoc autem nostra sacramenta antiquæ legis sacramentis plurimum præstant, quod in illis administrandis nulla, quod quidem acceperimus, definita forma seruaretur; quo etiam fiebat, ut incerta admodum, & obscura essent: nostra uero formam uerborum ita præscriptam habent, ut, si forte ab eo discedatur, sacramenti ratio constare non possit: ob eamque rem clarissima sunt, ac nullum relinquunt dubitandi locum. Hæ igitur sunt partes, quæ ad naturam, & substantiam sacramentorum pertinent, & ex quibus unumquodque sacramentum necessario constituitur. His accedunt cærimoniæ: quæ tametsi prætermitti sine peccato non possunt, nisi aliud facere ipsa necessitas cogat; tamen, si quando omittantur, quoniam rei naturam non attingunt, nihil de uera sacramenti ratione imminui credendum est. Ac merito quidem a primis usque Ecclesiæ temporibus illud semper seruatum est, ut sacramenta sollemnibus quibusdam cærimonijs ministrarentur. Primum enim maxime decuit, sacris mysterijs eum religionis cultum tribuere, ut sancta sancti tractare uideremur. præterea, quæ sacramento efficiuntur, cærimoniæ ipsæ magis declarant, ac ueluti ante oculos ponunt, & earum rerum sanctitatem in animos fidelium altius imprimunt. Deinde uero mentes illorum, qui eas intuentur, & diligenter obseruant, ad sublimium rerum cogitationem erigunt, fidemque in eis, & charita

M ij tem

tē excitant : quo maior cura , et diligētia adhibenda erit , ut fideles uim cærimoniarū , quibus singula sacramēta cōficiuntur , cognitā , & perspectā habeant.

De necessitate , numero , & utilitate sacramētorum.

Sequitur , ut sacramentorum etiam numerus explicetur . quæ quidem cognitio hanc utilitatem affert , quod populus eo maiori pietate omnes animi sui vires ad laudandam , & prædicandam Dei erga nos singularem beneficentiam conuertet , quo plura salutis , ac beatæ uitæ adiumenta nobis diuinitus parata esse intellexerit . Catholica igitur Ecclesiæ sacramenta , quemadmodum ex scripturis probatur , & Patrum traditione ad nos peruenit , & Conciliorum testatur auctoritas , septenario numero definita sunt . Cur autem neque plura , neque pauciora numerentur , ex ijs etiam rebus , quæ per similitudinem a naturali uita ad spiritualem transferuntur , probabili quadam ratione ostendi poterit . Homini enim ad uiuendum , uitamque conseruandam , & ex sua , rei que publicæ utilitate traducendam , hæc septem necessaria uidentur ; ut scilicet in lucem edatur , augeatur , alatur ; si in morbum incidat , sanetur ; imbecillitas uirium reficiatur ; deinde , quod ad remp . attinet , ut magistratus numquam desint , quorum auctoritate , & imperio regatur ; ac postremo , legitima sobolis propagatione se ipsum & humanum genus conseruet . Quæ omnia quoniam uitæ illi , qua anima Deo uiuit , respondere satis apparet , ex ijs facile sacramentorum numerus colligetur . Primus enim est Baptismus,

smus, ueluti ceterorum ianua, quo Christo renascimur: deinde Confirmatio; cuius uirtute fit, ut diuina gratia augeamur, & roboremur. baptizatis enim iam apostolis, ut D. Augustinus testatur, inquit Dominus, Sedete in ciuitate, donec induamini uirtute ex alto. Tum Eucharistia, qua, tamquam cibo uere caelesti, spiritus noster alitur, & suslinitur. de ea enim dictum est a Salvatore: Caro mea uere est cibus, & sanguis meus uere est potus. Sequitur quarto loco Pœnitentia; cuius ope sanitas amissa restituitur, postquam peccati uulnera accepimus. Postea uero extrema Vnctio, qua peccatorum reliquie tolluntur, et animi uirtutes recreantur: siquidem D. Iacobus, cum de hoc sacramento loqueretur, ita testatus est: Etsi in peccatis sit, remittentur ei. Sequitur Ordo, quo publica sacramentorum ministeria perpetuo in Ecclesia exercendi, sacrasque omnes functiones exequendi potestas traditur. Postremo additur matrimonium, ut ex maris & feminae legitima, & sancta coniunctione filij ad Dei cultum, & humani generis conseruationem procreentur, & religiose educentur.

Illud uero maxime animaduertendum est, quam uis omnia sacramenta diuinam, & admirabilem uirtutem in se contineat, tamen non parem omnia, et equalem necessitatem, aut dignitatem, aut unam, eandemque significandi uim habere. Atque ex ijs tria sunt, quæ tametsi non eadem ratione, tamen præ ceteris necessaria dicuntur. baptismum

M iij enina

D. Augustinus.
Luc. 24.

Ioan. 6.

Iacob. 5.

De Prestantia & differentia sacramentorum & eorum auctoritate

enim unicuique sine ulla adiunctione necessarium est
 Ioan. 3 se, Saluator his uerbis declarauit: Nisi quis renatus fuerit ex aqua, & spiritu, non potest introire in regnum Dei. Penitentia uero illis tantummodo necessaria est, qui se post baptismum aliquo mortali peccato obstrinxerunt. neque enim æternum exitium effugere poterunt, nisi eos admissi peccati rite penituerit. Ordo præterea, etsi non singulis fidelibus, toti tamen Ecclesiæ omnino necessarius est. Verum si dignitas in sacramentis spectetur, Eucharistia sanctitate, & mysteriorum numero, ac magnitudine longe ceteris antecedit. quæ omnia facilius intelligentur, cum suo loco ea, quæ ad singula sacramenta pertinent, explicabuntur. Deinceps uidendum est, a quo hæc sacra, & diuina mysteria acceperimus. neque enim dubitandum est, quin præclari alicuius muneris dignitas, eius, a quo donum ipsum profectum est, dignitate, præstantia quammaxime augeatur. Sed ea quæstio difficilem explicationem habere non potest. Nam cum Deus sit, qui homines iustos efficiat; ipsa uero sacramenta iustitiæ adipiscendæ mirifica quædam instrumenta sint: patet, unum eundemque Deum in Christo iustificationis & sacramentorum auctorem agnoscendum esse. Præterea, sacramenta eam uim, et efficientiam continent, quæ ad intimam animam penetrat. Cum uero unius Dei potentie proprium sit, in corda et mētes hominum illabi; ex hoc etiam perspicitur, sacramēta a Deo ipso per Christum instituta

tuta esse; quemadmodum, ab eo quoque intus dispensari, certa, & constanti fide tenendum est. hoc enim testimonium de illo se accepisse sanctus Ioan. Ioan. 1 affirmat, cum ait: Qui misit me baptizare in aqua, ille mihi dixit; super quem uideris spiritum descendentem, & manentem super eum, hic est, qui baptizat in spiritu sancto. Sed quamuis Deus sacramentorum auctor, & dispensator sit, ea tamen non per angelos, uerum per homines ministrari in Ecclesia uoluit. non minus enim ministrorum officio, quam materia, & forma, ad sacramenta conficienda opus esse, perpetua sanctorum Patrum traditione confirmatum est. Atque hi quidem ministri, quoniam in sacra illa functione non suam, sed Christi personam gerunt, ea re fit, ut, siue boni, siue mali sint, modo ea forma, & materia utantur, quam ex Christi instituto semper Ecclesia catholica seruauit, idque facere proponant, quod Ecclesia in ea administratione facit, uere sacramenta conficiant, et conferant: ita ut gratia fructum nulla res impedire possit, nisi, qui ea suscipiunt, se ipsos tanto bono fraudare, & spiritui sancto uelint obsistere. Hanc uero in Ecclesia certam, & exploratam sententiam semper fuisse, sanctus Augustinus in ijs disputationibus, quas aduersus Donatistas conscripsit, clarissime demonstrauit. Quod si etiam scripturae testimonia quaerimus; ipsum Apostolum, his uerbis loquentem, audiamus: Ego, inquit, plantauimus: 1 ad Cor. 3 Apollo rigauit: sed Deus incrementum dedit. neque enim

S. Augustinus.

1 ad Cor. 3

enim qui plantat, est aliquid, neque qui rigat, sed qui incrementum dat Deus. Ex quo loco satis intelligitur, quemadmodum arboribus nihil obest eorum improbitas, quorum manus satæ sunt; ita nihil uitij aliena culpa contrahi illis posse, qui malorum hominum ministerio Christo insiti sunt. Quare, ut ex D. Ioannis euangelio sancti Patres nostri docuerunt, Iudas etiam Iscariotes plures baptizauit: ex quibus tamen neminem iterum baptizatum fuisse legimus: ita ut præclare D. Augustinus scriptum reliquerit: Dedit baptismum Iudas, & non baptizatum est post Iudam: dedit Ioannes, et baptizatum est post Ioannem: quia, si datum est a Iuda, baptisma Christi erat: quod autem a Ioanne datum est, Ioannis erat: non Iudam Ioanni, sed baptismum Christi etiam per Iudæ manus datum, baptismo Ioannis, etiam per manus Ioannis dato, recte præponimus.

D. Augustinus.

A. 19.

Sacramenta nouæ legis impura conscientia ministrare, quam perniciiosum ip-sis ministris. & de eorum effectu.

Neque uero Pastores, alijue sacramentorum ministri, cum hæc audiunt, satis sibi esse arbitrentur, si, posthabita morum integritate, ac conscientia munditia, illud tantum cogitent, quo modo sacramenta ab illis rite ministrentur. id enim etsi diligenter curandum est, in hoc tamen omnia, quæ ad eam functionem pertinent, posita non sunt. Meminisse autem semper debent, sacramenta diuinam quidem uirtutem, quæ illis inest, numquam amittere, at uero impure ea ministrantibus æternam perniciem, & mortem affere. Sancta enim, quod semel atque iterum ac sæpius admonere oportet, sancte, & re-

& religiose tractanda sunt. Peccatori, ut est apud Prophetam, dixit Deus: Quare tu enarras iustitias meas, & assumis testamentum meum per os tuum? tu uero odisti disciplinam. Quod si homini peccatis contaminato minus licet de rebus diuinis agere: quantum ab eo scelus concipi existimandum erit, qui sibi multorum scelerum conscius est, nec tamen sacra mysteria polluto ore conficere, uel in fœdas manus sumere, contrectare, atque alijs porrigere, & ministrare uereatur? cū præsertim apud sanctū Dionysium scriptum sit, malis symbola (ita enim sacramenta appellat) ne contingere quidem permissum esse. Sanctitatem igitur sacrarum rerum ministri in primis sectentur, pure ad sacramenta ministranda accedāt, atque ita se ad pietatē exerceant, ut ex eorum frequenti tractatione, & usu, uberio- rem in dies gratiam, adiuuante Deo, consequantur.

Psal. 41

S. Dionysius.

Sed iam, his rebus explicatis, docendum erit, quinam sacramentorum effectus sit: id enim sacramenti definitioni, quæ supra tradita est, non parum lucis allaturum uidetur. ij autem duo præcipue numerantur. Ac principem quidem locum merito gratia illa obtinet, quam usitato a sacris doctoribus nomine iustificantem uocamus. ita enim Apostolus apertissime nos docuit, cum inquit; Christū dilexisset Ecclesiam, & se ipsum tradidisse pro ea, ut illam sanctificaret, mundans eam lauacro aquæ in uerbo. Quo autē pacto tāta res, et tam admirabilis per sacramentū efficiatur, ut, quemadmodū S. Augustini

Ad Eph. 5

D. Augustinus.

sententia

sententia celebratum est, Aqua corpus abluat, & cor tangat; id quidem humana ratione, atque intelligentia comprehendi non potest. Constitutum enim esse debet, nullam rem sensibilem suapte natura ea ui præditam esse, ut penetrare ad animam queat. At fidei lumine cognoscimus, omnipotentis Dei uirtutem in sacramentis inesse, quæ id efficiant, quod sua uires ipsæ naturales præstare nõ possunt. Quo circa, ne ulla umquam huius effectus dubitatio in animis fidelium resideret, cum ministrari sacramenta cæptum est, uoluit clementissimus Deus, quid illa interius efficeret, miraculorum significationibus declarare; ut eadem perpetuo interius fieri constanter credideremus, quamuis longe a nostris sensibus remota essent. Itaque, ut omittamus, Saluatore nostro in Iordane baptizato, celos apertos esse, & spiritum sanctum columbæ specie apparuisse; ut admoneremur, eius gratiam, cum salutare fonte abluimur, in animam nostrâ infundi: ut hoc inquit omittamus, (magis enim ad baptismi sanctificationem, quam sacramenti administrationem pertinet) nonne legimus, cum Pentecostes die apostoli spiritum sanctum acceperunt, quo deinde ad prædicandam fidei ueritatem, adeundaque pro Christi gloria pericula alacriores, & fortiores fuerunt, tunc, factò repente de celo sonitu, tamquam aduenientis spiritus uehementis, apparuisse illis dispersitas linguas quasi ignis? ex quo intellectum est, sacramento confirmationis eundem nobis spiritum tribui, easque

Matth. 3

Mar. 1

Luc. 3

easque vires addi, quibus possimus carni, mundo, & Satanae, perpetuis scilicet hostibus nostris, fortiter repugnare, & resistere. Atque haec miracula, quoties apostoli sacramenta ista ministrarent; initio nascentis Ecclesiae aliquandiu uisa sunt, donec, firmata iam fide, et corroborata, fieri desierunt.

Ex ijs igitur, quae de priori sacramentorum effectu, gratia scilicet iustificante, demonstrata sunt, illud etiam plane constat, excellentiorem, & praestantiorum uim sacramentis nouae legis inesse, quam olim ueteris legis sacramenta habuerunt: quae cum infirma essent, egenaque elementa, inquinatos sanctificabant ad emundationem carnis, non animae. quare, ut signa tantum earum rerum, quae mysterijs nostris efficienda essent, instituta sunt. At uero sacramenta nouae legis ex Christi latere manantia, qui per spiritum sanctum semet ipsum obtulit immaculatum Deo, emundant conscientiam nostram ab operibus mortuis ad seruiendum Deo uiuenti, atque ita eam gratiam, quam significant, Christi sanguinis uirtute operantur. Quocirca si ea cum antiquis sacramentis conferamus, praeterquam quod plus efficaciae habent, & utilitate uberiora, & sanctitate augustiora esse inueniuntur. Alter uero sacramentorum effectus non quidem omnibus communis, sed trium tantummodo proprius, baptismi, confirmationis, & ordinis sacri, est character, quem animae imprimunt. nam cum Apostolus ait: *Vnxit nos Deus, qui & signauit nos, &*

De excellentia sacramentorum nouae legis ad uetera comparatorum, & de Characterere.

Ad Heb. 9

2. ad Cor. 1

dedit

S. Augusti-
nus.

dedit pignus spiritus in cordibus nostris : hanc illa ,
Signauit , non obscure characterem descripsit ; cui
ius proprium est , aliquid signare , & notare . Est
autem character ueluti insigne quoddam animæ im-
pressum , quod deleri nūquam potest , eique perpetuo
inheret : de quo ita apud S. Augustinum scriptum
est : An minus forte sacramenta Christiana , quam
corporalis hæc nota , qua scilicet miles insignitur , po-
terunt ? illa namque militi , ad militiam , quam dese-
ruisset , reuertenti , non noua imprimitur , sed anti-
qua cognoscitur , et approbatur . Iam uero chara-
cter hoc præstat , tum ut apti ad aliquid sacri susci-
piendum uel peragendum efficiamur , tum ut ali-
qua nota alter ab altero internoscatur . Ac bap-
tismi quidem characterē utrumque consequimur , ut
ad alia sacramenta percipienda reddamur idonei , &
eo præterea fidelis populus a gentibus , quæ fidem
non colunt , distinguatur . Idem autem in characte-
re confirmationis , & sacri ordinis licet cognoscere :
quorum altero ueluti Christi milites ad eius nomi-
nis publicam confessionem , & propugnationem ,
ac contra insitum nobis hostem , & spiritualia ne-
quitia in caelestibus armamur , atque instruimur ,
simulque ab ijs , qui nuper baptizati , tamquam mo-
do geniti infantes sunt , discernimur : alter uero
tum potestatem sacramenta conficiendi , & ministran-
di coniunctam habet , tum eorum , qui eiusmodi po-
testate præditi sunt , a reliquo fidelium cœtu distin-
ctionem ostendit . Tenenda igitur est catholice Ec-
clesiæ

clesiæ regula, qua docemur, tria hæc sacramenta characterem imprimere, neque ullo umquam tempore iteranda esse.

Hæc sunt, que generatim de sacramentis tradenda erunt. in cuius argumenti explicatione, Pastores duo potissimum efficere omni studio conentur. Primum est, ut fideles intelligant, quanto honore, & cultu, et ueneratione hæc diuina, et cælestia munera digna sint: alterum uero, ut, quoniã a clementissimo Deo ad cõmunem omnium salutem proposita sunt, ijs pie & religiose utantur, atque ita Christianæ perfectionis desiderio exardescant, ut, si penitentiæ præsertim et Eucharistiæ saluberrimo usu aliquãdiu careant, plurimum damni se fecisse existiment. Hæc autem facile Pastores assequi poterunt, si, quæ de sacramentorum diuinitate, et fructu supra dicta sunt, auribus fidelium sæpius inculcabunt, primum a Domino, saluatore nostro, a quo nihil nisi perfectissimum proficisci potest, instituta esse: præterea, cum ministrantur, spiritus sancti intima cordis nostri permeantis efficacissimum numen præsto esse: deinde, admirabili, & certa curandarum animarum uirtute prædita esse: tum, per ea immensas illas Dominicæ passionis diuitias ad nos deriuari. Postremo uero ostendent, totum Christianum ædificium firmissimo quidem lapidis angularis fundamento innititur, nisi uerbi Dei prædicatione, & sacramentorum usu undique fulciatur, magnopere uerdum esse, ne magna ex parte labefactum cõcidat.

ut enim

ut enim per sacramenta in uitam suscipimur: ita
hoc ueluti pabulo alimur, conseruamur, augemur.

DE BAPTISMISACRAMENTO.

Ex ijs quidem, quæ hætenus de sacramentis uni-
uerse tradita sunt, cognosci potest, quam necessa-
rium sit ad Christianæ religionis uel doctrinam per-
cipiendam, uel pietatem exercendam, ea intellige-
re, quæ de illorum singulis credenda catholica Ec-
clesia proponit: sed, si quis diligentius Apostolum
legerit, sine dubitatione ita stauet, perfectam ba-
ptismi cognitionem a fidelibus magnopere requiri:
adeo non solum frequenter, sed grauibz uerbis &
spiritu Dei plenis, eius mysterij memoriâ renouat,
diuinitatē commendat, atque in eo redemptoris no-
stri mortem, sepulturam, & resurrectionem no-
bis ante oculos tum ad contēplandum, tum ad imi-
tandum constituit. Quare Pastores numquam se
satis multam operam, & studium in huius sacra-
menti tractatione collocasse arbitrentur: uerum,
præter eos dies, in quibus more maiorum diuina ba-
ptismi mysteria potissimum explananda essent, in
sabbatho magno Paschæ, & Pentecostes, quo tem-
pore Ecclesia summa cum religione, maximisque
cærimonijs hoc sacramentum celebrare consueue-
rat, alijs etiam diebus occasionem captent de hoc
argumento differendi. Atque illud in primis tem-
pus maxime opportunum ad eam rem uideri pote-
rit, si

rit, si interdum, cum baptismus alicui ministrandus sit, fidelis populi multitudinem conuenisse animaduuerint. tunc enim facilius multo erit, si minus liceat omnia capita, quæ ad hoc sacramentum attinent, persequi, unum saltem, aut alterum docere, cum fideles earum rerum doctrinam, quam auribus percipiunt, simul etiam sacris baptismi caerimonijs expressam uident, pioque & attento animo contemplantur. Ex quo deinde fiet, ut unusquisque, ijs rebus admonitus, quæ in alio geri uideat, secum recordetur, quæ se sponsione Deo obligauerit, cum baptismo initiatus est; simulque illud cogitet, an uita, & moribus talem se præbeat, qualem ipsa Christiani nominis professio pollicetur. Vt igitur, quæ docenda erunt, dilucide exponantur; quænam sit baptismi natura, & substantia, aperiendum est; si prius tamen ipsius uocis significatio explicetur. Ac baptismus quidem græcum esse nomen nemo ignorat: quod etsi in sacris literis non solum eam ablutionem, quæ cum sacramento coniuncta est, sed etiam omne ablutionis genus, quod aliquando ad passionem translatum est, significat; tamen apud Ecclesiæ scriptores non quamuis corporis ablutionem declarat, sed eam, quæ cum sacramento coniungitur, nec sine præscripta uerborum forma ministratur. qua quidem significatione Apostoli ex Christi domini instituto frequentissime usi sunt.

Alia quoque nomina ad eandem rem significandam sancti Patres usurparunt. Sacramentum enim

N fidei

D. Augusti
nus.

Heb. 10

S. Chryso-
stomus.

S. Dionys.

Baptismi
pro sacra-
mento sum-
pti defini-
tio, mate-
ria, forma,
effectus.

fidei appellari, quod illud suscipientes, uniuersam
Christianæ religionis fidem profiteantur, D. Augu-
stinus testatur. Alij uero, quia fide corda nostra il-
luminantur, quam in baptismo profiteamur, hoc sa-
cramentum Illuminationem uocârunt. nam &
Apostolus ita inquit: Rememoramini pristinos
dies, in quibus illuminati magnum certamen susti-
nuistis passionum: tempus nimirum, quo baptiza-
ti erant, significans. Chrysostomus præterea in
oratione, quam ad baptizatos habuit, tum expur-
gationem, quia per baptismum expurgamus ue-
tus fermentum, ut simus noua conspersio, tum
sepulturam, tum plantationem, tum crucem Chri-
sti nominat; quarum omnium appellationum cau-
sam ex epistola ad Romanos scripta licet collige-
re. Cur autem D. Dionysius principium sanctis-
simorum mandatorum uocauerit, perspicuum est;
cum hoc sacramentum ueluti ianua sit, qua in
Christianæ uitæ societatem ingredimur, atque ab
eo diuinis præceptis obtemperandi initium facimus.
Atque hæc de nomine breuiter exponenda erunt.

Quod autem ad rei definitionem attinet, etsi
multæ ex sacris scriptoribus afferri possunt, illa ta-
men aptior, & commodior esse uidetur, quæ ex uer-
bis Domini apud Ioannē, et Apostolis ad Ephesios
licet intelligere. nam cū Saluator dicat: Nisi quis
renatus fuerit ex aqua, & spiritu, non potest introi-
re in regnum Dei: et Apostolus, cum de Ecclesia lo-
queretur; Mundans eam lauacro aquæ in uerbo:
ita

ita sit ut recte, & apposite definiatur, baptismum esse sacramentum regenerationis per aquam in uerbo. Natura enim ex Adam filij iræ nascimur, per baptismum uero in Christo filij misericordiæ renascimur: siquidem dedit hominibus potestatem filios Dei fieri, ijs qui credant in nomine eius, qui non ex sanguinibus, neque ex uoluntate carnis, neque ex uoluntate uiri, sed ex Deo nati sunt. Sed quibuscumque tandem uerbis baptismi naturam explicari contigerit, docendus erit populus, hoc sacramentum confici ablutione, cui ex Domini Saluatoris instituto certa, & sollemnia uerba necessario adhibentur, quæadmodum semper sancti Patres docuerunt. quod apertissimo illo D. Augustini testimonio demonstratur: Accedit uerbum ad elementum, et fit sacramentum. Id uero eo diligentius monere oportebit, ne forte fideles in eum errorē inducantur, ut existiment, quod uulgo dici solitum est, aquā ipsam, quæ ad conficiendum baptismum in sacro fonte afferatur, sacramentum esse. tunc. n. sacramentum baptismi dicendū est, cum aqua ad abluendum aliquē, additis uerbis, quæ a Domino instituta sunt, re ipsa utimur. Iam uero, quoniam singula sacramenta ex materia, & forma constitui initio diximus, cum generatim de omnibus sacramentis ageretur, iccirco, quæ utraque sit in baptismo, a Pastoribus declarandum erit. Materiam igitur, siue elementum huius sacramenti, esse omne naturalis aquæ genus, siue ea maris sit, siue fluij, siue paludis, siue putei,

Ioan. i

D. Augustinus.

N ij aut

aut fontis, quæ sine ulla adiunctione aqua dici so-
 Ioan. 3 let. nam & Saluator docuit: Nisi quis renatus fue-
 rit ex aqua, & spiritu, non potest introire in re-
 Ad Eph. 5 gnum Dei. & Apostolus inquit; Ecclesiam laua-
 1. Ioan. 5 cro aquæ mundatam esse. Et in B. Ioannis epistola
 scriptum legimus: Tres sunt, qui testimonium dant
 in terra, spiritus, aqua, & sanguis. Quod etiam
 alijs sacrarum litterarum testimonijs comproba-
 Matth. 3 tur. Quod uero a Ioanne Baptista dictum est, uen-
 turum esse Dominum, qui baptizaret in spiritu san-
 cto, & igne; id quidem nullo modo de baptis-
 ma-
 A. 2. 2. teria intelligendum est; sed uel ad intimum spiritus
 sancti effectum, uel certe ad miraculum referri de-
 bet, quod die Pentecostes apparuit, cum spiritus
 sanctus e caelo in apostolos ignis specie delapsus est:
 de quo alio loco Christus dominus noster prædixit;
 A. 1. Ioannes quidem baptizauit aqua: uos autem ba-
 ptizabimini spiritu sancto non post multos hos dies.
 Figura, & Verum idem quoque a Domino tum figuris, tum
 prophetia prophetarum oraculis significatum esse, ex diuinis
 antiquæ ba scripturis animaduertimus. Diluuium enim, quo
 ptismi. Gen. 6 mundus purgatus est, quod multa malitia homi-
 num esset in terra, & cuncta cogitatio cordis inten-
 ta esset ad malum, huius aquæ figuram, & simi-
 1. Pet. 3 litudinem gessisse, apostolorum Princeps in priori
 epistola ostendit. Et maris rubri transitum eiusdē
 1. ad Cor. 10 aquæ significationem habuisse, D. Paulus, ad Co-
 4. Reg. 5 rinthios scribens, exposuit. ut interim omittamus
 Ioan. 5 tum Naaman Syri ablutionem, tum probaticæ
 piscine

piscinæ admirabilem uim, & alia id genus multa,
 in quibus huius mysterij symbolum inesse facile ap-
 paret. De prædictionibus autem dubitare nemo po-
 test, quin aquæ illæ, ad quas tam liberaliter Isaias Isa. 59
 propheta omnes sitientes inuitat, uel quas e templo
 egredientes Ezechiel in spiritu uidit, tum præte- Ezech. 47
 rea fons ille, quem domui Dauid habitantibus Hie-
 rusalem paratum in ablutionem peccatoris, et men-
 struatæ Zacharias prænuñciauit, ad salutarem ba- Zach. 13
 ptismi aquam indicandam, atque exprimendam per-
 tineant. Quantum uero baptismi naturæ, & uir-
 tuti consentaneum fuerit, ut eius propria materia
 aqua institueretur, pluribus quidem rationibus
 D. Hieronymus ad Oceanum scribens demonstra- D. Hieron.
 uit. Sed quod ad hunc locum attinet, Pastores doce-
 re in primis poterunt, quoniam hoc sacramentum
 omnibus sine ulla exceptione ad consequendam ui-
 tam necessarium erat, iccirco aquæ materiam, quæ
 numquam non præsto est, atque ab omnibus facile
 parari potest, maxime idoneam fuisse. Deinde aqua
 effectû baptismi maxime significat. ut enim aqua
 sordes abluit, ita etiam baptismi uim, atque effi-
 cientiam, quo peccatorum maculæ eluuntur, opti-
 me demonstrat. Accedit illud, quod, quemadmo-
 dum aqua refrigerandis corporibus aptissima est,
 sic baptismo cupiditatû ardor magna ex parte re-
 stinguitur. Illud uero animaduertendum est, quam-
 nis aqua simplex, quæ nihil aliud admixtum ha-
 bet, materia apta sit ad hoc sacramentum conficien-

N. iij dum

dum, quoties scilicet baptismi ministrandi necessitas incidat, tamen ex apostolorum traditione semper in catholica Ecclesia observatum esse, ut, cum sollemnibus caerimonijs baptismus conficitur, sacrum etiam chrisma addatur, quo baptismi effectum magis declarari perspicuum est. Docendus quoque erit populus, etsi aliquando incertum esse potest, utrum hæc an illa uera aqua sit, qualem sacramenti perfectio requirat, hoc tamen pro certo habendum esse, numquam ex alia materia, quam ex aquæ naturalis liquore, baptismi sacramentum ulla ratione confici posse.

Quam sit
necessaria
formæ bap-
tismi cog-
nitio.

Sed duarum partium, ex quibus baptismus constare debet, postquam altera, hoc est materia, diligenter explicata fuerit, studebunt Pastores eadem diligentia formam etiam tradere; quæ est altera, eius pars maxime necessaria. In huius autem sacramenti explicatione, eo maiori cura, & studio elaborandum putabunt, quod tam sancti mysterij notitia non solum sua sponte fideles uehementer delectare potest, quod quidem in omni diuinarum rerum scientia communiter euenit, uerum etiam ad usus fere quotidianos summopere expetenda est. Cum enim sæpe incidant tempora, quemadmodum suo loco planius dicetur, in quibus tum ab alijs de populo, tum sæpiissime a mulierculis baptismum ministrari oporteat; ita fit, ut promiscue omnibus fidelibus ea, quæ ad huius sacramenti substantiam pertinent, cognita, & perspecta esse debeant. Quare dilucidis,

¶

& apertis uerbis, quæ facile percipi ab omnibus
 possint, Pastores docebunt, hanc esse perfectam &
 absolutam baptismi formam, Ego te baptizo in no-
 mine patris, & filij, & spiritus sancti. Ita enim a
 Domino, & Salvatore nostro traditum est, cum
 apostolis apud Matthæum præcepit: Euntes doce- Matth. 28
 te omnes gentes, baptizantes eos in nomine patris,
 & filij, & spiritus sancti. Ex illo autem uerbo,
 Baptizantes, catholica Ecclesia, diuinitus edocta,
 optime intellexit, in huius sacramenti forma actio-
 nem ministri exprimendam esse: quod quidem fit,
 cum dicitur, Ego te baptizo. Ac quoniam, præ-
 ter ministros, tum illius personam, qui baptiza-
 tur, tum principalem causam, quæ baptismum ef-
 ficat, significare oportebat, iccirco illud pronomen,
 TE, & distincta diuinarum personarum nomina
 adduntur, ut absoluta sacramenti forma ijs uerbis
 concludatur, quæ modo exposita sunt, Ego te ba-
 ptizo in nomine patris, & filij, & spiritus sancti.
 Neque enim sola filij persona, de quo a Ioanne scri- Ioan. 1
 bitur; Hic est, qui baptizat; sed simul omnes san-
 ctæ Trinitatis personæ ad baptismi sacramentum
 operantur. Quod autem, In nomine, non, in no-
 minibus, dictum est; hoc plane declarat unam
 Trinitatis naturam, & diuinitatem. etenim hoc
 loco, nomen, ad personas non refertur, sed diui-
 nam substantiam, uirtutem, & potestatem, quæ
 una & eadem est in tribus personis, significat.
 Sed in hac forma, quam integram, & per-
 N. iij fectam

fectam esse ostendimus, obseruandum est, quædam prorsus necessaria esse, quæ si omittantur, sacramentum confici non potest; quædam uero non ita necessaria, ut, si desint, sacramenti ratio non constet; cuiusmodi est uox illa, Ego: cuius uis in uerbo BAPTIZO continetur: immo uero in ecclesiis Græcorum uariata dicendi ratione prætermitti cõsueuit: propterea quod nullam fieri oportere ministri mentionem iudicarunt: ex quo factum est, ut in baptismo hac forma passim utantur, Baptizatur seruus Christi in nomine patris, & filij, & spiritus sancti. a quibus tamen perfecte sacramentum ministrari, ex Concilij Florentini sententia, & definitione apparet; cum ipsi uerbis satis explicetur id, quod ad baptismi ueritatem attinet, nimirum ablutio, quæ tunc re ipsa peragitur. Quod si etiam aliquando tempus fuisse dicendum est, cum apostoli in nomine tantum domini Iesu Christi baptizarent; id quidem spiritus sancti afflatu eos fecisse, exploratum nobis esse debet; ut initio nascentis Ecclesiæ Iesu Christi nomine prædicatio illustrior fieret, diuinaque, & immensa eius potestas magis celebraretur. Deinde uero rem penitus introspectientes, facile intelligemus, nullam earum partium in ea forma desiderari, quæ ab ipso Salvatore præscriptæ sunt. qui enim Iesum Christum dicit, simul etiam patris personam, a quo unctus, & spiritum sanctum, quo unctus est, significat. Quamquam dubium fortasse uideri potest, an huiusmodi forma apostoli

apostoli aliquem baptizauerint, si Ambrosij, & S. Ambro-
 Basilij, sanctissimorum, et grauissimorum Patrum, filius, & Ba-
 auctoritatem sequi uolumus, qui ita baptismum in
 nomine Iesu Christi interpretati sunt, ut dixerint,
 ijs uerbis significari baptismum, non qui a Ioanne,
 sed qui a Christo domino traditus esset, tametsi a cõ-
 muni, et usitata forma, quæ distincta trium per-
 sonarum nomina continet, apostoli non discederent.
 Atque hoc loquendi genere Paulus etiam in episto-
 la ad Galatas usus uidetur, cum inquit: Quicum- Ad Gal. 3
 que in Christo baptizati estis, Christum induistis:
 ut significaret, in fide Christi, nec alia tamen for-
 ma, quam idem Saluator & Dominus noster ser-
 uandam præceperat, baptizatos esse.

Haecenus igitur de materia, & forma, quæ ad
 baptismi substantiam maxime pertinent, fideles do-
 cere satis fuerit. Quoniam uero in hoc sacramento
 conficiendo legitimæ etiam ablutionis rationem ser-
 uari oportet; ideo eius quoque partis doctrina a
 Pastoribus tradenda est, atque ab eis breuiter ex-
 plicandum, communi Ecclesiæ more & consuetudi-
 ne receptum esse, ut baptismus uno aliquo ex tri-
 bus modis confici posset. nam qui hoc sacramento
 initiari debent, uel in aquam merguntur, uel aqua
 in eos infunditur, uel aquæ aspersione tinguntur.
 Ex his autem ritibus quicumque seruetur, bapti-
 smum uere perfici credendum est. aqua enim in ba-
 ptismo adhibetur ad significandam animæ ablutio-
 nem, quam efficit: quare baptismus ab Apostolo Ad Eph. 5
 lauacrum

lauacrum appellatus est. Ablutio autem non magis fit, cum aliquis aqua mergitur, quod diu a primis temporibus in Ecclesia observatum animaduertimus; quam uel aquæ effusione, quod nunc in frequenti usu positum uidemus, uel aspersione, quemadmodum a Petro factum esse colligitur, cum uno die tria millia hominum ad fidei ueritatem traduxit, & baptizauit. Virum uero unica, an trina ablutio fiat, nihil referre existimandum est. utrovis enim modo et antea in Ecclesia baptismum uere confectum esse, & nunc confici posse, ex D. Gregorij Magni epistola, ad Leandrum scripta, satis apparet. Retinendus est tamen a fidelibus is ritus, quem unusquisque in sua ecclesia seruari animaduertit. Atque illud præcipue monere oportet, non quamlibet corporis partem, sed potissimum caput, in quo omnes tum interiores, tum externi sensus uigent, abluendum, simulque ab eo, qui baptizat, non ante, aut post ablutionem uerba sacramenti, quæ formam continent, sed eodem tempore, quo ablutio ipsa peragitur, pronuncianda esse. His expositis, conueniet præterea docere, atque in memoriam fidelium reducere, baptismum, quemadmodum & reliqua sacramenta, a Christo domino institutum esse. Hoc igitur Pastores frequenter docebunt; explicabuntque duo diuersa tempora baptismi notanda esse; alterum, cum Saluator eum instituit, alterum, cum lex de eo suscipiendo sancita est. Ac, quod ad primum attinet, tunc a Domino hoc sacramentum institutum

S. Gregorius.

institutum esse perspicitur, cum ipse a Ioanne bapti-
 zatus sanctificandi uirtutem aquæ tribuit. testan-
 tur enim sancti Gregorius Nazanzenus, & Au-
 gustinus, eo tempore aquæ uim generandi in spiri-
 tualem scilicet uitam datam esse. Et alio loco ita scri-
 ptum reliquit: Ex quo Christus in aqua mergitur,
 ex eo omnia peccata abluit aqua. Et alibi: Baptiza-
 tur Dominus, nõ mundari indigens, sed tactu mun-
 dæ carnis aquas mundans, ut uim abluendi habe-
 ant. Atque ad eam rem illud maximo argumento
 esse potuit, quod tunc sanctissima Trinitas, in cu-
 ius nomine baptismus conficitur, numen suum præ-
 sens declarauit. Vox enim patris audita est: filij
 persona aderat: & spiritus sanctus in columbæ spe-
 cie descendit: præterea cæli aperti sunt, quo nobis
 iam per baptismum licet ascendere. Quod si quis
 scire cupiat, quam ratione tanta, & tam diuina
 uirtus a Domino aquis tributa sit; id quidem huma-
 nam intelligentiam superat. Hoc uero satis percipi
 a nobis potest, baptismo a Domino suscepto, sanctis-
 simi, & purissimi eius corporis tactu aquam ad ba-
 ptismi salutarem usum consecratam esse, ita tamen,
 ut hoc sacramentum, etsi ante passionem institu-
 tum fuerit, a passione tamen, quæ omnium Chri-
 sti actionum tamquam finis erat, uim, & efficien-
 tiam duxisse, credendum sit. Sed de altero etiam,
 quo scilicet tempore lex de baptismo lata fuerit, nul-
 lus dubitandi locus relinquitur. nam inter sacros
 scriptores conuenit, post Domini resurrectionem, cū
 apostolis

B. Gregori-
 us Nazāz.
 & S. Augu-
 stinus.

Match. 3
 Mar. 1
 Luc. 3

Mar. 16

- Matth. 28 apostolis præcepit ; Euntes docete omnes gentes, baptizantes eos in nomine patris, & filij, & spiritus sancti; ex eo tempore omnes homines, qui salutem æternam consecuturi erant, lege de baptismo
1. Petr. 1 teneri cœpisse. Quod quidem ex apostolorum Principis auctoritate colligitur, cum inquit: Regenerauit nos in spem uiuam per resurrectionē Iesu Christi
- Ad Eph. 5 sti ex mortuis. Idemq. ex illo Pauli loco; Se ipsum tradidit pro ea, ut illam sanctificaret, (cum de Ecclesia loqueretur) mundans eam lauacro aquæ in uerbo; licet cognoscere. uterque enim baptismi obligationem ad tempus, quod mortē Domini consecutum est, uidetur retulisse: ut dubitandum nullo modo sit, uerba etiam illa Saluatoris; Nisi quis renatus fuerit ex aqua, & spiritu, non potest introire in regnum Dei; id ipsum tempus spectasse, quod post passionem futurum erat. Ex ijs igitur, si accurate a Pastoribus tractentur, haud dubium esse potest, quin fideles maximam in hoc sacramento dignitatem agnoscant, ac summa animi pietate ueneretur: præsertim uero cū cogitarint, præclara illa, & amplissima munera, quæ, cum Christus dominus baptizaretur, miraculorum significationibus declarata sunt, singulis, cum baptizantur, intima spiritus sancti uirtute donari, atque impertiri. Vt enim si, quemadmodum Elisæi puero contigit, nobis oculi ita aperirentur, ut celestes res intueri possemus, nemo adeo communi sensu carere putandus esset, quem diuina baptismi mysteria in maximam
- admira-

admirationem nō traducerent: cur idem etiam euenturum non existimemus, cum a Pastoribus huius sacramenti diuitiæ ita expositæ fuerint, ut eas fideles si non corporis oculis, at mentis acie, fidei splendore illuminatæ, contemplari queant?

Iam uero, a quibus ministris hoc sacramentum conficiatur non utiliter modo, sed necessario, tradendū uidetur; tum ut ij, quibus præcipue hoc munus commissum est, illud sancte, et religiose curare studeant; tum ut ne quis, tãquam fines suos egressus, in alienam possessionem intempestiue ingrediatur, uel superbe irrumpat: cum in omnibus ordinem seruandum esse Apostolus admoneat. Doceantur igitur fideles, triplicem esse eorum ordinem: ac in primo quidem Episcopos, & sacerdotes collocandos esse; quibus datum est, ut iure suo, non extraordinaria aliqua potestate, hoc munus exerceant. ijs enim in apostolis præceptum est a Domino; Euntes baptizate: quamuis Episcopi, ne grauiorem illam docendi populi curam deferere cogerentur, baptismi ministerium sacerdotibus relinquere soliti essent. Quod uero sacerdotes iure suo hanc functionem exerceant, ita ut præsentem etiam Episcopo ministrare baptismum possint, ex doctrina Patrum, & usu Ecclesiæ constat. nam cum ad Eucharistiam consecrandam instituti sint; quæ est pacis & unitatis sacramentum: consentaneum fuit, potestatem ijs dari omnia illa administrandi, per quæ necessario huius pacis, & unitatis quilibet particeps fieri posset.

Qui proprii ministri baptismi.

posset. Quod si aliquando Patres sacerdotibus, sine Episcopi uenia, baptizandi ius permissum non esse dixerunt; id de eo baptismo, qui certis anni diebus sollemni caerimonia administrari consueuerat, intelligendum uidetur. Secundum ministrorum locum obtinent Diaconi; quibus, sine Episcopi, aut sacerdotis concessu, non licere hoc sacramentum administrare, plurima sanctorum Patrum decreta testantur. Extremus ordo illorum est, qui, cogente necessitate, sine sollemnibus caerimonijs baptizare possunt: quo in numero sunt omnes, etiam de populo, siue mares, siue feminae, quamcumque illi sectam profiteantur. nam & Iudaeis quoque, infidelibus, & haereticis, cum necessitas cogit, hoc munus permissum est; si tamen id efficere propositum eis fuerit, quod Ecclesia catholica in eo administrationis genere efficit. Haec autem cum multa ueterum Patrum, & Conciliorum decreta

Conc. Trid. confirmarunt; tum uero a sacra Tridentina Synodo anathema in eos sancitum est, qui dicere audeant, baptismum, qui etiam datur ab haereticis in nomine patris, et filij, et spiritus sancti, cum intentione faciendi quod facit Ecclesia, non esse uerum baptismum. In quo profecto summam Domini nostri bonitatem, & sapientiam licet admirari. nam cum hoc sacramentum necessario ab omnibus percipiendum sit; quemadmodum aqua eius materiam instituit, qua nihil magis commune esse potest; sic etiam neminem ab eius administratione excludi uoluit: quamuis, ut dictum est, non omnibus liceat sollemnes caerimoniae adhibere: non quidem quod

quod ritus, aut ceremoniæ plus dignitatis, sed quod minus necessitatis, quâ sacramentû, habeant. Neque uero, hoc munus ita omnibus promiscue permisum esse, fideles arbitrentur, quin ordinē aliquē ministrorû statuere maxime deceat. mulier. n. si mares adsint, laicus item præsentē clerico, tum clericus coram sacerdote, baptismi administrationē sibi sumere nō debent. Quāquam obstetrices, quæ baptizare cōsueuerunt, improbandæ nō sunt, si interdum, præsentē aliquo uiro, qui huius sacramenti conficiendi minime peritus sit, quod alias uiri magis proprium officium uideretur, ipsæ exequantur.

Accedit autē ad eos ministros, qui, ut hætenus de ^{De patrini baptizandorū,} claratum est, baptismû cōficiunt, aliud etiam ministrorû genus, qui ad sacrā, & salutarē ablutionem celebrandā ex uetustissima catholice Ecclesiæ consuetudine adhiberi solent. ij nunc patrini, olim susceptores, spōsores, seu fidei iussores, cōmuni uocabulo, a rerû diuinarum scriptoribus uocabātur. De quorum numero, quoniā ad omnes fere laicos pertinet, accurate a Pastoribus agendū erit; ut fideles intelligant, quæ potissimū ad illud recte perficiendum necessaria sint. In primis uero explicare oportet, quæ causa fuerit, cur ad baptismum præter sacramenti ministros patrini etiā, et susceptores adiungerentur. quod quidē optimo iure factū esse, omnibus uidebitur, si meminerint, baptismû esse spirituales regenerationem, per quā filij Dei nascimur. de ea enim ita loquitur D. Petrus: Sicut modo geniti infantes ^{1. Pet. 2}

rationa-

rationabiles, sine dolo lac concupiscite. Vt igitur, postquam aliquis in hanc lucem editus est, nutrice, et pedagogo indiget, quorum ope, atque opera educetur, ac doctrina, et bonis artibus erudiatur: ita etiam necesse est, ut, qui ex baptismi fonte uitam spiritualem uiuere incipiunt, alicuius fidei, & prudentiæ committantur, a quo Christianæ religionis præcepta haurire, ad omnemque pietatis rationem institui possint, atque ita paulatim in Christo adulescere, donec tandem uiri perfecti, iuuante Domino, euadant; cum præsertim Pastoribus, qui publicæ parochiarum curationi præpositi sunt, tantum temporis non supersit, ut priuatam illam curam pueros in fide erudiendi suscipere possint. Huius autem uetustissimæ consuetudinis præclarum testimonium

S. Dionys.

a D. Dionysio habemus, cum inquit: Diuinis nostris ducibus (sic enim apostolos uocat) in mentem uenit, & uisum est suscipere infantes, secundum istum sanctum modum, quod naturales parentes pueri eum cuidam docto in diuinis, ueluti pedagogo, traderent, sub quo, sicut sub diuino patre, & saluationis sanctæ susceptore, reliquum uitæ puer degeret. Eandem uero sententiam confirmat Hyginii auctoritas. Quamobrem sapientissime a sancta Ecclesia constitutum est, ut non solum is, qui baptizat, cum baptizato, sed etiamceptor cum eo, quem suscipit, & cum eius ueris parentibus affinitate deuinciantur: ita ut legitima nuptiarum fœdera inter hos omnes iniri non possint, atque inita diriman-

Hyginus
papa.

dirimantur. Præterea docere oportet fideles, quæ sint susceptoris partes. etenim hoc munus adeo negligenter in Ecclesia tractatur, ut nudum tantum huius functionis nomen relictum sit; quid autem sancti in eo contineatur, ne suspicari quidem homines uideantur. Hoc igitur uniuersæ susceptores semper cogitent, se hac potissimum lege obstrictos esse, ut spirituales filios perpetuo commédatos habeant, atque in ijs, quæ ad Christianæ uitæ institutionem spectant, curent diligenter, ut illi tales se in omni uita præbeant, quales eos futuros esse sollemni cærimonia sponponderunt. Audiamus quid ea de re sanctus Dionysius scribat, uerba sponsoris exprimens: S. Dionys.
 Spondeo puerum inducturum, cum ad sacram intelligentiam uenerit, sedulis adhortationibus meis, ut abrenunciet contrarijs omnino, profiteatur, peragatque diuina, quæ pollicetur. Item diuus Augustinus, D. Augusti nus. Vos, inquit, ante omnia tam uiros, quam mulieres, qui filios in baptismo suscepistis, moneo, ut cognoscatis, fideiussores apud Deum extitisse pro illis, quos uisi estis de sacro fonte suscipere. Ac profecto decet maxime, eum, qui aliquod officium suscepit, in eo diligenter exequendo numquam defatigari; & qui se alterius pædagogum, & custodem professus est, minime pati illum esse desertum, quem semel in fidem, & clientelam suam recepit, donec illum opera, & præsidio suo egere intellexerit. Quæ autem filijs spiritualibus tradenda sint, D. Augusti nus. paucis D. Augustinus comprehendit, cum de hoc

O ipso

ipso susceptorum officio loqueretur: inquit enim; Debent eos admonere, ut castitatem custodiant, iustitiam diligant, charitatem teneant, et ante omnia Symbolum, & orationem Dominicam eos doceant: Decalogum etiam, & quæ sint prima Christianæ religionis rudimenta. Quæ cum ita se habeant; facile intelligimus, cuinam hominum generi sanctæ huius tutela administratio committenda non sit, nimirum ijs, qui eam gerere aut fideliter nolint, aut sedulo, & accurate non queant. Quocirca, præter naturales parentes, quibus non licet eam curationem suscipere, ut ex eo magis appareat, quantum hæc spiritualis educatio a carnali distet, hæretici in primis, Iudæi, infideles ab hoc munere omnino prohibendi sunt, ut qui in ea cogitatione, & cura semper uersentur, ut fidei ueritatem mendacijs obscurant, atque omnem Christianam pietatē euertant. Plures quoque ne baptizatum de baptismo suscipiant, sed ut unus tantum, siue uir, siue mulier, uel ad summum unus, & una, Tridentino Concilio statutum est; tum quia disciplinæ, atque institutionis ordo a multitudine magistrorum perturbari poterat; tū quia prouidere oportebat, ne inter plures eiusmodi affinitates coniungerentur, quæ impedirent, quo minus legitimo matrimonij uinculo hominū inter homines societas latius diffunderetur.

Quam necessaria baptismini susceptio tam adultis, quā infan-
ribus.

Sed cum ceterarum rerum cognitio, quæ hætenus expositæ sunt, fidelibus utilissima habenda sit; tum uero nihil magis necessarium uideri potest,

potest, quam ut doceantur, omnibus hominibus baptismi legem a Domino præscriptam esse, ita ut, nisi per baptismi gratiam Deo renascantur, in semperpiternam miseriam, & interitum a parentibus, siue illi fideles, siue infideles sint, procreentur. Igitur sæpius a Pastoribus explicandum erit, quod apud Euangelistam legitur: Nisi quis renatus fuerit ex aqua, & spiritu, non potest introire in regnum Dei. Quam legem non solum de ijs, qui adulta ætate sunt, sed etiam de pueris infantibus intelligendam esse, idque ab apostolica traditione Ecclesiam accepisse, communis Patrum sententia, & auctoritas confirmat. Præterea, credendum est, noluisse Christum dominum baptismi sacramentum, & gratiam pueris denegari, de quibus dicebat: Sinite paruulos, & nolite prohibere ad me venire: talium est enim regnum celorum. quos amplexabatur, super quos manus imponebat, quos benedicebat. Deinde, cum legimus, totam aliquam familiam a Paulo baptizatam esse, satis apparet, pueros etiam, qui in illorum numero erant, salutari fonte ablutos esse. Deinde circumcisio, quæ figura fuit baptismi, eum morem maxime commendat. Pueros enim octauo die circumcidi solitos, nemo est, qui ignoret. Ac quibus circumcisio manufacta in expoliatione corporis carnis proderat, iisdem baptismum, qui est circumcisio Christi non manufacta, prodesse perspicuum est. Postremo, ut Apostolus docet, si unius

Ioan. 3

Matth. 19

Mar. 10

1. ad Cor. 1

Gen. 21

Leuit. 12

Luc. 1. 2

Ad Colos. 2

Ad Rom. 5

O ij delicto

delicto mors regnauit, per unum multo magis abundantiam gratiae, & donationis, & iustitiae accipientes, in uitam regnabunt per unum Iesum Christum. Cum itaque per Adae peccatum pueri ex origine noxam contraxerint; multo magis per Christum dominum possunt gratiam, & iustitiam consequi, ut regnent in uitam: quod quidem sine baptismo fieri nullo modo potest. Quare docebunt Pastores, infantes omnino baptizandos, & deinde paulatim teneram aetatem Christianae religionis praecipis ad ueram pietatem informandam esse. nam, ut a sapiente praclare dictum est; Adolescens iuxta uiam suam, etiam cum senuerit, non recedet ab ea. Neque enim dubitare licet, quin fidei sacramenta, cum abluuntur, accipiant; non quia mentis suae assensione credant; sed quia parentum fide, si parētes fideles fuerint, sin minus, fide (ut D. Augustini uerbis loquamur) uniuersae societatis sanctorum muniuntur. etenim ab ijs omnibus recte dicimus eos baptismo offerri, quibus placet, ut offerantur, & quorum charitate ad communionem sancti spiritus adiunguntur. Hortandi autem sunt magnopere fideles, ut liberos suos, cum primum id sine periculo facere liceat, ad ecclesiam deferendos, et sollemnibus caerimonijs baptizandos curent. nam cum pueris infantibus nulla alia salutis comparanda ratio, nisi eis baptismus praebetur, relicta sit; facile intelligitur, quam graui culpa illi sese obstringant, qui eos sacramenti gratia diutius, quam necessitas

necessitas postulet, carere patiantur; cum præsertim, propter ætatis imbecillitatem, infinita pene uitæ pericula illis impendeant. Diuersam uero rationem in ijs seruandam esse, qui adulta ætate sunt, & perfectum rationis usum habent, qui scilicet ab infidelibus oriuntur, antiquæ Ecclesiæ consuetudo declarat: nam Christiana quidem fides illis proponenda est, atque omni studio ad eam suscipiendam cohortandi, alliciendi, inuitandi sunt. quod si ad dominum Deum conuertantur; tum uero monere oportet, ne ultratempus, ab Ecclesia præscriptum, baptismi sacramentum differant. nam cum scriptum sit; Non tardes conuerti ad Dominum, & ne differas de die in diem: docendi sunt, perfectam conuersionem in noua per baptismum generatione positam esse: præterea, quo serius ad baptismum ueniunt, eo diutius sibi carendum esse ceterorum sacramentorum usu, & gratia, quibus Christiana religio colitur, cum ad ea sine baptismo nulli aditus patere possit: deinde etiam maximo fructu priuari, quem ex baptismo percipimus: siquidem nõ solum omniũ scelerum, quæ antea admissa sunt, maculam & sordes baptismi aqua prorsus eluit, ac tollit, sed diuina gratia nos ornat; cuius ope, & auxilio in posterum etiam peccata uitare possumus, iustitiamque & innocentiam tueri: qua in re summam Christianæ uitæ constare facile omnes intelligunt. Sed quamuis hæc ita sint; non consueuit tamen Ecclesia baptismi sacramentum huic hominum generi statim

O ij tri-

tribuere, sed ad certum tempus differendum esse constituit. neque enim ea dilatio periculum, quod quidem pueris imminere supra dictum est, coniunctum habet cum illis, qui rationis usu præditi sunt. baptismi suscipiendi propositum, atque consilium, & male actæ uitæ penitentia satis futura sit ad gratiam, & iustitiam, si repentinus aliquis casus impediat, quo minus saluari aqua ablui possint. Contra uero hæc dilatio aliquas uidetur utilitates afferre. Primum enim, quoniam ab Ecclesia diligenter providendum est, ne quis ad hoc sacramentum ficto, & simulato animo accedat, eorum uoluntas, qui baptismum petunt, magis exploratur, atque perspicitur. cuius rei causa in antiquis Concilijs decretum legimus, ut qui ex Iudæis ad fidem catholicam ueniunt, ante quam baptismus illis administretur, aliquot menses inter catechumenos essent: deinde, in fidei doctrina, quam profiteri debent, & Christianæ uitæ institutionibus eruduntur perfectius. Præterea, maior religionis cultus sacramento tribuitur, si constitutis tantum Paschæ, & Pentecostes diebus, sollemni cærimonia baptismum suscipiant. Sed interdum tamen baptismi tempus iuxta aliqua & necessaria de causa differendum non est, ueluti si uitæ periculum instare uideatur, ac præsertim si illi abluendi sint, qui iam fidei mysteria plene perceperint. quod quidem Philippum, & apostolorum Principem fecisse satis constat, cum alter Candacis reginæ Eunuchum, alter Cornelium

aa. 3. & 10

Cornelium, nulla interposita mora, sed statim ut se fidem amplecti professi sunt, baptizauit.

Docendum præterea, et populo explicandum erit, quo modo affecti esse debent, qui baptizandi sunt. In primis itaque opus est, ut uelint, propositumque illis sit, baptismum suscipere. nam cum unusquisque in baptismo, peccato moriatur, & nouam uitæ rationem, & disciplinam suscipiat; æquum est, non inuito cuiquam, aut recusanti, sed illis tantum, qui sponte sua, & libenti animo accipiunt, baptismum præberi. Quare ex sancta traditione semper seruatum animaduertimus, ut nemini baptismus ministretur, nisi prius interrogatus fuerit, an uelit baptizari. Nec uero in pueris quoque infantibus eam uoluntatem deesse existimandum est, cum Ecclesiæ uoluntas, quæ pro illis spondet, obscura esse non possit. Præterea, amentes, & furiosos, qui cum aliquando compotes mentis essent, in insaniam deinde inciderunt, ut qui eo tempore nullam baptismi suscipiendi uoluntatem habeant, nisi uitæ periculum immineat, baptizandos non esse: cum autem in uitæ discrimine uersantur, si, ante quam furere inciperent, eius uoluntatis significationem dederunt, abluendi sunt; sin minus, a baptismi administratione abstinendum est. Idemque iudicium de dormientibus fieri debet. Quod si in mentis potestate numquam fuerunt, ita ut nullum rationis usum habuerint; eos in fide Ecclesiæ non secus, ac pueros, qui ratione carent,

O iij bapti-

Mar. 16

baptizandos esse, Ecclesiæ auctoritas, & consuetudo satis declarat. Verum, præter baptismi uoluntatem, fides etiam ea ratione, qua de uoluntate dictum est, ad consequendam sacramenti gratiam maxime necessaria est. etenim Dominus, & Saluator noster docuit: Qui crediderit, & baptizatus fuerit, saluus erit. Deinde ut quemlibet admissorum scelerum, & male actæ uitæ pæniteat, atque ut idem in posterum a peccatis omnibus abstinere statuatur, opus est. aliter enim, qui ita baptismum peteret, ut tamen peccandi consuetudinem nollet emendare, omnino repellendus esset. nihil enim baptismi gratiæ, & uirtuti adeo repugnat, quam eorum mens, & consilium, qui nullum umquam peccandi finem sibi constituunt. Cum itaque baptismus ob eam rem expetendus sit, ut Christum induamus, & cum eo cōiungamur; plane constat, merito a sacra ablutione reiciendum esse, cui in uitiiis, & peccatis perseuerare propositum est, præsertim uero, quia nihil eorum, quæ ad Christum, & Ecclesiam pertinent, frustra suscipiendum est: inanemque baptismum, si iustitiæ, & salutis gratiam spectemus, in eo futurum esse, satis intelligimus, qui secundum carnem ambulare, non secundum spiritum, cogitat: et si, quod ad sacramentum pertinet, perfectam eius rationem sine ulla dubitatione consequitur, si modo, cum rite baptizatur, in animo habeat id accipere, quod a sancta Ecclesia administratur. Quamobrè Princeps apostolorum

magna

Ad Rom. 8

magnæ illi hominum multitudini, qui, ut ait scriptura, compuncti corde, ab eo, & a reliquis apostolis, quid sibi faciendum esset, quasiuerant, ita respondit: Pœnitentiam agite, et baptizetur unusquisque uestrum. et alio loco, Pœnitementi, inquit, & conuertimini, ut deleantur peccata uestra. Item beatus Paulus, ad Romanos scribens, aperte ostendit, ei, qui, baptizatur, omnino moriendum esse peccatis: quare nos monet, ne exhibeamus membra nostra arma iniquitatis peccato, sed exhibeamus nos Deo, tamquam ex mortuis uiuentes. Hæc uero si fideles sæpe meditati fuerint, primum quidem summam Dei bonitatem uehementer admirari cogentur, qui nihil tale merentibus, tam singulare, & diuinum baptismi beneficium sola sua misericordia adductus tribuit: deinde, cum sibi ante oculos proponent, quam aliena esse debeat ab omni crimine eorum uita, qui tanto munere ornati sunt; illud etiam in primis a Christiano homine requiri facile intelligent, ut quotidie tam sancte et religiose traducere uitam studeant, perinde ac si ea ipsa die baptismi sacramentum, & gratiam consecuti essent. quamquam ad inflammandos ueræ pietatis studio animos nihil magis proficiet, quam si Pastores accurata oratione explicauerint, quinam sint baptismi effectus.

De his igitur quoniam sæpe agendum est, ut fideles magis perspiciant, se in altissimo dignitatis gradu positos esse, nec se ab eo deijci ullis aduersarij insidijs,

Act. 2
Act. 3

Ad Rom. 6

Concupiscentia in
tenatis non
adscribitur
culpæ.

insidijs, uel impetu, ullo umquam tempore patiantur; hoc primum tradere oportet, peccatum, siue a primis parentibus origine contractum, siue a nobis ipsis commissum, quamuis etiam adeo nefarium sit, ut ne cogitari quidem posse uideatur, admirabili huius sacramenti uirtute remitti, & condonari. Id uero multo ante ab Ezechiele prænunciatum est, per quem dominus Deus ita loquitur: Effundam super uos aquam mundam, & mundabimini ab omnibus inquinamentis uestris. Et Apostolus ad Corinthios, post longam peccatorum enumerationem, subiecit: Et hæc quidem fuistis, sed abluti estis, sed sanctificati estis. Atque hanc doctrinam perpetuo a sancta Ecclesia traditum esse, perspicuum est.

Eze. 36 Sanctus enim Augustinus in libro, quem de baptismo paruulorum conscripsit, ita testatur: Generante carne tantum contrahitur peccatum originale: regenerante autem spiritu, non solum originalium, sed etiam uoluntariorum peccatorum fit remissio. & sanctus Hieronimus ad Oceanum, Omnia, inquit, in baptismo condonata sunt crimina. Ac ne dubitare amplius ea de re cuiquam liceret, post aliorum Conciliorum definitionem, sacra etiam Tridentina Synodus idem declarauit, cum anathema in eos decreuit, qui aliter sentire auderent, quiue assenerare non dubitarent, quamuis peccata in baptismo remittantur, ea tamen prorsus non tolli, aut radicitus euelli, sed

1. ad Cor. 6

D. Augusti
nus.S. Hieroni
mus.

sed quodam modo abradi, ita ut peccatorum ra-
 dices animo infixæ adhuc remaneant. Namque, Trid. Syn.
 ut eiusdem sanctæ Synodi uerbis utamur, in rena-
 tis nihil odit Deus: quia nihil damnationis est his,
 qui uere consepulti sunt cum Christo per baptisma
 in mortem: qui non secundum carnem ambulant;
 sed ueterem hominem exuentes, & nouum, qui
 secundum Deum creatus est, induentes, innocen-
 tes, immaculati, puri, innoxii, ac Deo dilecti effe-
 cti sunt. Ac fateri quidem oportet, sicut eodem lo-
 co ipsius Synodi auctoritate decretum est, in bap-
 tizatis concupiscentiam uel fomitem remanere: sed
 illa uere peccati rationem non habet. nam ex diui D. Augusti-
nus.
 quoque Augustini sententia, in paruulis baptiza-
 tis concupiscentiæ reatus absoluitur, ad agonem
 relinquitur. atque idem alibi testatur; Concupi-
 scienciæ reatus in baptismo soluitur, sed infirmi-
 tas manet. concupiscentia enim, quæ ex pecca-
 to est, nihil aliud est, nisi animi appetitio, natu-
 ra sua rationi repugnans: qui tamen motus si
 uoluntatis consensum, aut negligentiam coniun-
 ctam non habeat, a uera peccati natura longe abest.
 Accum D. Paulus inquit; Concupiscentiam ne- Ad Rom. 7
 sciebam, nisi lex diceret, Non concupisces; ex
 his uerbis, non ipsam concupiscendi uim, sed uo-
 luntatis uitium intelligi uoluit. Eandem doctri-
 nam tradit D. Gregorius, ita scribens: Si qui sunt, D. Grego-
rius.
 qui dicant peccata in baptismo superficie tenus di-
 mitti, quid est hac prædicatione infidelius? cum per
 fidei

fidei sacramentum anima, peccatis radicitus absoluta, soli Deo inhæreat. Atque ad eam rem demonstrandam Saluatoris nostri testimonio utitur, cum
 Ioan. 13 apud sanctum Ioannem ait: Qui lotus est, non indiget, nisi ut pedes lauet, sed est mundus totus.

Quod si cui expressam huius rei figuram, & imaginem libet intueri, proponat sibi ad contéplandum.

4. Reg. 5 Naaman Syrii leprosi historiam, qui cum septies Iordanis aqua se ablisset, testante scriptura, ita a lepra mundatus est, ut eius caro, caro pueri uideretur. Quare baptismi proprius effectus est, peccatorum omnium, siue originis uitio, siue nostra culpa contracta sint, remissio: cuius rei causa a Domino, & Salvatore nostro institutum esse, clarissimis uerbis apostolorum Princeps, ut alia testimonia
 Act. 2 omittamus, explicauit, cum inquit: Pœnitentiam agite, & baptizetur unusquisque uestrum in nomine Iesu Christi in remissionem peccatorum.

Per baptismum nō solum præcedentia peccata, sed illorū etiam pœnas remitti: & cur non restitatur status naturæ integræ.

Iam uero, in baptismo non solum peccata remittuntur, sed peccatorum etiam, & scelerum pœnæ omnes a Deo benigne condonantur. nam, etsi omnibus sacramentis hoc commune est, ut per illa uirtus passionis Christi domini communicetur: de solo tamen baptismo dictum est ab Apostolo, nos per ipsum Christo commori, & sepeliri. ex quo sancta Ecclesia semper intellexit, sine maxima sacramenti iniuria fieri non posse, ut ei, qui baptismo expiandus sit, eiusmodi pietatis officia, quæ usitato nomine sancti Patres opera satisfactionis uocarunt, imponantur

imponantur. Nec uero, quæ hoc loco traduntur, ueteris Ecclesiæ cōsuetudini aduersantur: quæ olim Iudæis, cum baptizarentur, præcipiebat, quadraginta continuos dies ieiunarent. neque enim illud institutum ad satisfactionem pertinebat; sed qui baptismum percepissent, ea ratione admonebantur, ut sacramenti dignitatem uenerantes, ieiunijs, & orationibus aliquandiu sine intermissione operam darent. Sed quamquam in baptismo pœnas peccatorum condonari exploratum esse debet: ab eo tamen pœnarum genere, quæ ciuilibus iudicijs ob graue aliquod scelus persoluendæ sunt, nemo liberatur; ita ut, qui morte dignus sit, per baptismum a pœna, quæ legibus constituta est, eripiat. tametsi uehementer laudanda esset eorum Principum religio, & pietas, qui eam quoque animaduersionem, ut Dei gloria in suis sacramentis illustrior fieret, fontibus remitterent, ac condonarent. Efficit præterea baptismus post huius uitæ curriculum, pœnarum omnium, quæ originale peccatum consequuntur, liberationem: siquidem merito mortis Domini factū est, ut hæc consequi possemus. Baptismo autem, ut supra dictum est, ei cōmorimur. Si enim, ut inquit Ad Rom. 6 Apostolus, complantati facti sumus similitudini mortis eius, simul & resurrectionis erimus.

Quod si quærat aliquis, cur statim post baptismum in hac etiam mortali uita his incommodis non careamus, atque ad perfectum illum uitæ gradum, in quo Adam primus humani generis parens ante
pecca-

peccatum collocatus fuerat, sacræ ablutionis uirtute non transferamur; id quidem duabus potissimum de causis factum esse, respondebitur. Quarum prima est, quod nobis, qui per baptismum Christi corpori coniuncti, atque eius membra effecti sumus, plus aliquid dignitatis tribuendum non erat, quam ipsi capiti nostro tributum esset. Cum igitur Christus dominus, etsi ab initio ortus sui gratiæ, & ueritatis plenitudinem habuit, tamen humanæ naturæ fragilitatem, quam suscepit, non ante deposuit, quam passionis tormenta, & mortem pertulit, ac deinde ad immortalis uitæ gloriæ resurrexit: quis miretur, cum uideat fideles, qui iam per baptismum cælestis iustitiæ gratiam adepti sunt, adhuc tamen caduco, & fragili corpore uestiri, ut, postquam multis laboribus pro Christo perfuncti, & morte obita de nouo ad uitam reuocati fuerint, tandem digni sint, qui cum Christo æuo sempiterno perfruantur?

Altera uero causa, cur in nobis post baptismum infirmitas corporis, morbus, dolorum sensus, concupiscentiæ motus relinquatur, illa est, ut scilicet tamquam segetem, & materiam uirtutis haberemus, ex qua deinde uberiores gloriæ fructum, atque ampliora præmia consequeremur. nam cum patienti animo uitæ incommoda omnia toleramus, prauasque animi nostri affectiones sub rationis imperium diuina ope subiicimus, certa spe niti debemus, fore, ut, si cum

Apo-

Apostolo bonum certamen certauerimus, cursum consummauerimus, fidem seruauerimus, repositam quoque iustitiæ coronam reddat nobis Dominus in illa die iustus iudex. Sic uero etiam cum filiis Israel uidetur Dominus egisse: quos etsi ab Aegyptiorum seruitute, Pharaone, atque eius exercitu in mare demerso, liberauit, tamen non statim in beatam illam promissionis terram introduxit, sed prius in multis, uariisque casibus exercuit; ac deinde, cum eos in promissæ terræ possessionem misisset, ceteros quidem incolas e patriis sedibus exturbauit; quasdam uero nationes reliquas fecit, quas delere non potuerunt, ut populo Dei bellicæ uirtutis, & fortitudinis exercendæ occasio numquam deesset. Huc accedit, quod, si per baptismum, præter dona caelestia, quibus anima ornatur, corporis etiam bona tribuerentur, dubitari merito posset, quin multi, præsentis potius uitæ commoda, quam futuræ speratam gloriam consecretantes, ad baptismum uenirent; cū tamen non falsa hæc, & incerta, quæ uidentur, sed uera, atque æterna, quæ non uidentur, bona Christi homini semper proposita esse debeant. Sed interim tamen huius uitæ condicio, quæ miseriarum plena est, suis uoluptatibus, & letitiis non caret. Quid. n. nobis, qui iam per baptismum, ueluti palmites, insiti sumus in Christum, iucundius aut optabilius esse potest, quam, cruce in humeros nostros sublata, eum ducem sequi, nullisque aut laboribus defatigari

defatigari, aut periculis retardari, quo minus ad præmium supernæ uocationis Dei omni studio contendamus, alij uirginitatis lauream, alij doctrinæ, & prædicationis coronam, alij martyrij palmam, alij alia uirtutum decora a Domino accepturi?

Quæ quidem præclara laudis insignia nemini darentur, nisi prius nos ipsos in huius ærumnosæ uitæ stadio exercuissemus, atque in acie inuicti stetissemus.

De eximijs
baptismi
fructibus.

Sed ut ad baptismi effectus oratio redeat, exponendum erit, huius sacramenti uirtute nos non solum a malis, quæ uere maxima dicenda sunt, liberari, uerum etiam eximijs bonis, & muneribus augeri. Animus enim noster diuina gratia repletur, quæ iusti, & filij Dei effecti æternæ quoque salutis heredes instituimur. nam, ut scriptum est,

Mar. 16
Ad Eph. 1

qui crediderit, & baptizatus fuerit, saluus erit: mundatamque Ecclesiam lauacro aquæ, in uerbo Apostolus testatur. Est autem gratia, quemadmodum Tridentina Synodus, ab omnibus credendum, pœna anathematis proposita decreuit, non solum per quam peccatorum sit remissio, sed diuina qualitas in anima inhaerens, ac ueluti splendor quidam, et lux, quæ animarum nostrarum maculas omnes delet, ipsasque animas pulchriores, & splendidiore reddit. Atque id ex sacris litteris aperte colligitur, cum gratiam effundi dicant, eamque spiritus sancti pignus soleant appellare. Huic autem additur nobilissimus omnium uirtutum comitatus, quæ in animam cum gratia diuinitus infunditur. Quare,

cum

cum Apostolus ad Titum ait : Saluos nos fecit per
lauacrum regenerationis , & renouationis spiritus
sancti , quem effudit in nos abunde per Iesum Chri-
stum , saluatorem nostrum : D. Augustinus uer- D. Augusti
bailla, Abunde effudit , explanans , Nimirum , in- nus.
quit , ad remissionem peccatorum , & copiam uir-
tutum . Iam uero per baptismum , etiam Christo
capiti tamquam membra copulamur , & connecti-
mur . Quemadmodum igitur a capite uis manat ,
qua singulae corporis partes ad proprias functio-
nes apte exequendas mouentur : ita etiam ex Chri-
sti domini plenitudine in omnes , qui iustificantur ,
diuina uirtus , & gratia diffunditur : quæ nos ad
omnia Christianæ pietatis officia habiles reddit .
Neque uero mirum cuiquam uideri debet , si , cum
tanta uirtutum copia instructi , & ornati simus ,
tamen non sine magna difficultate , & labore pias ,
honestasque actiones inchoamus , uel certe absolui-
mus . id enim ob eam rem non euenit , quod uirtu-
tes , a quibus actiones ipsæ proficiscuntur , Dei be-
neficio nobis donatæ non sint ; sed quoniam post ba-
ptismum acerrima cupiditatis pugna aduersus spi-
ritum relicta est : in qua tamen contentione animo
frangi , aut debilitari Christianum hominem non de-
cet ; cum Dei benignitate freti optima spe niti de-
beamus , fore , ut quotidiana recte uiuendi exerci-
tatione , quæcumque pudica sunt , quæcumque iu-
sta , quæcumque sancta , eadem etiam facilia , &
iucunda uideantur ; hæc libenter cogitemus , hæc Ad Phil. 4

P alacri

1. ad Co. 13

alacri animo agamus, ut Deus pacis sit nobiscum. Præterea, per baptismum consignamur charactere, qui ex anima deleri numquam potest: de quo, nihil est, ut plura hoc loco differantur; cum liceat ex ijs, quæ supra dicta sunt, cum uniuersæ de sacramentis ageretur, satis multa, quæ ad hoc argumentum pertinent, in hunc locum transferre.

Baptismū
sine sacri-
legio itera-
ri nō posse.

Sed quoniam ex characteris vi, & natura ab Ecclesia definitum est, baptismi sacramentum nulla ratione iterandum esse; ea de re fideles, ne aliquando in errores inducantur, sæpe, & diligenter a Pastoribus admonendi erunt. Hoc uero docuit

Ad Eph. 4

Apostolus, inquit: *Vnus Dominus, una fides, unum baptisma.* Deinde cum Romanos hortatur, ut mortui per baptismum in Christo, cauerent, ne uitam, quam ab illo accepissent, amitterent, cum

Ad Rom. 6

inquit: *Quod enim Christus mortuus est peccato, mortuus est semel: hoc uidetur aperte significare, sicut ille mori iterum non potest, ita nobis denuo mori per baptismum non licere. Quare sancta etiam Ecclesia, se unum baptismum credere, palam profitetur. quod quidem rei naturæ, & rationi uehementer cōsentaneum esse, ex eo intelligitur, quod baptismus est quædā spiritualis regeneratio. Quem admodum igitur naturali uirtute semel tantum ge-*

D. Augusti-
nus.

neramur, & in lucem edimur; atque, ut D. Augustinus ait, uterus nō potest repeti: sic etiam una est spiritualis generatio, nec baptismus ullo umquā tempore iterādus est. Neque uero quisquam putet,
eum

eum ab Ecclesia iterari, cum, adhibita huiusmodi uerborum formula, aliquem abluit: De quo incertum est, an baptizatus es, te iterum non baptizo: si uero nondum baptizatus es, ego te baptizo in nomine patris, & filij, & spiritus sancti. ita enim non impie iterari, sed sancte cum adiunctione baptismum administrari, dicendum est. Quia in re tamen diligenter a Pastoribus aliqua prouidenda sunt, in quibus fere quotidie non sine maxima sacramenti iniuria peccatur. neque enim desunt, qui nullum scelus admitti posse arbitrentur, si quemuis sine delectu cum adiunctione illa baptizent: quare si infans ad eos deferatur, nihil prorsus querendum putant, an is prius ablutus fuerit, sed statim ei baptismum tribuunt: quin etiam, quamuis exploratum habeant, domi sacramentum administratum esse, tamen sacram ablutionem in Ecclesia, adhibita sollemni caerimonia, cum adiunctione repetere non dubitant. quod quidem sine sacrilegio facere non possunt: & eam maculam suscipiunt, quam diuinarum rerum scriptores Irregularitatem uocant. nam ea baptismi forma, ex Alexandri Papæ auctoritate, in illis tantum permittitur, de quibus, re diligenter perquisita, dubium relinquitur, an baptismum rite susceperint. aliter uero numquam fas est, etiam cum adiunctione baptismum alicui iterum administrare. Præter cetera uero, quæ ex baptismo consequimur, illud ueluti extremum est, quo reliqua omnia

P ij uidentur

uidentur referri, quod scilicet cæli aditum, propter peccatum prius interclusum, unicuique nostrum patefacit. Hæc autem, quæ in nobis baptismi uirtute efficiuntur, ex ijs plane intelligi possunt, quæ in Saluatoris baptismo contigisse, Euangelica auctoritas confirmavit. Etenim cæli aperti sunt, & spiritus sanctus columbæ specie in Christum dominum descendens apparuit. ex quo significatum est, eis, qui baptizantur, diuini numinis charismata impertiri, & cælorum ianuam reserari; non quidem, ut, simul atque baptizati sunt, sed ut magis opportuno tempore ingrediantur in illam gloriam, cum omnium miseriarum expertes, quæ in beatam uitam cadere non possunt, pro mortali condicione immortalitatem assequantur. Atque hi quidem sunt baptismi fructus: quos, siquidem sacramenti uim spectemus, æque ad omnes pertinere dubitari non potest: sin autem, quo quisque animo affectus ad illum suscipiendum accesserit, consideremus; plus minusue cælestis gratiæ, & fructus ad unum aliquem, quam ad alium, peruenire, omnino fieri oportet.

De pre-
cationibus, ri-
tibus, & cæ-
rimonijs
baptismi.

Restat nunc, ut, quæ de huius sacramenti pre-
cationibus, ritibus, & cærimonijs tradenda sint,
aperte, & breuiter explicetur. Nam quod Apo-
stolus de linguarum dono admonuit, cum inquit;
Sine fructu esse, si, quæ aliquis loquitur, a fide-
libus non intelligantur: idem fere ad ritus, & cæri-
monias transferri potest. imaginem enim, & signi-
ficationem

ficationem earum rerum præferunt, quæ in sacramento geruntur. quod si illorum signorum uim, & potestatem fidelis populus ignoret; non magna admodum cærimoniarum utilitas futura esse uidebitur. Danda est igitur Pastoribus opera, ut eas fideles intelligant, certoque sibi persuadeant, si minus necessariae sint, plurimi tamen faciendas, magnoque in honore esse oportere. Id uero tum instituentium auctoritas, qui sine cōtrouersia sancti apostoli fuerunt, tum finis, cuius causa cærimonias adhiberi uoluerunt, satis docet. ita enim sacramentum maiori cum religione, ac sanctitate administrari, ac ueluti ante oculos poni præclara illa, & eximia dona, quæ in eo continentur, & in animos fidelium immensa Dei beneficia magis imprimi, perspicuum est. Sed omnes cærimoniae, & preces, quibus in baptismi administratione Ecclesia utitur, ad tria capita redigendæ sunt, ut in eis explicandis certus ordo a Pastoribus seruari possit, & quæ tradita ab illis fuerint, auditorum memoria facilius retineantur. Ac primum quidem illarum genus est, quæ, antequam accedatur ad baptismi fontem, seruantur: alterum earum, quæ, cum ad ipsum fontem uentum est, adhibentur: tertium earum, quæ, peracto iam baptismo, addi solent. In primis igitur aqua paranda est, qua ad baptismum uti oportet. Consecratur enim baptismi fons, addito mysticæ unctionis oleo. neque id omni tempore fieri permissum est: sed more maiorum, festi quidam dies,

P iij qui

qui omnium celeberrimi, & sanctissimi optimo iure habendi sunt, expectantur, in quorum uigilijs sacrae ablutionis aqua conficitur: quibus etiam tantum diebus, nisi necessitas aliter facere coegisset, in ueteris Ecclesiae more positum fuit, ut baptismus administraretur. Sed quamuis Ecclesia hoc tempore, propter communis uitae pericula, eam consuetudinem retinendam non iudicavit; tamen sollemnes illos dies Paschae, & Pentecostes, quibus baptismi aqua consecranda est, summa cum religione adhuc obseruauit. Post aquae consecrationem, alia deinceps, quae baptismum antecedunt, explicare oportet. afferuntur enim, uel etiam adducuntur, qui baptismo initiandi sunt, ad ecclesiae fores, atque ab eius introitu omnino prohibentur; quod indigni sint, qui domum Dei ingrediantur, ante quam a se turpissimae seruitutis iugum repulerint, & totos se Christo domino, eiusque iustissimo imperio addixerint. Tum uero sacerdos ab eis exquirat, quidnam ab Ecclesia petant. quo cognito, primum eos Christianae fidei doctrina, quam in baptismo profiteri debent, instituit: id autem Catechismo efficitur. cuius institutionis morem a Domini Saluatoris praepio manasse, nemo dubitare potest; cum ipse apostolis iusserit: *Ite in mundum uniuersum, & docete omnes gentes, baptizantes eos in nomine patris, & filij, & spiritus sancti, docentes eos seruare omnia, quaecumque mandauimus uobis. Ex quo licet cognoscere, baptismum non esse administrandum, priusquam*

Mar. 16

Matth. 28

priusquam summa saltem religionis nostræ capita exponantur. Quoniam uero Catechismi ratio ex multis interrogationibus constat, si is, qui instituitur, adulta ætate fuerit; ad ea, quæ rogantur, ipse per se respondet; si autem infans sit, pro illo sponsor rite respondet, sollemnemque sponsonem facit. Sequitur Exorcismus, qui ad expellendum Diabolum, eiusque uires frangendas, & debilitandas, sacris, et religiosis uerbis ac precationibus conficitur. Accedunt ad Exorcismum aliæ cærimoniæ: quarum singulæ, ut quæ mysticæ sint, propriam, atque illustrem significationem habent. nam cum sal in illius os, qui ad baptismum adducendus est, inseritur, hoc significari perspicuum est, eum fidei doctrina, & gratiæ dono consecutum esse, ut a peccatorum putredine liberetur, saporemque bonorum operum percipiat, & diuinæ sapientiæ pabulo delectetur. Obsignantur præterea signo crucis frons, oculi, pectus, humeri, aures: quæ omnia declarant, baptismi mysterio sensus baptizati aperiri, ac roborari, ut Deum excipere, præceptaque eius intelligere, ac seruare possit. Postea uero illi nares, & aures salina liniuntur: statimque ad baptismi fontem mittitur: ut, quemadmodum cæcus ille euangelicus, quem Dominus iusserat oculos luto illitos siles aqua ablueret, Ioan. 6 lumē recuperauit; ita etiam intelligamus sacram ablutionis eam uim esse, ut menti ad cælestem ueritatem perspiciendam lumē asserat. His peractis, ad

P iiiij

baptismi

baptismi fontem ueniunt, ibique aliæ cærimoniæ, & ritus adhibentur; ex quibus Christianæ religionis summam licet cognoscere. Sacerdos enim, ter conceptis uerbis, eum, qui baptizandus est, interrogat, Abrenuncias Satana, & omnibus operibus eius, & omnibus pompis eius? at ille, aut eius nomine patrinus, ad singulas interrogationes, respondet, Abrenuncio. Igitur qui Christo nomen daturus est, hoc primum sancte, & religiose polliceri debet, se Diabolum, & mundum deserere, ac nullum umquam tempus fore, in quo utrumque, ueluti hostem teterrimum, non detestetur. Deinde ad ipsum baptismi fontem consistens, interrogatur a sacerdote hoc modo: Credis in Deum patrem omnipotentem? cui ille respondet, Credo. Atque ita deinceps de reliquis Symboli articulis rogatus, fidem suam sollemni religione profitetur. quibus sane duabus sponsonibus omnem Christianæ legis uim, et disciplinam cõtineri perspicuum est. Sed cum iam baptismum administrare oportet, quærit sacerdos ab eo qui baptizandus est; Num baptizari uelit? quo quidem per se, uel eius nomine, si infans sit, patrino annuente, statim in nomine patris, & filij, & spiritus sancti, salutari aqua eum abluit. Quemadmodum enim homo, sua uoluntate serpenti obediens, merito damnatus est: ita Dominus neminem ad suorum numerum, nisi uoluntarium militem, adscribi uoluit; ut diuinis iussis sponte obtemperans, æternam salutem consequeretur. Iam postquam

quam baptismus absolutus est, sacerdos summum baptizati uerticem chrismate perungit; ut intelligat se ab eo die Christo capiti tamquam membrum coniunctum esse, atque eius corpori insitum, & ea re Christianum a Christo, Christum uero a chrismate appellari. Quid uero chrisma significet, ex ijs satis intelligi, quæ tunc sacerdos orat, D. Ambro-
 sius testatur. Induit postea sacerdos baptizatum ^{fius.} ueste alba, dicens; Accipe uestem candidam, quam immaculatam perferas ante tribunal domini nostri Iesu Christi, ut habeas uitam æternam. Infantibus uero, qui uestitu non utuntur, ijsdem uerbis album sudariolum datur. quo symbolo significari sancti Patres docent tum resurrectionis gloriam, ad quã per baptismum nascimur; tum nitorem, et pulchritudinem, qua, dilutis peccatorum maculis, anima in baptismo ornatur; tum innocentiam, atque integritatem, quam in omni uita baptizatus serua re debet. Et deinde cereus ardens in manum traditur; qui ostendit, fidem charitate inflammatam, quam in baptismo accepit, bonorum operum studio alendam, atque augendam esse. Ad extremum uero nomen baptizato imponitur: quod quidem ab aliquo sumendum est, qui propter excellentem animi pietatem, & religionem in sanctorum numerum relatus est. ita enim facile fiet, ut quiuis nominis similitudine ad uirtutis, & sanctitatis imitationem excitetur; ac præterea, quem imitari studeat, cum quoque precetur, & speret sibi aduocatum ad salutem

salutem tum animi, tum corporis defendendam uenturum esse. Quare reprehendendi sunt, qui gentilium nomina, & eorum præcipue, qui omnium sceleratissimi fuerunt, tam diligenter cōsecrantur, et pueris imponunt: cum ex eo intelligi possit, quanti Christianæ pietatis studium faciendum existiment, qui impiorum hominum memoria tantopere deletari uidentur, ut uelint fidelium aures huiusmodi profanis nominibus undique circumsonare. Hæc de baptismi sacramento si a Pastoribus explanata fuerint, nihil eorum fere prætermisum esse uidebitur, quæ ad hanc cognitionem maxime pertinere existimanda sunt. Demonstratum est enim, quid ipsum baptismi nomen significet; quæ sit eius natura, & substantia; tum, ex quibus partibus constet. Dictum est, a quo institutus fuerit; qui ministri ad conficiendum sacramentum necessarij sint; quosue tamquam pædagogos ad sustentandam baptizati imbecillitatem adhibere oporteat. Traditum est etiam, quibus, & quemadmodum animo affectis baptismus administrari debeat; quæ sit eius uirtus, & efficientia: postremo, qui ritus, & cærimonix seruentur, quantum proposita ratio postulabat, satis copiose explicatum est. Quæ omnia ob eam præcipue causam docenda esse Pastores meminert, ut fideles in hac cura, & cogitatione perpetuo uersentur; ut in ijs, quæ sancte, & religiose sponderunt, cum baptismo initiati sunt, fidem seruent, atque eam uitam instituunt, quæ san-

AD PAROCHOS. 219
sanctissima Christiani nominis professioni respon-
deat.

DE CONFIRMATIONIS
SACRAMENTO.

IN sacramento Confirmationis expli-
Scando Pastorum diligentia requirenda um-
quam fuit, nunc certe opus est, illud quam-
maxime illustrare; cum in sancta Dei Ecclesia hoc
sacramentum a multis omnino prætermittatur;
paucissimi uero sint, qui diuinæ gratiæ fructum,
quem deberent, ex eo capere studeant. Quare fide-
les ita de huius sacramenti natura, ui, dignitate,
tum in die Pentecostes, quo præcipue die admini-
strari solet, tum alijs etiam diebus, cum id Pasto-
res commodè fieri posse iudicauerint, docendi erūt,
ut intelligant, non solum negligendum non esse, sed
summa cum pietate, & religione suscipiendum;
ne ipsorum culpa, maximoque malo eueniat, ut fru-
stra in eos diuinum hoc beneficium collatum esse ui-
deatur. Sed ut a nomine initium sumatur, Con-
firmationem ab Ecclesia hoc sacramentum iccir-
co uocari, docendum est: quoniam, qui bapti-
zatus est, cum ab Episcopo sacro Chrismate un-
gitur, additis sollemnibus illis uerbis; Signo te si-
gno crucis, & confirmo te chrismate salutis, in
nomine patris, & filij, & spiritus sancti; nisi aliud
sacramenti efficientiam impediat, nouæ uirtutis ro-
bore firmior, atque adeo perfectus Christi miles es-
se incipit. In Confirmatione autem ueram et propriam
sacramenti

sacramenti rationem catholica Ecclesia semper agnouit : quod & Melchiades Pontifex , & plures etiam alij sanctissimi , & uetustissimi Pontifices aperte declarant . Ac sanctus Clemens eius ueritatis doctrinam grauiori sententia comprobare non potuit : inquit enim : Omnibus festinandum est sine mora renasci Deo , & demum ab Episcopo consignari , idest septiformem gratiam spiritus sancti percipere ; cum alioqui perfectus Christianus nequaquam esse possit is , qui iniuria , & uoluntate , non autem necessitate compulsus , hoc sacramentum pratermiserit , ut a B. Petro accepimus , & ceteri apostoli , precipiente Domino , docuerunt . Hanc uero eandem fidem doctrina sua confirmarunt , qui eodem spiritu pleni pro Christo sanguinem profuderunt , Urbanus , Fabianus , Eusebius , Romani Pontifices , quemadmodum ex eorum decretis licet perspicere . Accedit praeterea sanctorum Patrum consentiens auctoritas : inter quos Dionysius Areopagita , Athenarum Episcopus , cum diceret , qua ratione hoc sacramentum unguentum conficere , eoque uti oporteret , ita inquit : Baptizatum sacerdotes induunt ueste congrua munditiae , ut ad Pontificem ducant : ille uero sacro , atque prorsus diuino unguento baptizatum signans , sacratissimae communionis participem facit . Eusebius quoque Caesariensis tantum huic sacramento tribuit , ut dicere non dubitarit ; Nouatum haereticum spiritum sanctum promereri non potuisse ; quia , cum baptizatus esset , in graui aegritudine

S. Melchia.
papa.

S. Clemens
papa.

S. Diony.

Eusebius
Caesariensis.

tudine signaculo chrismatis non est signatus. Sed clarissima habemus huius rei testimonia tum a D. Ambrosio in eo libro, quem de ijs, qui initiantur, inscripsit; tum a D. Augustino in libris, quos aduersus Petilianum Donatistae epistolas edidit: quorum uterque adeo de huius sacramenti ueritate nihil dubitari posse existimauit, ut eam scripturae etiam locis doceat, ac confirmet. Quare alter quidem uerba illa Apostoli; Nolite contristare spiritum sanctum Dei, in quo signati estis: alter uero, quod in psalmis legitur; Sicut unguentum in capite, quod descendit in barbam, barbam Aaron; tum illud eiusdem Apostoli, Charitas Dei diffusa est in cordibus nostris per spiritum sanctum, qui datus est nobis; ad confirmationis sacramentum referri testatus est. Quamuis autem a Melchiade dictum sit, baptismum confirmationi maxime coniunctum esse: non idem tamen sacramentum, sed ab altero longe disiunctum, existimandum est. constat enim, uarietatem gratiae, quam singula sacramenta tribuunt, & rei sensibus subiectae, quae ipsam gratiam significat, efficere, ut uaria quoque & diuersa sacramenta sint. Cum igitur baptismi gratia homines in nouam uitam gignantur; confirmationis autem sacramento, qui iam geniti sunt, uiri euadant, euacuationis, quae erant paruuli; satis intelligitur, quantum in naturali uita generatio ab incremento distat, tandem inter se differre baptismum, qui regenerandi uim habet, & confirmationem, cuius uirtute fideles

D. Ambros.

D. August.

Ad Eph. 4

Psalm. 132

Ad Rom. 5

S. Melch.
papa.1. ad Cor.
13.

fideles augeſcunt, & perfectum animi robur aſſu-
 munt. Præterea, quoniam nouum atque diſtin-
 ctum ſacramenti genus conſtituendum eſt, ubi ani-
 mus in nouam aliquam difficultatem incurrit; faci-
 le perſpici poteſt, quemadmodum baptiſmi gratia
 ad mentem fide informandam indigemus, ita etiam
 maxime conducere, fidelium animos alia gratia con-
 firmari, ut nullo pœnarum, ſuppliciorum, mortis
 periculo, aut metu a ueræ fidei confeſſione deterre-
 antur. quod quidem cum ſacro Confirmationis chri-
 ſmate efficiatur, ex eo aperte colligitur, huius ſa-
 cramenti rationem a baptiſmo diuerſam eſſe. Qua-
 re Melchiades Pontifex utriuſque diſcrimen accu-
 rata oratione perſequitur, ita ſcribens: In bapti-
 ſmate homo ad militiam recipitur, & in Confir-
 matione coarmatur ad pugnam. In fonte baptiſmatis
 ſpiritus ſanctus plenitudinem tribuit ad innocentiam,
 Cõfirmatione autem perfectionem ad gratiam mini-
 ſtrat: in baptiſmo regeneramur ad uitã, poſt bap-
 tiſmum ad pugnam confirmamur: in baptiſmo ablu-
 mur, poſt baptiſmũ roboramur: regeneratio per ſe
 ſaluat in pace baptiſmũ recipientes, Confirmatio ar-
 mat, atque inſtruit ad agones. Verum hæc iam nõ
 ſolũ ab alijs Concilijs tradita, ſed præcipue a ſacra
 Synodo Tridẽtina decreta ſunt; ut iam de ijs nõ ſolũ
 aliter ſentire, ſed ne dubitare quidẽ ullo modo liceat.

Quoniam uero ſupra demonſtratum eſt, quam
 neceſſarium eſſet, communiter de omnibus ſacra-
 menti docere, a quonam ortum habuerint; idem
 etiam

S. Melchia.
 papa.

Syn. Tridẽt.

De origi-
 ne, aucto-
 re, mate-
 ria, & for-

etiam de Confirmatione tradere oportet, ut fideles <sup>ma sacra-
menti Cou-
firmatiōis.</sup> huius sacramenti sanctitate magis afficiantur. Igitur a Pastoribus explicandum est, Christum dominum non solum eius auctorem fuisse, sed, sancto Fabiano Pontifice Romano teste, chrismatis ritum, ^{S. Fab. papa} & uerba, quibus in eius administratione catholica Ecclesia utitur, præcepisse. quod quidem ijs facile probari poterit, qui Confirmationem sacramentum esse confitetur; cum sacra omnia mysteria humanæ naturæ uices superent, nec ab alio, quam a Deo, possint institui. Iam uero, quæ sint eius partes, ac primum quidem de materia dicendum est. Hæc autem Chrisma appellatur; quo nomine, a Græcis accepto, etsi profani scriptores quodlibet unguenti genus significant, illud tamen, qui res diuinas tradunt, communi loquendi consuetudine ad illud tantummodo unguentum accommodarunt, quod ex oleo, & balsamo, sollemni Episcopi consecratione, conficitur. Quare duæ res corporeæ permissæ, Confirmationis materiam præbent: quæ quidem diuersarum rerum compositio quemadmodum multiplicem spiritus sancti gratiam, quæ confirmatis tribuitur, declarat, ita etiam ipsius sacramenti excellentiam satis ostendit. Quod autem ea sit huius sacramenti materia, cum sancta Ecclesia, & concilia perpetuo docuerunt, tum a sancto Dionysio, ^{S. Dionys.} & compluribus alijs grauissimis Patribus traditum est, in primisq. a Fabiano Pontifice, qui apo- ^{S. Fab. papa} stolos chrismatis consecrationem a Domino accepisse, nobisque

nobisque reliquisse testatus est. Neque uero ulla alia materia, quam chrismatis, aptior uideri poterat ad illud declarandum, quod hoc sacramento efficitur. Oleum enim, quod pingue sit, & natura sua manet, ac diffuat, gratiae plenitudinem exprimit: quæ per spiritum sanctum a Christo capite in alios
 Psal. 132 redundat, atque effunditur, sicut unguentum, quod descendit in barbam Aaron, usque in oram uestimenti eius: Vnxit enim eum Deus oleo lætitiae præ consortibus suis; ac de plenitudine eius nos omnes accepimus. balsamum uero, cuius odoratus iucundissimus est, quid aliud significat, quam fideles, cum sacramento confirmationis perficiuntur, eam uirtutum omnium suauitatem effundere, ut illud Apostoli queant dicere; Christi bonus odor sumus Deo? Habet præterea balsamum eam uim, ut, quidquid eo circumlitum fuerit, putrescere non sinat. quod quidem ad huius sacramenti uirtutem significandam ualde accommodatum uidetur; cum plane constet, fidelium animos cælesti gratia, quæ in confirmatione tribuitur, præparatos, facile a scelerum contagione defendi posse. Consecratur autem chrisma sollemnibus cærimonijs ab Episcopo. Ita enim saluatorem nostrum docuisse in extrema cena, cum chrismatis conficiendi rationem apostolis commendaret, Fabianus Pontifex, sanctitate, & martyrij gloria clarissimus, tradidit. quamquã, cur ita fieri debuerit, ratione etiam ostendi potest. etenim in plerisque alijs sacramentis Christus ita eorum

eorum materiam instituit, ut sanctitatem quoque illi tribuerit. non solum enim aquam elementum baptismi esse uoluit, cum inquit: Nisi quis renatus Ioan. fuerit ex aqua, & spiritu, non potest introire in regnū Dei: sed cum ipse baptizatus est, effecit ut ea deinceps ui sanctificādi prędita esset. quare dictum a S. Chrysostomo: Aqua baptismi purgare peccata credentium non posset, nisi tactu Domini corporis sanctificata fuisset. Quoniam igitur Dominus hanc Confirmationis materiam usu ipso, et tractatione non sacrauit, necessarium est, ut sanctis, & religiosis precationibus consecratur: neque ad alium ea confectio, nisi ad Episcopum, pertinere potest; qui eiusdem sacramenti ordinarius minister institutus est. Sed explicanda erit pręterea altera pars, ex qua sacramentum constituitur, forma scilicet, & uerba, quę ad sacram unctionem adhibentur: monendique fideles, ut in hoc sacramento suscipiendo, tunc maxime, cum ea pronuciari animaduertunt, ad pietatem, fidem, & religionem animos excitent, ne quid cęlesti gratię impedimenti esse possit. His igitur uerbis Confirmationis forma absoluitur: SIGNO TE SIGNO CRUCIS, ET CONFIRMO TE CHRISMATE SALVTIS, IN NOMINE PATRIS, ET FILII, ET SPIRITVS SANCTI. Sed tamen, si ad ueritatem rationem quoque reuocemus, idem facile probari potest. etenim sacramenti forma ea omnia continere debet, quę ipsius sacramenti

S. Chrysostomus.

Q naturam

naturam, & substantiam explicant. Atqui maxime hæc tria in Confirmatione obseruanda sunt, diuina potestas, quæ ut principalis causa in sacramento operatur; tum robur animi, & spiritus, quod per sacram unctionem fidelibus ad salutem tribuitur; deinde signum, quo notatur is, qui in certamen Christianæ militiæ descensurus est. Ac primum quidem uerba illa; In nomine patris, & filij, & spiritus sancti; quæ extremo loco posita sunt: alterum ea; Confirmo te chrismate salutis; quæ in medio sunt: tertium, quæ in principio formæ locantur; Signo te signo crucis: satis declarant. Quamquam, si etiam ratione aliqua probari non possit, hanc esse huius sacramenti ueram, & absolutam formam, Ecclesiæ catholicæ auctoritas, cuius magisterio ita semper edocti fuimus, non patitur nos ea de re quidquam dubitare.

Quis proprius sacramenti Confirmationis minister: & de patris.

Docere etiam Pastores debent, quibus potissimum huius sacramenti administratio commissa sit. Nam cum multi sint, ut est apud Prophetam, qui currant, neque tamen mittantur; necesse est, qui ueri, & legitimi eius ministri sint, tradere, ut fidelis populus Confirmationis sacramentum, & gratiam consequi possit. Solum itaque Episcopum huius sacramenti conficiendi ordinariam potestatem habere, sacre litteræ ostendunt. nam in Actis apostolorum legimus; cum Samaria uerbum Dei accepisset, Petrum, & Ioannem ad eos missos esse, qui orauerunt pro ipsis, ut acciperent spiritum sanctum.

sanctum . nondum enim in quemquam illorum uenerat , sed baptizati tantum erant . Quo in loco licet uidere , eum , qui baptizauerat , quod tantum esset Diaconus , confirmandi potestatem nullam habuisse , sed munus illud perfectioribus ministris , hoc est apostolis , reservatum esse . Quin etiam , ubicumque sacra scripturae huius sacramenti mentionem faciunt , idem obseruari potest . neque ad eam rem demonstrandam desunt sanctorum Patrum , atque Pontificum , Urbani , Eusebij , Damasi , Innocentij , Leonis , clarissima testimonia ; quemadmodum ex eorum decretis perspicuum est . D. quoque Augustinus grauius queritur de corrupta Aegyptiorum , & Alexandrinorum consuetudine , quorum sacerdotes audebant Confirmationis sacramentum administrare . Ac iure quidem hoc factum esse , ut eiusmodi munus ad Episcopos deferretur , hac similitudine possunt Pastores declarare . Ut enim in extruendis aedificijs , etsi fabri , qui inferiores ministri sunt , cementa , calcem , ligna , & reliquam materiam parant , atque componunt , absolutio tamē operis ad architectum spectat : ita etiam hoc sacramentum , quo ueluti spirituale aedificium perficitur , a nullo alio , nisi a summo sacerdote , administrari opus erat . Additur uero etiam patrinus , quemadmodum in baptismo fieri demonstratum est . Nam si , qui gladiatoriam dimicationem subeunt , alicuius indigent , cuius arte , & consilio doceantur , qui ictibus , ac petitionibus ,

Vrb . papa.
Eusebius.
Innocentius
Leo.

D. August.

Q ij saluis

saluis ipsis, conficere aduersarium possint: quanto magis fideles, cum sacramento Confirmationis, quasi firmissimis armis, tecti, ac muniti in spirituale certamen, cui æterna salus proposita est, descendunt, ducis, ac monitoris indigebunt? Recte igitur ad huius quoque sacramenti administrationem patrini aduocandi sunt, quibus cum eadem spiritualis affinitas coniungitur, quæ legitima nuptiarum fœdera impedit, ut antea docuimus, cum de patris ageretur, qui ad baptismum adhibendi sunt. Sed quoniam sæpe euenit, ut fideles in hoc sacramento suscipiendo aut præpropere festinatione, aut dissoluta quadam negligentia, & cunctatione utantur; (nam de ijs, qui ad eum impietatis gradum uenerunt, ut illud contemnere, & aspernari audeant, nihil est quod dicamus) aperiendum est etiam Pastoribus, qui, qua ætate, quo pietatis studio præditi esse debeant, quibus Confirmationem dare oportet. Atque illud in primis docendum est, hoc sacramentum eius modi necessitatem non habere, ut sine eo saluus quis esse non possit. quamquam uero necessarium non est, a nemine tamen prætermitti debet: sed potius maxime cauendum est, ne in re sanctitatis plena, per quam nobis diuina munera tam large impertiuntur, aliqua negligentia committatur. quod enim omnibus communiter ad sanctificationem Deus proposuit, ab omnibus etiam summo studio expetendum est. Ac sanctus quidem Lucas, cum admirabile illam spiritus sancti effusionem describeret, ita inquit:

Et

Et factus est repente de cælo sonus tamquam aduenientis spiritus uehementis, & repleuit totam domum. Deinde, paucis interiectis: Et repleti sunt omnes spiritu sancto. Ex quibus uerbis licet intelligere; quoniam domus illa sanctæ Ecclesiæ figurâ, & imaginem gerebat, ad omnes fideles Confirmationis sacramentum, cuius initium ab eo die ductum est, pertinere. Atque id etiam ex ipsius sacramenti ratione facile colligitur. illi enim sacro chrismate confirmari debent, quibus spirituali incremento opus est, & qui ad perfectum Christianæ religionis habitum perducendi sunt. at nulli id non maxime conuenit. ut enim hoc spectat natura, ut, qui in lucem eduntur, adolescant, atque ad perfectam ætatem perueniant, etiam si interdum, quod uult, minus assequatur: ita communis omnium mater catholica Ecclesia uehementer optat, ut in eis, quos per baptismum regenerauit, Christiani hominis forma perfecte absoluator. id autem quoniam mysticæ unctionis sacramento efficitur, perspicuum est, eam ad uniuersos fideles æque pertinere. in quo illud obseruandum est, omnibus quidem post baptismum Confirmationis sacramentum posse administrari; sed minus tamen expedire hoc fieri, ante quam pueri rationis usum habuerint. quare si duodecimus annus non expectandus uideatur; usque ad septimum certe hoc sacramentum differre, maxime conuenit. neque enim Confirmatio ad salutis necessitatem instituta est, sed ut eius uirtute optime

Q. iij. instructi

Concilium
Aur.

instructi, & parati inueniremur, cum nobis pro Christi fide pugnandum esset: ad quod sane pugnae genus pueros, qui adhuc usu rationis carent, nemo aptos esse iudicabit. Ex his igitur efficitur, ut, qui adulta iam ætate confirmandi sunt, siquidem huius sacramenti gratiam, & dona consequi cupiant, eos non solum fidem, & pietatem afferre, sed grauiora etiam peccata, quæ admiserunt, ex animo dolere oporteat. Qua in re elaborandum est, ut peccata etiam prius confiteantur, & Pastorum cohortatione ad ieiunia, & alia pietatis opera suscipienda incitentur, admoneanturque, laudabilem illam antiquæ Ecclesiæ consuetudinem renouandam esse, ut non nisi ieiuni hoc sacramentum susci- perent. quod quidem fidelibus facile persuaderi posse, existimandum est, si huius sacramenti dona, admirabilesque effectus intellexerint.

Itaque Pastores docebunt, Confirmationem hoc cum ceteris sacramentis commune habere, ut, nisi impedimentum aliquod inferatur, nouam gratiam tribuat. etenim hæc sacra, & mystica signa eiusmodi esse, demonstratum est, quæ gratiam declarant, atque efficiunt. Sed præter hæc, quæ cum alijs communia censenda sunt, primum quidem illud proprie Confirmationi tribuitur, quod baptismi gratiam perficit. qui enim per baptismum Christiani effecti sunt, quasi infantes modo geniti teneritatem adhuc & mollitiem quandam habent

bent ; ac deinde chrismatis sacramento aduersus omnes carnis , mundi , & Diaboli impetus robustiores fiunt ; & eorum animus in fide omnino confirmatur ad confitendum , & glorificandum nomen domini nostri Iesu Christi : ex quo etiã nomẽ ipsum inuentum esse nemo dubitarit . Neque enim , ut quidam non minus imperite , quam impie finxerunt , Confirmationis uocabulum ab eo deducitur , quod Conc. Tii. olim , qui infantes baptizati erant , cum iam adulti essent , ad Episcopum adducebantur , ut fidem Christianam , quam in baptismo susceperant , confirmarent : ita ut Confirmationi nihil a catechesi differre uideatur . cuius consuetudinis nullum probatum testimonium afferri potest : sed ab eo nomen rei impositum est , quod huius sacramenti uirtute Deus in nobis id confirmat , quod baptismo operari cœpit , nosque ad Christianæ soliditatis perfectionem adducit : nec uero confirmat solum , sed auget etiam : de quo Melchiades ita testatur ; Spiritus sanctus , S. Melchia. qui super aquas baptismi salutifero descendit illapsus , in fonte plenitudinem tribuit ad innocentiam ; in Confirmatione augmentum præstat ad gratiam ; deinde non auget modo , sed admirabili quadam ratione auget . Hoc autem pulcherri-
mi indumenti translatione scriptura significauit , atque expressit : inquit enim Dominus saluator , cum de hoc sacramento loqueretur : Sedete in ciuitate , quoad usque induamini uirtute ex alto . Luc. 24

Q. iij. Quod

Quod si Pastores uoluerint diuinā huius sacramē-
 ti efficientiam ostendere; (hoc uero ad commouēdo
 fidelium animos maximam uim habiturum esse, du-
 bitari non potest) satis erit, quid ipsis apostolis eue-
 nerit, explicare. Illi enim ante passionem, uel sub
 ipsam passionis horam adeo infirmi, & remissi fue-
 runt, ut, cum Dominus comprehensus est, statim
 se in fugam coniecerint; Petrus uero, qui Ecclesia
 petra, & fundamentum designatus erat, & sum-
 mam constantiam excelsique animi magnitudinem
 præsētulerat, unius mulierculæ uoce perterritus,
 se Iesu Christi discipulum esse, non semel, aut iterū,
 sed tertio negauerit; ac post resurrectionem omnes
 propter metum Iudæorum inclusi domi se continue-
 runt. At uero in die Pentecostes tanta spiritus san-
 cti uirtute omnes repleti sunt, ut, dum euange-
 lium, quod eis commissum erat, non solum Iu-
 dæorum regione, sed uniuerso orbe audacter, & li-
 bere dispergerent, nihil sibi felicius accidere posse
 existimauerint, quam quod digni haberentur, quā
 pro Christi nomine contumeliam, uincula, tormen-
 ta, cruces perferrent. Habet præterea Confirma-
 tio eam uim, ut characterem imprimat: quo fit, ut
 nulla umquam ratione iterari possit: quod etiam in
 baptismo supra obseruatum est: ac de sacramento
 ordinis quoque suo loco planius exponetur. Hæc
 igitur si a Pastoribus sæpe, & accurate expli-
 cata erunt; uix fieri poterit, quin fideles, cogni-
 ta huius sacramenti dignitate, atque utilitate,
 illud

illud summa cum diligentia sancte, & religiose suscipere studeant. Restat nunc, ut aliqua etiam de ritibus, & ceremonijs, quibus in hoc sacramento administrando catholica Ecclesia utitur, breuiter perstringantur. quæ explicatio quanto usui futura sit, Pastores intelligent, si, quæ antea dicta sunt, cum hic locus tractaretur, repetere uoluerint. Qui igitur confirmantur sacro chrismate, in fronte unguuntur. nam hoc sacramento spiritus sanctus in animos fidelium sese infundit, in eisque robur, & fortitudinem auget, ut in spiritali certamine uiriliter pugnare, & nequissimis hostibus resistere queant. Quocirca declaratur, eos nullo metu, aut uerecundia, quarum affectionum signa maxime in fronte solent apparere, a libera Christiani nominis confessione absterrendos esse. Præterea nota illa, qua Christianus a ceteris ueluti miles insignibus quibusdam ab alijs distinguitur, in illustriori corporis parte imprimenda erat. Sed illud quoque sollemni religione in Ecclesia Dei seruatum est, ut in Pentecoste præcipue hoc sacramentum administraretur; quod hoc maxime die apostoli, spiritus sancti uirtute roborati, & confirmati sint; cuius diuini facti recordatione fideles admonerentur, quæ, quantaque mysteria in sacra unctione cogitanda essent. Deinde uero, qui unctus, & confirmatus est, ut meminerit se tamquam fortem athletam paratum esse oportere ad omnia aduersa inuictò animo pro Christi nomine ferenda, manu leuiter in maxilla ab Episcopo

Ald. 2

Episcopò ceditur. Postremo autem pax ei datur, ut intelligat se gratiæ celestis plenitudinem, & pacem, quæ exuperat omnem sensum, consecutum esse. ^{Phil. 4} Atque hæc summa eorum sit, quæ de chris-
 tis sacramento a Pastoribus non tam quidem nudis
 uerbis, & oratione, quam inflammato quodam
 pietatis studio explicanda sunt, ut ea in animis, in-
 timisq. fidelium cogitationibus inferere uideantur.

DE EUCCHARISTIÆ SACRAMENTO.

Vemadmodum ex omnibus sacris myste-
 rijs, quæ nobis tamquam diuinæ gratiæ
 certissima instrumēta Dominus saluator
 noster commendauit, nullum est, quod cum sanctis-
 simo Eucharistiæ sacramento comparari queat: ita
 etiam nulla grauior alicuius sceleris animaduersio
 a Deo metnenda est, quam si res omnis sanctitatis
 plena, uel potius quæ ipsum sanctitatis auctore, et
 fontē cōtinet, neque sancte, neq. religiose a fidelibus
 tractetur. id uero Apostolus et sapiēter uidit, et de
 eo nos aperte admonuit. nam cum declarasset, quā-
 to illi scelere obstricti essent, qui corpus Domini nō
 dijudicarent, statim subiecit: Ideo inter uos multi
 infirmi & imbecilles, & dormiunt multi. Vt igitur
 fidelis populus, cum cælesti huic sacramēto diu-
 nos honores tribuendos esse intellexerit, & gratiæ
 uberes

1. ad Co. 11

uberes fructus capiat, & iustissimam Dei iram effugiat, illa omnia a Pastoribus diligentissime exponenda erunt, quæ eius maiestatem magis illustrare posse uideantur. Quæ in re opus erit, ut Pauli apostoli rationem secuti, qui se, quod a Domino acceperat, Corinthijs tradidisse professus est, in primis huius sacramenti institutionem fidelibus explicent. ita uero gestam rem esse, ex Euangelista Ioan. 13 perspicue colligitur. Cum enim Dominus dilexisset suos, in finem dilexit eos. cuius quidem amoris ut diuinum aliquod, atque admirabile pignus daret, sciens horam iam aduenisse, ut transiret ex hoc mundo ad Patrem; ne ullo umquam tempore a suis abesset, inexplicabili consilio, quod omnem nature ordinem, & condicionem superat, perfecit. Etenim, celebrata cum discipulis agni paschalis cena, ut figuræ ueritati, umbra corpori cederet, panem accepit, Deoque gratias agens benedixit, ac fregit, deditque discipulis suis, & dixit: Accipite, & manducate: Hoc est corpus meum, quod pro uobis tradetur: hoc facite in meam commemorationem. Similiter & calicem accepit postquam cenauit, dicens: Hic calix nouum testamentum est in meo sanguine: hoc facite, quotiescunque bibetis, in meam commemorationem. Huius ergo admirabilis sacramenti dignitatem, atque excellentiam, cum sacri scriptores fieri nullo modo posse intelligerent, ut uno uocabulo demonstrarent, pluribus eam nominibus exprimere conati sunt. interdum enim Eucha-

Ioan. 13

Matth. 26

Mar. 14

Luc. 22

1. ad Cor. 11

Eucharistiam appellant: quod uerbum uel bonam gratiam, uel gratiarum actionem, latine reddere possumus. Ac recte quidem, bona gratia, dicendum est; tum quia uitam eternam, de qua scriptum

Ad Rom. 6 est, Gratia Dei uita eterna, praesignificat; tum quia Christum dominum, qui uera gratia, atque omnium charismatum fons est, in se continet. Nec uero minus apte gratiarum actionem interpretamur: siquidem cum hanc purissimam hostiam immolamus, immensas quotidie gratias pro uniuersis in nos beneficijs Deo agimus, atque in primis pro eius gratiae tam excellenti bono, quam nobis hoc sacramento tribuit. Sed in ipsum etiam nomen cum ijs, quae a Christo domino gesta esse in hoc mysterio

Marc. 26 instituendo legimus, optime conuenit. Etenim panem accipiens fregit, ac gratias egit. David quo-

Marc. 14
Luc. 22 que, cum huius mysterij magnitudinem contempla-

1. ad Cor. 11 retur, ante quam carmen illud pronunciaret; Me-

Psal. 110 moriam fecit mirabilium suorum misericors & miserator Dominus, escam dedit timentibus se; gratiarum actionem praeposendam existimauit, cum inquit: Confessio, & magnificentia opus eius. Fre-

1. ad Cor. 10 quenter etiam nomine sacrificij declaratur: de quo mysterio paulo post latius dicendum erit. Vocatur praeterea Communio: quod uerbum ex illo Apostoli loco sumptum esse liquet, ubi ait: Calix benedictionis, cui benedicimus, nonne communicatio sanguinis Christi est? et panis, quem frangimus, nonne participatio corporis Domini est? Nam, ut Damascenus ex-

Damascenus. pla-

planauit, hoc sacramentū Christo nos copulat, atque eius carnis, et deitatis participes efficit, nosque inter nos in eodem Christo conciliat, ac coniungit, & ueluti unum corpus coagmentat. Ex quo factum est, ut sacramentum etiam pacis, & charitatis diceretur; ut intelligeremus, quam indigni sint Christiano nomine, qui inimicitias exercent, odiaque, dissidia, & discordias, ut tetrissimas fidelium pestes, omnino exterminandas esse: cum præsertim quotidiano religionis nostræ sacrificio, nihil nos studiosius seruare quam pacem, & charitatem, profiteamur. Sed Viaticum etiam frequenter a sacris scriptoribus appellatur; tum quia spiritualis cibus est, quo in huius uitæ peregrinatione sustentamur; tum quia uiam nobis ad æternam gloriam, & felicitatem munit. Quare ex ueteri Ecclesiæ catholice instituto seruari uidemus, ut nemo fidelium sine hoc sacramento e uita excedat. Ac uetustissimi quidem r. ad Cor. ix Patres, Apostoli auctoritatem secuti, Cenæ etiam nomine sacram Eucharistiam interdum uocarunt, quod in illo nouissimæ cenæ salutaris mysterio a Christo domino sit instituta. neque uero propterea a cibo, aut potione Eucharistiam conficere, aut sumere licet; quod ab apostolis salutariter introducta consuetudo, quemadmodum ueteres scriptores D. August. memorie prodiderunt, perpetuo retenta, ac seruata est, ut a ieiuniis tantum perciperetur. Sed, explicata nominis ratione, docendum erit, hoc uerum esse sacramentum, atque unum ex septem illis, quæ sancta

sancta Ecclesia semper religiose coluit, ac uenerata est. nam cum calicis consecratio fit, mysterium fidei appellatur. Præterea, ut infinita pene sacrorum scriptorum testimonia omittamus, qui hoc inter uera sacramenta numerandum esse, perpetuo senserunt; ex ipsa ratione, & natura sacramenti idem conuincitur. etenim in eo signa sunt externa, & sensibus subiecta. habet deinde gratiæ significationem, & efficientiam. præterea de Christi institutione neque euangelistæ, neque Apostolus dubitandi locum relinquunt. Quæ omnia cum in unum conueniant ad sacramenti ueritatem confirmandam; nullis alijs argumentis opus esse perspicitur. Sed illud diligenter Pastoribus obseruandum est, multa in hoc mysterio esse, quibus aliquando sacramenti nomen sacri scriptores tribuerunt. interdum enim & consecratio, & perceptio, frequenter uero & ipsum Domini corpus, & sanguis, qui in Eucharistia continetur, sacramentum uocari consue-

D. August. uit. inquit enim D. Augustinus, sacramentum hoc duobus constare, uisibili scilicet elementorum specie, & inuisibili carne, & sanguine ipsius domini nostri Iesu Christi. Atque ad eundem modum hoc sacramentum adorandum esse, nimirum corpus & sanguinem Domini intelligentes, affirmamus. Verum hæc omnia minus proprie sacramenta dici perspicuum est. Ipse autem panis & uini species ueram & absolutam huius nominis rationem habent. Sed quantum hoc sacramentum a reliquis

reliquis omnibus differat, facile colligitur. nam cetera sacramenta materia usu perficiuntur, dum scilicet alicui administrari ea contingit. Baptismus enim sacramenti naturam tunc adipiscitur, cum re ipsa homo aqua; abluitur: at uero ad Eucharistiæ perfectionem satis est ipsius materiae consecratio: utrumque enim sacramentum esse non desinit, quâuis in pyxide asseruetur. Deinde in conficiendis alijs sacramentis nulla fit materia, atque elementi in aliam naturam mutatio. Etenim baptismi aqua, aut chrismatis oleum, cum illa sacramenta administrantur, priorem aquæ, & olei naturam non amittunt: in Eucharistia uero, quod panis, & uinum ante consecrationem erat, confecta consecratione, uere est corporis & sanguinis Domini substantia. Licet autem duo sint elementa, panis scilicet, et uinum, ex quibus integrum Eucharistiæ sacramentum conficitur: non tamen plura sacramenta, sed unum tantum esse, Ecclesiæ auctoritate docti confitemur. aliter enim septenarius sacramentorum numerus, quemadmodum semper traditum, atque a Concilijs, Lateranensi, Florentino, & Tridentino, decretum est, constare non poterit. nam cum huius sacramenti gratia unū corpus mysticum efficiatur, ut sacramentū ipsum rei, quam efficit, conueniat; unū esse oportet, atque unum quidem, nō quia indiuiduum sit, sed quia unius rei significationem habet. Nam quæadmodum cibus, et potio, quæ duæ diuersæ res sunt, ad unā tantum rem adhibetur, ut scilicet

scilicet vires corporis reficiantur : ita etiam duas illis diuersas sacramenti species respondere, consentaneum fuit, quæ cibum spiritualem significarent, quo mentes sustinentur, & recreantur. Quare a

Ioan. 6 Domino saluatore dictum est : Caro mea uere est cibus, & sanguis meus uere est potus. Sed diligenter explicandum est, quid Eucharistiæ sacramentum significet ; ut fideles sacra mysteria oculis intuentes, simul etiam diuinarum rerum contemplatione animum pascant. Tria uero sunt, quæ nobis hoc sacramento indicantur. Primum est Christi domini passio, quæ iam præterijt : ipse enim docuit ;

Luc. 22 Hoc facite in meam commemorationem : & Apostolus testatus est ; Quotiescumque manducabitis panem hunc, & calicem bibetis, mortem Domini annuntiabitis, donec ueniat. Alterum est diuina, et celestis gratia, quæ præsens ad animam alendam et conseruandam hoc sacramento tribuitur. Quemadmodum enim baptismo in nouam uitam gignimur, Confirmatione roboramur, ut Satanae repugnare, & palam Christi nomen profiteri possimus : ita Eucharistiæ sacramento alimur, ac sustentamur. Tertium est, quod futurum prænunciat, æternæ iucunditatis, & gloriæ fructus, quem in cælesti patria ex Dei promissione capiemus. Hæc igitur tria, quæ instantis, præteriti, & consequentis temporis uarietate distingui perspicuum est, satis mysterijs ita significantur, ut totum sacramentum, quamuis ex diuersis speciebus constet, ad singula horum

horum declaranda, tamquam ad unius rei significationem, referatur. Sed in primis cognoscenda est a Pastoribus huius sacramenti materia; tum ut ipsi rite illud possint conficere; tum etiam ut fideles admoneantur, cuius rei symbolum sit, atque eius rei, quam significat, studio, & desiderio exardescant. Duplex itaque est huius sacramenti materia, altera panis ex tritico confectus, de qua primo agitur: de altera postea dicendum erit. Nam, ut docent Matth. 26
Mar. 14
Luc. 22
 euangelistæ Matthæus, Marcus, & Lucas, Christus dominus panem in manus accepit, benedixit, & fregit, dicens; Hoc est corpus meum. Apud Ioannem quoque idem Saluator noster se ipsum panem appellauit, cum inquit: Ego sum panis uiuus, qui de Ioan. 6
 cælo descendi. Cum autem uaria sint panis genera, uel quia materia differunt, ut cum alius ex tritico, alius ex ordeo, aut ex leguminibus, ceterisque terræ fructibus confectus est, uel quia diuersis qualitatibus præditi sunt: (uni enim fermentum additur, alter uero fermenti omnino expers esse potest) quod ad primum attinet, Saluatoris uerba ostendunt, panem ex tritico confici oportere. communi enim loquendi consuetudine, cum panis absolute dicitur, panem ex tritico intelligi satis constat. Id etiam ueteris testamenti figura declaratur. præceptum enim a Domino fuerat, ut panes propositionis, qui hoc sacramentum significabant, ex simila conficerentur. Sed quemadmodum nullus panis, nisi triticeus, apta ad sacramentum materia putandus est; Leuit. 26

R (hoc

(hoc enim apostolica traditio nos docuit , & Eccle-
 sia catholica auctoritas firmavit) ita etiam ex ijs,
 Matth. 26 quæ Christus dominus gessit, az ymum esse debere,
 Mar. 14
 Luc. 22 facile intelligitur. ipse enim primo az ymorum die,
 quo nihil fermentati domi habere Iudæis licebat,
 hoc sacramentum confecit, atque instituit. Quod
 si quis Ioannis euangelistæ auctoritatem apponat,
 qui hæc omnia ante festum diem Paschæ acta esse
 commemorat; ea ratio facile dissolui potest. Etenim
 quem primum az ymorum diem ceteri euangelistæ
 appellarunt, quod feria quinta uesperis dies festi az y-
 morum inciperent, quo tempore Saluator noster
 Pascha celebravit; eum ipsum diem Ioannes pridie
 Ioan. 13 Paschæ fuisse describit; ut qui diei naturalis spatiū,
 D. Chryso. quod ab oriente Sole inchoatur, in primis notan-
 dum existimarit. Quapropter diuus etiam Chry-
 sostomus primum az ymorum diem interpretatur
 eum diem, quo ad uesperam az yma comedenda es-
 sent. Sed az ymi panis consecratio quantum conue-
 niat integritati, & mentis munditiæ, quam fideles
 1. ad Cor. 5 ad hoc sacramentum afferre debent, ab Apostolo
 docemur, cum inquit: Expurgate uetus fermentū,
 ut sitis noua conspersio, sicut estis az ymi: etenim
 Pascha nostrū immolatus est Christus: itaque epu-
 lemur non in fermento ueteri, neque in fermento
 malitiæ, & nequitie, sed in az ymis sinceritatis,
 & ueritatis. Neque tamen ea qualitas adeo neces-
 saria existimanda est, ut, si illa pani desit, sacramē-
 tum confici nō possit: utrumque enim panis genus
 ueram

ueram et propriam panis rationem, et nomē habet.
 Quamquam nemini licet priuata auctoritate, uel
 potius temeritate laudabilem Ecclesie suae ritum
 immutare: atque eo minus id facere Latinis sacer-
 dotibus permissum est, quibus præterea Pontifices
 Max. præceperunt, ut ex azymo tantum sacra
 mysteria conficerent. Atque hæc de altera hu-
 ius sacramenti materia exposuisse satis sit: in quo
 tamen illud animaduertendum est, quam mul-
 ta materia ad sacramentum conficiendum uti oport-
 eat, definitum non esse; cum illorum etiam cer-
 tus numerus definiri nequeat, qui aut possint,
 aut debeant sacra mysteria percipere. Superest,
 ut de altera huius sacramenti materia, & ele-
 mento dicatur. est autem uinum ex uitis fructu
 expressum, cui modicum aquæ permistum sit.
 nam Dominum saluatorem uino in huius sacra-
 menti institutione usum esse, catholica Ecclesia
 semper docuit; cum ipse dixerit; Non bibam a
 modo de hoc genimine uitis usque in diem illum.
 Quo in loco Chrysostomus, De genimine, inquit,
 uitis, quæ certe uinum, non aquam, produxit.
 Ut tanto ante illorum hæresim, qui aquam so-
 lam in hisce mysterijs adhibendam senserunt,
 conuellere uideretur. Aquam uero, Dei Eccle-
 sia uino semper admiscuit; primum, quod id a
 Christo domino factum esse, & Conciliorum aucto-
 ritate, & sancti Cypriani testimonio comprobatur;
 deinde, quod sanguinis, & aquæ, quæ ex eius

Matth. 26

Mar. 14

S. Chryso-
stomus.S. Cypria-
nus.

R ij latere

latere exierunt, hac permiffione memoria renouatur. Tum uero aquæ, ut in Apocalypfi legimus, populum designant; quare aqua uino admifta fidelis populi cum Christo capite coniunctionem fignificat. Atque hoc ex apostolica traditione perpetuo sancta Ecclesia feruauit. Sed quamuis aquæ admiscendæ ita graues rationes sint, ut eam sine mortali peccato prætermittere non liceat; ea tamen si desit, sacramentum constare potest. Illud autem Sacerdotibus animaduertendum est, quemadmodum in sacris mysterijs aquam uino adhibere oportet, sic etiam modicam infundendam esse. nam ecclesiasticorum scriptorum sententia, & iudicio, aqua illa in uinum conuertitur, quare de eo Honorius Pontifex ita scribit: Perniciosus in tuis partibus inoleuit abusus, uidelicet, quod maior quantitas aquæ in sacrificio, quam uini, adhibetur; cum, secundum consuetudinem rationabilem Ecclesiæ generalis, longe plus uini, quam aquæ, adhibendum sit. Huius igitur sacramenti hæc duo tantum elementa sunt; ac merito pluribus decretis sancitum est, ne quid aliud præter panem, & uinum, quod nonnulli facere non uerebantur, offerre liceat. Sed iam uidendum est, hæc duo panis, & uini symbola quam apta sint ad eas res declarandas, quarum sacramenta esse credimus, & confitemur. Primum enim Christum nobis significant, ut uera est hominum uita. ipse enim Dominus ait: Caro mea uere est cibus, & sanguis meus uere est potus. Cum igitur corpus

corpus Christi domini uitæ æternæ alimentum illis præbeat, qui eius sacramentum pure, & sancte suscipiunt; recte ijs potissimum rebus conficitur, quibus hæc uita continetur: ut fideles facile possint intelligere, pretiosi corporis, & sanguinis Christi communione mentem, animumque saturari. Nonnihil etiam hæc ipsa elementa ad id ualent, ut eam cognitionem accipiant homines, esse in sacramento corporis, & sanguinis Domini ueritatem. nam cum panem, & uinum in humanam carnem & sanguinem ui naturæ quotidie immutari animaduertamus, facilius adduci possumus hac similitudine, ut credamus, panis, & uini substantiam in ueram Christi carnem, uerumque eius sanguinem cælesti benedictione conuerti. Affert etiā aliquid adiumentum hæc admirabilis elementorum mutatio ad adumbrandum, quod fit in anima. Vt enim, etsi nulla extrinsecus panis, & uini mutatio apparet, tamen eorum substantia in carnem, & sanguinem Christi uere transit: ita etiam, tametsi in nobis nihil immutatum uidetur, interius tamen ad uitam renouamur, dum ueram uitam Eucharistiæ sacramento accipimus. Accedit ad hæc; quod, cum unū Ecclesiæ corpus ex multis membris cōpositum sit, nulla re magis elucet eorum coniunctio, quam panis uinique elementis. panis enim ex multis granis conficitur, & uinum ex multitudine racemorum existit. atque ita nos, cū multi simus, huius diuini mysterij uinculo arctissime colligari, & tamquam unum corpus effici declarant.

R ij Sequi-

Euchari-
stia confi-
ciendæ for-
ma, & illi-
us effectus
admirandi.

Matth. 26
Mar. 14
Luc. 22
1. ad Cor. 10

Sequitur nunc, ut de forma, qua ad consecran-
dum panem uti oporteat, agatur, non quidem eius
rei causa, ut hæc mysteria fidei populo, nisi neces-
sitas cogat, tradantur; (eos enim, qui sacris ini-
tiati non sunt, de his erudiri necessarium non est)
sed ne, formæ ignorance, in sacramento conficien-
do a sacerdotibus turpissime peccetur. itaque a san-
ctis euangelistis, Matthæo, & Luca, itemque ab
Apostolo docemur, illam esse formam, HOC EST
CORPVS MEVM. scriptum est enim: Cenanti-
bus illis accepit Iesus panem, & benedixit, ac fre-
git, deditque discipulis suis, & dixit: Accipite, &
manducate: Hoc est corpus meum. Quæ quidem
consecrationis forma cum a Christo domino serua-
ta sit, ea perpetuo catholica Ecclesia usa est. Præ-
termittenda sunt hoc loco sanctorum Patrum testi-
monia, quæ infinitum esset enumerare, & Concilij
Florentini decretum, quod omnibus patet, atque
in promptu est; cum præsertim ex illis Saluatoris
uerbis; Hoc facite in meam commemorationem;
idem liceat cognoscere. nam quod Dominus facien-
dum præcepit, non solum ad id, quod egerat, sed
etiam ad ea, quæ dixerat, referri debet, atque ad
uerba maxime pertinere intelligendum est, quæ non
minus efficiendi, quam significandi causa prolata
erant. Sed ratione etiam id facile persuaderi potest.
nam forma ea est, qua illud significatur, quod in
hoc sacramento efficitur. cum autem hæc uerba id,
quod fit, significant, ac declarent, hoc est panis cōuer-
sionem

sionē in uerum Domini nostri corpus; sequitur, for-
 mam in illis ipsis uerbis constituendam esse. in quā
 sententiam, quod ab Euangelista dictum est, Bene-
 dixit, licet accipere. perinde enim uidetur intelli- Matth. 26
 gendum, ac si dixisset, accipiens panem benedixit,
 dicens; Hoc est corpus meum. Quamuis enim Euā-
 gelista uerba illa, Accipite, & comedite, præpo-
 suerit: illis tamen non materiæ consecrationem, sed
 usum tantūmodo significari, perspicuum est. quare
 a sacerdote quidem omnino proferri debent, sed ad
 sacramentum conficiendum necessaria non sunt:
 quemadmodum etiam profertur coniunctio illa,
 ENIM, in corporis, & sanguinis consecratione:
 aliter enim fiet, ut, si hoc sacramentum nemini
 administrandum sit, confici non oporteat, aut non
 possit quidem; cum tamen dubitare non liceat, quin
 sacerdos, prolatis ex more, atque instituto sanctæ
 Ecclesiæ uerbis Domini, aptam panis materiam ue-
 re consecret; quamuis deinde contingat, ut nulli um-
 quam sacra Eucharistia administretur. Iam uero,
 quod ad uini, quæ est altera huius sacramenti ma-
 teria, consecrationem attinet, ob eandem causam,
 quam supra commemorauimus, opus est, ut sacer-
 dos eius formam cognitam, & perspectam habeat.
 Eam igitur his uerbis comprehendī, certo creden-
 dum est; Hic est calix sanguinis mei, noui, &
 æterni testamenti, mysterium fidei, qui pro uo-
 bis, & pro multis effundetur in remissionem pec-
 catorum. Ex quibus uerbis plura quidem a sacris

R. iiij scripturis

scripturis colliguntur : quædam uero in Ecclesia ex apostolica traditione conseruata sunt . nam quod dicitur : Hic est calix : a D. Luca , & ab Apostolo scriptum est . quod uero sequitur : Sanguinis mei , uel sanguis meus noui testamenti , qui pro uobis & pro multis effundetur in remissionem peccatorum : partim a D. Luca , partim a D. Matthæo dictum est . Verba autem illa , Aeterni , & , Mysterium fidei , sancta traditio , catholice ueritatis interpres & custos , nos docuit . Verum de hac forma nemo dubitare poterit , si , quod antea dictum est de forma consecrationis , quæ ad panis elementum adhibetur , hoc etiam loco attendatur . constat enim , ijs uerbis , quæ uini substantiam in sanguinem Domini conuerti significant , huius elementi formam contineri . Quare cum uerba illa hoc aperte declarent , perspicuum est , aliam formam constituendam non esse . Exprimunt autem præterea quosdam effusi sanguinis in passione Domini admirabiles fructus , qui ad hoc sacramentum maxime pertinent . Unus est , aditus ad æternam hereditatem , quæ noui , atque æterni testamenti iure ad nos uenit . Alter est , aditus ad iustitiam per mysterium fidei : Iesum enim per fidem in sanguinem eius propitiatorem , Deus proposuit , ut ipse sit iustus , & iustificans eum , qui ex fide est Iesu Christi . Tertius est , remissio peccatorum . Quoniam uero hæc ipsa consecrationis uerba plena mysteriorum sunt , aptissimeque ad rem conueniunt , diligētius perpendere ea oportet .

Quod

Quod uero dicitur; Hic est calix sanguinis mei; sic intelligendum est: Hic est sanguis meus, qui hoc calice continetur. Recte autem, & apposite, dum sanguis hic, ut est fidelium potus, consecratur, calicis mentio facienda est. neque enim sanguis huiusmodi potionem satis significare uideretur, nisi uase aliquo exceptus esset. Sequitur deinde, Noui testamenti: quod quidem ob eam rem additum est, ut intelligeremus Christi domini sanguinem non figura; quemadmodum in ueteri testamento fiebat, (de eo enim apud Apostolum ad Hebræos legimus, Si- Ad Heb. 9 ne sanguine testamentum dedicatum non esse) sed uere, & re ipsa hominibus tradi; quod ad nouum testamentum pertinet: quare Apostolus inquit: Ideo noui testamenti mediator est Christus, ut, morte intercedente, repromissionem accipiant, qui uocati sunt, eterne hereditatis. Verbum uero, Aeterni, ad hereditatem eternam, quæ Christi domini, æterni testatoris, morte ad nos iure peruenit, referendum est. Quod subiungitur; Mystrium fidei; non rei ueritatem excludit, sed, quod occulte latet, atque ab oculorum sensu remotissimum est, certa fide credendum esse significat. Diuersa uero hisce uerbis sententia hoc loco subiecta est ab ea, quam habent, cū baptismo etiam tribuuntur. nam quod sanguinem Christi, sub uini specie latentem, fide cernimus, mysterium fidei dicitur. at baptismus, quoniam uniuersam Christianæ fidei professionem complectitur, a nobis fidei sacramentum, a Græcis myste-

mysterium iure appellatur . Quamquam alia etiã ratione sanguinem Domini , fidei mysterium dicimus , quod scilicet in eo maxime plurimum difficultatis , & negotij humana ratio experiatur , cum nobis fides credendum proponit , Christum dominum , uerum Dei filium , simulque Deum , & hominem , mortem pro nobis pertulisse ; quæ quidem mors sanguinis sacramento designatur . Quapropter apposite hoc loco potius , quam in consecratione corporis , passio Dominica commemoratur , his uerbis ; Qui effundetur in remissionem peccatorum . Sanguis enim , separatim consecratus , ad passionem Domini , & mortem , et passionis genus ante omnium oculos ponendum , maiorem uim & momentum habet . Sed uerba illa , quæ adduntur ; Pro uobis , & pro multis : a Matthæo , & Luca , singula a singulis sumpta sunt ; quæ tamen sancta Ecclesia , spiritus Dei instructa , simul coniunxit : pertinent autem ad passionis fructum , atque utilitatem declarandam . nam si eius uirtutem inspiciamus ; pro omnium salute sanguinem a Salvatore effusum esse fatendum erit : si uero fructum , quem ex eo homines perceperint , cogitemus ; non ad omnes , sed ad multos tantum eam utilitatem peruenire , facile intelligemus . Cum igitur , Pro uobis , dixit ; uel eos , qui aderant , uel delectos ex Iudeorum populo , quales erant discipuli , excepto Iuda , quibuscum loquebatur , significauit . Cum autem addidit ; Pro multis ; reliquos electos ex Iudais , aut gentibus intelligi

Matth 26
Luc. 22.

intelligi uoluit. Recte ergo factum est, ut, pro uni-
 uersis, non diceretur; cum hoc loco tantummodo de
 fructibus passionis sermo esset, quæ salutis fructum
 delectis solum attulit. Atque huc spectant uerba il-
 la Apostoli; Christus semel oblatus est ad multorū ^{Ad Heb. 9}
 exhauriēda peccata. Et quod Dominus apud Ioannē
 inquit; Ego pro eis rogo, nō pro mūdo rogo, sed pro ^{Ioan. 17}
 his, quos dedisti mihi, quia tui sunt. Plurima alia
 in huius consecrationis uerbis latent mysteria; quæ
 Pastores assidua rerum diuinarum meditatione, &
 studio ipsi per se, iuante Domino, facile assequētur.

Sed iam ad earū rerum explicationem oratio re-
 uertatur; quæ ut a fidelibus ignorentur, nullo mo-
 do committendum est. Ac quoniam Apostolus ad- ^{1. ad Cor. 11}
 monet, grauissimum scelus admitti ab ijs, qui non
 diiudicant corpus Domini; hoc in primis doceant
 Pastores, animum atque rationem a sensibus omni
 studio auocandam esse. si enim fideles ea tantum
 in hoc sacramento contineri sibi persuaferint, quæ
 sensibus percipiunt; in summam impietatem ad-
 ducantur, necesse est; cum nihil aliud, præter pa-
 nis, ac uini speciem, oculis, tactu, odoratu, gu-
 stu sentientes, panem tantummodo, ac uinum in
 sacramento esse iudicauerint. Curandum igitur est,
 ut fidelium mentes, quam maxime fieri potest, a
 sensuum iudicio abstrahantur, atque ad immen-
 sam Dei uirtutem, & potentiam contemplan-
 dam excitentur. Tria enim sunt maxime admi-
 randa, atque suscipienda, quæ in hoc sacramento
 uerbis

uerbis consecrationis effici, fides catholica sine ulla dubitatione credit, ac confitetur. Primum est, uerum Christi domini corpus, illud idem, quod natum ex uirgine, in cælis sedet ad dexteram Patris, hoc sacramento contineri. Alterum est, nullam in eo elementorum substantiam remanere; quamuis nihil magis a sensibus alienum, & remotum uideri possit. Tertium est, quod ex utroque facile colligitur, & si uerba consecrationis id maxime exprimunt, accidentia, quæ aut oculis cernuntur, aut alijs sensibus percipiuntur, sine ulla re subiecta esse, mira quadã, atque inexplicabili ratione. Ac panis quidẽ, et uini accidentia omnia licet uidere: quæ tamẽ nulli substantiæ inhaerent, sed per ipsa constant; cum panis, et uini substantia in ipsum Domini corpus & sanguinem ita mutetur, ut panis, & uini substantia omnino esse desinant. Verum, ut prius de primo agatur, conentur Pastores explicare, quam perspicua, et clara sint Saluatoris nostri uerba, quæ corporis eius ueritatẽ in sacramento demonstrant. nam

Matth. 26 cum inquit; Hoc est corpus meum; Hic est sanguis
 Mar. 14 meus: nemo, qui modo sanæ mentis sit, ignorare po
 Luc. 22 test, quid nobis intelligendum sit; præsertim cū de
 humana natura sermo habeatur: quã in Christo uere fuisse, catholica fides dubitare neminem patitur:

S. Hilar. ut uir sanctissimus, atque doctissimus Hilarius præclare scripserit, de ueritate carnis et sanguinis Christi, cum ex ipsius Domini professione, & fide nostra, caro eius uere sit cibus, relictum non esse ambigendi

ambigendi locum. Verum alter præterea locus a
 Pastoribus enucleandus est; ex quo aperte licet co
 gnoscere, uerum Domini corpus, & sanguinem in
 Eucharistia contineri. nam Apostolus posteaquam
 commemorauit panem, & uinum a Domino conse
 cratum, & sacra mysteria apostolis suis administra
 ta esse, subiungit: Probet autem se ipsum homo, *1. ad Cor. 11*
 ac sic de pane illo edat, & de calice bibat: qui enim
 manducat, & bibit indigne, iudicium sibi mandu
 cat, & bibit, non dijudicans corpus Domini. Quod
 si, ut hæretici dictitant, nihil aliud in sacramento
 uenerandum esset præter memoriam & signum pas
 sionis Christi; quid opus erat tam grauibz uerbis
 fideles hortari, ut se ipsos probarent? Graui enim
 illa, **IUDICIUM**, uoce declarauit Apostolus, ne
 farium aliquod scelus ab eo admitti; qui impure su
 mens corpus Domini, quod in Eucharistia occulte
 latet, ab alio ciborum genere non distinguit. quod
 etiam supra in eadem epistola uberius explicauit
 Apostolus his uerbis: Calix benedictionis, cui be- *1. ad Cor. 10*
 nedimus, non ne cōmunicatio sanguinis Christi est?
 & panis, quem frangimus, non ne participatio cor
 poris Domini est? Quæ quidē uerba uerā corporis,
 et sanguinis Christi domini substantiā demonstrant.

Hæc igitur scripturæ loca Pastoribus explicanda
 erunt, atque in primis docendum, nihil in eis du
 bii, aut incerti relictum esse; præsertim cum hæc
 Ecclesiæ Dei sacrosancta auctoritas interpretata
 sit: ad cuius sententiæ cognitionem duplici uia &
 ratione

ratione possumus peruenire. Prima est, cum Patres, qui ab initio Ecclesiae, atque omni deinceps aetate floruerunt, & ecclesiastica doctrinae optimi testes sunt, consulimus. hi uero summo consensu omnes huius dogmatis ueritatem apertissime tradiderunt. quorum singula testimonia asserre, quoniam operosi laboris esset, satis erit pauca notare, uel indicare potius, ex quibus iudicium de ceteris facile fieri poterit. Primus igitur D. Ambrosius fidem suam proferat, qui in libro de ijs, qui initiantur mysterijs, testatus est, uerum Christi corpus in hoc sacramento sumi, sicut uerum ex uirgine sumptum est, idque certissima fide tenendum esse. & alio loco docet, ante consecrationem panem ibi esse, post consecrationem autem carnem Christi. Accedat alter testis D. Chrysostomus, non minoris fidei, & grauitatis: qui quidem cum multis alijs in locis hanc ipsam ueritatem profiteatur, & docet, tum uero praecipue homilia 60. de ijs, qui sacra mysteria impure sumunt, itemque homilia 44. & 45. in sanctum Ioannem: inquit enim: Pareamus Deo, neque contradicamus; licet uel cogitationibus, uel oculis nostris uideatur aduersari, quod dicitur: Ipsius enim sermo infallibilis est; sensus noster facile seducitur. His uero omni-
D. Ambro. ex parte consentiunt, quae D. Augustinus, acerrimus catholicae fidei propugnator, semper docuit, atque in primis titulum psalmi 33. exponens: scribit enim: Portare se in manibus suis, homini
D. Chryso-
stomus. impos-

impossibile est, solique Christo conuenire potest: fe-
rebatur enim ille in manibus suis, quando commen-
dans ipsum corpus suum ait, Hoc est corpus meū.

Ac Cyrillus præterea, Iustinus, & Irenæus adeo
aperte lib. 4. in Ioannem ueram Domini carnem
in hoc sacramento esse affirmat, ut eius uerba nullis
possint fallacibus, & captiosis interpretationibus
obscurari. Quod si Pastores alia etiam Patrum te-
stimonia requirerent, facile erit sanctos Dionysium,
Hilarium, Hieronymum, Damascenum addere,
innumerabilesque alios, quorum de hac re grauif-
simas sententias, doctorum, & piorum hominum
industria, & labore in unum congestas, passim le-
gimus. Altera restat uia, qua sanctæ Ecclesiæ iu-
diciū in ijs, quæ ad fidem pertinent, inuestigare
liceat, contrariæ scilicet doctrinæ, & opinionis
damnatio. At uero constat, semper corporis Chri-
sti ueritatem in sancto Eucharistiæ sacramento, ita
per uniuersam Ecclesiam diffusam, & dissemina-
tam esse, & consentienti uoluntate ab omnibus fi-
delibus receptam, ut, cum ante quingentos annos
Berengarius id negare ausus esset, ibique signum
tantūmodo esse assereret, statim in Vercellensi Con-
cilio, quod Leonis I X. auctoritate conuocatum fue-
rat, omnium sententijs condemnatus, ipse hæresim
suā anathemati addixerit. qui postea cū ad eandem
impietatis insaniam rediisset, tribus alijs Concilijs,
Turonensi, et duobus Romanis, quorum alterū Ni-
colaus I I, alterū Gregorius VII, Pōtiffes Max.

S. Cyrillus
Iustinus, &
Irenæus.

conuo-

Cōcil. Lat.
Constant.
Conc. Flor.
Triden.

S. Diony-
sius.

conuocarunt, damnatus est. Eam postea sententiam Innocentius III. in Concilio Lateranensi magno cōfirmavit: ac deinceps a Florentina, et Tridentina Synodis eiusdem ueritatis fides apertius declarata, ac stabilita est. Hæc igitur si pastores diligenter exposuerint; (ut nihil dicamus de iis, qui erroribus obcæcati, nihil magis, quam ueritatis lucem, oderunt) & infirmos confirmare, & piorum mentes summa quadam lætitia, & uoluptate afficere poterunt; cum præsertim fidelibus dubitare nō liceat, quin inter ceteros fidei articulos huius etiam dogmatis fides comprehendatur. nam cum Dei summam omnium rerum potestatem credunt, et confitentur; credant etiam necesse est, potestatem ei non defuisse maximi huius operis efficiendi, quod in Eucharistiæ sacramento admiramur, & colimus. Deinde cum credunt sanctam Ecclesiam catholicam; necessario sequitur, ut simul credant eam esse, quam explicauimus, huius sacramenti ueritatem. Sed nihil est profecto, quod ad piorum iucunditatem, & fructum addi possit, cum huius altissimi sacramenti dignitatem contemplantur. Primum enim intelligunt, quanta sit euangelicæ legis perfectio, cui datum est, id re ipsa habere, quod signis tantum & figuris Mosaicæ legis tempore adumbratum fuerat. Quare diuinitus dictum est a Dionysio, Ecclesiam nostram mediam esse inter Synagagam, & supremam Hierusalem, ac propterea utriusque participem. Ac profecto satis mirari fideles numquam

numquam poterunt sanctæ Ecclesiæ perfectionem, eiusque gloriæ altitudinem; cum inter eam & cælestem beatitudinem unus tantum gradus interesse uideatur. Hoc enim nobis cum cælitibus commune est, ut utrique Christum Deum, & hominem præsentem habeamus: sed quo uno gradu ab eis distamus, illi præsentem beatam uisionem perfruuntur; nos præsentem, & tamen ab oculorum sensu remotum, sacrorum mysteriorum admirabili integumento se occultantem, firma, & constanti fide ueneramur. Præterea, fideles hoc sacramento Christi Saluatoris nostri perfectissimam charitatem experiuntur. eius enim bonitatem maxime decuit, naturam, quam a nobis sumpserrat, a nobis numquam subtrahere, sed, quantum fieri posset, esse, uersarique nobiscum uelle; ut illud omni tempore uere, & proprie dictum uideretur; *Deliciæ meæ, esse cum filiis hominum.* Prouerb. 8

Iam uero hoc loco a Pastoribus explicandum est, non solum uerum Christi corpus, & quidquid ad ueram coporis rationem pertinet, ueluti ossa, & nervos, sed etiam totum Christum in hoc sacramento contineri. Docere autem oportet, Christum nomen esse Dei & hominis, unius scilicet personæ, in quo diuina, & humana natura coniuncta sit. quare utramque substantiam, & quæ utriusque substantiæ consequentia sunt, diuinitatem, & totam humanam naturam, quæ ex anima & omnibus corporis partibus, & sanguine etiam constat, S comple-

De cōcomi-
tantia par-
tium corpo-
ris Christi
in hoc sa-
cramento.

complectitur: quæ omnia in sacramento esse credendum est. nam cum in celo tota humanitas diuinitati in una persona & hypostasi coniuncta sit; nefas est suspicari, corpus, quod in sacramento inest, ab eadem diuinitate seiunctum esse. In quo tamen Pastores animaduertant, necesse est, non omnia eadem ratione, aut uirtute in hoc sacramento contineri. Quædam enim sunt, quæ ex ui, & efficientia consecrationis in sacramento esse dicimus. nam cum uerba illa efficiant, quidquid significant; id esse in sacramento ex ui sacramenti, diuinarum rerum scriptores appellarunt, quod uerborum forma exprimitur. ita si contingeret, ut aliquid ab alijs rebus omnino seiunctum esset, id solum, quod forma significaret, in sacramento esse, cetera non item esse docuerunt. quædam uero in sacramento continentur, quod illis rebus coniuncta sint, quæ forma exprimuntur. nam cum forma, quæ ad panem consecrandum adhibetur, corpus Domini significet, cum dicitur; Hoc est corpus meum; ipsum Christi domini corpus ex ui sacramenti in Eucharistia erit. At quia corpori sanguis, anima, & diuinitas coniungitur, hæc quoque in sacramento erunt omnia, non quidem ex consecrationis uirtute, sed ut ea, quæ corpori coniuncta sunt. Atque hæc ex concomitantia in sacramento esse dicuntur: quæ ratione totum Christum in sacramento esse perspicuum est. si enim duo aliqua inter se re ipsa coniungantur; ubi unum sit, ibi alterum etiâ esse necesse est. Sequitur itaque, totum

totum Christum usque adeo tam in panis, quam in
 uini specie contineri, ut, quemadmodum in panis
 specie non corpus modo, sed etiam sanguis, & to-
 tus Christus uere inest, sic contra in uini specie non
 solum sanguis, sed corpus, & totus Christus uere
 insit. Sed quamquam hæc ita se habere, omnibus
 fidelibus certum & persuasissimum esse debet: opti-
 mo tamen iure institutum est, ut separatim duæ con-
 secrationes fierent. Primo enim, ut passio Domi-
 ni, in qua sanguis a corpore diuisus est, magis refe-
 ratur: cuius rei causa in consecratione sanguinem
 effusum esse meminimus. Deinde maxime consenta-
 neum fuit, ut, quoniã sacramento ad alendam animã
 utendum nobis erat, tamquam cibus & potus in-
 stitueretur, ex quibus perfectum corporis alimen-
 tum constare perspicuum est. Neque uero illud præ-
 termittendum, non solum in utraque specie, sed in
 quauis utriusque speciei particula totum Christum
 contineri. sic enim Augustinus scriptum reliquit: D. Augu-
stinus.
 Singuli accipiunt Christum dominum, & in singu-
 lis portionibus totus est, nec per singulos minui-
 tur, sed integrum se præbet in singulis. Atque id
 præterea ex euangelistis facile colligi potest. neque
 enim credendum est, singula panis frustra propria
 uerborum forma a Domino consecrata esse, sed ea-
 dem simul omnem panem, qui ad sacra mysteria
 conficienda, atque apostolis distribuenda satis futu-
 rus esset. id quod de calice factum esse apparet,
 cum ipse dixit: Accipite, & diuidite inter uos. Luc. 22

S ij Hæte-

Haftenus quæ explicata sunt, eo pertinent, ut ostendant Pastores, uerum Christi corpus, & sanguinẽ in Eucharistiæ sacramento contineri. Nunc, quod alterum erat propositũ, docebunt, etiã panis et uini substantiam in sacramento post consecrationem non remanere. Hoc uero quamuis maximam admirationem merito habere possit, tamen cum eo, quod prius demonstratum est, necessario coniungitur. Etenim si est uerum Christi corpus sub panis, & uini specie post consecrationem; omnino necesse est, cum ibi antea non esset, hoc uel loci mutatione, uel creatione, uel alterius rei in ipsum conuersione factum esse. At uero fieri non posse constat, ut corpus Christi in sacramento sit, quod ex uno in alium locum uenerit. ita enim fieret, ut a celi sedibus abesset: quoniam nihil mouetur, nisi locum deserat, a quo mouetur. Creari autem corpus Christi minus credibile est, ac ne in cogitationem quidem cadere hoc potest. relinquitur ergo, ut in sacramento sit corpus Domini, quod panis in ipsum conuertatur. quare nulla panis substantia remaneat, necesse est. Hac ratione adducti Patres, & maiores nostri, in Concilijs, Lateranensi magno, & Florentino, huius articuli ueritatem apertis decretis confirmarunt: a Tridentina uero Synodo explicatius ita definitum est: Si quis dixerit in sacrosancto Eucharistiæ sacramento remanere substantiam panis, & uini, una cum corpore, & sanguine domini nostri Iesu Christi; anathema sit. hæc uero ex testimonijs scriptu-

Later. cõc.
Eugenius 4
Decr.
Tridẽ. Syn.

scripturarum facile fuit colligere; primum, quod
 in eius sacramenti institutione ipse Dominus dixit;
 Hoc est corpus meum. uocis enim, HOC, ea uis
 est, ut omnem rei praesentis substantiam demonstraret.
 quod si panis substantia remaneret, nullo modo ue-
 re dici uideretur; Hoc est corpus meum. Deinde
 Christus dominus apud Ioannem, Panis, inquit,
 quem ego dabo, caro mea est pro mundi uita; pa-
 nem uidelicet carnem suam uocans. Ac paulo post
 subiecit; Nisi manducaueritis carnem filij homi-
 nis, & biberitis eius sanguinem, non habebitis
 uitam in uobis. & rursus: Caro mea uere est cibus,
 & sanguis meus uere est potus. Cum ergo tam cla-
 ris, & perspicuis uerbis carnem suam panem, &
 cibum uerum, sanguinem item uerum potum nomi-
 nauerit; satis uidetur declarasse, nullam in sacra-
 mento substantiam panis, & uini remanere. At-
 que hanc perpetuo sanctorum Patrum consentien-
 tem fuisse doctrinam, qui eos euoluerit, facile in-
 telliget. D. quidem Ambrosius ita scribit: Tu forte
 dicis: meus panis est usitatus: sed panis iste, panis
 est ante uerba sacramentorum: ubi accesserit conse-
 cratio, de pane fit caro Christi. quod quidem ut fa-
 cilius probare posset, uaria deinde affert exempla,
 & similitudines. Alibi uero, cum uerba illa inter-
 pretaretur; Omnia, quaecumque Dominus uoluit,
 fecit in calo, & in terra; Licet, inquit, figura pa-
 nis, & uini uideatur, uihil tamen aliud, quam ca-
 ro Christi, et sanguis, post consecrationem creden-

Matth. 26

Mar. 14

Luc. 22

1. ad Cor. 11

Ioan. 6

D. Ambr.

S iij dum

dum est. Atque eisdem fere uerbis eandem sententiam sanctus Hilarius exponens, docuit, quamuis extrinsecus panis, & uinum uideatur, uere tamen corpus, & sanguinem Domini esse. Sed moneant Pastores hoc loco, mirandum non esse, si post consecrationem panis etiam uocetur. hoc enim nomine Eucharistia appellari consuevit; tum quia panis speciem habeat; tum quia naturalem alendi, & nutriendi corporis uim, quæ panis propria est, adhuc retineat. Eam autem esse sacrarum litterarum consuetudinem, ut res ita appellet, cuiusmodi esse uideantur, satis ostendit, quod in Genesi dictum est,

Gen. 18
Ad. 1 tres uiros Abrahamæ apparuisse, qui tamen tres angeli erant. Et duo illi, qui apostolis ascendentem in celum Christo domino apparuerunt, cum essent angeli, uiri dicuntur. Difficillima est omnino huius mysterij explicatio; sed tamen conabuntur Pastores, ijs, qui magis in diuinarum rerum cognitione profecerunt, (nam qui adhuc imbecilliores sunt, uerendum esset, ne rei magnitudine opprimerentur) conabuntur, inquam, tradere huius admirabilis conuersionis modum: quæ ita sit, ut tota panis substantia diuina uirtute in totam corporis Christi substantiam, totaque uini substantia in totam sanguinis Christi substantiam, sine ulla Domini nostri mutatione, conuertatur. neque enim Christus aut generatur, aut mutatur, aut augecit, sed in sua substantia totus permanet. quod mysterium

D. Ambros. cū D. Ambrosius declararet, Vides, inquit, quam opera-

operatorius sit sermo Christi. Si ergo tanta vis est
in sermone domini Iesu, ut inciperent esse, quæ non
erant, mundus scilicet: quâto magis operatorius est,
ut sint, quæ erant, & in aliud cōmutentur? In quâ
sententiâ alij etiâ ueteres, et grauissimi Patres scri-
ptum reliquerunt: D. quidem Augustinus: Fide-
ter fatemur ante cōsecrationem panem esse, et uinū,
quod natura formauit, post cōsecrationem uero car-
nem Christi, et sanguinem, quod benedictio consecra-
uit. Damascenus: Corpus secundum ueritatem cō-
iunctum est diuinitati, corpus ex sancta uirgine;
non quod ipsum corpus assumptum de cælo descen-
dat; sed quod ipse panis, & uinum in corpus &
sanguinem Christi transmutentur. Huius itaque
admirabilis conuersio conuenienter et proprie a san-
cta catholica Ecclesia transubstantiatio est appella-
ta, quemadmodum sacra Tridentina Synodus do-
cuit. Vt enim generatio naturalis, quod forma in
ea mutatur, reſle, & proprie transformatio dici
potest: ita etiam, quod in sacramento Eucharistiæ
tota unius rei substantia in totam alterius rei sub-
stantiam transeat, uerbum transubstantiationis re-
ſle, & sapienter a maioribus nostris inuentum est.

Sed illud sæpiſſime a sanctis Patribus repetitum
fideles admonendi sunt, ne curiosius inquirent,
quo pacto ea mutatio fieri possit. nec enim perci-
pi a nobis potest, nec in naturalibus mutationi-
bus, aut in ipsa rerum creatione eius rei exem-
plum aliquod habemus. Verum, quid hoc sit, fide

D. August.

Damascen-
nus.Sacrosan-
ctum Eucharis-
tiæ sacra-
mentum pie
credendum,
non curio-
se scrutan-
dum.

S uij cogno-

cognoscendum est; quo modo fiat, curiosius non inquirendum. Non minorem uero cautionem Pastores adhibeant, oportet, in eo etiam mysterio explicando, quo modo Christi domini corpus uel in minima panis particula totum contineatur: uix enim umquam huiusmodi disputationes instituendæ erūt: sed tamen, quando Christiana charitas hoc postulauerit, primum quidem meminerint, fidelium animos illa uoce præmunire; Nō erit impossibile apud

Luc. cap. 1 Deum omne uerbum. Deinde uero doceant, Christum dominum in hoc sacramento, ut in loco, non esse. etenim locus res ipsas consequitur, ut magnitudine aliqua præditæ sunt: Christum uero dominum ea ratione in sacramento esse non dicimus, ut magnus aut paruus est, quod ad quātitatem pertinet, sed ut substantia est. substantia enim panis in Christi substantiam, non in magnitudinem, aut quantitatem, conuertitur. nemo uero dubitat, substantiam æque in paruo atque in magno spatio contineri. nam & aeris substantia, tota. eius natura, sic in parua, ut in magna aeris parte, itemque tota aquæ natura non minus in urnula, quam in flumine, insit, necesse est. Cum igitur panis substantiæ, corpus Domini nostri succedat; fateri oportet, ad eundem plane modum in sacramento esse, quo modo panis substantia ante consecrationem. ea uero utrum sub magna, an sub parua quātitate esset, nihil ad rem omnino pertinebat. Tertium restat, quod in hoc sacramento
maxi-

maximum atque admirabile uideatur; quod quidem, iam duobus alijs explicatis, facilius a Pastoribus tractari posse, existimandum est; panis uide licet & uini species in hoc sacramento sine aliqua re subiecta constare. Nam cum antea demonstratum sit, corpus Domini & sanguinem uere in sacramento esse, ita ut nulla amplius subijt panis, & uini substantia; quoniam ea accidentia Christi corpori, & sanguini inherere non possunt; relinquitur, ut supra omnem naturæ ordinem ipsa se, nulla alia renisa, sustentent. Hæc perpetua, & constans fuit catholice Ecclesiæ doctrina; quæ etiam facile eorum testimoniorum auctoritate confirmari poterit, quibus antea planum factum est, nullam residere in Eucharistia panis, aut uini substantiam. Sed nihil magis fidelium pietati conuenit, quam, omiſſis subtilioribus quæſtionibus, huius admirabilis sacramenti maiestatem uenerari, & colere; ac deinde in eo summam Dei prouidentiam suspicere, quod sacrosancta mysteria sub panis, & uini specie administranda instituerit. nam cum a communi hominum natura maxime abhorreat, humanæ carnis esca, aut sanguinis potione uesci; sapientissime fecit, ut sanctissimum corpus et sanguis sub earum rerum specie, panis, inquam, & uini, nobis administraretur, quorum quotidiano, & communi alimento maxime delectamur. Adiuncta uero etiâ sunt duæ illæ utilitates: quarum prima est, quod ab infidelium calumnia liberati sumus; quas facile effugere

S. Gregori-
us Pont.

De multi-
plici & ad-
mirabili
fructu tanti
sacramenti.

effugere non possemus, si Dominum sub propria spe-
cie comedere uideremur: altera est, quod, dum cor-
pus, & sanguinem Domini ita sumimus, ut tamē,
quod uere fit, sensibus percipi non possit, hoc ad fi-
dem in animis nostris augendam plurimum ualet;
quae fidem, ut sancti Gregorij sententia peruulga-
tum est, ibi non habet meritum, ubi humana ratio
præbet experimentum. Hac autem, quæ hætenus
exposita sunt, non nisi magna adhibita cautione,
pro audientium captu, & temporum necessitate
explicanda erunt.

Verum, quæ de huius admirabili sacramenti uir-
tute, & fructibus dici possunt, nullum esse genus
fidelium existimandum est, ad quos earum rerum
cognitio non pertineat, quibus maxime necessaria
uideri non debeat. Vt enim Eucharistiæ utilitatem
fideles intelligant, ob eam potissimum causam, quæ
de hoc sacramento tam multis uerbis disseruntur,
cognoscenda sunt. Sed quoniam immensa eius utili-
tates, & fructus nulla oratione explicari possunt:
unus, aut alter locus a Pastoribus tractandus erit,
ut ostendant, quanta in sacrosanctis illis mysterijs
bonorum omnium copia, & affluentia inclusa sit.
hoc uero aliqua ex parte ita assequuntur, si, omniū
sacramentorum ui, atque natura patefacta, Eu-
charistiam fonti, cetera riuulis comparauerint. ue-
re enim, ac necessario fons omnium gratiarum di-
cenda est, cum fontem ipsum celestium charisma-
tum, & donorum, omniumque sacramentorum
aucto-

auctorem Christum dominum admirabili modo in
 se contineat; a quo tamquam a fonte ad alia sacra-
 menta, quidquid boni, & perfectionis habent, de-
 riuatur. Ex hoc igitur diuinæ gratiæ amplissima
 munera, quæ nobis hoc sacramento impertiuntur,
 facile colligi poterunt. Commode etiam fieri uidebi-
 tur, si panis, & uini natura, quæ huius sacramen-
 ti symbola sunt, perpendatur. nam quos usus cor-
 poris panis, & uinum affert, eos omnes animæ sa-
 luti, & iucunditati, ac meliori quidem ac perfe-
 ctiori ratione, Eucharistiæ sacramentum præ-
 bet. Neque enim hoc sacramentum in substan-
 tiam nostram, ut panis, & uinum, mutatur;
 sed nos quodam modo in eius naturam conuerti-
 mur: ut recte illud D. Augustini ad hunc locum D. August.
 transferri possit: Cibus sum grandium: cresce,
 & manducabis me: nec tu me mutabis in te, si-
 cut cibum carnis tuæ: sed tu mutaberis in me.
 Quod si gratia, & ueritas per Iesum Christum fa- Ioan. 3
 cta est; in animam quoque influat, est necesse,
 cum eum pure, & sancte accipit, qui de se ipso
 dixit; Qui manducat meam carnem, & bibit Ioan. 6
 meum sanguinem, in me manet, & ego in illo.
 nam qui pietatis, & religionis studio affecti hoc
 sacramentum sumunt, nemini dubium esse debet,
 quin ita filium Dei in se admittant, ut eius cor-
 pori tamquam uiua membra inserantur: siquidem
 scriptum est: Qui manducat me, & ipse ui- Ioan. 6
 uet propter me. Item: Panis, quem ego dabo,
 caro

caro mea est pro mundi uita. Quem locum Cyril-
lus dum interpretaretur, inquit: Dei uerbum
uniens se ipsum propriae carni, fecit ipsam uiuifica-
tiuam. Eum ergo decebat miro quodam modo uni-
ri corporibus per sacram eius carnem, pretiosum
sanguinem, quæ accipimus in benedictione uiuifica-
tiua in pane & uino. Verum, quod dicitur Eucha-
ristia gratiam tribui, Pastores admoneant, oportet,
ita intelligendum non esse, perinde ac necesse nõ
sit, ut, qui re ipsa hoc sacramentum utiliter per-
cepturus est, gratiam antea adeptus fuerit. Con-
stat enim, quemadmodum mortuis corporibus na-
turale alimentum nihil prodest, ita etiam animæ,
quæ spiritu non uiuit, sacra mysteria non prodesse.
ac propterea panis, & uini speciem habent, ut
significetur, non quidem reuocandæ ad uitam ani-
mæ, sed in uita conseruandæ causa instituta esse.

Verum hoc ideo dictum est, quoniam prima etiã
gratia (qua omnes præditos esse oportet, ante
quam sacram Eucharistiam ore contingere audeat,
ne iudicium sibi manducent, & bibant) nemini
tribuitur, nisi hoc ipsum sacramentum desiderio,
& uoto percipiant. Est enim omnium sacramento-
rum finis, & ecclesiasticæ unitatis, ac coniunctio-
nis symbolum: neque extra Ecclesiam consequi gra-
tiam ullus potest. Deinde, quoniam, uti corpus
cibo naturali non conseruatur modo, sed etiam au-
getur, gustusq. nouam quotidie ex eo uoluptatem,
& suauitatē percipit: ita etiam sacre Eucharistiæ
cibus

cibus non solum animam sustentat, sed vires illi addit, efficitque ut spiritus diuinarum rerum delectatione magis commoueat: ob eam causam fit, ut gratiam hoc sacramento tribui, recte, & uerissime dicatur. iure enim mannae comparari potest, ex quo omnis saporis suauitas percipiebatur. Remitti uero Eucharistia, & condonari leuiora peccata, quae uenialia dici solent, non est quod dubitari debeat. Quidquid enim cupiditatis ardore anima amisit, dum leui aliqua in re parum offendit, totum Eucharistia, eas ipsas minores culpas abstergens, Sap. 16 restituit: quemadmodum etiã (neque enim a proposita similitudine discedendum uidetur) quod innati caloris ui quotidie detrahitur, ac deperit, paulatim addi, & refici naturali alimento sentimus. Quare merito a diuo Ambrosio de hoc caelesti sacramento dictum est: Iste panis quotidianus sumitur in remedium quotidianae infirmitatis. Verum hæc de ijs peccatis intelligenda sunt, quorum sensu, & delectatione animus non permouetur. Illa præterea in sacris mysterijs uis est, ut nos a criminibus puros, et integros, atque a tentationum impetu incolumes seruet, ac tamquam caelesti medicamento animam præparet, ne alicuius mortiferæ perturbationis ueneno facile infici, ac corrumpi queat. Atque ob eam etiam causam, ut testatur diuus Cyprianus, cum olim a tyrannis fideles ad tormenta, & eadem propter Christiani nominis confessionem uulgo raperentur; ne illi forte dolorum acerbitate

D. Ambros.

S. Cyprianus.

uicti

uicti, in salutari certamine deficerent, uetus in Ecclesia catholica mos fuit, ut eis ab Episcopis Domini corporis, & sanguinis sacramenta præberentur. Sed carnis etiam libidinem cohibet, ac reprimat. dum enim charitatis igne animos magis incendit, concupiscentiæ ardorem restinguat, necesse est. Postremo, ut uno uerbo omnes huius sacramenti utilitates, & beneficia comprehendantur, dicendum est, sacræ Eucharistiæ summam uim esse ad æternam gloriam comparandam. scriptum est enim:

Joan. 6 Qui manducat meam carnem, & bibit meum sanguinem, habet uitam æternam: & ego resuscitabo eum in nouissimo die. Huius uidelicet sacramenti gratia fideles, dum hanc uitam degunt, summa conscientie pace, & tranquillitate perfruuntur; deinde eius uirtute recreati, non secus atque Elias,

3. Reg. 19 qui subcinericij panis fortitudine ambulauit usque ad montem Dei Horeb, cum ex uita emigrandi tempus aduenit, ad æternam gloriam, & beatitudinem ascendant. Hac omnia a Pastoribus latissime explicabuntur, si uel D. Ioannis cap. 6. in quo multiplices huius sacramenti effectus aperiuntur, tractandum sumpserint; uel admiranda Christi domini facta percurrentes, ostenderint, cum eos iure ac merito beatissimos fuisse existimamus, in quorum testam. mortalis receptus est, uel qui illius uestis, aut fimbriæ tactu sanitatem recuperarunt, multo nos beatiores, & feliciores esse, in quorum animam immortali gloria præditus ingredi non

non grauetur, ut eius uulnera sanet omnia, eamque, amplissimis muneribus ornatam, sibi coniungat.

Verum docendum est, a quibus ingentes illi sacrae Eucharistiae fructus, qui modo commemorati sunt, percipi possint, neque unam tantum esse communicandi rationem, ut fidelis populus discat meliora charismata emulari. Recte igitur, & sapienter maiores nostri, ut in Tridentina Synodo legimus, tres huius sacramenti sumendi rationes distinxerunt. Alij enim sacramentum tantum accipiunt, ut peccatores, qui sacra mysteria impuro ore, & corde accipere non uerentur, quos Apostolus ait indigne manducare, & bibere corpus Domini. De his D. Augustinus ita scribit: qui non manet in Christo, & in quo non manet Christus, proculdubio non manducat spiritualiter eius carnem, licet carnaliter, & uisibiliter premat dentibus sacramenta corporis, & sanguinis. Qui itaque hoc modo affecti sacra mysteria accipiunt, non solum ex his nulum capiunt fructum, sed, ipso Apostolo teste, iudiciu sibi manducant, & bibunt. Alii uero spiritu tantummodo Eucharistia sumere dicuntur: ij sunt, qui desiderio, & uoto propositum caelestem illum panem comedunt, fide uiua incensi, quæ per dilectionem operatur: ex quo si non omnes, maximos certe utilitatis fructus consequuntur. Alij denique sunt, qui sacramento, & spiritu sacram Eucharistiam percipiunt; qui cum ex Apostoli doctrina prius se probauerint

De usu & modo sumendi sacramenti: deque preparatione cum animi, tum etiam corporis. Ad Gal. 5

1. ad Cor. 11

D. Augustinus.

1. ad Cor. 11

Ad Gal. 51

1. ad Cor. 11

probauerint, ac ueste nuptiali ornati ad diuinam hanc mensam accesserit, ex Eucharistia capiunt uberrimos illos, quos antea diximus, fructus.

Quare perspicuum est, eos se maximis, & celestibus bonis priuare, qui cum ad corporis Domini sacramentum etiam sumendum parati esse possint, satis habent spiritu tantum sacram communionem accipere. Sed iam docendum est, qua ratione pręparatos fidelium animos esse oporteat, ante quam ad sacramentalē Eucharistię perceptionem ueniant.

Ac primum quidem ut pateat, eam pręparationē maxime necessariam esse, Saluatoris nostri exemplum proponendum est. Nam ante quam apostolis pretiosi corporis, & sanguinis sui sacramenta daret, quamuis iam mundi essent, pedes eorum lauit; ut declararet omnem diligentiam adhibendam esse, ne quid nobis ad summam animi integritatem, & innocentiam desit, cum sacra mysteria percepturi sumus. Deinde uero fideles intelligant, quemadmodum, si optime affecto, & pręparato animo Eucharistiam aliquisumat, amplissimis cęlestis gratię muneribus ornatur, ita contra, si imparatus accipiat, nō solum nihil commodi, sed maxima etiam incommoda, & detrimenta eum accipere. Optimis enim rebus, & maxime salutaribus hoc proprium est, ut, si in tempore ijs utamur, uehementer profint; sin alieno tempore adhibeantur, perniciem, & exitium afferant. Quare mirandū non est, ingentia quoque, & pręclarissima Dei dona

Ioan. 13

dona, cum bene constituto animo accipiuntur, ad
 celestem gloriam consequendam maximo nobis ad-
 iumento esse; at uero, cum ijs nos ipsos indignos
 præbemus, sempiternam mortem afferre. Id uero
 arce Domini exemplo comprobatur. arca enim fæ-
 deris, qua nihil præstantius Israeliticus populus
 habuit, cui etiam per illam maxima, & innume-
 rabilia beneficia Dominus tribuerat, a Philisteis
 ablata summam illis pestem, & calamitatem cum
 eterno dedecore coniunctam importauit. sic etiam
 cibi, qui ore accepti in stomachum bene affectum il-
 labuntur, corpora alunt, & sustentant, qui uero
 in stomachum uitiosis humoribus plenum infundi
 solent, graues morbos efficiunt. Primam itaque il-
 lam præparationem fideles adhibeant, ut discernant
 mensam a mēsa, hanc sacram ab alijs profanis, cele-
 stem hunc panem a communi. atque hoc fit, cum
 certo credimus præsens esse uerum corpus, & san-
 guinem Domini, quem in celo angeli adorant, ad
 cuius nutum columnæ celi contremiscunt, & pa-
 uent, cuius gloria plenum est calum, & terra.
 Hoc nimirum est diiudicare corpus Domini, quod
 Apostolus admonuit: cuius tamen mysterij ma-
 gnitudinem uenerari potius oportet, quam in dispu-
 tationibus eius ueritatem curiosius perquirere. Al-
 tera uero illa præparatio maxime necessaria est, ut
 unusquisque a se ipso querat, num pacem cum alijs
 habeat, num proximos uere atque ex animo dili-
 gat. Si ergo offers manus tuas ad altare, & ibi

1. Reg. 5

Iob 26

1. ad Cor. 10

Math. 9

T recor-

recordatus fueris quia frater tuus habet aliquid aduersum te, relinque ibi munus tuum ante altare, & uade prius reconciliari fratri tuo, & tunc ueniens offeres munus tuum. Deinde conscientiam nostram scrutari diligenter debemus, ne forte exitiali aliquo peccato contaminati simus, cuius penitere necesse sit; ut prius contritionis et confessionis medicamento illud eluatur. definitum est enim a Sancta Tridentina Synodo, nemini licere, quem mortalis peccati conscientia stimulet, si sacerdotis facultas data sit, ante quam se sacramentali confessione purgarit, quantumuis sibi contritus esse uideatur sacram Eucharistiam accipere. Præterea, tacitum animis nostris cogitemus, quam indigni simus, quibus diuinum hoc beneficium a Domino tribuatur: quare illud Centurionis, de quo idem ipse Saluator testatus est, se non inuenisse tantam fidem in Israel, ex animo dicendum est: Domine, non sum dignus, ut intres sub tectum meum. Exquiramus etiam a nobis ipsis, an illud Petri usurpare nobis liceat: Domine tu scis, quia amo te. Meminisse enim oportet, eum, qui sine ueste nuptiali in Domini conuiuio accubuerat, in tenebrosam carcerem coniectum, sempiternis pœnis addictum fuisse. Neque uero animi solum, sed etiam corporis præparatione opus est. nam ieiuni ad sacram mensam accedere debemus, ita ut saltem a dimidia antecedentis diei nocte, usque ad illud temporis punctum, quo Eucharistiam accipimus, nihil omnino comederimus, aut biberi

Trid. Syn.

Matth. 8

Ioan. 21

biberimus. Postulat etiam tanti sacramenti dignitas, ut, qui matrimonio iuncti sunt, aliquot dies a concubitu uxorum abstineant, Davidis exemplo admoniti, qui cum panes propositionis a sacerdote accepturus esset, purum se, & pueros suos ab uxorum consuetudine tres ipsos dies esse professus est. Hæc fere sunt, quæ maxime observari a fidelibus oportet, ut se ad sacramysteria utiliter accipienda antea parent. reliqua enim, quæ hac in re providenda esse uideantur, ad hæc ipsa capita facile redigi poterunt.

Sed ne forte aliqui segniores ad hoc sacramentum percipiendum reddantur, quod tantam præparationem adhibere graue admodum, & difficile ducant; fideles sæpe admonendi sunt, omnibus eam legem propositam esse, ut sacram Eucharistiam accipiant. Præterea constitutum est ab Ecclesia, ut, qui semel saltem singulis annis in Pascha non communicae- rit, ab ecclesia arceatur. Neque tamen fideles hoc satis habeant, se, huius decreti auctoritati obtemperantes, semel tantummodo corpus Domini quotannis accipere; uerum sæpius iterandam Eucharistiæ communionem existiment. Vtrum autem singulis mensibus, uel hebdomadis, uel diebus id magis expediat, certa omnibus regula præscribi non potest. uerûtamen illa est sancti Augustini norma certissima; Sic uiue, ut quotidie possis sumere. Quare Parochi partes erunt, fideles crebro adhortari, ut, quemadmodum corpori in singulos dies alimentum

Euchari-
stia sacra-
mentum
quâdo, quæ-
ties, & a
quibus su-
mendum.
Cõcil. Lat.

D. August.

T ij submi-

subministrare necessarium putant : ita etiam quotidie hoc sacramento alendæ , & nutriendæ animæ curam non abijciant . neque enim minus spiritali cibo animam , quā naturali corpus , indigere perspicuum est . Vehementer autē proderit hoc loco repetere maxima illa , & diuina beneficia , quæ , ut antea demonstratum est , ex Eucharistiæ sacramentali communionione consequimur . Illa etiam figura erit addenda , cum singulis diebus corporis uires manna reficere oportebat ; itemque sanctorum Patrum auctoritates , quæ frequentem huius sacramenti perceptionem magnopere commendant . neque enim

Exed. 16 unius sancti patris Augustini ea fuit sententia :
D. Augustinus . Quotidie peccas , quotidie sume . sed , si quis diligenter attenderit , eundem omnium Patrum , qui de hac re scripserunt , sensum fuisse , facile compertiet . Ac tempus quidem olim fuisse , cum fideles

AA. quotidie Eucharistiam acciperent , ex apostolorum Actis intelligemus . omnes enim , qui tunc Christianam fidem profitebantur , uera & sincera charitate ita ardebant , ut , cum sine intermissione orationibus , & alijs pietatis officijs uacarent , quotidie ad sacra Dominici corporis mysteria sumenda parati inuenirentur . Eam postea consuetudinem , quæ

**S. Anacle-
tus Papa.** intermitteri uidebatur , Anacletus , sanctissimus martyr , & Pontifex , aliqua ex parte renouauit : præcepit enim , ut ministri , qui Missæ sacrificio interessent , communicarent ; quod ab apostolis constitutum esse affirmaret . Diu etiam in Ecclesia ille

mos

mos fuit, ut sacerdos, peracto sacrificio, cum Eucharistiam sumpisset, ad populum, qui aderat, conuerfus, his uerbis ad sacram mensam fideles inuitaret: *Venite fratres ad communionem. tunc qui parati erant, summa cum religione sacrosancta mysteria sumebant. Sed cum deinde charitas, & pietatis studium adeo refrixisset, ut raro admodum ad communionem fideles accederent; sancitum est a Fabiano* S. Fab. papa *Pontifice, ut ter quotannis, Natali Domini, et Resurrectione, & Pentecoste omnes Eucharistiam sumerent. id quod postea a multis Concilijs, praesertim uero ab Agathensi primo confirmatum est. Ad extremum, cum eo res adducta esset, ut non modo* Agathensi. & Conc. *sancta illa & salutaris praecipio non seruaretur, sed in plures etiam annos sacrae Eucharistiae communicatio differretur; decretum est in Lateranensi Concilio, ut semel ad minus singulis annis in Pascha fideles omnes sacrum Domini corpus acciperent; qui uero id facere neglexissent, Ecclesiae aditu prohiberentur. Verum quamuis haec lex, Dei, & Ecclesiae auctoritate sancita, ad omnes fideles pertineat; docendum est tamen eos excipi, qui nondum rationis usum propter aetatis imbecillitatem habent. hi enim neque sacram Eucharistiam a profano et comuni pane sciunt discernere, neque ad eam accipiendam pietatem annui, & religionem asferre possunt. atque id etiam a Christi domini institutione alienissimum uidetur: inquit enim: Accipite, &* Matth. 26 *comedite. Infantes autem idoneos non esse, qui*

T iij acci-

accipiant, & comedant, satis constat. *Vetus quidem illa fuit in quibusdam locis consuetudo, ut infantibus etiam sacram Eucharistiam præberent: sed tamen tum ob eas causas, quæ ante dicta sunt, tum ob alias, Christiana pietati maxime consentaneas, iamdiu eiusdem Ecclesiæ auctoritate id fieri desit. Quæ uero ætate pueris sacra mysteria danda sint, nemo melius constituere poterit, quàm pater, & sacerdos, cui illi confitentur peccata. ad illos enim pertinet explorare, & a pueris percunctari, an huius admirabilis sacramenti cognitionem aliquam acceperint, & gustum habeant. Amentibus præterea, qui tunc a pietatis sensu alieni sunt, sacramenta dare minime oportet: quamuis, si, ante quam in insaniam inciderint, piam, & religiosam animi uoluntatem præsetulerunt, licebit eis in fine uitæ, ex Concilij Carthaginensis decreto, Eucharistiam administrare; modo uomitionis, uel alterius indignitatis, & incommodi periculum nullum timendum sit. Quod uero ad communicandi ritum pertinet, doceant Parochi, sanctæ Ecclesiæ lege interdictum esse, ne quis sine ipsius Ecclesiæ auctoritate, præter sacerdotes, corpus Domini in sacrificio conficientes, sub utraq. specie sacram Eucharistiam sumat. nam, Trid. Syn. ut a Tridentina Synodo explicatum est, quamuis Christus dominus in ultima cena altissimum hoc sacramentum in panis, & uini speciebus instituerit, & apostolis tradiderit: ex eo tamen non efficitur, hanc legem a Domino saluatore constitutam esse;*
 at

ut omnibus fidelibus sacra mysteria sub utraque specie administranda sint. Etenim idem Dominus noster cum de hoc sacramento loqueretur, alterius tantum speciei sæpius meminit, ut cum inquit: Si quis ^{Ioan. 6} manducauerit ex hoc pane, uiuet in æternum: & Panis quem ego dabo, caro mea est pro mundi uita: & Qui manducat hunc panem, uiuet in æternum. Multis uero, & ijs quidem grauissimis rationibus adductam esse Ecclesiam patet, ut hanc potissimum sub altera specie communicandi consuetudinem non solum approbaret, sed etiam decreti auctoritate firmaret. Primum enim maxime cauendum erat, ne sanguis Domini in terram funderetur: quod quidē facile uitari posse non uidebatur, si in magna populi multitudine eum ministrari oportuisset. Præterea, cum sacra Eucharistia agrotis præsto esse debeat, magnopere timendum erat, ne, si diutius uini species asseruaretur, coaceret. Permulti præterea sunt, qui uini saporem, ac ne odorem quidem perferre ullo modo possint. Quare ne, quod spiritualis salutis causa dandum est, corporis ualitudini noceret, prudentissime sancitum est ab Ecclesia, ut panis tantummodo speciem fideles acciperent. Accedit ad alias rationes; quod in pluribus provincijs summa uini penuria laboratur: neque id aliunde, sine maximis impensis, ac non nisi longissimis, & difficillimis itineribus, conuehi potest. Deinde, quod maxime omnium ad rem pertinet, conuellenda erat eorum hæresis, qui

T iij nega-

negabant sub utraq. specie totum Christum esse, sed corpus tantum ex angue sub panis, sanguinem autem sub uini specie contineri asserebant. *Ut igitur fidei catholicae ueritas magis ante omnium oculos poneretur, sapientissimo consilio alterius speciei, hoc est panis communio inducta est. Sunt & aliae rationes, ab ijs collectae, qui de hoc argumento disserunt; quae, si opus esse uidebitur, a Parochis afferri poterunt. Iam de ministro, quamuis id a nemine fere ignorari possit, agendum est, ne quid praetermissum sit, quod ad huius sacramenti doctrinam pertinere uideatur. itaque tradendum est, solis sacerdotibus potestatem datam esse, ut sacram Eucharistiam conficiant, ac fidelibus distribuunt. eum autem morem in Ecclesia semper seruatum esse, ut fidelis populus a sacerdotibus sacramenta acciperet, sacerdotes autem sacra facientes ipsi se communicarent, sancta Tridentina Synodus explicauit; ostenditque hanc consuetudinem, tamquam ab apostolica traditione profectam, religiose retinendam esse; cum praesertim huius rei illustre nobis exemplum Christus dominus reliquerit, qui & sanctissimum corpus suum consecrauit, & apostolis suis manibus porrexerat. Verum, ut quacumque ratione tanti sacramenti dignitati consuleretur, non modo eius administrandi potestas solis sacerdotibus data est, sed lege etiam Ecclesia uetuit, ne quis, nisi consecratus esset, sacra uasa, lintea, & alia instrumenta, quae ad illius confectionem necessaria sunt, tractare aut tangere*

Trid. Syn.

Matth. 26

Mar. 14

tangere auderet; modo gravis aliqua necessitas non incideret. Ex quo tum sacerdotes ipsi, tum reliqui fideles intelligere possunt, quanta religione, & sanctitate præditos esse oporteat, qui ad Eucharistiam uel consecrandam, uel administrandam, uel sumendam accedunt. Quamquam, quod antea de ceteris sacramentis dictum est, ea non minus per improbos administrari, si, quæ ad illorum perfectam rationem attinent, rite seruentur, idem ualet in Eucharistie sacramento. neque enim hæc omnia ministrorum merito niti, sed Christi domini uirtute, & potestate gerendum est. Hæc sunt, quæ de Eucharistia, ut sacramentum est, explicanda erunt.

Nunc, quod restat dicendum, ut sacrificium est, explanare oportet; ut intelligant Parochi, quæ potissimum de hoc mysterio, quemadmodum sancta Synodus decreuit, Dominicis & festis diebus fidei populo tradere debeant. Etenim hoc sacramentum non solum thesaurus est celestium diuitiarum; quo si bene utamur, Dei gratiam nobis conciliamus, & amorem: sed in eo præcipua quædam ratio inest, quæ ei pro immensis in nos collatis beneficiis aliquam gratiam referre possimus. At uero hæc uictima si rite, & legitime immoletur, quam grata, & accepta Deo sit, ex hoc colligitur. Si enim ueteris legis sacrificia, de quibus scriptum est; *Sacrificium, & oblationem noluisti: & iterum; Si uoluisses, sacrificium dedissem: utique holocaustis non delectaberis: ita placuerunt Domino, ut scriptura Deum* Trid. syn.

odora-

Math. 3. 17

odoratum esse odorem suauitatis, idest grata ei et accepta fuisse, testetur: quid nobis sperandum de eo sacrificio, in quo ille ipse immolatur, atque offertur, de quo celestis uox bis audita est; Hic est filius meus dilectus, in quo mihi bene complacui? Hoc igitur mysterium Parochi diligenter exponet; ut, cum fideles ad rem diuinam conuenerint, attente, & religiose sacra illa, in quibus intersunt, meditari discant. In primis autem docebunt, Eucharistiam duabus de causis a Christo domino institutam esse. altera est, ut celeste animæ nostræ alimentum esset, quo uitam spiritualem tueri, & conseruare possemus: altera, ut Ecclesia perpetuum sacrificium haberet, quo peccata nostra expiarentur, et celestis pater, sceleribus nostris sæpe grauitè offensus, ab ira ad misericordiam, a iustæ animaduersionis seueritate ad clementiam traduceretur. Huius rei figuram, & similitudinem in agno Paschali licet animaduertere, qui ut sacrificium & sacramentum a filiis Israel offerri, & comedi consueuerat. Nec uero, cum Saluator noster Deo patri se ipsum in ara crucis oblaturus esset, ullam suæ erga nos immensæ charitatis illustriorem significationem dare potuit, quam cū nobis uisibile sacrificium reliquit, quo cruentum illud, semel in cruce paulo post immolandum, instauraretur, eiusque memoria usque in finem sæculi quotidie summa cum utilitate ab Ecclesia per uniuersum orbem diffusa coleretur. Differunt autem plurimum inter se hæc duæ rationes. sacramentum

mentum enim consecratione perficitur : omnis uero sacrificij uis in eo est , ut offeratur . Quare sacra Eucharistia , dum in pyxide continetur , uel ad aegrotum defertur , sacramenti , non sacrificij rationem habet : deinde etiam , ut sacramentum est , ijs , qui diuinam hostiam sumunt , meriti causam affert , & omnes illas utilitates , quæ supra commemorata sunt : ut autem sacrificium est , non merendi solum , sed satisfaciendi quoque efficientiam continet . nam ut Christus dominus in passione sua pro nobis meruit , ac satisfecit : sic qui hoc sacrificium offerunt , quo nobiscum communicant , Dominicæ passionis fructus merentur , ac satisfaciunt . Iam , de huius sacrificij institutione nullum ambigendi locum sancta Tridēta Synodus reliquit : declarauit enim , Tridē. Syn. in extrema cena a Christo domino institutum esse ; simulque anathemate eos damnauit , qui asserant , uerum & proprium sacrificium Deo non offerri , Eiusd. Syn. aut , offerre , nihil aliud esse , quam Christum ad manducandum dari . Nec uero illud pratermisit , Eiusd. Syn. quin diligenter explicaret , uni Deo sacrificium fieri . nam etsi Ecclesia interdum Missas in memoriam , & honorem sanctorum celebrare consueuit ; non tamen illis sacrificium , sed uni Deo , qui Sanctos immortalī gloria coronauit , offerri docuit . Quare nec sacerdos umquam dicere solet ; Offero tibi sacrificium , Petre , uel Paule ; sed , dum uni soli Deo immolat , gratias illi agit pro beatissimorum martyrum insigni uictoria ; eorumque
patra-

patrocinium ita implorat, ut ipsi pro nobis intercedere dignentur in cælis, quorum memoriam facimus in terris. Hæc autem, quæ de huius sacrificij ueritate a catholica Ecclesia tradita sunt, ex Domini uerbis accepit; cum extrema illa nocte hæc ipsa

Luc. 26 *sacra mysteria apostolis commendans, Hoc facite,*
1. ad Co. 11 *inquit, in meam commemorationem. Eos enim,*

Cōc. Trid. *quemadmodum a sancta Synodo definitum est, tunc sacerdotes instituit, præcepitque, ut ipsi, & qui eis in sacerdotali munere successuri essent, corpus eius immolarent, & offerrent. atque id etiam Apostoli uerba ad Corinthios scripta satis demonstrant, cum ait: Non potestis calicem Domini bibere, & calicem demoniorum: non potestis mensæ Domini participes esse, & mensæ demoniorum. Vt enim pro demoniorum mensa altare, in quo eis immolabatur, intelligendum est: ita etiam (ut, quod Apostolus proponit, probabili argumentatione concludatur) mensa Domini nihil aliud, nisi altare, in quo sacrificium Domino fiebat, significare potest.*

Euchari-
stia sacri-
cium figu-
ris & pro-
phetiis ue-
teris testa-
menti præ-
dictum.

Quod si ex ueteri testamento huius sacrificij figuras, & oracula requiramus: primum quidem de eo Malachias apertissime uaticinatus est, his uerbis: *Ab ortu solis usque ad occasum magnum est nomen meum in gentibus; et in omni loco sacrificatur; & offertur nomini meo oblatio munda: quia magnum est nomen meum in gentibus, dicit Dominus exercituum. Præterea, hæc hostia tam ante, quam post latam legem, uarijs sacrificiorum generibus prænun-*

prænnunciata est. Etenim bona omnia, quæ ihs sacri-
ficijs significabantur, hæc una uictima, tamquam
omnium perfectio, & absolutio, complexa est. Ve-
rumtamen nulla in re eius imaginem magis expres-
sam licet uidere, quàm in Melchisedec sacrificio. ipse
enim Saluator sacerdotem secundum ordinem Melchise-
dec se in æternum constitutum declarans, corpus, &
sanguinem suum in extrema cena sub speciebus panis,
& uini Deo patri obtulit. Vnum itaq. & idem sacri-
ficiū esse fatemur, & haberi debet, quod in Missa
peragitur, et quod in cruce oblatum est: quemadmodum
una est, & eadem hostia Christus, uidelicet domi-
nus noster, qui se ipsum in ara crucis semel tantum-
modo cruentum immolauit. neque enim cruenta,
& incruenta hostia, duæ sunt hostiæ, sed una tan-
tum: cuius sacrificium, postquam Dominus ita præ-
cepit; Hoc facite in meam commemorationem; in
Eucharistia quotidie instauratur. Sed unus etiam,
atque idem sacerdos est Christus dominus. nam mi-
nistri, qui sacrificium faciunt, non suam, sed Chri-
sti personam suscipiunt, cum eius corpus & sangui-
nem conficiunt. id quod & ipsius consecrationis uer-
bis ostenditur. neque enim sacerdos inquit; Hoc
est corpus Christi; sed, Hoc est corpus meum:
personam uidelicet Christi domini gerens, panis,
& uini substantiam, in ueram eius corporis, &
sanguinis substantiam conuertit. Quæ cum ita
sint; sine ulla dubitatione docendum est, id quod
etiam sancta Synodus explicauit, sacrosanctum
Missæ

Ad Heb. 7

Luc. 22

1. ad Cor. 11

Missæ sacrificium esse non solum laudis, & gratiarum actionis, aut nudam commemorationem sacrificij, quod in cruce factum est, sed uere etiam propitiatorium sacrificium, quo Deus nobis placatus, & propitius redditur. Quare si puro corde, & accensa fide, & intimo nostrorum scelerum dolore affecti hanc sanctissimam hostiam immolemus, & offeramus; dubitandum non est, quin misericordiâ a Domino consecuturi simus, & gratiam in auxilio opportuno. huius enim uictimæ odore ita delectatur Dominus, ut gratiæ, & penitentiæ donum nobis impertiens peccata condonet. Quamobrem & sollemnis est illa Ecclesiæ precatio; Quoties huius hostiæ commemoratio celebratur, toties opus nostræ salutis exercetur: nimirum uberrimi illi cruentæ hostiæ fructus per hoc incruentum sacrificium ad nos manât. Deinde uero huius sacrificij eam uim esse, Parochi docebunt, ut non solum immolanti, & sumentî profit, sed omnibus etiam fidelibus, siue illi nobiscum in terris uiuant, siue, iam in Domino mortui, nondum plane expiati sint. Neque enim minus ex apostolorum certissima traditione pro his utiliter offertur, quam pro uiuorum peccatis, pœnis, satisfactionibus, ac quibusuis calamitatibus, et angustiis. Ex quo facile perspicitur, omnes Missas cômunes censendas esse, ut quæ ad communem omnium fidelium utilitatem, & salutem pertineant. Habet autem hoc sacrificiû multos, eosq. maxime insignes, ac sollemnes ritus, quorum nullus superuacaneus, aut inanis

Ad Hebr. 4

Trid. Syn.

inanis existimandus est; uerum omnes eo spectant, ut et tanti sacrificij maiestas magis eluceat, et salutaribus mysterijs intuentis ad rerum diuinarum, quæ in eo sacrificio occultæ sunt, cõtemplationem fideles excitentur. Sed de his nihil est ut plura dicamus; tum quia hoc argumentum longiorem explicationem postulare uidetur, quã propositæ institutioni conueniat; tum quia innumerabiles pene libellos, et cõmentarios, qui de hac re a pijs et doctissimis uiris conscripti sunt, sacerdotes in promptu habebunt. Hactenus igitur satis fuerit, earum rerum, quæ ad Eucharistiam, tum quia sacramentum, tum quia sacrificium sit, pertinent, potiora capita, iuuante Domino, exposuisse.

DE PAENITENTIAE SACRAMENTO.

*U*t eademmodum humanæ naturæ fragilitas, & imbecillitas omnibus nota est, eamque in se ipso quisque facile experitur: ita, quantã habeat necessitatem paenitentiae sacramentum, ignorare nemo potest. Quod si diligentiam, quæ a Parochis in unoquoque argumento adhibenda est, ex rei, quã tractant, magnitudine, & pondere metiri oportet: omnino fatebimur, eos numquã in huius loci explicatione adeo diligentes futuros esse, ut satis uideri possit: quin etiã de hoc sacramento, quã de baptismo, eo accuratius agendum est, quod baptismus semel tantum administratur, nec iterari potest; paenitentiae uero toties locus datur, eiusque repetendæ toties necessitas imposita est, quoties post baptismum peccare cõtingat.

ita

Trid. Syn. ita enim a Tridentina Synodo dictum est, sacramen-
tum penitentiae non secus lapsis post baptismum, ac
baptismum nondum regeneratis, ad salutem neces-
sarium esse: uulgataq. illa sancti Hieronymi sen-
tentia ab omnibus, qui deinceps res sacras tradide-
runt, magnopere comprobatur, penitentiam esse
secundam tabulam. Vt enim, con fracta naui,
unum uitae seruandae perfugium reliquum est, si for-
te tabulam aliquam de naufragio liceat arripere:
ita, post amissam baptismi innocentiam, nisi quis
ad penitentiae tabulam confugiat, sine dubio de
eius salute desperandum est. Haec autem non ad Pa-
stores solum, sed ad reliquos etiam fideles excitan-
dos dicta sint; ne forte in eis rei maxime necessariae
incuria reprehendatur. Primum enim communis
fragilitatis memores omni studio optare debent, ut
diuina ope adiuti, sine casu, aut prolapsione aliqua
in uia Domini progredi possint. quod si nonnumquam
offenderint, tum uero summam Dei benignitatem
intuentes, qui tamquam bonus pastor ouium sua-
rum uulnera obligare, eisque mederi solet, hoc sa-
luberrimum penitentiae medicamentum numquam
in aliud tempus differendum esse cogitant.

De propria
penitentiae
significatio
ss.

Vt autem rem ipsam aggrediamur, prius expli-
canda est uaria huius nominis potestas, & notio;
ne aliquis ambiguitate uocis in errorem inducatur.
Nonnulli enim penitentiam pro satisfactione acci-
piunt. Alij, a catholica fidei doctrina longissime re-
moti, cum arbitrentur penitentiam nullam temporis
prae-

præteriti rationem habere, nihil aliud, quā nouam uitam, esse definiunt. Docendum est igitur, multiplicem esse huius nominis significationem. Primum enim pænitentia de ijs dicitur, quibus aliquid displicet, quod ante placuerit, nulla habita ratione huius cogitationis, bonum ne an malum fuerit. Sic omnes pænitet, quorum tristitia secundum seculum est, non secundum Deum: cuiusmodi pænitentia non salutem affert, sed mortem. Altera est pænitétia, cum quis ex scelere admissio, quod quidem antea placebat, dolorem non Dei, sed sui ipsius causa concipit. Tertia est, cum non solum admissi sceleris causa intimo animi sensu dolemus, uel eius doloris externum etiam aliquod signum damus, uerum unius Dei causa in eo mœrore sumus. Ac singulis quidem pænitiæ generibus, quæ commemorata sunt, pænitiæ uox proprie conuenit. nam cum in sacris litteris Deum pænitere legimus, id per translationem dici perspicuum est. eo enim loquendi genere, quod ad hominum mores accommodatum est, sacræ litteræ utuntur, cum Deum mutare aliquid constituisse declarant: quod non aliter facere uideatur, quam homines; quos si alicuius rei pæniteat, eam commutare omni studio laborant. Sic ergo scriptum est, pænituisse eum, quod hominem fecisset. & alio loco, quod Saul regem constituisset. Verum inter has pænitiæ significationes magnum discrimen obseruare oportet. Prima enim in uitio ponenda est: altera est quedam commoti, & perturbati
 V animi

1. Cor. 7

Gen. 6
1. Reg. 15
Psal. 105

Hierem. 26

Gen. 6
1. Reg. 15

animi affectio: tertiam tum ad uirtutem pertinere, tum sacramentum esse dicimus. quæ significatio huius loci propria est. ac primum quidem de ipsa, ut uirtutis parte, agendum est; non solum, quia fidelis populus ad omne uirtutis genus institui a Pastoribus debet; sed etiam, quia huius uirtutis actiones tamquam materiam præbent, in qua penitentiae sacramentum uersatur; ac nisi prius, quæ sit penitentiae uirtus, recte intelligitur, sacramenti etiam uim ignorari necesse est. Quare in primis monendi, hortandique sunt fideles, ut omni contentione, & studio in intima animi penitentia, quam uirtutem dicimus, elaborent; sine qua ea, quæ extrinsecus adhibetur, parum admodum profutura est. Intima autem penitentia est illa, cum ad Deum nos ex animo conuertimus, & commissa a nobis scelera detestamur, & odio habemus; simulque illud nobis certum, & deliberatum est, malam uitæ consuetudinem, corruptosque mores emendare, non sine spe ueniæ a Dei misericordia consequendæ. Hanc uero dolor, & tristitia, quæ perturbatio, & affectio est, & passio a multis uocatur, consequitur, ueluti comes peccatorum, detestationi adiuncta. quamobrem apud complures ex sanctis Patribus penitentiae definitio huiusmodi animi cruciatu declaratur. Verum in eo, quem penitet, fides penitentiam antecedit, necesse est. neque enim potest quisquam se ad Deum conuertere, qui fide careat. ex quo fit, ut nullo modo penitentiae pars recte dici possit.

nota, collige
hanc sententiam
na penitentia

possit. Quod autem intima hæc pænitentia, ut antea diximus, ad uirtutem pertineat, aperte ostendunt multa, quæ de pænitentia tradita sunt, præcepta. Lex enim de ijs tantum actionibus, quæ suscipiuntur cum uirtute, præcipit. Negare præterea nemo potest, quin dolere, quando, quo modo, & quatenus oportet, uirtutis sit. hoc autem ut recte fiat, pænitentiae uirtus præstat. Interdum enim euenit, ut ex admissis sceleribus minorem, quam par est, dolorem homines capiant. quin etiam, ut a Salomone scriptum est, nonnulli sunt, qui, cum malefecerint, letantur. rursus uero alij ita se mærori animi, & ægritudini dedunt, ut de salute etiam prorsus desperent: qualis fortasse Caim uideri potest, qui ait; Maior est iniquitas mea, quam ut ueniam merear: & qualis certe Iudas fuit, qui pænitentia ductus, suspendio uitam, & animam amisit. Vt igitur modum in dolore tenere possimus, pænitentiae uirtute adiuuamur. Sed idem etiam ex ijs rebus colligi potest, quas sibi tamquam finem proponit is, quem uere peccati pænitet. Primum autem hoc ei propositum est, ut peccatū aboleat, omnemque animæ culpam, & maculam abstergat. Alterum est, ut pro sceleribus admissis Deo satisfaciat: quod quidem ad iustitiā referri perspicuum est. nam etsi inter Deum & homines propria iustitiæ ratio intercedere non potest, cum tam longo interuallo inter se distent: aliquam tamen esse iustitiam constat, cuius modi est inter patrem, & filios, inter dominum,

Prouer. 2

Gen. 4

Matth. 27

V ij & ser-

& seruos. Tertium est, ut homo in Dei gratiam redeat, in cuius offensionem, & odium propter peccati scditatem incurrit. Hæc uero omnia satis declarant, pœnitentiam ad uirtutem spectare.

Quibus
uijs ad uir-
tutem Pœni-
tentia per-
ueniatur.

Sed docendum est etiam, quibus gradibus ad hanc diuinam uirtutem liceat ascendere. Primum itaque Dei misericordia nos præuenit, cordaque nostra ad se conuertit. Quod cum precaretur Propheta; Conuerte, inquit, nos Domine ad te, & conuertemur. Deinde hoc lumine illustrati, per fidem ad Deum animo tendimus. Credere enim oportet accedentem ad Deum, ut Apostolus testatur, quia est, & inquirentibus se remunerator sit. Præterea motus timoris consequitur; & suppliciorum acerbitate proposita, animus a peccatis reuocatur. atque huc uidentur spectare illa Isaia uerba; Sicut quæ concipit, cum appropinquauerit ad partum, dolens clamat in doloribus suis; sic facti sumus. Huc deinde accedit spes impetranda a Deo misericordiae, qua erecti uitam, & mores emendare constituimus. Postremo charitate corda nostra accenduntur, ex qua liberalis ille timor, probis, & ingenuis filiis dignus, oritur; atque ita unum illud ueriti, ne qua in re Dei maiestatem lædamus, peccandi consuetudinem omnino deserimus. Hisce igitur quasi gradibus ad hanc præstantissimam pœnitentiæ uirtutem peruenitur: quæ prorsus diuina & caelestis uirtus existimanda est; cui scilicet regnum calorum sacræ litteræ pollicentur. nam apud sanctum Matthæum scriptum

Hier. cap. 5

Ad Heb. 11

Isa. 26

Matth. 4

scriptum est : Pœnitentiam agite : appropinquabit enim regnum cœlorum. et apud Ezechielem : Si im- Ezech. 18
 pius egerit pœnitentiam ab omnibus peccatis suis,
 quæ operatus est ; & custodierit omnia præcepta
 mea, & fecerit iudicium, & iustitiam ; uita uiuet.
 Tum alio loco : Nolo mortē impij, sed ut conuerta- Ezech. 33
 tur impius a uia sua, et uiuat. Quod quidē de æter-
 na, & beata uita intelligendum esse, plane constat.
 De externa uero pœnitentia docēdum est, eam esse,
 in qua sacramenti ratio consistit, habereque exter-
 nas quasdam res sensibus subiectas, quibus decla-
 rantur ea, quæ interius in anima fiunt. In primis
 autem explanandum fidelibus uidetur, quare fa-
 ctum sit, ut Christus dominus pœnitentiam in nu-
 merum sacramentorum referri uoluerit. Huius au-
 tem rei illa omnino causa fuit, ut nobis de remissio-
 ne peccatorum, quam Deus pollicitus est, cum ait ;
 Si impius egerit pœnitentiam, &c, minus dubitare
 nobis liceret. uehementē enim pendere animo de in-
 tima pœnitentia opus esset, cum de suo cuique iudi-
 cio in ijs, quæ agit, merito timendum sit. Vt igitur
 Dominus huic nostræ sollicitudini subueniret,
 pœnitentiæ sacramentū instituit, quo per sacerdotis
 absolutionem peccata nobis remissa esse confidere-
 mus, conscientięque nostræ ob fidem, quæ sacra-
 mentorum uirtuti merito habenda est, pacatiores
 redderentur. Neque enim aliter accipienda est uox
 sacerdotis, peccata nobis legitime condonantis,
 quam Christi domini, qui ait paralytico : Confide Matth. 9

V ij fili:

filijs: remittuntur tibi peccata tua. Deinde uero, cum nemo salutem, nisi per Christum, eiusque passionis beneficio, consequi possit; consentaneum, nobisque utilissimum fuit, eiusmodi sacramentum institui, cuius ui, & efficientia Christi sanguis ad nos defluens, peccata post baptismum admissa elueret, atque ita reconciliationis beneficium illi uni Saluatori nostro acceptum referre profiteremur.

Pœnitentiã
esse uere sa-
cramentũ,
& iterari
posse.

Quod uero pœnitentia sacramentum sit, Pastores ita facile ostendent. ut enim baptismus sacramentum est, quia peccata omnia, ac præsertim quod origine contractum fuit, delet: eadem ratione pœnitentia, quæ peccata omnia, post baptismum uoluntate, uel actione suscepta, tollit, uere, & proprie sacramentum dicendum est. Deinde, quod caput est. cum illa, quæ extrinsecus tum a pœnitente, tum a sacerdote fiunt, declarent ea, quæ interius efficiuntur in anima; quis neget, pœnitentiam uera, & propria sacramenti ratione præditam esse? siquidem sacramentum sacræ rei signum est: peccator autem, quem pœnitet, rerum, & uerborum notis plane exprimit, se animum a peccati turpitudine abduxisse; itemque ex ijs, quæ a sacerdote geruntur, & dicuntur, misericordiam Dei, peccata ipsa remittentis, facile cognoscimus. quamquam hoc aperte indicant illa Saluatoris uerba: *Matth. 16* *Tibi dabo claues regni celorum; & quodcumque solueris super terram, erit solutum & in celis. Absolutio enim, sacerdotis uerbis enunciata, remissionẽ illam*

illam peccatorum signat, quam in anima efficit. Neque uero solum fideles docendi sunt, penitentiam in numero sacramentorum habendam esse, sed eorum etiam, quæ iterari possunt. Quærenti enim Petro, num septies uenia peccati danda esset, Dominus respondit: Non dico tibi usque septies, sed usque septuagies septies. Quare si cum eiusmodi hominibus agendum sit, qui summæ Dei bonitati, & clementiæ diffidere uideantur, confirmandus erit illorum animus, atque ad spem diuinæ gratiæ erigendus. quod quidem facile consequentur tum huius loci, & aliorum tractatione, qui in sacris litteris permulti occurrent; tum uero ijs rationibus, & argumentis, quæ ex sanctorum Chrysostomi libro de lapsis, Ambrosii libris de penitentia petere licebit. Iam, quoniam nihil fideli populo notius esse debet, quam huius sacramenti materia; docendum est, in eo maxime hoc sacramentum ab alijs differre, quod aliorum sacramentorum materia est res aliqua naturalis, uel arte effecta; sacramenti uero penientiæ quasi materia sunt actus penitentis, nempe contritio, confessio, & satisfactio, ut a Tridentina Synodo declaratum est: qui

Matth. 18

S. Chrysostomus.
D. Ambro.

Trid. syn.

V iij generis

generis materia non sint, quæ extrinsecus adhibea-
tur, ut aqua in baptismo, & chrisma in Confirma-
tione. Quod autem ab alijs dictum est, peccata ipsa
huius sacramenti materiam esse; nihil plane diuer-
sum dici uidebitur, si diligenter attendamus. Vt
enim ignis materiam ligna esse dicimus, quæ ui-
gnis consumuntur: ita peccata, quæ penitentia
delentur, recte huius sacramenti materia uoca-
ri possunt. Sed formæ etiam explicatio Pastoribus
prætermittenda non est, quod eius rei cognitio exci-
tet fidelium animos ad percipiendam summa cum
religione huius sacramenti gratiam. est autem for-
ma, Ego te absoluo: quam non solum ex illis uer-
bis licet colligere, Quæcumque solueritis super ter-
ram, erunt soluta & in cælis; sed ex eadem Christi
domini doctrina ab apostolis traditam, accepimus.
Ac quoniam sacramenta id significant, quod effi-
ciunt; illa, Ego te absoluo, ostendunt peccatorum
remissionem huius sacramenti administratione effi-
ci; planum est, hanc esse penitentiae perfectam for-
mam. sunt enim peccata tamquam uincula, qui-
bus constriktæ animæ tenentur, & ex quibus pæ-
nitentiae sacramento laxantur. quod quidem non
minus uere de illo etiam homine sacerdos pronun-
ciat, qui prius ardentissimæ contritionis ui, ac-
cedente tamen confessionis uoto, peccatorum ue-
niam a Deo consecutus sit. Adduntur præterea
complures preces, non quidem ad formam neces-
sariæ, sed ut ea remoueantur, quæ sacramenti
nisi

Matth. 18

nim, & efficientiam illius culpa, cui administra-
 tur, impedire possent. Quamobrem peccatores
 Deo ingentes gratias agant, qui tam amplam
 potestatem in Ecclesia sacerdotibus tribuerit. Ne-
 que enim, ut olim in ueteri lege, sacerdotes testi-
 monio suo aliquem a lepra liberatum esse, dumta-
 xat renunciabant; ita nunc in Ecclesia ea tantum
 potestas sacerdotibus facta est, ut aliquem peccatis
 absolutum esse declarent: sed uere tamquam Dei mi-
 nistri absoluunt; id quod Deus ipse, gratiae, & ius-
 titiae auctor, ac parens, efficit. Diligenter uero ri-
 tus etiam, qui ad hoc sacramentum adhibentur, fi-
 deles obseruabunt. ita enim fiet, ut animo magis
 hæreant, quæ hoc sacramento consecuti sunt, nimi-
 rum se tamquam seruos clementissimo domino, uel
 filios potius optimo parenti reconciliatos esse: et si-
 mul facilius intelligant, quid eos facere oporteat,
 qui uelint. uelle autem omnes debent se tanti bene-
 ficij gratos, & memores probare. nam quem pec-
 catorum pœnitet, is se humili, ac demisso animo ad
 pedes sacerdotes deiicit; ut, cum se tam humiliter
 gerat, facile possit agnoscere superbiae radices eucl-
 lendas esse, a qua omnia scelera, quæ deflet, ortum
 habuerint, & enata sint. In sacerdote autem, qui
 in eum legitimus iudex sedet, Christi domini perso-
 nam & potestatem ueneratur. Sacerdos enim,
 quemadmodum in alijs, ita in pœnitentiæ sacramen-
 to administrando Christi munus exequitur. Deinde
 peccata sua pœnitens ita enumerat, ut se maxima,

Leuit. 13.
 24

&

penitentie

& acerbissima animaduersione dignum esse fateatur; supplexque delictorum ueniam petit. quæ sane omnia uetustatis suæ certissima testimonia a san-

S. Dionys. Et Dionysio habent.

Quā saluta-
res fructus
ex Pœnitentia sacra-
mento per-
cipiantur.

Sed nihil profecto tam proderit fidelibus, nihilq. maiorem illis alacritatem pœnitentiæ suscipiendæ afferet, quam si a Parochis sæpe explicatum fuerit, quantam ex ea utilitatem capiamus. uere enim de pœnitentia illud dici posse intelligent, eius quidem radices amaras, fructus uero suauissimos esse. Pœnitentiæ itaque omnis in eo uis est, ut nos in Dei gratiam restituat, cum eoque summa amicitia coniungat. Hanc uero reconciliationem interdum in hominibus pijs, qui hoc sacramentum sancte, & religiose percipiunt, maxima conscientie pax, & tranquillitas, cum summa spiritus iucunditate consequi solet. nullum est enim tam graue, & nefarium scelus, quod pœnitentiæ sacramento non quidem semel, sed iterum, & sæpius non deleatur. Qua de re ita Dominus per Prophetam inquit: Si impius egerit pœnitentiam ab omnibus peccatis suis, quæ operatus est, & custodierit præcepta mea, & fecerit iudicium, & iustitiam; uita uiuet, & non morietur; omnium iniquitatum eius, quas operatus est, non recordabor. Et sanctus Ioannes: Si confiteamur peccata nostra, fidelis est, & iustus, ut remittat nobis peccata nostra. Et paulopost, Si quis peccauerit, inquit, nullum uidelicet peccati genus excipiens, aduo-

Eze. 18

1. Ioan. 1

1. Ioan. 2

aduocatum habemus apud patrem Iesum Christum
iustum, & ipse est propitiatio pro peccatis nostris,
non pro nostris autem tantum, sed etiam pro totius
mundi. Quod autem in scripturis legimus, quosdā
a Domino misericordiam non esse consecutos, quam
uis eam uehementer implorauerint; id uero iccirco
factum esse intelligimus, quod eos uere, atque ex
animo delictorum non penitebat. Quare cum hu
iusmodi sententiæ in sacris litteris, uel apud sanctos
Patres occurrunt, quibus uidentur affirmare ali
qua peccata remitti non posse; ita eas interpretari
oportet, ut difficilem admodum esse ueniæ impetra
tionem intelligamus. Ut enim morbus aliquis ea
re insanabilis dicitur, quod agrotus ita affectus sit,
ut salutaris medicinæ uim oderit: sic quoddam
est peccati genus, quod non remittitur, nec con
donatur; propterea quod proprium salutis reme
dium, Dei gratiam repellit. In hanc sententiam D. August.
a diuo Augustino dictum est: Tanta labes est il
lius peccati, cum post agnitionem Dei per gra
tiam Christi oppugnat aliquis fraternitatem, &
aduersus ipsam gratiam inuidiæ facibus agitatur,
ut deprecandi humilitatem subire non possit, etiam
si peccatum mala conscientia agnoscere, & an
nunciare cogatur. Sed, ut ad penitentiam re
uertamur, hæc adeo propria eius uis est, ut pec
cata delet, ut sine penitentia remissionem pec
catorum impetrare, aut ne sperare quidem ullo
modo liceat. scriptum est enim: Nisi penitentiam Luc. 13
habue-

habueritis, omnes similiter peribitis. quod quidem de grauioribus, & mortiferis peccatis dictum a Domino est: etsi aliquo etiam penitentiae genere indigent leuiora peccata, quae uenialia uocantur.

D. August. sanctus enim Augustinus inquit: cum quaedam sit penitentia, quae quotidie in Ecclesia pro peccatis uenialibus agitur, illa sane frustra esset, si peccata uenialia absque penitentia dimitti possent.

De parti-
bus inte-
gris Peni-
tentiae.

Sed quoniam de ijs rebus, quae aliquo modo in actionem cadunt, non satis est uniuersae loqui; curabunt Pastores sigillatim ea tradere, ex quibus uera, & salutaris penitentiae ratio a fidelibus percipi queat. Est autem huius sacramenti proprium, ut praeter materiam, & formam, quae omnibus sacramentis communia sunt, partes etiam, ut antea diximus, illas habeat, quae tamquam totam, integramque penitentiam constituent, contritionem scilicet, confessionem, & satisfactionem: de quibus

S. Chryso. D. Chrysostomus his uerbis loquitur: Penitentia cogit peccatorem omnia libenter sufferre, in corde eius contritio, in ore confessio, in opere tota humilitas, uel fructifera satisfactio. Haec autem partes ex earum partium genere esse dicuntur, quae ad aliquod totum constituendum necessariae sunt: quoniam, quemadmodum hominis corpus ex pluribus membris constat, manibus, pedibus, oculis, & alijs huiusmodi partibus, quarum aliqua si desit, merito imperfectum uideatur, perfectum uero, si nulla desideretur; eodem etiam modo penitentia ex hisce
tribus

tribus partibus ita constituitur, ut, quamuis, quod
adeius naturam attinet, contritio, & confessio,
quibus homo iustus efficitur, satis sit: tamen, nisi
tertia etiam pars, idest satisfactio, accedat, aliquid
ei omnino ad perfectionem desit, necesse sit. Quare
adeo inter se hæ partes connexæ sunt, ut contritio
constitendi, & satisfaciendi consilium & propositum
inclusum habeat, confessionem contritio, & satis-
faciendi uoluntas, satisfactionem uero duæ reliquæ
antecedant. Harum autem trium partium eam ra-
tionem asserere possumus, quod animo, uerbis, &
re ipsa peccata in Deum committantur. Quare con-
sentaneum fuit, ut nos ipsos Ecclesiæ clauibus subij-
cientes, quibus rebus Dei sanctissimum numen a no-
bis uiolatum esset, iisdem etiam eius iram placare,
et peccatorum ueniam ab eo impetrare conaremur.
Sed idem etiam alio argumento confirmari potest.
Etenim penitentia est ueluti quedam delictorum
compensatio, ab eius uoluntate profecta, qui deli-
quit, ac Dei arbitrio, in quem peccatum commis-
sum est, constituta. Quare & uoluntas compen-
sandi requiritur, in quo maxime contritio uersatur;
& penitens sacerdotis iudicio, qui Dei personam
gerit, se subiiciat, necesse est; ut pro scelerum ma-
gnitudine pœnam constituere in eum possit; ex quo
tum confessionis, tum satisfactionis ratio, & ne-
cessitas perspicitur. Quoniam uero harum partium
uim, & naturam tradere fidelibus oportet; prius
incipiendum est a contritione, eaque diligenter
expli-

Cōc. Flor.

explicanda. neque enim ad ullum temporis punctū,
cum in memoriam præterita peccata redeunt, uel
cum aliquid offendimus, contritione animus debet
Cōt. Tridē. uacare: Hanc patres in Concilio Tridentino ita defi-
niunt: Contritio est animi dolor, ac detestatio de
peccato commisso, cum proposito non peccandi de
cetero. Et paulo post, de contritionis motu subijci-
tur: Ita demum præparat ad remissionem peccato-
rum, si cum fiducia diuinæ misericordiæ, & uoto
præstandi reliqua coniunctus sit, quæ ad rite susci-
piendum hoc sacramentum requiruntur. Ex hac
itaque definitione intelligēt fideles, contritionis uim
in eo tantum positam non esse, ut quis peccare desi-
nat; aut propositum ei sit, nouum uitæ genus insti-
tuere, aut ipsum iam instituat; sed in primis male
actæ uitæ odium, & expiationem suscipiendam ef-
se. Id uero maxime confirmant illi sanctorum Pa-
trum clamores, quos in sacris litteris frequenter
Psal. 6 profusos esse legimus: Laboravi, inquit Dauid, in
gemitu meo: lauabo per singulas noctes lectum me-
um. Et: Exaudiuit Dominus uocem fletus mei. &
Isa. 38 rursus alius: Recogitabo tibi omnes annos meos
in amaritudine animæ meæ. Quas certe, & alias
huiusmodi uoces uehemens quoddam antea actæ uitæ
odium, & peccatorum detestatio expressit.

Contritio-
nis propria
uis & effi-
cacia.

Quod autem contritio dolore definita est, mo-
nendi sunt fideles, ne arbitrentur eum dolorem cor-
poris sensu percipi. Contritio enim est, uoluntatis
actio. Et sanctus Augustinus testatur, dolorem
pani-

pœnitentiæ comitem esse, non pœnitentiam. Verum peccati detestationem & odium, doloris uocabulo Patres significarunt; tum quia sacræ litteræ ita utuntur: inquit enim David; Quamdiu ponam consilia in anima mea, dolorem in corde meo per diem? tum quia dolor in inferiori animæ parte, quæ uim concupiscendi habet, ex ipsa contritione oritur; ut non incommode contritio dolore definita fuerit, quod dolorem efficiat, ad eumque declarandum pœnitentes uestem etiam mutare soliti sint. de quo Dominus apud sanctum Mattheum inquit: Væ tibi Corozaim, uæ tibi Bethsaida: quia si in Tyro, et Sidone factæ essent uirtutes, quæ factæ sunt in uobis, olim in cilicio, & cinere pœnitentiam egissent. Recte autem contritionis nomen peccati detestationi, de qua loquimur, ad significandam uim doloris impositum est, ducta similitudine a rebus corporeis, quæ minutatim saxo, aut duriore aliqua materia cōfringuntur: ut eo uocabulo declararetur, corda nostra, quæ superbia obdurerunt, pœnitentiæ ui contundi, atque conteri. Quare nullus alius dolor uel ex parentum et filiorum obitu, uel cuiusuis alterius calamitatis causa susceptus, hoc nomine appellatur: sed illius tantum doloris proprium est nomen, quo ex amissa Dei gratia, atque innocētia afficimur. Verum alijs quoque uocabulis eadem res declarari solet. nam et cōtritio cordis dicitur: quia cordis nomē frequēter sacræ litteræ pro uoluntate usurpāt, ut. n. a corde motionum

corpo-

S. Chryso-
stomus.

corporis principium sumitur : ita uoluntas reliquas
omnes animæ uires moderatur , ac regit . Vocatur
etiam a sanctis Patribus cordis compunctio ; qui
libros de contritione conscriptos , de compunctio-
ne cordis inscribere maluerunt . Etenim quemadmodum
ferro tumida ulcera secantur , ut inclusum uirus pos-
sit erumpere . ita corda , quasi scalpello contritio-
nis adhibito , inciduntur , ut peccati mortiferum ui-
rus queant eijcere . quare & scissio cordis a Ioele
propheta appellata est : Conuertimini , inquit , ad
me in toto corde uestro , in ieiunio , & in fletu , &
in planctu , & scindite corda uestra . Summum ue-
ro & maximum dolorem ex peccatis , quæ commis-
sa sunt , suscipiendum esse , ita ut nullus maior exco-
gitari possit , facile erit hisce rationibus demonstra-
re . nam cum perfecta contritio sit charitatis actio ,
quæ ab eo timore , qui filiorum est , proficiscitur ;
patet eundem charitatis , & contritionis modum
statuendum esse : at quoniam charitas , qua Deum
diligimus , perfectissimus est amor , hinc fit , ut con-
tritio uehementissimum animi dolorem coniunctum
habeat . ut enim maxime diligendus est Deus : ita ,
quæ nos a Deo alienat , maxime detestari debemus .
In qua etiam illud obseruandum est , eodem loquen-
di genere , charitatis , & contritionis magnitudi-
nem in sacris litteris significari . De charitate di-
ctum est : Diliges dominum Deum tuum ex toto cor-
de tuo . Rursus , quod ad contritionem pertinet , cla-
mat Dominus per Prophetam ; Conuertimini in
toto

toto corde uestro. Præterea, si, uti Deus summum bonum est inter omnia, quæ diligenda sunt, ita etiã peccatum summum est malum inter omnia, quæ odisse homines debent; illud sequitur, ut, quam ob causam Deum summe diligendum esse confitemur, ob eandem rursus peccati summum odium nos capiat necesse sit. Omnibus uero rebus Dei amorem anteponendum esse, ita ut ne uitæ quidem conseruandæ causa peccare liceat, aperte nos docent illa Domini uerba: Qui amat patrem, aut matrem plus quam me, non est me dignus: & qui uoluerit animam suam saluam facere, perdet eam. Sed illud etiam animaduertendum est, ut, quemadmodum, sancto Bernardo teste, nullus finis, & modus charitati præscribitur; (Modus enim, inquit ille, diligendi Deum, est, ipsum diligere sine modo) ita peccati detestationi nullus modus definiatur. Sit præterea non solum maxima, sed uehementissima, atque adeo perfecta, omnemque ignauiam, & discordiam excludat. Etenim in Deuteronomio scriptum est: Cum quæsieris dominum Deum tuum, inuenies eum, si tamen toto corde quæsieris, & tota tribulatione animæ tuæ. & apud Hieremiam: Quæritis me, & inuenietis, cum quæsieritis me in toto corde uestro, & inueniar a uobis, ait Dominus. Quamquam si id minus consequi nobis liceat, ut perfecta sit; uera tamen & efficax contritio esse potest. sæpe enim usu uenit, ut, quæ sensibus subiecta sunt, magis, quam spiritualia, nos afficiant.

X Quare

Matth. 10

Matth. 16

Mar. 8.

S. Bernard.

Deut. 4.

Hiere. 29.

quare nonnulli interdum maiorem ex filiorum obitu, quam ex peccati turpitudine, doloris sensum capiunt. Idem etiam iudicium faciendum est, si lacrymæ doloris acerbiter non consequantur: quæ tamen in penitentia summopere optandæ, & commendandæ sunt. præclara est enim ea de re sancti

S. August. Augustini sententia: Non sunt, inquit, in te Christianæ charitatis viscera, si luges corpus, a quo recessit anima, animam uero, a qua recessit Deus, non luges. Atque huc spectant illa Saluatoris nostri uerba, quæ supra allata sunt: *Væ tibi Corozaim, uæ tibi Bethsaida: quia si in Tyro & Sidone factæ essent uirtutes, quæ factæ sunt in uobis, olim in cinere, & cilicio penitentiam egissent. Tametsi ad eam rem cōprobandam satis esse debent clarissima Niniuitarū, Dauidis, peccatricis, apostolorū Principis exēpla; qui omnes plurimis lacrymis Dei misericordiam implorantes, peccatorū ueniam impetrarunt.*

singula peccata mortalia in contritione exprimenda, & detestanda.

Maxime autem hortandi, & monendi sunt fideles, ut ad singula mortalia crimina proprium contritionis dolorem adhibere studeant: ita enim Ezechias contritionem describit, cum ait: *Recogitabo tibi omnes annos meos in amaritudine animæ meæ. etenim, recogitare omnes annos, est, sigillatim peccata excutere, ut ea ex animo doleamus. Sed apud Ezechielem quoque scriptum legimus: Si impius egerit penitentiam ab omnibus peccatis suis, uita uiuet. Atque in hanc sententiam sanctus Au-*

S. August. gustinus inquit: Consideret peccator qualitatem crimi-

criminis in loco, in tempore, in uarietate, in persona. Neque tamen hac in re desperent fideles de summa Dei bonitate, & clementia: is enim, cum nostræ salutis cupidissimus sit, nullam moram ad tribuendam nobis ueniam interponit, sed peccatorem paterna charitate complectitur, simul atque ille se collegerit, & uniuerse peccata sua detestatus, quæ deinde alio tempore, si facultas erit, singula in memoriam reducere, ac detestari in animo habeat, ad Dominum se conuerterit. ita enim nos per Prophetam iubet sperare, cum inquit: *Impietas impij non nocebit ei, in quacumque die conuersus fuerit ab impietate sua. Ex his igitur colligi poterunt, quæ ad ueram contritionem maxime sunt necessaria: de quibus fidelem populū accurate oportebit docere; ut quisque intelligat, qua ratione comparare eam possit; regulamque habeat, qua diiudicet, quantum absit ab eius uirtutis perfectione. Primum enim necesse est peccata omnia, quæ admisi-
mus, odisse, & dolere; ne, si quædam tantum doleamus, ficta, & simulata, neque salutaris penitentia a nobis suscipiatur. nam, ut a sancto Iacobo apostolo dictum est; Quicumque totam legem seruauerit, offendit autem in uno, factus est omnium reus. Alterum est, ut ipsa contritio, confitendi, & satisfaciendi uoluntatem cōiunctam habeat: de quibus postea suo loco agetur. Tertium est, ut penitēs uitæ emendandæ certam, & stabilem cogitationem suscipiat. hoc uero Propheta his uerbis aperte nos*

Ezech. 18

Iacobi 2

Ezech. 18

X ij docuit:

docuit: Si impius egerit pœnitentiam ab omnibus peccatis suis, quæ operatus est, & custodierit omnia prœcepta mea, & fecerit iudicium, & iustitiã; uita uiuet, & non morietur; omnium iniquitatum eius, quas operatus est, non recordabor. & paulo post: Cum auerterit se impius ab impietate sua, quã operatus est, & fecerit iudicium, & iustitiam; ipse animam suam uiuificabit. Ac paucis interiectis, Conuertimini, inquit, & agite pœnitentiam ab omnibus iniquitatibus uestris; & non erit uobis in ruinam iniquitas: projcete a uobis omnes prœuersiones uestras, in quibus prœuicati estis; et facite uobis cor nouum, & spiritum nouum. Idem etiam Christus dominus mulieri, quæ in adulterio deprehensa est, præscripsit: Vade, inquit, & iam amplius noli peccare. Item paralytico illi, quem Ioan. 5 ad probaticam piscinam curauerat, Ecce, ait, sanus factus es, iam noli peccare. Sed natura quoque ipsa, & ratio plene ostendunt, duo illa ad contritionem esse in primis necessaria, dolorem scilicet peccati admissi, & propositum cautionemque ne quid huiusmodi in posterum committatur. Nam qui amico reconciliari uelit, quem iniuria aliqua affecerit; et doleat oportet, quod in eum iniuriosus et cõtumeliosus fuerit; et diligenter reliquo tempore prouideat, ne qua in re amicitiam læsisse uideatur: quæ duo obedientiã adiunctam habeant, necesse est. hominem. n. legi, siue naturali, & diuinæ, siue humanæ, quibus subiectus est, parere conuenit. Quare si quid pœni-

penitens alteri per uim, aut per fraudem abstulit, restituat, oportet; itemque alicuius aut commodi, aut officij compensatione illi satisfaciat, cuius dignitatem, aut uitam dicto, factoue uiolauit: tritum enim est omnium sermone, quod apud sanctum *Augustinum* legimus; Non remittitur peccatum, nisi restituatur ablatum. Neque uero, inter cetera, quæ ad contritionem maxime pertinent, minus diligenter, & necessario curandum est, ut, quidquid iniuriarum ab altero acceperis, id totum remittatur, ac condonetur. ita enim Dominus & Saluator noster monet, atque denunciatur: Si dimiseritis hominibus peccata eorum, dimittet & uobis pater uester celestis delicta uestra; si autem non dimiseritis hominibus, nec pater uester dimittet uobis peccata uestra. Hæc sunt, quæ fidelibus in contritione obseruanda sunt: cetera, quæ ad hanc rem colligi a Pastoribus facile poterunt, efficient quidem, ut in suo genere contritio sit magis perfecta, & absoluta; uerum adeo necessaria existimanda non sunt, ut sine his uera, & salutaris penitentiae ratio constare non possit.

Sed quoniam non satis esse Pastoribus debet, si doceant, quæ ad salutem uidentur pertinere, nisi etiam omni cura & industria laborent, ut fideles ad eam ipsam rationem, quæ illis præscripta est, uitam, actionesque suas dirigant, uehementer proderit, contritionis uim, & utilitatem sæpius proponere. Nam cum pleraque alia pietatis studia, uelut

D. August.

Matth. 6

Fructus & utilitates contritionis.

X iij bene-

beneficentia in pauperes, ieiunia, preces; & alia
 id genus sancta, & honesta opera, hominum cul-
 pa, a quibus proficiuntur, a Deo interdum repu-
 dientur; ipsa certe contritio numquam illi grata &
 accepta esse non potest. nam inquit Propheta: Cor
 contritum et humiliatum Deus non despicias. Quin
 etiam statim, ut eam mentibus nostris concepimus,
 peccatorum remissionem nobis a Deo tribui, alio lo-
 co eiusdem Prophetae uerba illa declarant: Dixi,
 confitebor aduersum me iniquitatem meam Domino,
 & tu remisisti impietatem peccati mei. Atque eius
 rei figuram in decem leprosis animaduertimus, qui
 a Salvatore nostro ad sacerdotes missi, antequam ad
 illos peruenirent, a lepra liberati sunt. Ex quo li-
 cet cognoscere, uerae contritionis, de qua supra dictu
 est, eam uim esse, ut illius beneficio omnium delicto-
 rum ueniam statim a Domino impetremus. Plurimie
 etiam ualebit ad fidelium mentes excitandas, si Pa-
 stores rationem aliquam tradiderint, qua se quisque
 ad contritionem exercere possit. Monere autem oportet,
 ut omnes conscientiam suam frequenter excutien-
 tes, uideant, num, quae a Deo, siue ecclesiasticis san-
 ctionibus praecipita sunt, seruauerint. quod si quis
 alicuius sceleris reum se esse cognouerit, statim se ip-
 sum accuset, supplexque a Domino ueniam exposcat,
 & spatium tum confitendi, tum satisfaciendi sibi da-
 ri postulet: in primisque diuinæ gratiae praesidio se
 adiuuari petat, ne in posterum eadem illa peccata
 admittat, quae admisisse uehementer paenitet. Cu-
 randum

vadium erit præterea Pastoribus, ut in peccatis sum-
mum fidelium odium concitetur; tum quia summa
est illius fœditas, & turpitudine; tum quia grauissi-
ma damna, & calamitates nobis affert. nam Dei
beneuolentiam, a quo maxima bona accepimus, lon-
geque maiora expectare & consequi licebat, a no-
bis abalienat, & summorum dolorum cruciatibus
perpetuo afficiendos sempiternæ morti nos addicit.

Hactenus de contritione: nunc ad confessionem,
que est altera penitentiae pars, ueniamus. Quan-
tum uero curæ & diligentiae in ea explicanda pone-
re Pastores debeant, ex eo facile intelligent, quod
omnibus fere pijs persuasum est, quidquid hoc tem-
pore sanctitatis, pietatis, & religionis in Ecclesia,
summo Dei beneficio, conseruatum est, id magna ex
parte confessioni tribuendum esse; ut nulli miran-
dum sit, humani generis hostem, cum fidem catholi-
cam funditus euertere cogitat, per ministros impie-
tatis suæ, & satellites, hanc ueluti Christianæ ur-
tutis arcem totis uiribus oppugnare conatum esse.
Primum itaq. docendū est, confessionis institutionē
nobis summopere utilem, atque adeo necessariā fuisse.
ut n. hoc cōcedamus, cōtritione peccata deleri; quis
ignorat illam adeo uehementem, acrem, incensam
esse oportere, ut doloris acerbitas cū scelerum ma-
gnitudine æquari, conferrique possit? at quoniam
pauci admodum ad hunc gradum peruenirent, fie-
bat etiam ut a paucissimis hac uia peccatorū uenia
speranda esset. quare necesse fuit, ut clemētissimus

X iij

Dominus

De cōfessio-
ne, sacra-
menti Peni-
tentiae alte-
ra parte; &
illius neces-
sitate

Dominus faciliore ratione communi hominum saluti consuleret. quod quidem admirabili consilio effecit, cum clauis regni celestis Ecclesie tradidit. Etenim ex fidei catholice doctrina omnibus credendum, & constanter affirmandum; si quis ita animo affectus sit, ut peccata admissa doleat, simulque in posterum non peccare constituat; etsi eiusmodi dolore non afficiatur, qui ad impetrandam ueniam satis esse possit; ei tamen, cum peccata sacerdoti rite confessus fuerit, ut clauium scelera omnia remitti, ac condonari: ut merito a sanctissimis uiris Patribus nostris celebratum sit, Ecclesie clauibus aditum in celum aperiri: de quo nemini dubitare fas est, cum a Florentino Concilio decretum legamus, penitentiae effectum, esse absolutionem a peccatis. Verum ex eo praeterea licet cognoscere, quantam afferat confessio utilitatem, quod ijs, quorum est corrupta uita consuetudo, nihil tam prodesse ad mores emendandos experimur, quam si interdum occultas animi sui cogitationes, facta, dictaque omnia, prudenti, & fideli amico patefaciant, qui eum opera, & consilio iuuare possit. Quare ad eandem rationem maxime salutare existimandum est ijs, qui scelerum conscientia agitantur, ut sacerdoti, tamquam Christi domini uicario, cui perpetui silentij seuerissima lex proposita est, animae suae morbos & uulnera aperiant; statim enim parata sibi medicamenta inuenient: quae non solum praesentis aegritudinis sananda, uerum ita praeparanda animae celestem quandam

Florenti.
Cōc. in Decreto Hugonij. 4.

dam uim habeant; ut deinceps facile futurum non sit, in eiusdem morbi & uitij genus recidere. Neque uero illa confessionis utilitas prætermittenda, quæ ad uitæ societatem & coniunctionem magnopere pertinet. constat enim, si sacramentalem confessionem Christiana disciplina exemeris, plena omnia occultis, & nefandis sceleribus futura esse: quæ postea, & alia etiam multo grauiora, homines, peccati consuetudine deprauati, palam committere non uerebuntur. etenim confitendi uerecundia, delinquendi cupiditati, & licentiæ tamquam frenos iniicit, & improbitatem coercet.

Sed iam confessionis utilitate exposita, quæ sit eius natura, & uis, Pastoribus tradendum erit. Eam igitur definiunt esse peccatorum accusationem, quæ ad sacramenti genus pertinet, eo susceptam, ut ueniam uirtute clauium impetremus. Recte autem accusatio dicitur, quod peccata ita commemoranda non sunt, quasi scelera nostra ostentemus, ut ij faciunt, qui latantur cum male fecerint; aut omnino enarranda, ut si rem aliquam gestam otiosis auditoribus deletandi causa exponamus; uerum accusatorio animo ita enumeranda sunt, ut ea etiam in nobis uindicare cupiamus. Veniæ autem impetranda causa, peccata confitemur: quoniam hoc iudicium longe dissimile & forensibus capitalium rerum questionibus, in quibus confessioni pœna & supplicium, non culpæ liberatio, & errati uenia constituta est. In eandem fere sententiam, quamuis

Confessio-
nis sacramē-
talis descri-
ptio & natu-
ra, & quis
cuius auctor

Prouer. 31

S. Chryso.

alijs

alijs uerbis, sanctissimi Patres uidentur confessio-
 nem definisse: ueluti cum sanctus Augustinus in-
 quit; Confessio est, per quam morbus latens spe ue-
 nia aperitur: & sanctus Gregorius; Confessio est
 peccatorum detestatio: quarum utraque, quod in su-
 periori definitione continetur, facile ad eam referri
 poterit. Sed iam, quod omnium maximi faciendum
 est, docebunt Parochi, ac sine ulla dubitatione fide-
 libus tradent, hoc sacramentum a Christo domino,
 qui bene omnia, & unius salutis nostrae causa fecit,
 ob eius summam bonitatem, & misericordiam in-
 stitutum esse. apostolis enim, post resurrectionem
 unum in locum congregatis, insufflauit, dicens:
 Ioan. 20. Accipite Spiritum sanctum: quorum remiseritis
 peccata, remittuntur eis; & quorum retinueritis,
 retenta sunt. Cum igitur Dominus potestatem reti-
 nendi, et remittendi peccata sacerdotibus tribuerit;
 perspicuum est, ipsos etiam ea de re iudices constitu-
 tos fuisse. Atque idem significare uisus est Domi-
 nus, cum apostolis id negotii dedit, ut Lazarum,
 a mortuis excitatum, a uinculis soluerent, quibus
 Ioan. 11. constrictus erat. nam sanctus Augustinus eum lo-
 cum ita explanat: Ipsi, inquit, sacerdotes plus
 iam possunt proficere, plus confitentibus parcere,
 quibus crimen remittunt: Dominus scilicet per ip-
 sos apostolos Lazarum, quem iam suscitauerat,
 obtulit discipulis soluendum, ostendens potestatem
 soluendi esse concessam sacerdotibus. Quo etiam
 pertinet, quod ijs, qui a lepra in itinere curati sunt,
 praece-

praeceperat, ut sacerdotibus se ostenderent, illorūq.
iudicium subirent. Cum igitur Dominus potestatem
remittendi, & retinendi peccata sacerdotibus tri-
buerit; perspicuum est, ipsos etiam ea de re iudices
constitutos fuisse. at, quoniam, ut sancta Triden-
tina Synodus sapienter admonuit, de qualibet re ue-
rum iudicium fieri, atque in repetendis criminum
pœnis iustitiæ modus teneri non potest, nisi plane
cognita, & perspecta causa fuerit; ex eo sequitur,
ut pœnitētium confessione sigillatim peccata omnia
sacerdotibus patefacienda sint. Hæc igitur Pastro-
res docebunt, quæ a sancta Tridentina Synodo de-
creta, ac perpetuo a catholica Ecclesia tradita sunt.
si enim sanctissimos Patres attente legimus, nus-
quam non apertissima testimonia occurrent, quibus
confirmetur, hoc sacramentum a Christo domino
institutum esse, et confessionis sacramentalis legem,
quam illi exomolegesin, & exagoreusin græco uo-
cabulo appellant, tamquam euangelicam accipien-
dam esse. Quod si etiam ueteris testamenti figu-
ras exquirimus; sine dubio ad peccatorum confes-
sionem uidentur pertinere uaria illa sacrificiorum
genera, quæ ad expianda diuersi generis peccata a
sacerdotibus fiebant.

Cōc. Tridē.

Sed quemadmodum confessionem a Domino sal-
natore institutam esse fideles docēdi sunt; ita etiam
monere eos oportet, quosdam ritus, & sollemnes
cerimonias Ecclesia auctoritate additas esse; quæ
etsi ad sacramenti rationem non spectant, eius
tamen

De ritibus
& cerimo-
niis ad Cō-
fessionē ad-
hibendis.

tamen dignitatem magis ante oculos ponunt, & consitentium animos, pietate accensos, ad Dei gratiam facilius consequendam præparant. Cum enim aperto capite ad pedes sacerdotis abiecti, demisso in terram vultu, supplices manus tendentes, aliaque huiusmodi Christianæ humilitatis signa dâtes, quæ ad sacramenti rationem necessaria non sunt, peccata confitemur, ex his perspicue intelligimus, tum in sacramento cælestem uim agnoscendam, tum a nobis diuinam misericordiam summo studio requirendam, atque efflagitandam esse. Iam uero, nemo existimet confessionem a Domino quidem institutam, sed ita tamen, ut eius usum necessarium esse non edixerit. Etenim sic statuunt fideles, oportere eum, qui mortali scelere premitur, confessionis sacramento ad spiritualem uitam reuocandum esse: quod quidem pulcherrima translatione a Domino aperte significatum uidemus; cum huius sacramenti administrandi potestatem, clauem regni cælorum appellauit. Vt enim locum aliquem ingredi nemo potest sine eius opera, cui claues commissæ sunt: sic intelligimus, neminem in cælum admitti, nisi fores a Sacerdotibus, quorum fidei claues Dominus tradidit, aperiantur. Aliter enim nullus plane clauium usus in Ecclesia esse uidebitur: ac frustra is, cui clauium potestas data est, quempiam cæli aditu prohibebit, si tamen alia uia introitus patere queat. Hoc uero præclare a sancto Augustino cognitum est, cum inquit: Nemo sibi

Matth. 16

D. August.

fibi dicat, occulte ago apud Dominum penitentiam: nouit Deus, qui mihi ignoscat, quid in corde ago: ergo sine causa dictum, Quae solueritis in terra, soluta erunt in caelo? ergo sine causa clauae datae sunt Ecclesiae Dei? Atque in eandem sententiam sanctus Ambrosius in libro de penitentia scriptum reliquit, cum Nouatianorum haeresim conuelleret, qui soli Domino potestatem peccata remittendi reseruandam asserebant: Ecquis Deum, inquit, magis ueneratur, qui ne mandatis illius obtemperat, an qui resistit? Deus nobis iussit, eius ministris obtemperare: quibus cum pareamus, honorem soli Deo deferimus. Sed cum minime dubitari possit, confessionis legem ab ipso Domino latam & constitutam esse; sequitur, ut uidendum sit, quinam, quo aetatis, & anni tempore ei parere debeant. Primum itaque ex Lateranensis Concilij canone, cuius initium est, Omnis utriusque sexus, perspicitur, neminem confessionis lege adstrictum esse ante eam aetatem, qua rationis usum habere potest. neque tamen ea aetas certo aliquo annorum numero definita est: sed illud uniuerse statuendum uidetur, ab eo tempore confessionem puero indictam esse, cum inter bonum, & malum discernendi uim habet, in eiusque mentem dolus cadere potest. nam cum ad id uitae tempus quisque peruenerit, in quo de salute aeterna deliberandum est; tum primum sacerdoti peccata confiteri debet: cum aliter salutem sperare nemini liceat, qui scelerum conscientia premitur

Matth. 18

s. Ambros.

Cōc. Later.

ater. Cōc. mitur. Quo uero potissimū tempore confiteri oporteat, eo canone, de quo antea diximus, sancta Ecclesia decreuit: iubet enim semel saltem quotānis fideles omnes peccata sua confiteri. Verum si, quid salutis nostræ ratio postulet, consideremus; profecto, quoties uel mortis periculum imminet, uel aliquam rem tractare aggredimur, cuius tractatio homini peccatis contaminato non conueniat, ueluti cum sacramenta administramus, aut percipimus, toties confessio pratermittenda non est. Atque idem omnino seruare oportet; cum ueremur, ne nos alicuius culpæ, quam admiserimus, obliuio capiat. neque enim peccata confiteri possumus, quæ non meminimus: neque peccatorum ueniam a Domino impetramus, nisi ea pœnitentiæ sacramentum per confessionem deleat.

De conditionibus & circūstātijs ad confessionem requisitis.

Sed quoniam multa in confessione obseruanda sunt, quorum alia ad sacramenti naturam pertinet, alia non ita necessaria sunt; de his accurate agendum erit. neque enim desunt libelli, & commentarij, ex quibus facile est horum omnium explicationem depromere. Illud autem in primis doceant Parochi, in confessione curandum esse, ut integra, et absoluta sit. etenim omnia mortalia peccata sacerdoti aperire oportet. nam uenialia, quæ nos a Dei gratia non diuellunt, & in quæ frequentius labimur, tametsi recte, atque utiliter, quod piorum usus demonstrat, confitemur, tamen sine culpa pratermitti, multisque alijs rationibus expiari possunt. at
morti-

mortifera peccata, ut iam diximus, singula enumeranda sunt, quamuis etiam occultissime lateant, et eius generis sint, quæ duobus tantum extremis Decalogi capitibus interdicuntur. sepe enim euenit, ut ea grauius animam uulnerent, quam illa, quæ aperte, ac palam peccare homines solent. ita uero a sancta Tridentina Synodo definitum, atque Trid. Syn. catholica Ecclesia semper traditum est, quemadmodum sanctorum Patrum testimonia declarant. est enim apud sanctum Ambrosium in hunc modum: S. Ambros. Non potest quis iustificari a peccato, nisi confessus fuerit peccatum. Sanctus etiam Hieronymus in Eccl. s. Hieron. clestiasse idem plane confirmat: inquit enim; Si quæ serpens Diabolus occulte momorderit, et, nullo consilio, eum peccati ueneno infecerit, si tacuerit, et penitentiam non egerit, nec uulnus suum fratri, aut magistro uoluerit confiteri, magister, qui linguam habet ad curandum, prodesse non poterit. Præterea sanctus Cyprianus in sermone de lapsis apertissime hoc docet, his uerbis: S. Cyprianus. Quamuis nullo sacrificij, aut libelli facinore constricti sint, quoniam tamen de eo cogitauerunt, id ipsum apud sacerdotes Dei dolenter confiteantur. Denique hæc omnium Ecclesie doctorum communis uox est, atque sententia. Sed in confessione summa illa cura, et diligentia adhibenda est, quâ in rebus grauissimis ponere solemus, omneque studium ita eo conferendum, ut sanemus animæ uulnera, et peccati radices euellamus. Neque uero solû peccata grauia narrando explicare oportet, uerum

uerum etiam illa, quæ unumquodque peccatum circumstant, & prauitatem ualde augent, uel minuunt. Quædam enim circumstantiæ adeo graues sunt, ut peccati mortiferi ratio ex illis tantum constet: quare hæc omnia semper confiteri oportet. Si quis enim hominem interemerit, explicandum est, utrū ille sacris initiatus, an profanus fuerit. Itemque si cum muliere concubuit, matrimonij ne lege libera, aut alterius uxore, aut propinqua, aut alicuius uoti sponsione Deo consecrata, aperiat, necesse est. hæc. n. diuersa peccatorū genera constituunt, ita ut primum quidem simplex fornicatio, alterū adulterium, tertium incestus, quartum sacrilegium a diuinarum rerum doctoribus appelletur. Furtum etiam in peccatis numerandum est: uerum si quis aureum nummum furetur, leuius omnino peccat, quam is, qui centum, uel ducentos, uel ingentem aliquam auri uim, præsertim uero qui sacram pecuniam abstulit. Quæ etiam ratio ad locum, & ad tempus pertinet: quorum exempla notiora sunt ex multorum libris, quam ut a nobis cōmemorentur. Hæc igitur, ut diximus, enumeranda sunt: quæ uero prauitatem rei magnopere non augent, sine crimine omitti possunt. Sed ad confessionem adeo necessarium est, ut, quod antea diximus, integra, & absoluta sit, ut, si quis dedita opera, alia quidem ex ijs, quæ explicari debent, prætermittat, alia uero tantummodo confiteatur, non solum ex ea confessione is commodum nullum consequatur, sed etiam

etiam nouo scelere se obstringat : neque eiusmodi peccatorum enumeratio confessionis nomine, in qua sacramenti ratio insit, appellanda est : quin potius penitenti confessionem repetere est necesse, seque ipsum illius peccati reum facere, quod sacramenti sanctitatem simulatione confessionis uiolauerit. At uero, si alia de causa confessioni aliquid defuisse uideatur, uel quia penitens nonnulla crimina oblitus fuerit, uel quia conscientia sua latebras non ita accurate perquisierit, cum tamen illud in animo haberet, ut integre peccata omnia confiteretur; nihil ei opus erit confessionem iterare; satis autem habebit, si quando peccata, quae oblitus erat, in memoriam reducerit, ea sacerdoti alio tempore confiteri. In quo tamen animaduertendum est, ne forte nimis dissolute, & remitte conscientiam nostram scrutati simus, adeoque negligenter peccata admissa memoria repetere studuerimus, ut ea ne recordari quidem uoluisse merito uideri possimus. id enim si factum fuerit, confessionem iterare omnino oportebit. Præterea curandum est, ut confessio nuda, simplex, & aperta sit, non artificiose composita, ut a nonnullis sit, qui potius uita sua rationem exponere, quam peccata confiteri uidentur. ea enim confessio esse debet, quae nos tales sacerdoti aperiat, quales nos ipsos nouimus, certa quæ pro certis, ac dubia pro dubijs demonstret. Quod si uel peccata non recensentur; uel alieni a re, quam tractamus, sermones inferuntur; perspicuum est, confessionem hac uirtute carere.

Υ Vehe-

Vehementer etiam commendandi sunt, qui prudentiam, & uerecundiam in explicandis rebus adhibent. neque enim nimis multis uerbis agendū est, sed, quæ ad cuiusque peccati naturam, & rationē pertinent, breui oratione, quæ modestiam coniunctam habeat, aperienda sunt. Illud uero tum confitenti, tum sacerdoti maxime laborādum est, ut eorum sermo in confessione secreto habeatur. quare fit, ut nemini omnino neque per nuncium, neque per litteras, quoniā ea ratione nihil iam occulte agi potest, peccata confiteri liceat. Sed nulla res fidelibus adeo curæ esse debet, quā ut frequenti peccatorum confessione animā studeant expiare: etenim cum aliquis mortifero scelere urgetur, nihil ei magis salutare esse potest, ob multa, quæ impendent, uitæ pericula, quam statim peccata sua confiteri. nam, ut sibi quisque diuturnum uitæ spatium polliceri queat, turpe profecto est, cum in eluendis corporis, aut uestium sordibus tam diligentes simus, non eadem saltem diligentia curare, ne animæ splendor turpissimis peccati maculis obsolescat.

De legitimo & idoneo Cōfessionis sacramentalis ministro.

Sed iam de ministro huius sacramenti dicendum est. Eum autem sacerdotem esse, qui ordinariam, aut delegatam absoluedi potestatem habeat, ex ecclesiasticis sanctionibus satis apparet. habeat enim oportet non solum ordinis, uerum etiam iurisdictionis potestatem, qui hoc munere fungi debet. Illustre uero huius ministerij testimonium

nium præbent illa Domini uerba apud sanctū Ioan-
nem: Quorum remisieritis peccata, remittuntur Ioan. 1. 20
eis; & quorum retinueritis, retenta sunt. neque
enim omnibus, sed apostolis tantum hæc dicta fuis-
se constat: quibus in hac functione sacerdotes succe-
dunt: idque etiam maxime consentaneum est. nam
cum omne gratiæ genus, quæ hoc sacramento tri-
buitur, a Christo capite ad membra deriuetur; me-
rito debent corpori Christi mystico, idest fidelibus
illud administrare, qui soli uerum eiusdem corpus
conficiendi potestatem habent; cum præsertim fide-
les hoc ipso pœnitentiæ sacramento ad sacram Eu-
charistiam sumendam apti, idoneique reddantur.
Verum quanta olim religione in antiquissima Ec-
clesia ius ordinarij sacerdotis conseruatum fuerit,
ex ueteribus Patrum decretis facile intelligitur;
quibus cautum est, ne quis Episcopus, aut sa-
cerdos in alterius parochia aliquid gerere aude-
ret, sine eius auctoritate, qui illi præesset, aut
nisi magna necessitas cogere uideretur. Ita ue-
ro ab Apostolo sancitum est, cum Tito præce- ad Titum 1
pit, ut in singulis ciuitatibus sacerdotes consti-
tueret; qui scilicet doctrinæ, & sacramentorum
cælesti pabulo fideles alerent, & educarent.
Quamquam, si mortis periculum imminet, &
proprii sacerdotis facultas non datur; ne hac occa-
sione aliquis pereat, in Ecclesia Dei custoditum fuis-
se, Concilium Tridentinum docet, ut unicuique sa- Trid. Syn.
cerdoti liceret, non solum omni peccatorum genere,
I ij cuius-

cuiuscumque potestatis sit, illa condonare, sed etiam ab excommunicationis uinculo soluere. Iam, præter ordinis, & iurisdictionis potestatem, quæ prorsus necessaria sunt, in primis opus est, ut huius sacramenti minister tum scientia, & eruditione, tum prudentia præditus sit. iudicis enim, & medici simul personam gerit. Ac quod ad primum attinet, satis constat, non uulgarem scientiam necessariam esse, quæ & peccata inuestigare, & ex uarijs peccatorum generibus, quæ graua, quæ leuia sint, pro cuiusque hominis ordine, & genere iudicare possit. ut autem medicus est, summa quoque prudentia indiget. etenim diligenter prouidendum est, ut ea remedia ægroto adhibeantur, quæ ad illius animæ sanandam, & in posterum contra morbi uim muniendam aptiora esse uideantur. Ex quo poterunt fideles intelligere, cuius maximo studio curandum esse, ut eum sibi sacerdotem deligat, quem uitæ integritas, doctrina, prudens iudicium commendat; qui, & quantum in eo officio, cui præest, ponderis ac momēti sit, & quæ cuique sceleri pœna cōueniat, & qui uel soluendi, uel ligandi sint, optime nouerit. Sed quoniam nemo est, qui non uehementer cupiat, scelera, & turpitudinem suam occultari; monendi sunt fideles, nihil esse, quod timeant, ne ea, quæ ipsi confessione patefecerint, a sacerdote ulli umquam indicentur, neue aliquod ex ea periculi genus sibi ullo tempore creari possit. sacræ enim sanctiones grauissime in eos sacerdotes animaduerti uoluerūt, qui

Ex S. Basil.

Ex Leone
Papa.

qui peccata omnia, quæ aliquis eis confessus fuerit, perpetuo, & religioso silentio compressa non teneant. Quare in Concilio Lateranensi magno ita legimus: Caueat omnino sacerdos, ne uerbo, uel signo, uel alio quouis modo prodat aliquatenus peccatorē.

Conc. Lat.

Sed iam ordo rerum postulat, cum de ministro dictum sit, ut quedam præcipua capita explicetur, quæ ad confessionis usum, & tractationem non parum sunt accommodata. Magna enim fidelium pars, quibus uulgo nihil longius uideri solet, quam, ut dies illi, qui ecclesiastica lege confessioni præfiniti sunt, effluant: tantum absunt a Christiana perfectione, ut uix peccatorum suorum meminerint, quæ sacerdoti patefacienda essent, nedum cetera diligenter curent, quæ ad diuinam gratiam conciliandam uim habere maximam perspicuum est. Quare cum illorum saluti omni studio succurrendum sit; hoc primum sacerdotes in penitente diligenter obseruabunt, si ueram peccatorum suorum contritionem habeat, certumque illi sit, ac deliberatum, in posterum a peccatis abstinere. Quod si ita animo affectum esse animaduenerint, moneant, & uehementer hortentur, ut pro tanto, & tam singulari beneficio maximas gratias Deo agat; ab eoque celestis gratiæ præsidium petere numquam desinat; quo munitus, ac tectus, facile poterit prauis cupiditatibus resistere, ac repugnare. Docendus est etiā, ut nullum patiaturs esse diem, quin aliquid de passionis Domini nostri mysterijs meditetur, ad eumque

De cōdicio
nibus ad
confessionē
uere peni-
tētis neces-
sariis.

imitandum, & summa charitate amandum ipse se excitet, atque inflammet. hac enim meditatione assequetur, ut ab omnibus demonis tentationibus in dies se tutiorem esse sentiat. Neque enim ulla alia est causa, cur tam cito, uel leuiter ab hoste impugnati, animo, & uiribus succumbamus, quam quod ex caelestium rerum meditatione diuini amoris ignem concipere non studemus, quo mens recreari, atque erigi possit. Sin autem sacerdos intellexerit, eum, qui uelit confiteri, adeo peccata sua non dolere, ut uere contritus dicendus sit; conetur magno contritionis desiderio eum afficere; ut deinde huius praeclari doni cupiditate incensus, illud a Dei misericordia petere, & efflagitare in animum inducat. In primis autem reprimenda est quorundam superbia, qui scelera sua excusatione aliqua uel defendere, uel minora facere nituntur. Nam exempli causa, cum aliquis fateatur, se ira uehementius commotum fuisse, statim huius perturbationis causam in alium confert, a quo prius sibi iniuriam factam esse queritur. Monendus itaque est, hoc elati animi, & hominis peccati sui magnitudinem uel despicientis, uel plane ignorantis, signum esse: tum uero eiusmodi excusationis genus, ad augendum potius, quam minuendum peccatum pertinere. nam qui ita factum suum probare contendit, hoc uidetur profiteri, se tunc patientia usum esse, cum a nemine iniuria laedetur. quo quidem nihil homine Christiano indignius esse potest.

Etenim

Etenim cum illius uicem dolere maxime debuerit, qui iniuriam fecit: tamen non peccati prauitate commouetur, sed fratri irascitur, ac, cum ei præclara occasio oblata fuerit, ut Deum patientia colere, & fratrem mansuetudine sua corrigere possit, salutis materiam ad perniciem suam conuertit. Perniciosior autem est illorum culpa existimanda, qui siulta quadam uerecundia impediti, peccata confiteri non audeant. Iis igitur hortando animos addere oportet: monendique sunt, nihil esse, quod uitia sua aperire uereantur; nulliq. mirum uideri debere, si intelligat homines peccare: qui quidem communis est omnium morbus, & in humanam imbecillitatem proprie cadit. Alij sunt, qui, uel quod raro peccata confiteri solent, uel quod nullam curam, & cogitationem in peruestigandis suis sceleribus posuerunt, nec commissæ confessione expedire, nec, unde eius officij initium ducendum sit, satis sciunt: quos certe acrius obiurgare opus est, atque in primis docere, prius quam ad sacerdotem aliquis adeat, omni studio curandum esse, ut peccatorum suorum contritione commoueatur: id uero præstari nullo modo posse, nisi ea reminiscendo sigillatim recognoscere studeat. Quare, si sacerdos huiusmodi homines prorsus imparatos esse cognouerit, humanissimis uerbis a se dimittet, hortabiturque, ut ad cogitanda peccata aliquod spatium sumant, at deinde reuertantur. quod si forte affirmauerint, se in eam rem omne studium, &

¶ iiij dili-

diligentiam suam contulisse; (quoniam sacerdoti maximo uerendum est, ne, semel dimissi, amplius nō redeant) audiendi erunt, præsertim uero si emendandæ uitæ studium aliquod præferant, adduciq. possint, ut negligentiam suam accusent, quam se alio tempore diligenti, & accurata meditatione cōpensaturos promittant. in quo tamen magna cautio adhibenda est. si enim, audita confessione, iudicauerit, neque in enumerandis peccatis diligētiam, neque in detestandis dolorem penitenti omnino defuisse; absolui poterit. sin autē utrumque in eo desiderari animaduernerit; auctor illi, & suasor erit, ut maiorem curam, quod antea dictum est, in excutienda conscientia adhibeat, hominemque, ut blandissime poterit, tractatum dimittet. Sed quoniam interdum contingit, ut mulieres, alicuius sceleris in priori confessione oblitæ, iterum ad sacerdotem non audeāt redire; quod uereātur, ne uel in suspicionem magnæ improbitatis populo ueniant, uel singularis religionis laudem quærere existimētur: sæpe tum publice, tum priuatim docendum est, neminem tanta memoria esse, qui omnia sua facta, dicta, & cogitata meminisse queat: quapropter fideles nulla re deterrendos esse, quo minus ad sacerdotem reuertantur, si in memoriam alicuius criminis redierint, quod antea fuerit prætermisum. Hæc igitur, atque alia huius generis multa in confessione a sacerdotibus obseruanda erunt.

De satisfactio-
ne, penitētiæ par-

Nunc ad tertiam penitentiæ partem, quæ satisfactio

factio appellatur, ueniendum est. Primum itaque satisfactio-
tisfactionis nomen, & uis exponenda est. hinc. n. ca
tholica Ecclesie hostes amplam occasionem dissidij,
& discordiae, cum maxima Christiani populi per-
niciie, arripuerunt. Est autem satisfactio, rei debitae
integra solutio: nam quod satis est, ei nihil uidetur
deesse. quare cum de gratiae reconciliatione loqui-
mur, idem satisfacere significat, quod alteri tantum
praestare, quantum irato animo ad ulciscendam iniuriam
satis esse possit. atque ita satisfactio nihil aliud est,
quam iniuriae alteri illatae compensatio. Quod au-
tem ad hunc locum pertinet, satisfactiois nomen
diuinarum rerum doctores ad declarandam eam com-
pensationem usurparunt, cum homo pro peccatis
commis-^{te, eiusque} ^{exequenda} ^{necessitate.}
sis Deo aliquid persoluit. Quo in genere
quoniam multi gradus esse possunt, hinc fit, ut sa-
tisfactio uarie accipiat. Ac prima quidem, &
praestantissima illa est, qua pro scelerum nostrorum
ratione, etiam si Deus summo iure nobiscum uelit
agere, quidquid a nobis debeat, cumulate persol-
lutum est. Haec uero eiusmodi esse dicitur, qua no-
bis Deum propitium, & placatum reddidit, eamque
uni Christo domino acceptam ferimus, qui in cruce,
pretio pro peccatis nostris soluto, plenissime Deo
satisfecit. neque enim ulla res creata tanti esse po-
tuit, quae nos tam graui debito liberaret: atque, ut
sanctus Ioannes testatur, ipse est propitiatio pro
peccatis nostris, non pro nostris autem tantum, sed
etiam pro totius mundi. Haec igitur plena, &
cumu-

Ioan. 1.

cumulata est satisfactio, scelerum omnium rationi, quæ in hoc sæculo commissa sunt, pariter, æqualiterque respondens: cuius pondere hominum actiones apud Deum plurimum valent, ac sine eo nulla prorsus æstimatione dignæ haberentur. Atque huc Psal. 115 Davidis uerba uidentur spectare: qui postquã, secum ipse reputans, illud protulisset, Quid retribuam Domino pro omnibus, quæ retribuit mihi? nihil præter hanc satisfactionem, quam calicis nomine expressit, dignum tot, tantisque beneficijs inuenire potuit: quare subiecit: Calicem salutaris accipiam, & nomen domini inuocabo. Alterum satisfactionis genus, quæ & canonica appellatur, & certo temporis spatio definita perficitur. quare antiquissimæ Ecclesiæ usu receptum est, ut, cum penitentes a peccatis soluuntur, pœna aliqua eis irrogetur: cuius pœnæ solutio, satisfactio uocari consuevit. Eodem uero nomine quodlibet etiam pœnæ genus significatur, quam pro peccatis non quidem a sacerdote constitutam, sed sponte nostra susceptam, atque a nobis ipsis repetitam, sustinemus. Verum hæc ad penitentiam, ut sacramentum est, minime pertinet; sed illa tantum sacramenti pars censenda est, quam diximus ex præcepto sacerdotis Deo pro peccatis dependi; hoc adiuncto, ut statutum cum animo, & deliberatum habeamus, peccata in posterum omni studio uitare. ita enim nonnulli definierunt: satisfacere, est Deo debitum honorem impendere. quod autem nemo debitum

debitum honorem Deo possit tribuere, nisi qui peccata omnino uitare constituat, satis apparet. Et satisfacere, est causas peccatorum excidere, & eorum suggestioni aditum non indulgere. In quam sententiam alij assenserunt, satisfactionem esse purgationem, qua eluitur, quidquid sordium propter peccati maculam in anima resedit, atque a pœnis tempore definitis, quibus tenebamur, absoluihur. Quæ cum ita sint; facile erit fidelibus persuadere, quam necessarium sit, ut pœnitentes in hoc satisfactionis studio se exercent. Docendi enim sunt, duo esse, quæ peccatum consequuntur, maculam, & pœnam: ac quamuis semper, culpa dimissa, simul etiam mortis æternæ supplicium, apud inferos constitutum, condonetur; tamen non semper contingit, quemadmodum a Tridentina Synodo declaratum est, ut Dominus Trid. Syn. peccatorum reliquias, & pœnam, certo tempore definitam, quæ peccatis debetur, remittat. Cuius rei perspicua sunt exempla in sacris litteris, Genesis tertio capite, Num. xij. & xxij. Gen. 3
Num. 12 & alijs permultis locis: sed illud Davidis clarissimum, & maxime illustre intuemur: cui etsi Nathan dixerat; Dominus quoque translulit peccatum tuum, non morieris; is tamen grauissimas pœnas ultro subiit, Dei misericordiam his uerbis dies noctesque implorans: Amplius laua me ab iniquitate mea, & a peccato meo munda me: quoniam iniquitatem meam ego cognosco, & peccatum meum

meum contra me est semper. Quibus uerbis illud
 petitum est a Domino, ut non solum crimen, sed pœ-
 nam etiam crimini debitam condonaret, atque a
 peccati reliquijs purgatum, in pristinum decoris, et
 integritatis statum restitueret. Atque hæc cum
 summis precibus peteret, eum tamen Dominus,
 tum filij ex adulterio suscepti, tum Absalonis,
 quem unice diligebat, defectione, & morte mul-
 tauit, alijsque pœnis, & calamitatibus affecit,
 Exod. quas illi antea intentarat. In Exodo etiam, etsi Do-
 minus, Moysis precibus exoratus, populo idololatræ
 pepercerat, tamen minatus est, se tanti flagitij gra-
 ues pœnas repetiturum esse; ipseque Moses testatus
 est fore, ut illud Dominus seuerissime in tertiam,
 & quartam usque generationem ulcisceretur. Hæc
 uero a sanctis Patribus in Ecclesia catholica semper
 tradita esse, ipsorum auctoritate apertissime com-
 probatur. Verum qua de causa factum sit, ut pœ-
 na omnis pœnitentiæ sacramento, æque ac bapti-
 Trid. Syn. smo, nō condonetur, præclare a sancta Tridēna Sy-
 nodo explicatum est his uerbis. Diuinæ iustitiæ ra-
 tio exigere uidetur, ut aliter ab eo in gratiam reci-
 piantur, qui ante baptismum per ignorantiam de-
 liquerint: aliter uero qui semel a peccati, & dæmo-
 nis seruitute liberati, & accepto spiritus sancti do-
 no, scientes templum Dei uiolare, & spiritum san-
 ctum contristare non formidauerint. Et diuinam cle-
 mentiam decet, ne ita nobis absque ulla satisfactione
 peccata dimittantur, ut, occasione accepta, peccata
 leuiora

leuiores putantes, uelut iniurijs, & contumeliosi spiri-
 tui sancto in grauiora labamur, thesaurizantes no-
 bis iram in die iræ. Proculdubio enim magnopere a
 peccato reuocant, & quasi freno quodā coercent hæc
 satisfactoriæ pænæ, cautioreque & uigilantiores
 in posterum penitentes efficiunt. Accedit, ut tam-
 quam testificationes quædam sint doloris, quem ex
 peccatis commissis capimus: qua ratione Ecclesiæ
 fit satis, quæ nostris sceleribus grauius offensa est.
 nam, ut sanctus Augustinus ait; Cor contritum, S. Augusti-
nus.
 & humiliatum Deus non spernit. uerum quia ple-
 rûq. dolor alterius cordis occultus est alteri, neque
 in aliorum notitiam per uerba uel alia quæcumque
 signa procedit; recte ab ijs, qui Ecclesiæ præsumt,
 tempora penitentiæ constituuntur, ut Ecclesiæ, in
 qua ipsa peccata remittuntur, satisfiat. Præte-
 rea, penitentiæ nostræ exempla alios docent, quo
 modo ipsi uitam instituerent, & pietatem sequi de-
 beant. Cum enim pænæ nobis pro peccatis irroga-
 tas ceteri homines intuentur; & summam cautio-
 nem sibi in omni uita adhibendam, & mores pristi-
 nos corrigendos esse intelligunt. Quare sapientissi-
 me illud ab Ecclesia obseruatum est, ut, cum ab ali-
 quo publice flagitium commissum esset, publica etiā
 penitentia ei indiceretur; ut ceteri timore perterri-
 ti, deinceps peccata diligentius uitarent: quod
 etiam in occultis criminibus, quæ grauiora essent,
 interdum fieri solitum erat. Sed, ut diximus, in pu-
 blicis hoc perpetuum fuit, ut, qui ea commiserant,
 ante

ante quam publicam penitentiam suscepissent, non absoluerentur. interim uero Pastores pro illorum salute Deum rogabant, atque, ut ipsi etiam penitentes idem facerent, eos hortari non desinebant.

S. Ambros. Quo in genere summa fuit sancti Ambrosii cura, et sollicitudo: cuius lacrymis fertur quamplurimos, qui duro animo ad penitentiae sacramentum accesserant, ita mollitos esse, ut uerae contritionis dolorem conceperint. Verum postea tantum de ueteris disciplinae seueritate remissum est, atque ita charitas refrixit, ut iam plerique ex fidelibus, ad peccatorum ueniam impetrandam, nullum intimum animi dolorem, atque gemitum cordis necessarium putent; sed illud satis esse arbitrentur, si speciem tantum dolentis habeant. Deinde uero huiusmodi penarum perpeffione consequimur, ut capitis nostri

Ad Heb. 2 Iesu Christi, in quo passus est ipse, & tentatus, similitudinem, & imaginem geramus. nihil enim

D. Bernar. tam deforme uideri potest, ut a sancto Bernardo dictum est, quam, sub spinoso capite delicatum esse membrum. nam, teste Apostolo, coheredes sumus Christi; si tamen compatimur, &, quod alio loco scripsit, si commortui sumus, & conuiuemus;

Ad Rom. 8
ad Tim. 2 si sustinebimus, & conregnabimus. D. etiam Bernardus duo affirmat in peccato reperiri, maculam animae, & plagam: ac turpitudinem quidem ipsam Dei misericordia tolli; uerum sanandis peccatorum plagis ualde necessariam esse eam curam, quae in remedio penitentiae adhibetur. quemadmo-

dum

dum enim, sanato uulnere, cicatrices quædam remanent, quæ & ipsæ curandæ sunt: ita in anima, culpa condonata, supersunt reliquiæ peccatorum purgandæ. Idem plane D Chrysostomi sententia confirmat, cum ait: Non satis est sagittam e corpore extrahi, sed plaga quoque, a sagitta inflicta, sananda est: sic etiam in anima post acceptam peccati ueniam pænitentia curanda est, plaga relicta.

Frequentissime enim a sancto Augustino docemur, S. August. duo hæc in pænitentia animaduertenda esse, Dei misericordiam, & iustitiam; misericordiam, qua peccata, & pœnas æternas illi debitas condonat; iustitiam, qua pœnis tempore definitis hominem punit. Postremo, pænitiæ pœna a nobis suscepta Dei animaduersionem, suppliciaque in nos constituta anteuertit. ita enim docet Apostolus, cum ait: Si nosmet ipsos diiudicemus, non utique iudicamur: dum iudicamur autem, a Domino corripi-mur, ut non cum hoc mundo damnemur. Quæ cum fidelibus explicata fuerint, uix fieri poterit, quo minus ad pænitiæ opera maxime excitetur.

Eius autem quanta uis sit, ex eo colligitur, quod tota a Christi domini passionis merito pendet. A quo etiam honestis actionibus duo illa maxima bona consequimur. alterum est, ut immortalis gloriæ præmia mereamur; ita ut calix etiam aquæ frigidæ, quam in eius nomine dederimus, mercede non careat: alterum, ut pro peccatis nostris satisfaciamus. Neque uero id perfectissimam,

&

D. Chryso-
stomus.

S. August.

1. ad Cor. 11

Matth. 10

& cumulatissimam Christi domini satisfactionem obscurat; sed illud potius contra euenit, ut multo clariorem, & illustriorem reddat. Eo enim copiosior Christi gratia uidetur esse, quod non solum ea nobiscum communicantur, quæ ipse solus, sed illa etiam, quæ tamquam caput in membra suis sanctis, & iustis hominibus promeruit, ac persoluit: qua ratione fieri perspicuum est, ut iustæ, & honestæ priorum actiones tantum ponderis, et dignitatis habeant. Christus enim dominus, tamquam caput in membra, & uitis in palmites, gratiam suam in eos, qui sibi per charitatem coniuncti sunt, continenter diffundit. Quæ quidē gratia bona opera nostra semper antecedit, comitatur, & consequitur, & sine qua mereri, et satisfacere Deo nullo modo possumus. Atque ita fit, ut iustis nihil deesse uideatur, cum operibus, quæ Dei uirtute efficiunt, & diuinæ legi pro humana mortalique condicione satisfacere, & uitam æternam, quam scilicet, si Dei gratia ornatæ uita decesserint, consequentur, mereri possint. nota est enim illa Saluatoris uox: Qui autem biberit ex hac aqua, quam ego dabo ei, non sitiet in æternum; sed aqua, quam ego dabo ei, fiet in eo fons aquæ salientis in uitam æternam.

Ioan. 4

Quæ ad ueram satisfactionem requirantur.

Sed duo præcipue in satisfactione requiruntur. primum est, ut is, qui satisfacit, iustus sit, ac Dei amicus. opera enim, quæ sine fide, et charitate fiunt, nullo modo Deo grata esse possint. alterum, ut eiusmodi opera suscipiantur, quæ natura sua dolorem,

&

& molestiam afferant . cum enim præteritorum
 scelerum compensationes sint , atque , ut sanctus
 martyr Cyprianus ait , redemptrices peccatorum ; S. Cypria-
nus.
 omnino necesse est , ut aliquid acerbitatis habeant .
 quamquam non semper illud consequitur , ut qui
 se in illis molestis actionibus exercent , doloris sen-
 sum habeant . Sæpe enim uel patiendi consuetudo ,
 uel accensa in Deum charitas efficit , ut quæ per-
 pectu grauissima sunt , ne sentiatur quidem . Neque
 tamen ideo fit , quo minus ea ipsa opera satisfac-
 iendi uim habeant . siquidem hoc proprium est filio-
 rum Dei , ita eius amore , & pietate inflammari ,
 ut acerbissimis laboribus cruciati , aut nihil fere in-
 commodi sentiant , aut omnia latissimo animo perse-
 rant . Verum omne satisfactionis genus Pastores
 docebunt ad hæc tria præcipue conferendum esse ,
 orationem , ieiunium , eleemosynam : quæ quidem
 tribus bonis , animæ , corporis , & ijs , quæ exter-
 na commoda dicuntur , quæ omnia a Deo accepi-
 mus , respondent . nihil uero aptius , & conuenien-
 tius ad extirpandas omnium peccatorum radices es-
 se potest . Nam cum omne , quod est in mundo , con- 1. Ioan. 2
 cupiscentia carnis sit , aut concupiscentia oculorum ,
 aut superbia uitæ ; nemo non uidet , hisce tribus mor-
 bi causis totidem medicinas , priori scilicet ieiunium ,
 alteri eleemosynam , tertiæ orationem rectissime op-
 poni . Præterea , si eos etiam , qui peccatis nostris
 offenduntur , spectemus ; facile erit intelligere , cur
 ad hæc tria potissimum omnis satisfactio referatur .

Z hi uero

hi uero sunt Deus, proximus, nos ipsi. Quare Deum oratione placamus: proximo eleemosyna satisfacimus: nos ipsos uero ieiunio castigamus. Sed quoniam multae uariaeque arumnae, & calamitates, dum in hac uita sumus, nos premunt; illud maxime fideles docendi sunt, eos, qui patienti animo, quidquid laboriosi, & incommodi Deus immiserit, ferant, amplam satisfaciendi, & merendi materiam nactos esse; qui autem inuiti, & repugnantes poenam huiusmodi sustineant, omni satisfactionis fructu priuari, sed Dei tantum, peccata iusto iudicio ulciscantis, animadversionem, & supplicium perferre. In eo uero summa Dei bonitas, & clementia maximis laudibus, & gratiarum actionibus praedicanda est, qui humanae imbecillitati hoc condonauit, ut unus posset pro altero satisfacere. quod quidem huius partis penitentiae maxime proprium est. ut enim, quod ad contritionem, & confessionem attinet; nemo pro altero dolere, aut confiteri potest: ita, qui diuina gratia praediti sunt, alterius nomine possunt, quod Deo debetur, persolvere. quare fit, ut quodam pacto alter alterius onera portare uideatur. Nec uero de hoc cuiquam fidelium dubitandi locus relictus est, qui in apostolorum symbolo, sanctorum communionem cōfitemur. nam cum omnes eodem baptismo abluti Christo renascamur, eorundem sacramentorum participes simus, in primis uero eiusdem corporis, & sanguinis Christi domini ei bo, et potu recreemur; hoc apertissime demonstrat, nos,

Ad Gal. 6

nos omnes eiusdem esse corporis membra. Quem-
admodum igitur neque pes suus tantum, sed etiam
oculorum utilitatis causa munere suo fungitur;
neque rursus, quod oculi uideant, ad illorum pro-
priam, sed ad communem omnium membrorum
utilitatem referendum est: ita communia inter nos
satisfactionis officia existimari debent. Neque ta-
men id sine ulla exceptione uerum est, si commoda
omnia, quæ ex ea capiuntur, spectemus. nam sa-
tisfactionis opera, medicinæ etiam & curationes
quædam sunt, quæ penitenti ad sanandos prauos
animi affectus præscribuntur: quo quidem utilita-
tis fructu eos, qui per se non satisfaciunt, prorsus
carere perspicuum est. Hæc igitur de tribus peni-
tentia partibus, contritione, confessione, & satis-
factione, copiose, & dilucide explicanda erunt.

Sed illud in primis a sacerdotibus obseruari oportet, ut, audita peccatorum confessione, ante quam
penitentem a peccatis absoluant, diligenter curent,
ut, si quid ille forte de re, aut de existimatione pro-
ximi detraxerit, cuius peccati damnandus merito
esse uideatur, cumulata satisfactione compenset.
nemo enim absolendus est, nisi prius, quæ cuiusque
fuerint, restituere polliceatur. At quoniam mul-
ti sunt, quibus, etsi prolixè pollicentur, se offi-
cio satis esse facturos, tamen certum est, ac de-
liberatum numquam promissa exoluere; omnino ij
cogendi sunt, ut restituant: sæpeque illud Apo-
stoli eis inculcandum est, ut, qui furabatur, iam Ad Eph. 4

Z ij non

non furetur; magis autem laboret, operando manibus suis quod bonum est, ut habeat unde tribuat necessitatem patienti. In irroganda autem satisfactionis pœna, sacerdotes nihil sibi suo arbitratu statuendum esse, sed omnia iustitia, prudentia, & pietate dirigenda existimabunt. Atque, ut hac regula peccata metiri uideantur, & pœnitentes scelerum suorum gravitatem magis agnoscant; operæpretium erit, interdum eis significare, quæ pœna quibusdam delictis ex ueterum canonum præscripto, qui pœnitentiales uocantur, constitutæ sint. Igitur uniuersæ satisfactionis modum, culpæ ratio temperabit. Sed ex omni satisfactionum genere maxime conuenit pœnitentibus præcipere, ut certis aliquot, & definitis diebus orationi uacent, ac pro omnibus, & præsertim pro ijs, qui ex hac uita in Domino decesserunt, preces Deo faciant. Hortari uero etiam eos oportet, ut sæpe eadem satisfactionis opera, a sacerdote indicta, ultro suscipiant, ac repetant; atque ita mores suos componant, ut, ijs omnibus, quæ ad pœnitentiæ sacramentum pertinent, diligenter absolutis, tamen uirtutis pœnitentiæ studia nūquam intermittant. quod si interdum; etiam ob publicam offensionem, publica pœnitentiæ præscribenda fuerit, quamuis eam pœnitens refugiat, ac deprecetur, non erit facile audiendus; uerum persuadere ei oportebit, ut, quæ tum sibi, tum alijs salutaria futura sunt, libenti, & alacri animo excipiat. Hæc de pœnitentiæ sacramento, singulisq.

gulisque eius partibus ita docenda erunt, ut non solum ea fideles perfecte intelligant; sed etiam, iuuantur Domino, re ipsa pie, & religiose prestare animam inducant.

DE EXTREMÆ VNCTIONIS SACRAMENTO.

Cum sancta scripturarum oracula ita Eccle. 7
doceant; In omnibus operibus tuis memorare nouissima tua, & in aeternum non peccabis; tacite Parochi admonentur, nullum tempus pratermittendum esse fidelem populum cohortandi, ut in assidua mortis meditatione uersetur. Quoniam autem extremæ unctionis sacramentum non potest supremi illius diei memoriam coniunctam non habere; facile intelligitur, de eo sepe agendum esse, non solum ob eam causam, quod illarum rerum mysteria, quæ ad salutem pertinent, aperire, & explicare maxime conuenit; sed etiam quia fideles, moriendi necessitatem omnibus propositam esse, animo repetentes, prauas cupiditates coercebunt; quare fiet, ut in ipsa mortis expectatione minus se perturbari sentiant; sed immortales Deo gratias agant, qui, ut baptismi sacramento aditum nobis ad ueram uitam patefecit, ita etiam, ut ex hac mortali uita decedentes, expeditiorem ad calum uiam haberemus, extremæ unctionis sacramentum instituit. Ut igitur, quæ ad

Z ij eam

eam explicationem magis necessaria sunt, eodem fere ordine, qui in alijs sacramentis seruatus est, exponantur; primum illud tradendum erit, hoc sacramentum iccirco extremam unctionem appellatum esse, quod hæc omnium sacrarum unctionum, quas dominus Saluator noster Ecclesiæ suæ commendauit, ultima administranda sit. Quare hæc ipsa unctio a maioribus nostris sacramentum etiam unctionis infirmorum, & sacramentum exeuntium dicta est: quibus uocabulis fideles in memoriam nouissimi illius temporis facile redire possunt. Quod autem extremæ unctioni propria sacramenti ratio conueniat, in primis explanandum est: id uero perspicuum fiet, si uerba, quibus sanctus Iacobus apostolus huius sacramenti legem promulgauit, attendamus. Infirmatur quis in uobis? inquit: Inducat presbyteros ecclesiæ, & orent super eum, ungentes eum oleo in nomine Domini: & oratio fidei saluabit infirmum: & alleuiabit eum Dominus: &, si in peccatis sit, remittentur ei. Nam quod peccata condonari Apostolus affirmat, in eo declarat sacramenti nim, & naturam. Hanc uero catholicæ Ecclesiæ de extrema unctione perpetuam doctrinam fuisse, cum alia plura Concilia testantur, tum a Tridentina Synodo hoc ita declaratum est, ut in eos omnes anathematis pœnam constituerit, qui aliter docere, aut sentire audeant.

Innocentius primus. Ac Innocentius quoque primus hoc sacramentum fidelibus maxime commendat. Constanter itaque docendum

Iacobi 5

Trid. Syn.

Innocentius primus.

docendum est a Pastoribus, uerum sacramentum
 esse; nec plura, sed unum, quamuis per plures un-
 ctiones administretur; quarum singulis propriae
 preces, ac peculiaris forma adhibenda est. Unum
 uero est non partium continuatione, quæ diuidi
 non possint, sed perfectione: cuiusmodi sunt cetera
 omnia, quæ ex pluribus rebus constant. Nam
 quemadmodum domus, quæ ex multis, & di-
 uersis rebus composita est, una tantum forma
 perficitur: ita hoc sacramentum, & si ex pluri-
 bus rebus, & uerbis constituitur, unum tamen si-
 gnum est, & unius rei, quam significat, efficien-
 tiam habet. Docebunt præterea Parochi, quæ sint
 huius sacramenti partes, elementum, inquam, &
 uerbum. hæc enim a sancto Iacobo prætermissa Iacobi 5.
 non sunt: in quibus singulis sua mysteria licet ani-
 maduertere. Eius igitur elementum, siue mate-
 ria, quemadmodum Concilia, ac præcipue Triden- Trid. Syn.
 tinum decreuit, est oleum ab Episcopo consecratum,
 liquor scilicet, non ex quauis pingui, & crassa na-
 tura, sed ex olearum baccis tantummodo expres-
 sus. Aptissime autem hæc materia illud significat,
 quod in sacramenti interiori in anima efficitur. nam
 ut oleum ad mitigandos corporis dolores magnope-
 re proficit: ita sacramenti uirtus animæ tristitiam,
 ac dolorem minuit. Oleum præterea sanitatem re-
 stituit, hilaritatem affert, & lumini tamquam pa-
 bulum præbet: tum uero ad recreandas defatigati
 corporis uires maxime accommodatum est. Quæ

Z iiij omnia,

omnia, quid in aegroto diuina uirtute per huius sacramenti administrationem efficiatur, declarant. Hac de materia satis sint. Forma uero sacramenti est uerbum, & sollemnis illa precatio, quam sacerdos ad singulas unctiones adhibet, cum inquit: Per istam sanctam unctionem indulgeat tibi Deus, quidquid oculorum, siue narium, siue tactus uitio deliquisti. Quod autem hæc uera sit, & propria huius sacramenti forma, sanctus Iacobus apostolus significat, cum ait; Et orent super eum, & oratio fidei saluabit infirmum. Ex quo licet cognoscere, formam precationis modo proferendam esse: tametsi, quibus potissimum uerbis concipienda sit, Apostolus non expresse. Verum hoc ad nos fidei Patrum traditione permanauit, ita ut omnes Ecclesiæ eam formam rationem retineant, qua omnium mater, & magistra sancta Ecclesia Romana utitur. nam etsi aliqui nonnulla uerba immutant, cum pro; Indulgeat tibi Deus; ponunt, Remittat, uel Parcat, interdum etiam Sanet, quidquid commisisti: tamē, quoniam nulla sit sententiæ immutatio, constat eandem ab omnibus formam religiose seruari. Nec uero quisquam miretur, cur factum sit, ut aliorum sacramentorum forma uel absolute significet quod efficit, ut cum dicimus; Ego te baptizo; aut; Signo te signo crucis; uel tamquam ab imperantibus pronuncietur; ut cum in sacramento ordinis administrando dicitur; Accipe potestatem; hæc una uero extremæ unctionis forma precatione quadā absoluat: soluat: :

Iacobi s

Soluatur : id enim optimo iure constitutum est . nam cum hoc sacramentum propterea adhibeatur , ut , præter spiritualement gratiam , quam tribuit , sanitatem etiam restituat ægrotis : tamen , quia non semper sequitur , ut ægri a morbis conualescant , ob eam causam precatione forma conficitur , ut a Dei benignitate id impetremus , quod sacramentis constanti , & perpetuo ordine efficere non solet . Adhibentur autem ritus proprii in huius quoque sacramenti administratione : sed eorum maxima pars precationes continet , quibus sacerdos ad ægroti salutem impetrandam utitur . nullum enim est aliud sacramentum , quod pluribus precibus conficiatur : ac recte quidem : quoniam eo potissimum tempore fideles pii obsecrationibus adiuuandi sunt . quare & alij omnes , quos tum adesse contigerit , & præcipue Parochi debet orare Deum ex animo , & eius misericordie , laborantis uitam et salutem omni studio commendare .

Verum cum demonstratum sit , extremam unctionem vere , & proprie in sacramentorum numero habendam esse ; illud etiam sequitur , eius institutionem a Christo domino profectam esse ; quæ postea a sancto Iacobo apostolo fidelibus proposita , & promulgata est . Quamquam idem Saluator huius unctionis specimen quoddam dedisse uisus est , cum discipulos suos binos , & binos ante faciem suam misit . de illis enim apud Euangelistam ita scriptum est : Exeuntes prædicabant , ut penitentiam agerent , & demonia

Unctionis
extremæ sa-
cramentū a
Christo in-
stitutū , &
quibus con-
ferendum .

Mar. 6

S. Dionysius,
Ambrosius,
Chrysostomus,
Gregorius.

Iacobi 5.

dæmonia multa eieciabant, & ungebant oleo multos ægros, & sanabant. quam quidem unctionem non ab apostolis inuentam, sed a Domino præceptam, non naturali aliqua uirtute præditam, sed mysticam, potius ad sanandos animos, quam ad corpora curanda institutam fuisse, credendum est. quam rem sancti Dionysius, Ambrosius, Chrysostomus, & Gregorius magnus asserunt: ut nullo modo dubitandum sit, quin hoc unum ex septem catholicæ Ecclesiæ sacramentis summa cum religione accipere oporteat. Sed docendi sunt fideles, quamuis hoc sacramentum ad omnes pertineat, quædam tamen hominum genera excipi, quibus administrandum non sit. Ac primum excipiuntur, qui sano, & infirmo corpore sunt: ijs enim extremam unctionem tribuendam non esse, & Apostolus docet, cum inquit; Infirmatur quis in uobis? & ratio ostendit; siquidem ob eam rem instituta est, non modo ut animæ, sed etiam ut corpori medicinam afferat. Cum igitur illi tantum, qui morbo laborant, curatione indigeant; ideo ijs etiam, qui adeo periculose ægrotare uidentur, ut, ne supremus illis uitæ dies instet, metuendum sit, hoc sacramentum præberi debet. In quo tamen grauissime peccant, qui illud tempus ægroti ungendi obseruare solent, cum, iam omni salutis spe amissa, uita, & sensibus carere incipiat. constat enim, ad uberiores sacramenti gratiam percipiendam plurimum ualere, si ægrotus, cum in eo adhuc
integra

integra mens, & ratio uiget, fidemque, & reli-
 giosam animi uoluntatem afferre potest, sacro oleo
 liniatur. Quare Parochis animaduertendum est,
 ut eo potissimum tempore caelestem medicinam adhi-
 beant, illam quidem semper ui sua admodum salu-
 tarem, cum eorum etiam pietate, & religione, qui
 curandi sunt, magis profuturam intellexerint. Ne-
 mini igitur, qui graui morbo affectus non sit, sacra-
 mentum unctionis dare licet, tametsi uitæ pericu-
 lum adeat; uel quia periculosam nauigationem pa-
 ret; uel quia prælum initurus sit, a quo certa mors
 illi impendeat; uel etiam, si capitis damnatus ad
 supplicium raperetur. Omnes præterea, qui ra-
 tionis usucarent, ad hoc sacramentum suscipiendum
 apti non sunt; & pueri, qui nulla peccata admit-
 tunt, quorum reliquias sanare huius sacramenti re-
 medio opus sit; amentes item, & furiosi, nisi in-
 terdum rationis usum haberent, & eo potissimum
 tempore p̄i animi significatione darent, peterentq.
 ut sacro oleo ungerentur. nam qui ab ipso ortu num-
 quam mentis & rationis compos fuit, ungendus nō
 est: secus uero si egrotus, cum mente adhuc integra
 huius sacramenti particeps fieri uoluisset, postea in
 insaniam & furorē incidit. Non sunt autem omnes
 corporis partes ungendæ, sed ea tantum, quas ue-
 luti sensuum instrumenta natura homini attribuit,
 oculi propter uisionem, aures propter auditum, na-
 res propter odoratum, os propter gustum, uel ser-
 monem, manus propter tactum; qui tametsi toto
 corpore

corpore æquabiliter fusus est, in ea tamen parte maxime uiget. Hunc autem ungenti ritum uniuersalis Ecclesia retinet, atque etiam huius sacramenti naturæ optime conuenit: medicamento enim est instar. Ac quoniam in corporis morbis, quamuis uniuersum corpus male affectum sit, tamen illi tantum parti curatio adhibetur, a qua, tamquam a fonte, & origine, morbus manat; iccirco non totum corpus, sed ea membra, in quibus potissimum sentiendi uis eminet, renes etiam, ueluti uoluptatis, & libidinis sedes, unguntur; tum pedes, qui nobis ingressus, & ad locum mouendi principium sunt. In quibus illud obseruare oportet, in una, eademque ægrotatione, cum æger in eodem uitæ periculo positus est, semel tantum ungendum esse. Quod si post susceptam hanc unctionem æger conualuerit; quoties postea in id uitæ discrimen inciderit, toties eiusdem sacramenti subsidium ei poterit adhiberi. ex quo patet, in eorum sacramentorum numero, quæ iterari solent, reponendam esse.

**Extrema
unctio qua
preparatio
ne suscipi-
enda; quis
minister, &
fructus illi
us.**

Quoniam uero omni studio curare oportet, ne quid sacramenti gratiam impediat; ei uero nihil magis aduersatur, quam alicuius peccati mortiferi conscientia; seruanda est catholica Ecclesiæ perpetua consuetudo, ut, ante extremam unctionem, penitentia, & Eucharistiæ sacramentum administretur. At deinde ægroto persuadere Parochi studeât, ut ea fide se ungendum sacerdoti præbeat, qua olim, qui ab apostolis sanandi erant, se ipsos offerre consueuerant.

sueuerant. In primis autem animæ salus, deinde corporis ualeatudo cum illa adiunctione, si ea ad æternam gloriam profutura sit, expetenda est. Nec uero dubitare fideles debent, quin sanctæ illæ, & sollemnes preces a Deo audiantur, quibus sacerdos non suam, sed Ecclesiæ, & domini nostri Iesu Christi personam gerens utitur. Qua una maxime re cohortandi sunt, ut huius saluberrimi olei sacramentum sancte, & religiose sibi administrandum curent, cum & acrior pugna instare, & uires cum animi, tū corporis deficere uideatur. Iam uero, quis extremæ unctionis minister sit, ab eodem Apostolo, qui Domini legē promulgauit, didicimus: inquit enim. Inducat presbyteros. quo nomine non eos significat, Iacobi 5. qui ætate prouectiores sunt, quemadmodum sapienter Tridentina Synodus exposuit, aut qui in populo principem locum obtinent, sed sacerdotes, qui ab ipsis Episcopis per manuum impositionem rite ordinati sunt. Sacerdoti igitur huius sacramenti administratio commissa est. Neque tamen ex sanctæ Ecclesiæ decreto cuius sacerdoti, sed proprio Pastori, qui iurisdictionem habeat, siue alteri, cui ille eius muneris fungendi potestatem fecerit, hoc sacramentum administrare licet. Illud uero maxime animaduertendum est, sacerdotem in ea administratione, quemadmodum etiam in alijs sacramentis sit, Christi domini nostri, & sanctæ Ecclesiæ, eius sponsæ, personam sustinere. Explicandæ etiam sunt accuratius utilitates, quas ex hoc sacramento capi-

mus

mus: ut, si nihil aliud fideles ad eius usum possit al-
 licere, ipsa saltem utilitate ducantur: cum ita com-
 paratum sit, ut omnia fere nostris commodis metia-
 mur. Docebunt igitur Pastores, hoc sacramento
 gratiam tribui, quæ peccata, & in primis quidem
 leuiora, & ut communi nomine appellantur, ue-
 nialia, remittit: exitiales enim culpæ, penitentia
 sacramento tolluntur. neque. n. hoc sacramentum
 primario loco ad grauiorum criminum remissionem
 institutum est: sed baptismus tantum, & peniten-
 tia ui sua hoc efficiunt. Altera est sacra unctionis
 utilitas, quod animam a langore, & infirmitate,
 quam ex peccatis contraxit, & a ceteris omnibus
 peccati reliquijs liberat. Tempus autem huic cura-
 tioni opportunissimum existimandum est, cum gra-
 ui morbo afflictamur, ac uitæ periculum impendet.
 Etenim homini natura insitum est, ut nihil in re-
 bus humanis æque, ac mortem, pertimescat. au-
 get autem magnopere hunc timorem præteritorum
 scelerum memoria; cum præsertim grauiissima con-
 scientiæ nostræ accusatio nos urgeat. ut enim scri-
 ptum est: Venient in cogitationem peccatorum suo-
 rum timidi, & traducent illos ex aduerso iniquita-
 tes ipsorum. Deinde illa cura, & cogitatio uehemen-
 ter angit, quod paulo post stare oporteat ante tribu-
 nal Dei, a quo de nobis iustissima pro eo, ac meriti
 fuerimus, sententia ferenda sit. Sæpe autem euenit,
 ut fideles hoc terrore perculsi, se miris modis exagi-
 tari sentiant. Nihil autem ad mortis tranquillita-
 tem

tatem magis conducit, quam si tristitiam abijciamus, & leto animo Domini aduentum expectemus; paratique simus, depositum nostrum, quandoque illud a nobis repetere uoluerit, libenter reddere. Ut igitur hac sollicitudine fidelium mentes liberentur, animusque pio, & sancto gaudio repleatur, extremae unctionis sacramentum efficit. Præterea, aliud etiam, quod merito omnium maximum uideri potest, ex eo consequimur. nam etsi humani generis hostis, quoad uiuimus, numquam desinit de interitu, & exitio nostro cogitare: nullo tamen tempore, ut nos omnino perdat, ac, si fieri possit, spem nobis diuinæ misericordiæ eripiat, uehementius omnes neruos contendit, quam cum supremum uitæ diem appropinquare animaduernerit.

Quamobrem fidelibus arma, & uires hoc sacramento subministrantur, quibus aduersarij uim, & impetum frangere, & illi fortiter repugnare possint. alleuatur enim, & erigitur ægri animus diuinæ bonitatis spe; eaque confirmatus morbi incommoda oïa fert leuius, ac ipsius Demonis, calcaneo insidiantis, artificium, & calliditatem facilius eludit. Accedit postremo, siquidem profutura sit, etiam corporis sanitas. Quod si ægroti hoc tempore eam minus consequuntur, id quidem non sacramenti uitio, sed ob eam potius causam euenire credendum est, quod eorum magna pars, uel qui sacro oleo perunguntur, uel a quibus administratur, fides infirmior est. testatur enim Euangelista, Math. 13
Domi-

Dominum apud suos multas uirtutes nō fecisse propter incredulitatem illorum. Quamquam etiam recte dici potest, Christianam religionem, ex quo altius tamquam radices egit in animis hominum, minus iam huiusmodi miraculorum adminiculis indigere, quam olim nascentis Ecclesiae initio necessaria esse uiderentur. Sed tamen hoc loco fides magnopere excitanda erit. utcumque enim, quod ad corporis ualeitudinem attinet, Dei consilio & uoluntate ceciderit, certa spe niti fideles debent, se huius sacri olei uirtute spiritualem sanitatem consecuturos esse; futurumque, ut, si eos uita decedere cōtingat, praeclara illius uocis fructum percipiant, qua scriptum est; Beati mortui, qui in Domino moriuntur. Hac de extrema unctionis sacramento breuiter qui dem dicta sunt: uerum, si haec ipsa rerum capita a Pastoribus latius, & ea, qua decet, diligentia explanata erunt; dubitandum non est, quin fideles ex hac doctrina maximum pietatis fructum percipiant.

DE ORDINIS SACRAMENTO.

I QVIS aliorum sacramentorum naturam, et rationem diligenter considerarit, facile perspiciet, ea omnia ab ordinis sacramento ita pendere, ut sine illo partim confici, & administrari nullo modo queant; partim sollemni cerimonia, & religioso quodam ritu, ac cultu carere uideantur. Quare necesse

cesse est, ut Pastores institutam sacramentorum doctrinam persequentes, eo diligentius de ordinis etiā sacramento sibi agendum arbitrentur. Proderit autem maxime hæc explicatio primum quidem illis ipsis, deinde alijs, qui ecclesiasticæ uitæ rationem ingressi sunt, postremo etiam fidei populo; ipsis, quod, dum in huius argumenti tractatione uersantur, ad eam gratiam excitandam, quam hoc sacramento adepti sunt, magis commouentur, alijs, qui in sortem Domini uocati sunt, partim ut eodem pietatis studio afficiantur, partim, uero, ut earum rerum cognitionem percipiant, quibus instructi uiam sibi ad ulteriores gradus facilius munire possint. Reliquis autem fidelibus primum quidem ut intelligant, quo honore digni sint ecclesiæ ministri; deinde, quoniam sæpe contingit, ut multi adsint, uel qui spe liberos suos adhuc infantes ecclesiæ ministerio destinarent, uel qui sua sponte et uoluntate illud uitæ genus sequi uelint; quos certe ignorare minime æquum est, quæ præcipue ad hanc rationem pertinent: primum itaque fidelibus tradendum est, quanta sit huius instituti, si summum eius gradum, hoc est sacerdotium spectemus, nobilitas, & excellentia. nam cum Episcopi, & sacerdotes tamquā Dei interpretes, & internuncijs quidam sint, qui eius nomine diuinam legem, & uitæ præcepta homines edocent, & ipsius Dei personam in terris gerunt; perspicuum est, eam esse illorum functionem, qua nulla maior excogitari possit. quare merito nō

AA solum

solum angeli, sed Dij etiam, quod Dei immortalis uim, & numen apud nos teneant, appellantur. Quamuis autem omni tempore summam dignitatem obtinuerint; tamen noui testamenti sacerdotes ceteris omnibus honore longe antecellunt. potestas enim tum corpus, & sanguinem Domini nostri conficiendi, & offerendi, tum peccata remittendi, quæ illis collata est, humanam quoque rationem, atque intelligentiam superat; nedum ei aliquid par, & simile in terris inueniri queat.

Deinde uero, quemadmodum Saluator noster a patre, apostoli autem, ac discipuli in uniuersum mundum a Christo domini missi sunt; ita quotidie sacerdotes, eadem, qua illi, potestate præditi, ad consummationem sanctorum in opus ministerij in ædificationem corporis Christi mittuntur. Huius igitur tanti officij onus nemini temere imponendum est, sed ijs tantum, qui illud uitæ sanctitate, doctrina, fide, prudentiæ sustinere possint. Nec uero quisquam sumat sibi honorem, sed qui uocatur a Deo tamquam Aaron. Vocari autem a Deo dicuntur, qui a legitimis Ecclesiæ ministris uocantur. nam qui in hoc ministerium se ipsos arroganter inferunt, atque intrudunt, de his Dominum intellexisse docendum est, cum inquit: Non mittebam Prophetas, & ipsi currebant. quo quidem hominum genere nihil infelicius, ac miseriùs, nihil Ecclesiæ Dei calamitosius est potest.

Sed

Sed quoniam in omni actione suscipienda magno
 pere refert, quem sibi quisque finem constituat;
 (optimo enim sine posito, recte omnia consequun-
 tur) de hoc in primis, qui sacris initiari uolunt,
 admonendi sunt, ut nihil sibi tanto munere indignū
 proponant. qui quidem locus eo diligentius tra-
 ctandus erit, quo grauius hoc tempore ea in re pec-
 care fideles solent. Alij enim eo consilio ad hanc ui-
 uendi rationem se conuertunt, ut, quæ ad uictum,
 uestitumque necessaria sunt, parent, ita ut, præ-
 ter quæstum, nihil aliud in sacerdotio, quemadmo-
 dum uulgo ceteri omnes in quouis sordidi artificij ge-
 nere, spectare uideantur. Quamuis enim, ex apo-
 stoli sententia, natura, & diuina lex iubeat, ut
 qui altari seruit, ex altari uiuat: tamen, questus,
 & lucri causa ad altare accedere, maximum sacri-
 legium est. Alios honorum cupiditas, & ambitio
 ad sacerdotalem ordinem ducit. Alij uero, ut diui-
 tiis affluant, initiari uolunt. cuius quidem rei il-
 lud argumento est, quod, nisi opulentum ali-
 quod ecclesiasticum beneficium ijs deferatur, nul-
 lam sacri ordinis cogitationem habent. hi uero sunt,
 quos Saluator noster mercenarios appellat; &
 quos Ezechiel dicebat, semet ipsos, & non oues
 pascere. quorum turpitudine, & improbitas non so-
 lum sacerdotali ordini magnas tenebras offudit,
 ita ut iam nihil fere a fideli populo haberi possit
 contemptius, & abiectius; uerum etiam efficit,
 ut ipsi nihil amplius ex sacerdotio consequantur,

Quanta ci-
 cum spectis
 ne ad sa-
 cros ordi-
 nes acced-
 dum.

1. ad Cor. 9

Ioan. 10
 Ezech. 3

AA ij quam

quam Iudas ex apostolatus munere ; quod illi sempiternū exitium attulit . Illi autem ostio in Ecclesiam introire merito dicuntur , qui a Deo legitime uocati ecclesiastica munera eius unius rei causa suscipiunt , ut Dei honori inseruiant . Neque tamen hoc ita accipiendum est , quasi eadem lex æque omnibus non sit imposita . Homines enim ob eam rem cōditi sunt , ut Deum colant . quod præcipue fideles , qui baptismi gratiam consecuti sunt , ex toto corde , ex tota anima , & ex totis uiribus præstare debent . Verū qui ordinis sacramento initiari uolunt , hoc sibi proponant opus est , ut non solum Dei gloriam in omnibus rebus quærant , quod quidem cum omnibus , tum maxime fidelibus commune esse constat ; sed etiam ut alicui certo ecclesiæ ministerio addicti , in sanctitate , & iustitia illi seruiant . Nam ut in exercitu omnes quidem milites imperatoris legibus parent , sed inter eos tamen alius centurio , alius præfectus est , alij alia munera obeunt : ita , quamuis omnes fideles pietatem , & innocentiam sectari omni studio debeant , quibus rebus maxime Deus colitur , eos tamen , qui ordinis sacramento sunt initiati , præcipua quædam munera , & functiones in ecclesia exequi oportet . nam & sacra pro se ipsis , & pro omni populo faciunt ; & diuinæ legis uim tradunt ; ad eamque prompto , & alacri animo seruandam fideles hortantur , & instituunt ; & Christi domini sacramento , quibus omnis gratia impertitur , & augetur , administrant ; & , ut uno uerbo comple-

complectamur, a reliquo populo segregati, in omnium longe maximo, & præstantissimo ministerio se exercent.

His igitur explicatis, accedent Parochi ad ea tradenda, quæ propria huius sacramenti sunt; ut intelligant fideles, qui in ecclesiasticum ordinem cooptari uolunt, ad quodnam officij genus uocentur, quantaque ipsi Ecclesiæ, eiusque ministris potestas diuinitus tributa sit. Ea autem duplex est, ordinis, & iurisdictionis. Ordinis potestas ad uerum Christi domini corpus in sacrosancta Eucharistia refertur. Iurisdictionis uero potestas tota in Christi corpore mystico uersatur. ad eam enim spectat, Christianum populum gubernare, & moderari, & ad æternam, celestemque beatitudinem dirigere. Verum ordinis potestas non solum consecrandæ Eucharistiæ uim, & potestatem continet, sed ad eam accipiendam hominum animos præparat, & idoneos reddit, ceteraque omnia complectitur, quæ ad Eucharistiam quouis modo referri possunt. eius uero plura ex sacris litteris testimonia afferri possunt; sed illa præclara, & grauissima sunt, quæ apud sanctos Ioannem, & Matthæum leguntur: inquit enim Dominus: Sicut misit me Pater, & ego mitto uos: accipite spiritum sanctum: quorum remiseritis peccata, remittuntur eis; & quorum retinueritis, retenta sunt. Et: Amen dico uobis: quæcumque alligaueritis super terram, erunt ligata & in celo; et quacumque solueritis super terram,

De duplici
potestate
ecclesiasti-
ca, ordinis
& iurisdic-
tionis.

Ioan. 20

Matth. 18

AA iij erunt

erunt soluta & in celo. Quæ quidem loca a Pasto-
ribus ex sanctorum Patrum doctrina, & auctori-
tate explanata, maximum ueritati lumen afferre
poterunt. Hæc autem potestas plurimum illi præ-
stat, quæ in naturæ lege certis hominibus, qui res
sacras curarent, tributa est. Nam & illa ætas,
quæ scriptam legem antecessit, suum sacerdotium,
suamque potestatem spiritualement habuerit, necesse
est, cum legem habuisse satis constet. hæc duo enim
ita coniuncta esse testatur Apostolus, ut, eorum al-
tero translato, simul etiam alterum transferri ne-
cesse sit. Cum igitur naturali instinctu homines
agnoscerent, Deum colendum esse; consequens erat,
ut in quauis republica aliqui sacrorum, & diuini
cultus procurationi præficeretur, quorum potestas
aliquo modo spiritualis diceretur. Eadem etiam po-
testate populus Israeliticus non caruit: quæ tametsi
dignitate superior fuit, quam illa, qua in lege na-
turæ sacerdotes præditi erant, longe tamē inferior,
quam legis euangelicæ spiritualis potestas, existi-
manda est. hæc enim cælestis est, omnemque ange-
lorum etiam uirtutem superat, neque a sacerdotio
Mosaico, sed a Christo domino, qui non secundum
Aaron sacerdos fuit, sed secundum ordinem Mel-
chisedec ortum habet. is enim, qui summa pote-
state gratiam tribuendi, & peccata remittendi præ-
ditus fuit, hanc potestatem, quamuis uirtute defini-
tam, & sacramentis adstrictam, Ecclesiæ suæ re-
liquit. quare ad eam exercendam certi ministri
instituti

instituti sunt, et sollemni religione consecrati: quæ quidem consecratio ordinis sacramentū, uel sacra ordinatio uocatur. Placuit autem sanctis Patribus hoc uocabulo uti, quod latissimam significationem habet, ut dignitatem & excellentiam ministrorum Dei indicarent. Est enim ordo, si propriam eius uim, & notionem accipiamus, dispositio superiorum, & inferiorum rerum, quæ inter se ita aptæ sunt, ut una ad alteram referatur. Cum itaque in hoc ministerio multi sint gradus, & uariæ functiones; omnia uero certa ratione distributa sint, & collocata; recte, & commode ordinis nomen ei impositum uidetur. Quod autē inter cetera Ecclesiæ sacramenta sacra ordinatio numeranda sit; sancta Tridentina Synodus ratione illa, quæ sæpius repetita est, comprobauit. nam cum sacramentum sit rei sacræ signum; id uero, quod hac consecratione extrinsecus fit, gratiam & potestatem significet, quæ illi tribuitur, qui consecratur; omnino sequi perspicuum est, ordinem uere ac proprie sacramentum dicendum esse. quare Episcopus ei calicem cum uino, & aqua, & patenam cum pane porrigens, qui sacerdos ordinatur, inquit: Accipe potestatem offerendi sacrificium &c. quibus uerbis semper docuit Ecclesia, dum materia exhibetur, potestatem cōsecrādæ Eucharistiæ, charactere animo impresso, tradi, cui gratia adiuncta sit, ad illud munus rite et legitime obeundum: quod Apostolus his uerbis declarat: Admoneo te, ut resuscites gratiam Dei, 2. ad Tim. 1.

Trid. syn.

AA iiij quæ

quæ est in te, per impositionem manuum mearum; non enim dedit nobis Deus spiritum timoris, sed uirtutis, & dilectionis, & sobrietatis.

Sacramen-
ti ordinis
uarios ha-
bet sui exer-
cendi mini-
stros.

Iam uero, ut sacræ Synodi uerbis utamur, cum diuina res sit tanti sacerdotij administratio; cõsentaneum fuit, quo dignius, & maiori cum ueneratione exerceri posset, ut in ecclesiæ ordinatissima dispositione plures essent, & diuersi ministrorum ordines, qui sacerdotio ex officio deseruirent; atque hi quidem ita distributi, ut qui iam clericali tonsurâ insigniti essent, per minores ad maiores ascenderet. Docendum igitur erit, hosce omnes ordines septenario numero contineri, semperq. ita a catholica Ecclesia traditum esse: quorum nomina hæc sunt, Ostiarius, Lector, Exorcista, Acolytus, Subdiaconus, Diaconus, Sacerdos. Hunc autem ministrorum numerum recte ita definitum esse, probari potest propter ea ministeria, quæ ad sacrosanctum missæ sacrificium, & Eucharistiam uel conficiendam, uel administrandam, cuius causa præcipue sunt instituta, necessaria uidentur. Ex his alij maiores, qui etiam sacri dicuntur, alij minores sunt. Maiores, uel sacri, sunt, Ordo Sacerdotalis, Diaconatus, et Subdiaconatus: ad minores referuntur Acolyti, Exorcistæ, Lectores, Ostiarij. de quorum singulis pauca dicenda sunt; ut habeant Parochi, unde eos potissimum instituant, quos nouerint aliquo ordine initiandos esse. Incipiendum est autem a prima tonsura: quam quidem, docere oportet, quandam præpara-

parationem esse ad ordines accipiendos. Vt enim homines ad baptismum exorcismis, ad matrimonium sponsalibus preparari solent, ita, cum, tonsa capillo, Deo dedicantur, tamquam aditus ad ordinis sacramentum illis aperitur. declaratur enim, qualis esse debeat, qui sacris imbui cupit. Nam Clerici nomen, quod ei tunc primum imponitur, ab eo deductum est, quod Dominum sortem, & hereditatē suam habere incipiat; ueluti qui in Hebræorum populo, diuino cultui mancipati erant: quibus uetuit Dominus aliquam agrorum partem in terra promissionis distribui, cum inquit: Ego pars, & hereditas tua. Ac quamuis id omnibus fidelibus commune sit, præcipua tamen ratione ijs conueniat ne cesse est, qui se Dei ministerio consecrarunt. Tondentur uero capilli ad coronæ speciem, & similitudinē, quam perpetuo conseruare oportet: & ut quisque in altiori deinceps ordinis gradu collocatur, sic eius orbis forma latior circumscribi debet. quod quidem ex apostolorum traditione acceptum esse, docet Ecclesia; cum de huiusmodi tondendi more sancti Dionysius Areopagita, Augustinus, Hieronymus, uetustissimi, & grauiissimi Patres, meminerint. Primum autem omnium, ferunt, apostolorum Principem eam consuetudinem induxisse ad memoriam coronæ, quæ ex spinis contexta Saluatoris nostri capiti fuit imposita, ut, quod impij ad Christi ignominiam, & cruciatum excogitarunt, eo apostoli ad decus, & gloriam uerentur; simulque significarent

Num. 11

S. Dionysius.

rent, curandum esse a ministris Ecclesie, ut omnibus in rebus Christi domini nostri speciem, & figuram gerant. Quamquam nonnulli asserant, hac nota regiam dignitatem declarari, quæ iis maxime, qui in sortem Domini uocati sunt, uidetur conuenire. Quod enim Petrus apostolus fidei populo tribuit; Vos genus electum, regale sacerdotium, gens sancta; peculiari quadam, & magis propria ratione ad ecclesiasticos ministros pertinere facile intelligimus, etsi non desunt, qui uel perfectioris uitæ professionem a Clericis susceptam circuli figura, quæ omnium perfectissima est, significari existimēt, uel externarum rerum contemptum, animique ab omnibus humanis curis uacuitatem declarari putent; quod capilli, superuacaneum quiddam in corpore, tondeantur. Post primam Tonsuram ad Ostiarii ordinem primus gradus fieri consuevit. Eius munus est, templi clauēs, & ianuam custodire, & aditu templi arcere eos, quibus ingredi interdictum erat. Ad sanctum etiam Missæ sacrificium assistebat, curaturus ne quis propius, quam par esset, ad sacram aram accederet, & sacerdotē rem diuinam facientem interpellaret. Alia etiam ministeria illi commissa erant; ut ex ritibus, quæ ad eius consecrationem adhibentur, perspicere potest. nam Episcopus clauēs ex altari acceptas ei tradens, quem Ostiorium uult instituire, Sic age, inquit, quasi redditurus Deo rationem pro ijs rebus, quæ his clauibus recluduntur. Magnam autem
in

in antiqua Ecclesia huius ordinis dignitatem fuisse, ex eo intelligitur, quod his temporibus in Ecclesia seruari animaduertimus. nam Thesaurarij officium, qui erat idem sacrarij custos, quod ad Ostiarios pertinebat, inter honestiores ecclesie functiones etiam nunc habetur. Secundus ordinis gradus est Lectoris munus. Adeum pertinet, in ecclesia ueteris, & noui testamenti libros clara uoce & distincte recitare, praesertim uero eos, qui inter nocturnam psalmodiam legi solent. Eius quoque partes erant, prima, religionis Christianae rudimenta fidelibus tradere. Episcopus itaque, praesente populo, in eius ordinatione librum, quo descripta sunt, quae ad hanc functionem attinent, illi tradens, inquit: Accipe, & esto uerbi Dei relator, habiturus, si fideliter, et utiliter impleris officium tuum, partem cum ijs, qui uerbum Dei bene ministrarunt ab initio. Tertius est ordo Exorcistarum, quibus potestas data est nomen Domini inuocandi in eos, qui ab immundis spiritibus obsidentur. quare Episcopus, cum eos instituit, librum, in quo exorcismi continentur, eis porrigit, usus ea formula uerborum: Accipe, & commenda memoriae, & habe potestatem imponendi manus super energumenos, siue baptizatos, siue catechumenos. Acolytorum quartus est gradus, & ultimus eorum omnium, qui minores, & non sacri, appellantur. eorum munus est, ministros maiores Subdiaconos, & Diaconos in altaris ministerio affectari, eisque operam

operam dare. Præterea lumina deferunt, & asseruant, cum Missæ sacrificium celebratur, præcipue uero, cum euangelium legitur: ex quo & ceroferarij alio nomine uocati sunt. cum itaque ordinantur, hic ritus ab Episcopo seruari consuevit. Primum quidem, postquam eos officij sui diligenter admonuit, lumina eorum singulis tradit in hunc modum: Accipe ceroferarium cum cereo, & scias te ad accedenda ecclesiæ luminaria mancipari in nomine Domini. Deinde item urceolos uacuos, quibus aqua et uinum in sacrificio ministratur: Accipe urceolos ad suggerendum uinū, & aquam in Eucharistiam sanguinis Christi in nomine Domini. A minoribus ordinibus, ijsdemque non sacris, de quibus hætenus dictum est, ad maiores, & sacros legitimus aditus, & ascensus patet. In eorum primo gradu Subdiaconus collocatur: cuius munus est, ut nomen ipsum declarat, Diacono ad altare inseruire. sacra enim lintea, uasa, panem, & uinum, ad sacrificij usum necessaria, parare debet. nunc Episcopo, & sacerdoti aquam præbet, cum manus in Missæ sacrificio abluunt. Epistolam etiā, quæ olim a Diacono in Missa recitabatur, Subdiaconus legit, ac tamquam testis ad sacrum assistit, prohibetq. ne sacerdos sacra faciens a quopiam perturbari possit. Hæc autem, quæ ad Subdiaconi ministerium spectant, ex sollemnibus cærimonijs, quæ in illius consecratione adhibentur, licet cognoscere. Primum enim Episcopus legem perpetuæ continentiæ huic

huic ordini impositam esse admonet, edicitque neminem in Subdiaconorum ordinem cooptandum esse, cui ultro hanc legem accipere non sit propositum: deinde, post sollemnem litaniarum precationem, quæ Subdiaconi munera, & functiones sint, enumerat, atque exponit. His peractis, eorum singuli, qui ordinantur, ab Episcopo quidem calicem, & sacram patenam accipiunt; ab Archidiacono uero, ut intelligatur Subdiaconum Diaconi officio subseruire, urceolos, uino & aqua plenos, una cum lebe te, & linteolo, quo manus absterguntur, dicente Episcopo: Videte, cuiusmodi ministerium uobis traditur: ideo uos admoneo, ut ita uos exhibeatis, ut Deo placere possitis. Adduntur præterea aliæ preces. Ad extremum, cum Episcopus sacris uestibus Subdiaconum ornauit, ad quarum singulas propria uerba, & cærimonie adhibentur, tradit ei epistolarum librum, ac dicit: Accipe librum epistolarum, & habe potestatem legendi eas in ecclesia sancta Dei tam pro uiuis, quam pro defunctis. Secundum autem sacrorum ordinum gradum Diaconus obtinet: cuius ministerium latius patet, sanctiusque semper habitum est. ad eum enim pertinet, Episcopum perpetuo sequi, concionantem custodire, eique, & sacerdoti sacra facienti, uel alia sacramenta administranti præsto esse, & in Missæ sacrificio euangelium legere. olim uero fidelium animos sæpius excitabat, ut sacra attenderent. sanguinem etiam Domini ministrabat. in quibus ecclesiis ea consuetudo

consuetudo erat, ut fideles Eucharistiam sub utraq.
specie sumeret. Diacono præterea ecclesiasticorū
bonorum dispensatio commissæ erat, ut unicuique
necessaria ad uictum subministraret. Ad Diaconū
etiam attinet, tamquam Episcopi oculum, perue-
stigare, quinam in urbe pie, & religiose, quæ se-
cus uitam traducant; qui ad sacrificium, & con-
cionem statis temporibus conueniant, qui rursus
non conueniant: ut, cum de omnibus Episcopum
certiorem fecerit, ille uel priuatim unumquemque
hortari, admonere, uel palam corrigere, & obiur-
gare possit, uti se magis profecturum esse intellexe-
rit. Catechumenorum etiam nomina recitare de-
bet, & eos, qui ordinis sacramento initiandi sunt,
ante Episcopum statuere. Licet ei præterea, si absit
Episcopus, & sacerdos, euangelium explanare,
non tamen e superiori loco; ut intelligatur hoc eius
propriū munus non esse. Quanta uero diligentia
adhibenda sit, ne quis eo munere indignus ad hunc
ordinis gradum ascendat, Apostolus ostendit, cum
1. ad Tim. 3 ad Timotheum Diaconi mores, uirtutem, & inte-
gritatem exposuit. Hoc idem satis etiam declarant
ritus, & sollemnes cærimoniæ, quibus ab Episco-
po consecratur. pluribus enim & sanctioribus pre-
cibus ad Diaconi, quam ad Subdiaconi ordinatio-
nem utitur Episcopus, & alia addit sacrarum ue-
stium ornamenta. Præterea, manus ei imponit:
A. 6 quod quidem ab apostolis factitatum esse legimus,
cum primos Diaconos instituerunt. Denique euan-
geliorum

geliorum librum ei tradit his uerbis: Accipe potestatem legendi euangelium in Ecclesia Dei tam pro uiuis, quam pro defunctis, in nomine Domini. Tertius, omniumque sacrorum ordinum summus gradus est sacerdotium: qui uero illo præditi sunt. eos ueteres Patres duobus nominibus uocare solent. interdum enim Presbyteros appellant; quod græce seniores significat, non solum propter ætatis maturitatem, quæ huic ordini maxime necessaria est, sed multo magis propter morum grauitatem, doctrinam, & prudentiam. ut enim scriptum est; Senectus uenerabilis est, non Sap. 4 diuturna, neque annorum numero computata. canes autem sunt sensus hominis, & ætas senectutis uita immaculata. Interdum uero Sacerdotes uocant, tum quia Deo consecrati sunt, tum quia ad eos pertinet sacramenta administrare, sacrasque res, & diuinas tractare. Sed quoniam duplex sacerdotium in sacris litteris describitur, alterum interius, alterum externum; utrumque distinguendum est; ut, de quo hoc loco intelligatur, a Pastoribus explicari possit. Quod igitur ad interius sacerdotium attinet, omnes fideles, postquam saluari aqua abluti sunt, sacerdotes dicuntur, præcipue uero iusti, qui spiritum Dei habent, & diuinæ gratiæ beneficio Iesu Christi, summi sacerdotis, uiuamembra effecti sunt. hi enim fide, quæ charitate inflâmatur, in altari mētis suæ spirituales Deo hostias immolant: quo in genere bonæ omnes, & honestæ actio-

actiones, quas ad Dei gloriam referunt, numeran-
 dae sunt. Quare in Apocalysi ita legimus: Chri-
 stus lauit nos a peccatis nostris in sanguine suo, &
 fecit nos regnum, & sacerdotes Deo, & patri suo.
 In quam sententiam ab apostolorum Principe di-
 ctum est: Ipsi tamquam lapides uiui superedifica-
 mini domus spirituales, sacerdotium sanctum, offe-
 rentes spirituales hostias, acceptabiles Deo per Ie-
 sum Christum. Et Apostolus nos hortatur, ut exhi-
 beamus corpora nostra hostiam uiuentem, sanctam,
 Deo placentem, rationabile obsequium nostrum. Da-
 uid item multo ante dixerat: Sacrificium Deo spiri-
 tus contribulatus: cor contritum, & humiliatum
 Deus non despicies. Quae omnia ad interius sacer-
 dotium spectare, facile intelligitur. Externum ue-
 ro sacerdotium, non omnium fidelium multitudini,
 sed certis hominibus conuenit, qui legitima manuum
 impositione, sollemnibusque sanctae Ecclesiae cери-
 moniis instituti, & Deo consecrati, ad aliquod pro-
 prium, sacrumque ministerium adscribuntur. Hoc
 sacerdotii discrimen in ueteri etiam lege obseruari
 potest. nam de interiori Dauidem locutum esse, pau-
 lo ante demonstratum est. externi uero, nemo igno-
 rare potest, quam multa Dominus Moysi, & Aa-
 roni praecepta dederit. Praeterea, uniuersam leui-
 ticam tribum ministerio templi adscripsit, ac lege
 cauit, ne quis ex alia tribu in eam functionem se in-
 ferre auderet: quare Ozias Rex lepra a Domino
 percussus, quod sacerdotale munus usurpasset,
 arrogantiae.

arrogantiæ, & sacrilegij sui grauissimas pœnas dedit. Quia igitur eandem sacerdotij distinctionem in lege euangelica licet animaduvertere; docendi erunt fideles, nunc de sacerdotio externo agi, quod certis hominibus attributum est. hoc enim tatummodo ad ordinis sacramentum pertinet. Sacerdotis igitur munus est, Deo sacrificium facere, ecclesiastica sacramenta administrare, quemadmodum ex consecrationis ritibus perspicitur. Nam Episcopus cum aliquem sacerdotem instituit, primum quidem manus ei, una cum omnibus sacerdotibus, qui adsunt, imponit: deinde stolam humeris aptans, eam ante pectus in crucis formam componit: quo quidem declaratur, sacerdotem uirtute indui ex alto, qua possit crucem Christi domini, & iugum suauæ diuinæ legis perferre, eamque non uerbis solum, sed uitæ sanctissime, & honestissime actæ exemplo tradere. Postea manus sacro oleo inungit: tum uero calicem cum uino, & patenam cum hostia tradit, dicens: Accipe potestatem offerendi sacrificium Deo, Missasque celebrandi tam pro uiuis, quam pro defunctis. Quibus cærimonijs, & uerbis interpres, ac mediator Dei, & hominum constituitur: quæ præcipua sacerdotis functio existimanda est. Ad extremum uero, manibus iterum eius capiti impositis, Accipe, inquit, spiritum sanctum: quorum remiseras peccata, remittuntur eis, & quorum retinueris, retenta sunt. eique cælestem illam, quam Dominus discipulis suis dedit, peccata

Ioan. 19

B B reti-

retinendi, ac remittendi potestatem tribuit. Hæc uero sunt sacerdotalis ordinis propria, & præcipua munera: qui tametsi unus est, uarios tamen dignitatis, & potestatis gradus habet. Primus est eorum, qui sacerdotes simpliciter uocantur: quorum functiones hætenus declaratae sunt. Secundus est Episcoporum, qui singulis episcopatibus præpositi sunt; ut non solum ceteros ecclesiæ ministros, sed fidelem populum regant, & eorum saluti summam uigilantiam, & cura prospiciant. quare in sacris litteris Pastores ouium sæpe appellantur: quorum munus, & officium Paulus descripsit, ut in apostolorum Actis legimus, in ea concione, quam ad Ephesios habuit. Itemque a Petro, apostolorum Principe, diuina quædam Episcopalis ministerij regula tradita est: ad quam si Episcopi actiones suas dirigere studeant, dubitandum non erit, quin Pastores boni & sint, & habeantur. Sed iidem Episcopi & Pontifices dicuntur, accepto ab ethnicis nomine, qui Principes sacerdotum, Pontifices appellare consueuerunt. Tertijs gradus est Archiepiscoporum, qui pluribus Episcopis præsunt; qui Metropolitani etiam uocantur, quod illarum urbium antistites sint, quæ tamquam matres habeantur illius prouinciæ. quare superiorem, quam Episcopi, locum, & ampliorem potestatem habent, tametsi ab Episcopis ordinatione nihil differunt. In quarto gradu Patriarchæ collocantur, idest primi, summiq. Patres. Olim in uniuersa Ecclesia, præter sum-

Act. 20
1. Pet. 5

summum Romanum Pont. quatuor tantū Patriar-
cha numerabantur, neque omnes tamen dignitate
pares. nam Constantinopolitanus, etsi ad eum post
omnes alios hic honos delatus est, tamen ob impe-
rij maiestatem altiorem locum obtinuit. Proximus
est Alexandrinus, cuius ecclesiam Marcus euan-
gelista iussu Principis apostolorum fundavit. Ter-
tius Antiochenus, ubi Petrus sedem primo loca-
vit. Extremum gradum habet Hierosolymitanus;
quam ecclesiam Iacobus, frater Domini, rexit.
Præter hos omnes, catholica Ecclesia Romanum
Pont. Max. quem in Ephesina Synodo Cyrillus Ale-
xandrinus Archiepiscopum, totius orbis terrarum
patrem, & Patriarcham appellat, semper uenera-
ta est. cum enim in Petri apostolorum Principis
cathedra sedeat, in qua usque ad uitæ finem sedisse
constat, summum in eo dignitatis gradum, & iu-
risdictionis amplitudinē nō quidem ullis Synodicis,
aut aliis humanis constitutionibus, sed diuinitus da-
tam agnoscit. quamobrem omniū fideiū, & Epi-
scoporū, ceterorumq. antistitum, quocumq. illi mu-
nere, & potestate præditi sint, pater, ac moderator
uniuersali Ecclesiæ, ut Petri successor, Christi que
domini uerus, & legitimus Vicarius, præsidet. Ex
his itaque Pastores docebunt, et quæ sint ecclesiasti-
corū ordinū, ac graduū præcipua munera, et functio-
nes, & quis huius sacramēti minister sit. constat. n.
ad Episcopum eam administrationē pertinere: quod
etiā sanctarum litterarum auctoritate, certissima

traditione, omnium Patrum testimonio, Concilio-
rum decretis, sanctæ Ecclesiæ usu, & consuetudi-
ne facile erit comprobare. Quamuis autem non-
nullis Abbatibus permissum sit, ut minores, &
non sacros ordines interdum administrent: tamen
hoc proprium Episcopi munus esse nemo dubitat;
cui uni ex omnibus, præterea nemini, licet reliquis
ordinibus, qui maiores, & sacri dicuntur, initia-
re. Nam Subdiaconos, Diaconos, & Sacerdotes
unus tantum Episcopus ordinat; Episcopi ex apo-
stolorum traditione, quæ perpetuo in Ecclesiâ custo-
dita est, a tribus Episcopis consecrantur.

Quinam de-
beant ad di-
gnitatē sa-
cerdotii ad-
mitti.

Sequitur nunc, ut explicetur, quinam ad hoc sa-
cramentum, in primisque ad sacerdotalem or-
dinem apti sunt, & quæ in eis potissimum requi-
rantur. ex hoc enim difficile non erit statuere, quid
in aliis ordinibus dandis, pro cuiusque officio, & di-
gnitate, obseruare oporteat. Maximam autem in
hoc sacramento cautionem adhibendam esse, ita col-
ligitur, quod cetera gratiam ad illorum sanctifica-
tionem, & usum tribuunt, a quibus percipiuntur:
at uero qui sacris initiantur, ob eam rem celestis
gratiæ participes fiunt, ut eorum ministerio, Eccle-
siæ, atque adeo omnium hominum salutis cōsulatur.
ex quo factum esse intelligimus, ut statis tantum-
modo diebus, quibus etiam sollemnia ieiunia ex ue-
tustissimo catholicæ Ecclesiæ more indicuntur, ordi-
nationes fiant: ut scilicet fidelis populus eiusmodi
sacrarum rerum ministros piis, & sanctis preca-
tionibus

tionibus a Deo impetret, qui ad tanti ministerii potestatem recte, & cum Ecclesie utilitate gerendam aptiores esse uideantur. Primum itaque in eo, qui Sacerdos creandus est, uitæ, & morum integritas commendetur magnopere oportet; non solum quia, si alicuius mortiferi peccati conscius se initiari curret, uel etiam patiatur, nouo se, & maximo scelere obstringit; sed etiam, quia uirtutis, & innocentie lumen aliis præferre debet. ea de re quid Apostolus Tito, & Timotheo præcipiat, Pastoribus declarandum erit: & simul illud docendum, ea corporis uitia, quæ in ueteri lege ex Domini præscriptione aliquem ab altaris ministerio excludebant, in euangelica lege ad animæ uitia præcipue transferenda esse. Quare sanctam illam consuetudinem in Ecclesia seruari animaduertimus, ut qui sacris initiandi sunt, prius pænitiæ sacramento conscientiam purgare diligenter studeant. Præterea in Sacerdote non solum ea cognitio requirenda est, quæ ad sacramentorum usum, & tractationem pertinet; sed etiam sacrarum litterarum scientia ita instructum esse oportet, ut populo Christianæ fidei mysteria, & diuinæ legis præcepta tradere, ad uirtutem, & pietatem incitare, a uitijs reuocare fideles possit. Sacerdotis enim duo sunt munera: quorum alterum est, ut sacramenta rite conficiat, & administret: alterum, ut populum, fidei suæ commissum, iis rebus, & institutis, quæ ad salutem necessaria sunt, erudiat. Malachias enim ita testatur: Labia

ad Titum 1
1. ad Tim. 3

Malach. 2.

BB iij sacer-

sacerdotis custodient scientiam, & legem requirēt ex ore eius: quia angelus Domini exercituum est. Ut igitur in horum altero, si mediocri cognitione sit ornatus, præstare, quod debet, possit; alterum certe non uulgarem, sed exquisitam potius doctrinam desiderat: quamuis æque ab omnibus sacerdotibus summa reconditarum rerum scientia non exigatur, sed quæ ad suscepti officij, & ministerij functionem unicuique satis esse possit. Pueris autem, & furiosis, uel amentibus, quod usu rationis carent, hoc sacramentū dandum non est: quamuis, si iis quoque administraretur, sacramenti characterē in eorū animam imprimi, certo credendum sit. Qui uero ætatis annus in singulis ordinibus sit expectā

Trid. Syn. dus, ex sacri Tridētini Concilij decretis facile erit cognoscere. Excipiuntur etiam serui: neque enim diuino cultui dedicari debet, qui non sui iuris, sed in alterius potestate est: uiri præterea sanguinum, & homicidæ, quia ecclesiastica lege repelluntur, atque irregulares sunt: spurii quoque, & ii omnes, qui ex legitimis nuptiis non sunt procreati. decet enim, ut, qui sacris addicuntur, nihil in se habeant, quo ab aliis merito contemni, ac despici posse uideantur. Ad extremum etiam admitti non debent, qui aliquo insigni corporis uitio deformes, aut manci sunt: ea enim fæditas, & debilitatio tum offensionem habet, tum uero sacramentorum administrationem impediat, necesse est.

Sed

Sed iam his rebus expositis, superest, ut Pastores doceant, qui sint huius sacramenti effectus. Constat uero, quamuis ordinis sacramentum, ut antea dictum est, maxime ad Ecclesiae utilitatem, & pulchritudinem spectet, tamen in eius quoque anima, qui sacris initiatur, sanctificationis gratiam efficere; qua idoneus, habilisque ad recte munus suum fungendum, sacramentaque administranda reddatur: quemadmodum etiam baptismi gratia quilibet ad alia sacramenta percipienda aptus efficitur. Aliam quoque gratiam hoc sacramento tribui perspicuum est, praecipuam uidelicet potestatem, quae ad sanctissimum Eucharistiae sacramentum refertur, in sacerdote quidem plenam, & perfectam, ut qui Domini nostri corpus & sanguinem unus potest conficere, in aliis uero inferiorum ordinum ministris maiorem, minoremue, quo quisque ministerio suo magis, minusue ad altaris sacramenta accedit. Atque haec etiam character spiritualis dicitur: quod quicquid imbuti sunt, interiori quadam nota, animae impressa, ab aliis fidelibus distinguantur, ac diuino cultui mancipentur. ad quam Apostolus uidetur spectasse, cum ad Timotheum ait: Noli negligere gratiam, quae in te est, quae data est tibi per prophetiam, cum impositione manuum presbyterii. Et alibi: Admoneo te, ut resuscites gratiam Dei, quae est in te, per impositionem manuum mearum. Haec de ordinis sacramento satis dicta sint. potiora .n. tantum

De preclaris sacramenti ordinis effectibus.

1. ad Tim. 4

1. ad Tim. 2

BB iij rerum

rerum capita Pastoribus tradere professi sumus, ut illis fidelis populi doeendi, & in Christiana pietate erudiendi argumenta suppeditarent.

DE MATRIMONII SACRAMENTO.

Q VONIAM Pastoribus beata & perfecta Christiani populi uita proposita esse debet, ijs quidē maxime optandum esset, quod Apostolus se cupere

1. ad Cor. 7 ad Corinthios scribebat his uerbis: Volo omnes homines esse sicut me ipsum: nimirum, ut omnes continentiae uirtutem sectarentur: nihil enim beatius in hac uita fidelibus potest contingere, quam ut animus, nulla mundi cura distractus, sed atque, & reſtincta omni carnis libidine, in uno pietatis studio, & caelestium rerum cogitatione conquiescat. sed

1. ad Cor. 7 quoniam, ut idem Apostolus testatur, unusquisque proprium donum habet ex Deo, alius quidem sic, alius uero sic; & matrimonium magnis, & diuinis bonis ornatum est, ita ut inter alia catholicae Ecclesiae sacramenta uere, & proprie numeretur; 4. ad Ioan. 2 ac Dominus nuptiarum celebritatem praesentia sua honestarit: satis apparet, eius doctrinam tradendam esse; cum praesertim liceat animaduvertere, tum sanctum Paulum, tum apostolorum Principem, quae non solum ad dignitatem, sed etiam ad officia matrimonij pertinebant, pluribus locis accurate scripta

scripta reliquisse. Diuino enim spiritu afflati optime intelligebant, quanta, & quam multa commoda ad Christianam societatem peruenire possent, si fideles matrimonij sanctitatem cognitam haberent, & inuiolatam seruarent; contra uero, ea ignorata, uel neglecta, plurimas, maximasque calamitates, & detrimenta in Ecclesiam importari. Primum itaque matrimonij natura, & uis explicanda est. nam cum uitia saepe honesti similitudinem gerant; cauere oportet, ne fideles, falsa matrimonij specie decepti, turpitudine, & nefarijs libidinibus animam commaculent: cuius rei declarandae causa, a nominis significatione ordiendum est.

Matrimonium ab eo dicitur, quod femina iccirco maxime nubere debet, ut mater fiat; uel quia prolem concipere, parere, educare, matris munus est. Coniugium quoque a coniungendo appellatur; quod legitima mulier cum uiro quasi uno iugo adstringatur. Præterea nuptiæ, quia, ut inquit sanctus Ambrosius, pudoris gratia puellæ se obnubent: quo etiam declarari uidebatur, uiris obediētes, subiectasque esse oportere. Ita uero ex communi theologorum sententia definitur: Matrimonium est uiri, & mulieris maritalis coniunctio inter legitimas personas, indiuiduam uitæ consuetudinem retinens. cuius definitionis partes ut planius intelligantur, docendum est, quamuis hæc omnia in perfecto matrimonio insint, consensus uidelicet interior, pactio externa, uerbis expressa, obligatio,

Matrimo-
nii descri-
ptio, uis, &
natura.

S. Ambros.

& uinculum, quod ex ea pactione efficitur, & coniugum copulatio, qua matrimonium consummatur; nihil horum tamen matrimonij uim & rationem proprie habere, nisi obligationem illam, et nexum, qui coniunctionis uocabulo significatus est. Additur uero, Maritalis, quoniam alia pactionum genera, quibus uiri, & mulieres obligantur, ut sibi mutuam operam praestent, uel pretij, uel alterius rei causa, prorsus aliena sunt a matrimonij ratione. Sequitur deinde, Inter legitimas personas: quoniam qui a nuptiarum coniunctione legibus omnino exclusi sunt, ij matrimonium inire non possunt; neque, si ineant, ratum est. exempli enim gratia: qui intra quartum gradum propinquitate coniuncti sunt, puerque ante decimum quartum annum, aut puella ante duodecimum, quae aetas legibus constituta est, ad matrimonii iusta fœdera ineunda apti esse non possunt. Quod uero extremo loco positum est, Individuam uitae consuetudinem retinens; indissolubilis uinculi naturam declarat, quo uir, & uxor colligantur. Ex iis igitur patet, matrimonii naturam, & rationem in uinculo illo consistere. Nam quod aliae clarissimorum uirorum definitiones hoc uidentur consensui tribuere, ut, cum dicunt, coniugium esse consensum maris, & feminae; hoc ita accipiendum est, consensum ipsum matrimonii causam effectricem esse: quod Patres in Concilio Florentino docuerunt. Etenim obligatio, & nexus oriri non potest, nisi ex consensu, & pactione.

Sed

Conc. Florenti.

Sed illud maxime necessarium est, ut consensus uerbis, quæ præsens tempus significant, exprimatur. neque enim matrimonium est simplex donatio, sed mutua pactio: atque ita fit, ut consensus alterius tantum, ad matrimonium coniungendum satis esse non possit, sed duorum inter se mutuum esse oporteat. atqui ad declarandum mutuum animi consensum uerbis opus esse, perspicuum est. Si enim ex interiori tantum consensu, sine aliqua externa significatione, matrimonium constare posset; illud etiam sequi uideretur, ut, cum duo, qui disiunctissimis & maxime diuersis in locis essent, ad nuptias consentirent, antequam alter alteri uoluntatem suam uel litteris, uel nunciis declarasset, ueri, & stabilis matrimonii lege coniungerentur: quod tamen a ratione, & sanctæ Ecclesiæ consuetudine, & decretis alienum est. Recte autem dicitur oportere, ut consensus uerbis exprimatur, quæ præsentis temporis significationem habeant. nam, quæ futurum tempus indicant, matrimonium non coniungunt, sed spondent. deinde, quæ futura sunt, nondum esse perspicuum est: quæ uero non sunt, parum, uel nihil firmi, aut stabilis habere existimandum est. Quare nondum connubii ius in eam mulierem quisquam habet, quam se in matrimonium ducturum esse pollicetur; neque statim ab eo impletum est, quod se facturum promisit. tamen si fidem præstare debet: quod si non faciat, uiolatæ fidei

nato
 fidei reus esse conuincitur. At uero qui matrimo-
 nij fœdere alteri iungitur, quamuis postea peniteat;
 tamen, quod factum est, mutare, irritumue, &
 infectum reddere non potest. Cum itaque coniugij
 obligatio nuda promissio non sit, sed eiusmodi ab-
 alienatio, qua re ipsa uir mulieri, & uicissim mu-
 lier uiro corporis sui potestatem tradit; ideo ne-
 cesse est, uerbis, quæ præsens tempus designant,
 matrimonium contrahi: quorum uerborum uis,
 postquam etiam enūciata sunt, permanet, uirumq.
 & uxorem indissolubili uinculo constrictos tenet.
 Sed uerborum locum tum nutus, & signa, quæ inti-
 mum consensum aperte indicent, satis ad matrimo-
 nium esse possunt; tum ipsa etiam taciturnitas, cū
 puella propter uerecundiam non respondet, sed pro ea
 parentes loquuntur. Ex iis igitur Parochi fidelibus
 tradent, matrimonij naturam, & uim in uinculo
 & obligatione sitam esse; ac præter consensum, eo,
 quo dictum est, modo expressum, ut uerum matri-
 monium existat, concubitus necessario non requi-
 ri. nam & primos parentes ante peccatum, quo
 tempore nulla inter eos carnis copula intercesserat,
 ut Patres testantur, uero matrimonio iunctos fuisse
 plane constat. quare a sanctis Patribus dictum
 est, matrimonium non concubitu, sed consensu exi-
 stere: quod etiam a sancto Ambrosio in libro de Vir-
 ginibus repetitum legimus.

Gen. 2

S. Ambros.

Duplex ma-
 trimonii ra-
 tio, ut test in

Iam uero, hisce explicatis, illud docendum erit,
 matrimonium duplicem rationem habere. Nam
 uel

uel ut naturalis coniunctio, (coniugium enim non
 ab hominibus inuentum, sed a natura) uel ut sa-
 cramentum, cuius uis naturalium rerum condi-
 tionem superat, considerandum est. ac quoniam
 gratia naturam perficit, (neque prius quod spiritua-
 le est, sed quod animale, deinde quod spirituale)
 rei ordo postulat ut de matrimonio, ut natura con- 1. Cor. 15
 stat, & ad naturæ officium pertinet, prius agendū
 sit: tum uero, quæ illi, ut sacramentum est, con-
 ueniunt, explananda erunt. In primis itaque do-
 cendi sunt fideles matrimonium a Deo institutum es-
 se: scriptum est enim in Genesi: Masculum, & fe-
 minam creauit eos, benedixitque illis Deus, et ait; Gen. 6
 Crescite, & multiplicamini: &, Non est bonum Gen. 2
 hominem esse solum: faciamus ei adiutorium simile
 sibi. Ac paulo post: Adæ uero non inueniebatur
 adiutor similis eius. Immisit ergo dominus Deus
 soporem in Adam: cumque obdormisset, tulit unā
 de costis eius, & repleuit carnem pro ea, & adifi-
 cavit dominus Deus costam, quā tulerat de Adam,
 in mulierem, & adduxit eam ad Adam; dixitque
 Adam; Hoc nunc os ex ossibus meis, & caro de
 carne mea: hæc uocabitur uirago, quoniam de ui-
 ro sumpta est. quamobrem relinquet homo patrem
 suum, & matrem, & adhærebit uxori suæ, &
 erunt duo in carne una. Quæ, ipso Domino aucto-
 re apud sanctum Matthæum, ostendunt matrimo-
 nium diuinitus institutum esse: Neque uero Deus
 matrimonium tantummodo instituit, uerum, ut
 sancta

Tridē. Syn. *sancta Tridēntina Synodus declarat, perpetuum
etiam, & indissolubilem nodum ei addidit: siqui-
dem Saluator ait; Quod Deus coniunxit, homo nō
separet. Quamuis enim matrimonio, quatenus na-
tura est officium, conueniat, ut dissolui non possit;
tamen id maxime fit, quatenus est sacramentum.
qua ex re etiam in omnibus, quæ naturæ lege eius
propria sunt, summam perfectionem consequitur.
tamen & prolis educandæ studio, & aliis matri-
monii bonis repugnat, ut eius uinculum dissolubile
sit. Quod uero a Domino dictum est; Crescite, &
multiplicamini; id eo spectat, ut, cuius rei causa
matrimonium institutum erat, declaret, non ut sin-
gulis hominibus necessitatem imponat. nunc enim,
aucto iam humano genere, non solum ulla lex uxo-
rem ducere aliquem non cogit, sed potius uirgini-
tas summopere commendatur, & unicuique in sa-
cris litteris suadet, ut quæ matrimonii statu præ-
stantior sit, maioremque in se perfectionem, et san-
ctitatem contineat. Dominus enim Saluator no-
ster ita docuit; Qui potest capere, capiat: & Apo-
stolus ait; de Virginibus præceptum Domini non
habeo; consilium autem do, tamquam misericor-
diam consecutus, ut sim fidelis.*

Matrimo-
nium qui-
bus causis
incūdum.

*Sed quibus de causis uir, & mulier coniungi de-
beant, explicandum est. Prima igitur est, hæc
ipsa diuersi sexus naturæ instinctu expetita socie-
tas, mutui auxiliij spe conciliata; ut alter alterius
ope adiutus, uitæ incōmoda facilius ferre, & sene-
ctutis*

Et ut imbecillitatem sustentare queat. Altera est
 procreationis appetitus, non tam quidem ob eam
 rem, ut bonorum, & diuitiarum heredes relin-
 quantur, quam ut ueræ fidei, & religionis cultor-
 es educentur: quod quidem maxime sanctis illis
 Patriarchis, cum uxores ducerent, propositum
 fuisse, ex sacris litteris satis apparet. quare Ange-
 lus, cum Tobiam admoneret, quo pacto mali demoni-
 nis uim posset repellere; Ostendam, inquit, tibi, Tob. 6.
 qui sunt, quibus præualere potest demonium. ij
 namque, qui coniugium ita suscipiunt, ut Deum a se,
 & a sua mente excludant, et suæ libidini ita uacēt,
 sicut equus, & mulus, quibus non est intellectus,
 habet potestatem demonium super eos. Deinde sub-
 iecit: Accipies uirginem cum timore Domini, amo-
 re filiorum magis, quam libidine ductus; ut in se-
 mine Abraham benedictionem in filiis consequaris.
 Atque una etiam hæc causa fuit, cur Deus ab ini-
 tio matrimonium instituerit. quare fit, ut illorum
 sit scelus grauissimum, qui matrimonio iuncti, me-
 dicamentis uel conceptum impediunt, uel partum
 abigunt. hæc enim homicidarum impia conspiratio
 existimanda est. Tertia est, quæ post primi paren-
 tis lapsum ad alias causas accessit; cum propter iu-
 stitiæ, in qua homo conditus erat, amissionem, ap-
 petitus rectæ rationi repugnare cæpit; ut scilicet,
 qui sibi imbecillitatis suæ conscius est, nec carnis
 pugnam uult ferre, matrimonii remedio ad uitan-
 da libidinis peccata utatur. de quo ita Apostolus. 1. ad. Cor. 7.
scribit

scribit: Propter fornicationem unusquisque suam uxorem habeat, & unaquæque suum uirum habeat. Ac paulo post, cum docuisset, interdum orationis causa a matrimonij debito abstinendum esse, subiecit: Et iterum reuertimini in id ipsum, ne tentet uos Satanas propter incontinentiam uestram. Hæ igitur sunt causæ, quarum aliquam sibi proponere quisque debet, qui pie, & religiose, ut sanctorum filios decet, nuptias uelit contrahere. Quod si ad eas causas alia etiam accedant, quibus homines inducti matrimonium ineant, atque in habendo uxoris delectu hanc illi præponant, ut heredis relinquendi desiderium, diuitiæ, forma, generis splendor, morum similitudo; huiusmodi sane rationes damnandæ non sunt, cum matrimonij sanctitati non repugnent. neque enim in sacris litteris Iacob Patriarcha reprehenditur, quod Rachelem, eius pulchritudine illectus, Liæ prætulit. Hæc de matrimonio, ut naturalis coniunctio est, docenda erunt: ut autem sacramentum est, explicare oportebit, eius naturam multo præstantiorem esse, & omnino ad altiorem finem referri. Quemadmodum enim matrimonium, ut naturalis coniunctio, ad propagandum humanum genus ab initio institutum est: ita deinde, ut populus ad ueri Dei, & saluatoris nostri Christi cultum, & religionem procrearetur, atque educaretur, sacramenti dignitas illi tributa est. Cum enim Christus dominus uellet arctissimæ illius necessitudinis, quæ ei cum Ecclesia intercedit, suæque

suaque erga nos immensa charitatis certum aliquod signum dare, tanti mysterii diuinitatem hac potissimum maris, & feminae sancta coniunctione declarauit. quod quidem aptissime factum esse, intelligi ex eo potest, quod ex omnibus humanis necessitatibus nulla inter se homines magis, quam matrimonij uinculum constringit; maximaque inter se uir, & uxor charitate, & beneuolentia deuincti sunt. atque iccirco fit, ut frequenter sacrae litterae nuptiarum similitudine diuinam hanc Christi, & Ecclesiae copulationem nobis ante oculos proponant.

Iam uero, matrimonium sacramentum esse, Ecclesia, Apostoli auctoritate confirmata, certum, & exploratum semper habuit: ita enim ad Ephesios scribit: Viri debent diligere uxores suas, ut corpora sua. Qui suam uxorem diligit, se ipsum diligit. nemo enim unquam carnem suam odio habuit, sed nutrit, & fouet eam, sicut & Christus Ecclesiam: quia membra sumus corporis eius, de carne eius, & de ossibus eius. Propter hoc relinquet homo patrem, & matrem suam, & adhærebit uxori suae; & erunt duo in carne una. Sacramentum hoc magnum est: ego autem dico in Christo, & in Ecclesia. Nam quod inquit, Sacramentum hoc magnum est; nemini dubium esse debet, ad matrimonium referendum esse: quod scilicet uiri, & mulieris coniunctio, cuius Deus auctor est, sanctissimi illius uinculi, quo Christus dominus cum Ecclesia coniungitur, sacramentum, id est sacrum signum sit. Atque

Matrimonium sacramentum esse, & unum de septem legis euangelicæ.

CC hanc

hanc esse eorum uerborum propriam & ueram sententiam, ueteres sancti Patres, qui cum locum interpretati sunt, ostendunt: idemque san-

Trid. Syn. *Et Tridentina Synodus explicauit. Constat ergo, uirum Christo, uxorem Ecclesiae ab Apostolo comparari; uirum esse caput mulieris, ut est Christus Ecclesiae; eaque ratione fieri, ut uir uxorem diligere, & uicissim uxor uirum amare, & colere debeat. Christus enim dilexit Ecclesiam, & pro ea semet ipsum tradidit. rur-*

Ad Eph. 5 *sus uero, ut idem Apostolus docet, Ecclesia subiecta est Christo. Sed gratiam quoque hoc sacramento significari, & tribui, in quo maxime*

Trid. Syn. *ratio sacramenti inest; ea Synodi uerba declarant: Gratiam uero, quae naturalem illum amorem perficeret, & indissolubilem unitatem confirmaret, coniugesque sanctificaret, ipse Christus, uenerabilem sacramentorum institutor, atque perfector, sua nobis passione promeruit. Quare docendum est, huius sacramenti gratia effici, ut uir, & uxor, mutuae charitatis uinculo coniuncti, alter in alterius beneuolentia conquiescat, alienosque, & illicitos amores, & concubitus non querat, sed in omnibus sit honorabile connubium, & torus immaculatus.*

Ad Heb. 13 *Sed quantum matrimonij sacramentum ijs matrimonij praestet, quae ante, uel post legem iniuri solebant, ex eo licet cognoscere, quod & si gentes matrimonio diuini aliquid inesse arbitrabantur*

tur, atque ob eam rem uagos concubitus a natura lege alienos esse, itemque stupra, adulteria, & alia libidinis genera uindicanda esse iudicabant, tamen eorum connubia nullam prorsus sacramenti uim habuerunt. Apud Iudeos uero religiosius omnino nuptiarum leges seruari consueuerant: neque dubitandum, quin eorum matrimonia maiori sanctitate prædita essent.

Cum enim promissionem accepissent, fore aliquando, ut omnes gentes in semine Abraham benedicerentur; magnæ apud eos pietatis officium merito esse uidebatur, filios procreare, electi populi sobolem, ex qua Christus dominus Saluator noster, quod ad humanam naturam attinet, ortum habiturus esset, propagare: sed illæ quoque coniunctiones uera sacramentiratione caruerunt. Huc accedit, quod siue naturæ, post peccatum, siue Mosis legem spectemus, facile animaduertimus matrimonium a primi ortus sui decore, & honestate decidisse, dum enim naturæ lex uigebat, multos ex antiquis Patribus fuisse comperimus, qui plures simul uxores ducerent. Deinde uero in lege Mosis permissum erat, dato repudij libello, si causa fuisset, diuortium cum uxore facere: quorum utrumque ab euangelica lege sublatum, matrimoniumque in pristinum statum restitutum est. Nam quod polygamia a matrimonij natura aliena esset, (& si aliqui ex priscis Patribus accusandi non

Gen. 28

Deuter. 24

Matth. 19

CC ij sunt

sunt, quod non sine Dei indulgentia plures uxores ducerent) Christus dominus ostendit illis uerbis: Propter hoc dimittet homo patrem, & matrem, & adhærebit uxori suæ; & erunt duo in carne una. **Marth. 19** Ac deinde subiungit: Itaque iam non sunt duo, sed una caro. Quibus uerbis planum fecit, matrimonium ita a Deo institutum esse, ut duorum tantum, non plurium, coniunctione definiretur. Quod etiam alibi apertissime docuit: inquit enim: Quicumque dimiserit uxorem suam, & aliam duxerit, adulterium committit super eam; & si uxor dimiserit uirum suum, & alij nupserit, mæchatur. **Mar. 10** Nam si uiro liceret plures uxores ducere, nulla omnino causa esse uideretur, cur magis adulterij reus dicendus esset, quod præter eam uxorem, quam domi haberet, aliam duceret, quam quod, priore dimissa, cum alia coniungeretur. Atque ob eam rem fieri intelligimus, ut, si infidelis quispiam, gentis suæ more, & consuetudine, plures uxores duxisset, cum ad ueram religionem conuersus fuerit, inbeat cum Ecclesia ceteras omnes relinquere, ac priorem tantum iustæ, & legitimæ uxoris loco habere. Verum eodem Christi domini testimonio facile comprobatur, nullo diuortio uinculum matrimonij dissolui posse. si enim post libellum repudiij mulier a uiri lege soluta esset, liceret ei sine ullo adulterij crimine alteri uiro nubere. atqui Dominus aperte denunciatur; **Marth. 19** Omnis, qui dimittit uxorem suam, & alteram ducit, mæchatur. **Marc. 10** Quare coniugij uinculum nulla **Luc. 16** re,

re, nisi morte, dirumpi perspicuum est. quod quidem Apostolus etiam confirmat, cum inquit: *Mulier alligata est legi, quanto tempore uir eius uiuit; quod si dormierit uir eius, liberata est a lege: cui uult, nubat, tantum in Domino. Et rursus: His, qui matrimonio iuncti sunt, precipio, non ego, sed Dominus, uxorem a uiro non discedere; quod si discesserit, manere innuptam, aut uiro suo reconciliari. Eam uero optionem Apostolus mulieri, quæ iusta de causa uirum reliquisset, detulit, ut aut innupta maneant, aut uiro suo reconcilietur. neque enim sancta Ecclesia uiro, & uxori permittit, ut sine grauioribus causis alter ab altero discedat.*

Ac ne forte alicui uideatur durior matrimonij lex, quod nulla umquam ratione dissolui possit; docendum est, quæ sint cum ea utilitates coniunctæ. Primum enim homines in coniungendis matrimonijs uirtutem potius, & morum similitudinem, quam diuitias, & pulchritudinem spectandam esse intelligant: qua quidem re communi societati maxime consuli nemo dubitare potest. Præterea, si diuortio matrimonium dissolueretur, uix umquam dissidendi causæ hominibus, quæ eis ab antiquo pacis, & pudicitie hoste quotidie obijcerentur, deessent. Nunc uero cum fideles secum cogitant, quamuis etiam coniugij conuictu, et consuetudine careant, se tamen matrimonij uinculo constrictos teneri, omnemque alterius uxoris ducendæ spem sibi præcisam esse; ea re fit, ut ad iracundiam, & dissidia

(Vxorū cum pluralitas illicita; tū de triplici bono matrimonij.

tardiores esse consueuerint . Quod si interdum etiam diuortium faciant ; & diutius coniugis desiderium ferre non possint ; facile per amicos reconciliati ad eius conuietum redeunt . Sed hoc loco prætermittenda non erit Pastoribus sancti

3. August. Augustini salutaris admonitio . is enim ut ostenderet fidelibus , haud grauate faciendum esse , ut cum uxoribus , quas adulterij causa dimisissent , si eas delicti pæniteret , in gratiam reducerentur ; Cur , inquit , uir fidelis non recipiet uxorem , quam recipit Ecclesia ? aut cur uxor uiro adultero , sed pæniteni , non ignoscat , cui

Prouer. 18 etiam ignouit Christus ? Nam quod scriptura stultum uocat , qui tenet adulteram ; de ea sentit , quæ cum deliquerit , pænitere , & a cæpta turpitudine desistere recusat . Ex ijs itaque perspicuum est , fidelium coniugia perfectione , & nobilitate , tum gentilium , tum Iudeorum matrimonijs longe præstare . Docendi præterea sunt fideles , tria esse matrimonij bona , prolem , fidem , sacramentum : quorum compensatione illa incommoda leniuntur , quæ Apostolus indicat
1. ad Cor. 7 his uerbis : Tribulationem carnis habebunt huiusmodi . Efficiturque , ut coniunctiones corporum , quæ extra matrimonium merito damnandæ essent , cum honestate coniunctæ sint . Primum igitur bonum est proles , hoc est liberi , qui ex iusta , & legitima suscipiuntur uxore : id enim
2. ad Tim. 3 tanti fecit Apostolus , ut diceret ; Saluabitur mulier

lier per filiorum generationem. Nec uero hoc
 de procreatione solum, sed de educatione etiam,
 & disciplina, qua filij ad pietatem erudiuntur,
 intelligendum est. sic statim subdit Apostolus;
 Si in fide permanserint. Monet enim scriptura;
 Filij tibi sunt? erudi illos, & curua illos a pue- *Eccle. 7*
 ritia illorum. Idem etiam Apostolus docet; e-
 iusque institutionis pulcherrima exempla Tobias,
 Iob, & alij sanctissimi Patres in sacris litteris
 præbent. Quæ uero sint parentum, & filiorum
 officia, in quarto præcepto latius explicabitur.
 Sequitur fides: quod est alterum matrimonij bo-
 num, non ille uirtutis habitus, quo imbuimur,
 cum baptismum percipimus; sed fidelitas quædam,
 qua mutuo uir uxori, & uxor uiro ita se obstrin-
 git, ut alter alteri sui corporis potestatem tradat;
 sanctumque illud coniugij fœdus numquam se uio-
 laturum pollicetur. id facile colligitur ex illis uer-
 bis, quæ a primo paræte enunciata sunt, cum Euam
 uxore suam accepit: quæ deinde Christus dominus
 in euangelio comprobauit. Quare relinquet homo *Gen. 2*
 patrem, & matrem, & adherabit uxori suæ, & *Matth. 19*
 erunt duo in carne una. item ex eo Apostoli lo-
 co: Mulier sui corporis potestatem non habet, sed *1. ad Cor. 7*
 uir: similiter autem & uir sui corporis potestatem
 non habet, sed mulier. quare optimo iure grauissi-
 mæ animaduersiones a Domino in adulteros, quod
 hanc maritalē fidē frangāt, in ueteri lege constitutæ
 erant. Postulat præterea matrimonij fides, ut uir,

CC iij & uxor.

Et uxor singulari quodam, sanctoque, et puro amo-
re coniuncti sint: neque ut adulteri inter se ament,
sed ut Christus dilexit Ecclesiam. hanc enim Apo-
stolus regulam præscripsit, cum ait: Viri, diligite
uxores uestras, sicut et Christus dilexit Ecclesiam,
quam certe immensa illa charitate, non sui commo-
di gratia, sed sponsæ tantum utilitatem sibi propo-
nens, complexus est. Tertium bonum, Sacramen-
tum appellatur, uinculum scilicet matrimonij,
quod numquam dissolui potest. nam, ut est apud

1. ad Cor. 7 Apostolum, Dominus precepit uxorem a uiro
non discedere; quod si discesserit, manere innuptā,
aut uiro suo reconciliari: Et uir uxorem non dimit-
tat. Si enim matrimonium, ut sacramentum est,
Christi coniunctionem cum Ecclesia signat; necesse
est, ut Christus se ab Ecclesia numquam disungit,
ita uxorem a uiro, quod ad matrimonij uinculum
attinet, separari non posse. Verum ut hæc sancta
societas sine querela facilius conseruetur, uiri, et
uxoris officia, quæ a S. Paulo, et a Principe apo-
stolorum Petro descripta sunt, tradenda erunt.

Mutua uiri
et uxoris of-
ficia,

Ergo uiri munus est, uxorem liberaliter, et ho-
norifice tractare. qua in re meminisse oportet, Euam
ab Adamo sociam appellatā esse, cum inquit: Mu-
lier, quam dedisti mihi sociam. cuius rei causā ali-
qui Patres factum esse docuerunt, ut ea non ex pe-
dibus, sed ex latere uiri formaretur: quemadmodū
etiam ex capite condita non est, ut se uiri dominam
non esse intelligeret, sed uiro potius subiectam. De-

ces

cet præterea uirū in alicuius honestæ rei studio semper occupatum esse ; tum ut ea suppetat , quæ ad familiam sustentandam necessaria sunt , tum ne inerti otio languescat ; a quo uitia fere omnia fluxerūt ; deinde uero familiam recte constituere , omnium mores corrigere , singulos in officio continere. Rursus autem uxoris partes sunt , quas apostolorum Princeps enumerat , cum inquit : Mulieres subditæ 1. Pet. 3 sint uiris suis ; ut & , si qui non credunt uerbo , per mulierum conuersationem sine uerbo lucrifiant , considerantes in timore sanctam conuersationem uestram , quarum non sit extrinsecus capillatura , aut circundatio auri , aut indumenti uestimentorum cultus ; sed qui absconditus est cordis , homo in incorruptibilitate quieti , & modesti spiritus , qui est in conspectu Dei locuples . sic enim aliquando & sanctæ mulieres sperantes in Deo ornabant se subiectæ proprijs uiris , sicut Sara obediebat Abraham , dominum eum uocans . Earum quoque præcipuum studium sit , filios in religionis cultu educare , domesticas res diligenter curare . Domi uero libenter se contineant , nisi necessitas exire cogat : idque sine uiri permissu facere numquam audeant . Deinde , in quo maxime maritalis coniunctio sita est , meminerint semper , secundum Deum , magis quam uirum , neminem diligendum , eo ue pluris faciendum esse neminem ; cui etiam omnibus in rebus , quæ Christianæ pietati non aduersantur , morem gerere , & obtemperare summa cum alacritate animi oporteat . Harum

Tridē. Syn.

rum rerum explicationi consequens erit, ut Pastores ritus etiam doceant, qui in matrimonio contrahendo seruari debent. de quibus, non est expectandum, ut hoc loco præcepta tradantur, cum a sancta Tridentina Synodo, quæ hac in re maxime obseruanda sint, copiose, & accurate constituta fuerint; neque illud decretum a Pastoribus ignorari possit. satis igitur est eos admonere, ut, quæ ad hanc partem attinent, e sacri Concilij doctrina cognoscere studeant, eaque fidelibus diligenter exponant. In primis autem, ne adolescentes, & puellæ, cui ætati inest maxima imbecillitas consilij, falso nuptiarum nomine decepti, turpium amorum fœdera incaute ineant, sæpissime docebunt, ea neque uera, neque rata matrimonia habenda esse, quæ præsentè Parocho, uel alio sacerdote de ipsius Parochi uel ordinarij licentia, certoq. testium numero non contrahantur. Sed quæ matrimonium etiam impediunt, explicanda erunt. in quo argumento pleriq. graues, & doctissimi uiri, qui de uitijis, & uirtutibus conscripserunt, adeo diligenter uersati sunt, ut facile omnibus futurum sit, quæ illi scriptis suis tradiderunt, in hunc locum transferre; cum præsertim necesse habeant Pastores, eos ipsos libros numquam fere e manibus deponere. itaque tum illas præceptiones, tum quæ a sancta Synodo sancita sunt de impedimento, quod uel a cognatione spiritali, uel a iustitiâ publicâ honestatis, uel a fornicatione oritur, attente legent, & tradenda fidelibus curabunt. Ex quibus

ordinata

quibus perspicui potest, quo animo affectos esse oporteat fideles, cum matrimonium contrahunt. neque enim se humanam aliquam rem aggredi, sed diuinam putare debent; in qua singularem mentis integritatem, & pietatem adhibendam esse, Patrum ueteris legis exempla satis ostendunt: quorum matrimonia tametsi sacramenti dignitate prædita non erant, ea tamen maxima semper cum religione, & sanctimonia colenda esse existimauit.

Inter cetera autem maxime hortandi sunt filij familias, ut parentibus, & ijs, in quorum fide, & potestate sunt, eum honorem tribuant, ut ipsis inscientibus, nedum inuitis, & repugnantibus, matrimonia non inuicant. nam in ueteri testamento licet animaduvertere filios a patribus semper in matrimonium collocatos esse. qua in re plurimum illorum uoluntati deferendum esse, Apostolus etiã uidetur ijs uerbis indicare; Qui matrimonio iungit uirginem suã, benefacit; & qui non iungit, melius facit. Extrema illa restat pars, quæ ad matrimonij usum pertinet. de quibus ita agendum est a Pastoribus, ut nullum ex eorum ore uerbum excidat, quod fidelium auribus indignum esse uideatur, aut pias menses lædere, aut risum mouere queat. Vt. n. eloquia Domini, eloquia casta sunt: Psal. 118
ita etiã maxime decet, Christiani populi doctorem eius modi orationis genere uti, quod singulare quãdã grauitatem, et mētis integritatē præseferat. Quare duo illa maxime docendi sunt fideles, primū quidē nō uoluptatis, aut libidinis causa matrimonio operam dandam esse

Matrimonium clandestine contrahendum.

1. ad Cor. 7

Psal. 118

esse: sed eo utendum intra illos fines, qui, ut supra demonstrauimus, a Domino præscripti sunt. Meminisse enim conuenit, quod Apostolus horta-

1. ad Cor. 7 tur; Qui habent uxores, tamquam non habentes

S. Hiero. sint. tum uero a sancto Hieronymo dictum esse; Sa-

piens uir iudicio debet amare coniugem, nõ affectu: reget impetus uoluptatis, nec præceps feretur ad coitum. Nihil est. sædius, quam uxorem amare quasi adulteram. Sed quoniam bona omnia sanctis

precationibus a Deo impetranda sunt; alterum est, quod fideles docere oportet, ut Deum orandi, & ob

secrandi causa a matrimonij officio interdum absti-

neant; in primisque id sibi obseruandum sciant, tribus saltem diebus, ante quam sacram Eucharis-

tiam percipiant, sæpius uero cum sollempnia Qua-

dragesimæ ieiunia celebrantur, quemadmodum Pa-

tres nostri recte, & sancte præceperunt. ita enim fiet, ut ipsa matrimonij bona maiori in dies diuinæ

gratiæ cumulo augeri sentiāt; & pietatis studia se-

etantes, non modo hanc uitam tranquille, & placide traducant, sed æternæ etiam Dei benignitate con-

Ad Rom. 5 sequendæ, ueræ, & stabili spe, quæ non confundit, nitantur.

DE DEI PRÆCEPTIS IN DECALOGO CONTENTIS.

S. August. **DECALOGVM**, legum omnium sum-

mam, & epitomen esse, S. Augustinus litteris commendauit. Cum multa locu-

tus sit Dominus, duæ tamen tantum tabulæ dantur
Moyse

Moyſi lapideæ, quæ dicuntur tabulæ testimoniꝝ futuri in arca. nimirum cetera omnia, quæ præcepit Deus, ex illis decem præceptis, quæ duabus tabulis conſcripta ſunt, pendere intelliguntur, ſi diligenter quærantur, ut recte intelligantur: quo modo hæc ipſa rursus decem præcepta ex duobus illis, dilectio nis ſcilicet Dei, & proximi, in quibus tota lex pendet, & Prophætæ: Itaque cum ſit totius legis ſumma, Paſtores oportet in eius contemplatione die, nocteque uerſari; non ut uitam ſuam modo ad hanc normam componant; ſed etiam, ut populum ſibi creditum in lege Domini erudiant. Nam labia ſacerdotis cuſtodiunt ſcientiam, & legem requirent ex ore eius: quia angelus Domini exercituum eſt: quod ad Paſtores nouæ legis maxime pertinet, qui Deo propiores, a claritate in claritatem transformari debent, tamquam a Domini ſpiritu: & cum eos lucis nomine nuncupauit Chriſtus dominus, propriæ ſunt illorum partes, ut ſint lumen eorum, qui in tenebris ſunt, eruditores inſipientium, magiſtri infantium; & ſi quis præoccupatus fuerit in aliquo delicto, ipſi, qui ſpirituales ſunt, huiusmodi inſtruant. In confeſſionibus etiam iudicis perſonam ſuſtinent, ac pro genere, & modo peccatorum ſententiam ferunt. quare niſi ſuam ſibi inſcitiam, niſi alijs etiam eſſe fraudi uelint, in eo ſint, neceſſe eſt, quam uigilantiſſimi, & in diuinorum præceptorum interpretatione exercitatiſſimi, ut ad hanc diuinam regulam, de quacumque & actione, & offitij prætermiſ-

Matth. 23

Malach. 2

1. ad Cor. 3

Ad Gal. 6

2. ad Tim. 4 *terminis iudicium facere possint; & ut est apud Apostolum, sanam doctrinam tradant, id est quæ nullum contineat errorem, & animorum morbis, quæ sunt peccata, medeatur; ut*

ad Titum 2 *sit populus Deo acceptus, sectator bonorum operum. Iam uero, in huiusmodi tractationibus ea Pastor sibi, & alijs proponat, quibus legi parendum esse persuadeat. Inter cetera autem, quæ animos hominum ad huius legis iussa seruanda possunt impellere, illud maximam vim habet, Deum esse huius legis auctorem. quamuis enim per angelos data esse dicatur, nemo tamen dubitare potest, ipsum Deum esse legis auctorem. cuius rei satis amplum testimonium præbent non solum ipsius legislatoris uerba, quæ paulo post explicabuntur, sed infinita pene scripturarum loca, quæ Pastoribus facile occurrent. Nemo enim est, quin sibi a Deo legem in animo insitam esse sentiat, qua bonum a malo, honestum a turpi, iustum ab iniusto possit secernere. cuius uis, & ratio legis cum ab ea, quæ scripta est, diuersa non sit; quis est, qui ut intima, sic scriptæ legis auctorem Deum negare audeat? Hanc igitur diuinam lucem, pene iam prauis moribus, & diuturna peruersitate obscuratam, cum Deus Mosi legem dedit, eam potius illustriorem reddidisse, quam nouam tulisse, docendum est; ne forte, cum populus audit legi Mosi derogatum esse, putet his legibus se non teneri.*

teneri. Certissimum enim est, non propterea his
 præceptis parendum esse, quod per Mosem data
 sunt, sed quod omnium animis ingenta, & per
 Christum dominum explicata sunt, & confirma-
 ta. Iuuabit tamen plurimum, & ad persua-
 dendum magnum habebit momentum illa cogita-
 tio, Deum esse, qui legem tulit: de cuius sapien-
 tia, & æquitate dubitare non possumus, nec eius
 infinitam uim, atque potentiam effugere. Qua-
 re cum per prophetas Deus iuberet seruari le-
 gem, dicebat se dominum Deum esse. & in ipso
 Decalogi exordio; Ego sum dominus Deus tuus. Exod. 20
 & alibi; Si Dominus ego sum, ubi est timor meus? Malach. 1
 Non solum autem excitabit fidelium animos ad
 seruanda Dei præcepta, sed ad gratiarum etiam
 actionem, quod suam Deus, quæ salutem no-
 stram contineret, uoluntatem explicarit. Qua-
 re non uno loco scriptura maximum hoc bene-
 ficium declarans, populum commonefacit, ut
 suam dignitatem, ac Domini beneficentiam co-
 gnoscat, ueluti in Deuteronomio; Hæc est, in- Deuter. 4
 quit, uestra sapientia, & intellectus coram po-
 pulis, ut audientes uniuersi præcepta hæc, di-
 cant; En populus sapiens, & intelligens, gens
 magna. & rursus in psalmo: Non fecit tali- Psal. 147
 ter omni nationi, & iudicia sua non manifesta-
 uit eis.

Verum si Parochus rationem præterea la- Quanta ma-
iestate lex
 tæ legis ex scripturæ auctoritate demonstrarit,
 facile

Decalogi
data.

Exod. 19

facile intelligent fideles, quam pie ac suppliciter acceptam Dei legem colere oporteat. triduo enim antequam ferretur lex, Dei iussu dictum est omnibus, ut uestimenta lauarent, uxores non attingerent, quo sanctiores, ac paratiores essent ad accipiendam legem; ut ad diem tertium adessent. deinde, cum ad montem essent adducti, unde Dominus illis per Moysen leges erat laturus, uni Moyse dictum est, ut in montem ascenderet: quo Deus maxima cum maiestate uenit, & locum tonitruis, fulgoribus, igne, densisque nebulis circumfudit, ac loqui cum Mose cepit, eique leges dedit. quod diuina sapientia nullam aliam ob causam factum uoluit, nisi nos ut moneret, casto, humilique animo legem Domini accipiendam esse: quod si præcepta negligeremus, paratas nobis a diuina iustitia penas imminere. Quin etiam, legis iussa difficultatem non habere, ostendat Parochus: quod uel una hac ratione ex S. Augustino docere poterit, cum dicit: Qui, quæso, dicitur impossibile esse homini, amare, amare, inquam, creatorem beneficum, patrem amantissimum, deinde etiam, & carnem suam in fratribus suis? at uero qui diligit, legem impleuit. Quare ad Rom. 13 Ioannes Apostolus, præcepta Dei grauiam non esse, aperte testatur. nihil enim iustius, nihil cum maiore dignitate, nihil maiore cum fructu ab homine, teste B. Bernardo, exigi potuisset. quamobrem summam Dei benignitatem admiratus est Augustinus, sic ipsum Deum affatus: Quid est homo, quod amari te

S. August.

ad Rom. 13

1. Ioan. 5

D. Bernar.

S. August.

te ab eo uis? & si non faciat, ingentes minaris pœ-
nas? an non satis magna hæc est, si non diligam te?
Quod si quis eam afferat excusationem, impediri
se, quo minus Deum amet, infirmitate naturæ; do-
cendum est, Deum, qui amorem requisivit, amo-
ris uim inferere cordibus per spiritum sanctum suū:
hic autem spiritus bonus petentibus a patre cælesti
datur: ut merito sanctus Augustinus precatus sit;
Da, quod iubes; & iube, quod uis. Quia igitur Dei Luc. 11
auxilium præsto nobis est, maxime post Christi do- S. August.
mini mortē, per quā princeps huius mūdi eiectus est
foras: nō est quod quisquā rei difficultate deterrea-
tur: nihil enim est amāti difficile. Præterea, ad ean-
dem rem persuadendam plurimum ualebit, si expli-
cabitur, necessario legi obtemperandum esse; præ-
sertim cum nostris temporibus non defuerint, qui,
siue facilis, siue difficilis sit lex, ad salutem tamen
nequaquam necessariam esse, impie, & magno ip-
sorum malo dicere non ueriti sunt. Quorum nefa-
riam, impiamque sententiam sacræ scripturæ testi-
monijs Parochus cōfutabit, eiusdem maxime Apo-
stoli, cuius illi auctoritate impietatem suam tueri
conantur. Quid igitur ait Apostolus? non præpu- 1. ad Cor. 7
tium, non circumcisionem quidquam esse, sed ob-
seruationem mandatorum Dei. Quod uero eandem Ad Gal. 6
sententiam alibi repetit, & nouam creaturam in
Christo tantum dicit ualere, intelligimus plane eā
nouam creaturam in Christo dicere, qui mandata
Dei obseruat. Is enim, qui habet mandata Dei, ac

D D seruat

seruat, diligit Deum, Domino ipso teste apud Ioan.
Ioan. 4 nem; Si quis diligit me, sermonem meum seruabit.

Nam etsi iustificari potest homo, & ex impio fieri pius, ante quam singula legis præcepta externis actionibus impleat: tamen fieri non potest, ut, qui per ætatem ratione uti queat, ex impio fiat iustus, nisi animum habeat paratum ad omnia præcepta Dei seruanda. Ad extremum uero, ne quid prætermittat Parochus, quo fidelis populus adducatur, ut legem seruet, quam sint eius uberes, suavesque fructus, demonstrabit: quod facile poterit ex ijs, quæ psalmo decimo octauo scripta sunt, probare. in eo enim legis Dei laudes celebrantur: quarum hæc est uel maxima, quæ Dei gloriam, & maiestatem multo amplius explicat, quam decore suo, atque ordine faciant ipsa caelestia corpora: quæ ut omnes quamuis barbaras nationes in sui admirationem rapiunt, ita efficiunt, ut rerum omnium opificis, & conditoris gloriam, sapientiam, ac potentiã agnoscant. Sic lex quidem Domini conuertit animas ad Deum. agnoscetes enim uias eius, & Dei sanctissimam uoluntatem per legem, conuertimus pedes nostros in uias Domini. At quia soli timentes Deum, uere sapientes sunt; hoc illi deinceps tribuit, ut sapientiam præstet paruulis. Hinc ueris gaudijs, & mysteriorum diuinorum cognitione, ingentibus præterea uoluptatibus, & præmijs, & in hac uita, & in futuro seculo illi cumulantur, qui Dei legem obseruant. Nec uero tam nostræ utilitatis

Psalm. 18

utilitatis gratia, quam Dei causa, nobis est seruanda lex, qui suam hominum generi in lege uoluntatem aperuit: quam cum cetera creatura sequatur, hominem ipsum eadem sequi multo est æquius. Ne id quidem silentio prætereundum est, uel in hoc maxime suam in nos Deum clementiam, & summæ bonitatis diuitias ostendisse; quod cum sine ullo præmio nos potuisset, ut sue gloriæ seruiremus, cogere; uoluit tamen suam gloriam cum utilitate nostra coniungere; ut, quod homini utile, idem esset Deo gloriosum. Quoniam igitur id maximum & præclarissimum est, docebit Parochus, ut a Propheta ultimo loco dictum est, in custodiendis illis retributionem multam esse. Non enim tantum illæ Psal. 18 nobis benedictiones promissæ sunt, quæ ad terrenam magis felicitatem spectare uidebantur, ut benedicti simus in ciuitate, benedicti in agro; sed copiosa merces in cælis, & mensura bona, conferta, coagitata, & superfluens proposita est, quam Deuter. 18 pijs & iustis actionibus meremur diuinæ misericordiæ adiumento. Matth. 5
Luc. 6.

EGO SUM DOMINUS DEVS TVVS, QVI Exod. 20
EDUXI TE DE TERRA AEGYPTI,
DE DOMO SERVITVTIS. NON HABEBIS DEOS ALIENOS CORAM ME.
NON FACIES TIBI SCVLPTILE &c.

Quamuis hæc lex Iudeis in monte a Domino data fuerit; tamen, quoniam natura omnium

DD ij men-

Ad Rom. 1 mentibus multo ante impressa, & consignata erat; atque ob eam rem Deus uniuersos homines illi perpetuo parere uoluit; plurimum proderit, uerba illa, quibus, Moyse ministro, atque interprete, Hebraeis promulgata est, et populi Israelitici historiã, quæ mysteriorum est plena, diligenter explicare. Principio narrabit, ex omnibus nationibus, quæ sub calo erant, unã Deum delegisse, quæ ortum habuit ab Abraham, quem peregrinum esse uoluit in terra Chanaam: cuius possessionẽ cū ei pollicitus esset, tamen & ille, & posterius eius amplius quadringentos annos uagi fuerunt, ante quam promissam terram incoherent: in qua quidem peregrinatione

Psal. 104 numquam eorum curam dimisit. transibant quidẽ illi de gente in gentem, & de regno ad populum alterum: sed nullam umquam illis iniuriam fieri passus est; immo uero in reges animaduertit. priusquã autẽ in Aegyptum descenderent, uirum pramissit, cuius prudẽtia et illi, et Aegypti fame liberarẽtur. In Aegypto uero ea illos benignitate cõplexus est, ut, repugnante, & incumbente ad illorum perniciem Pharaone, mirum in modum auergerentur: & cum ualde affligerentur, ac tamquam serui durissime tractarentur; ducem Mosẽ excitauit, qui eos in manu potenti educeret. huius precipue liberationis, initio legis meminit Dominus his uerbis: Ego sum dominus Deus tuus, qui eduxi te de terra Aegypti, de domo seruitutis. Ex his uero illud maxime Parocho animaduertendum est, unam ex uniuersis

uersis nationibus a Deo delectam esse, quam popu- Deuter. 9
 lum uocaret suum, & cui se cognoscendum, & co-
 ledum præberet; non quod ceteras iustitia, aut nu-
 mero uinceret, quemadmodum Hebræos monet
 Deus; sed quod ipsi Deo sic placuit; potius ut gen- Deuter. 10
 tem exiguum, & inopem auget, & locupleta-
 ret, quo eius potentia, & bonitas notior apud om- Ad Rom. 15
 nes esset, & illustrior. Cum igitur ea esset illorum
 hominum condicio, ijs conglutinatus est, & hos
 amauit; ita ut, cum esset Dominus cæli, & terræ,
 non confunderetur uocari Deus eorum, quo ceteras
 gentes ad æmulationem prouocaret; ut, perspecta
 Israelitarum felicitate, omnes homines ad ueri Dei ad Rom. 15
 cultum se conferrent: quemadmodum etiam Pau-
 lus testatur, se, gentium felicitate proposita, &
 uera Dei cognitione, qua eas instruxerat, ad æmu-
 lationem carnem suam prouocare. Deinde fideles
 docebit, Deum Hebræos patres diu peregrinari
 passum esse, posteros etiam durissima seruitute pre-
 mi, diuexarique permisisse, ob eam rem, uti doce-
 remur, amicos Dei fieri, non nisi mundi inimicos, ac
 peregrinos in terris; itaque in Dei familiaritatem
 facilius recipi, si nihil omnino nobis sit commune
 cum mundo: tum uero, ut ad Dei cultum translati
 intelligeremus, quanto feliciores demum sint ij, qui
 Deo, quam qui mundo seruiunt: cuius rei nos scri-
 ptura cōmonet: inquit enim: Veruntamē seruiant 2. Paral. 12
 ei, ut sciant distantia seruitutis meæ, & seruitutis
 regni terrarū. Præterea, explicabit, post amplius
 D D iij qua-

quadringētis annis Deū promissa praeſtitiffe, ut ille
 populus fide, ac ſpe aleretur. *Alumnos enim ſuos*
Deus a ſe perpetuo pendere uult, atque in eius boni
tate omnem ſpem ſuam collocare; ut in primi praece
pti explanatione dicetur. Poſtremo, locum, ac
tempus notabit, quibus hanc legem populus Iſrael
a Deo accepit; nempe, poſtquam eductus ex Aegy
pto in deſertum uenit; ut beneficij recentis memo
ria allectus, & loci aſperitate, in quo uerſabatur,
deterrius, ad accipiendam legem aptior reddere
tur. homines enim ijs maxime deuinciuntur, quo
rum beneficentiam experti ſunt; atque ad Dei prae
ſidium confugiunt, cum ſe omni ſpe humana deſti
tutos eſſe agnoſcunt. Ex quo licet intelligere, fide
les ad complectendam caeleſtem doctrinam eo pro
penſiores eſſe, quo ſe magis a mundi illecebris, &
carnis uoluptatibus abſtraxerint; ſicut per Pro
 Iſa. 28 phetam ſcriptum eſt; *Quem docebit ſcientiam, &*
quem intelligere faciet auditū? ablactatos a lacte,
auulſos ab uberibus. Enitatur itaque Parochus,
& quantum poteſt, efficiat, ut fidelis populus haec
uerba ſemper in animo habeat; Ego ſum dominus
Deus tuus: ex quibus intelligent, legiſlatorem ſe
creatorem habere, a quo & conditi ſunt, & con
 Pſal. 94 ſeruantur: iureque illud uſurpent; *Ipe eſt domi*
nus Deus noſter; & nos populus paeſcae eius, &
oues manus eius. Quorum uerborum uehemens,
& frequens admonitio eam nim habebit, ut ad legē
colendam fideles promptiores reddantur, & a pec
 catis

catis abſtineant. Quod autem ſequitur; Qui edu-
xi te de terra Aegypti, de domo ſeruitutis; etſi Iu-
daeis tantū uidetur conuenire, Aegyptiorum domi-
natiu liberatis; tamen, ſi interiorem ſalutis uniu-
ſe rationem ſpectemus, multo magis ad Chriſtia-
nos homines pertinet; qui non ex Aegyptiaca ſer-
uitute, ſed e peccati regione, & poteſtate tenebra-
rum a Deo erepti, atque in regnum filij dilectionis
ſuae translati ſunt. cuius beneficij magnitudinem ^{Ad Colof. 1}
intuens Hieremias praeſignit illud; Ecce dies ueniet, ^{Hier. 16}
dicit Dominus; & non dicetur ultra, Viuit Domi-
nus, qui eduxit filios Iſrael de terra Aegypti; ſed
uiuit Dominus, qui eduxit filios Iſrael de terra A-
quilonis, & de uniuſis terris, ad quas eieci eos, &
reducam eos in terram ſuam, quam dedi Patribus
eorū. ecce ego mittam piſcatores multos, dicit Do-
minus, & piſcabitur eos: & quae ſequuntur. Pater
enim indulgentiſſimus per filiū ſuum filios, qui erant ^{Luc. 15}
diſperſi, congregauit in unū; ut iam nō ut ſerui, pec-
cato, ſed inſtitutis, ſeruiamus illi in ſanctitate, & inſti-
tia corā ipſo omnibus diebus noſtris. Quare fideles
omnibus tērationibus tamquā clypeū opponēt illud
Apoſtoli; Qui mortui ſumus peccato, quo modo ad ^{Ad Rom. 6}
huc uiuimus in illo? iā nō ſumus noſtri, ſed eius, qui
pro nobis mortuus eſt, et reſurrexit. Ipſe eſt dominus
Deus noſter, qui nos ſuo ſanguine ſibi acquiſiuit; quo
modo peccare poterimus in dominū Deū noſtrū? ip-
ſumq. iterū cruci aſſigere? Ut igitur uere liberi, &
ea quidē libertate, qua nos Chriſtus liberauit, ſicut

DD iij exhibi

exhibueramus membra nostra seruire iniustitiæ, ita exhibeamus seruire iustitiæ in sanctificationem.

Exod. 20

**NON HABEBIS DEOS ALIENOS
CORAM ME.**

Priorem in Decalogo locum obtinere, quæ ad Deum pertinent, posteriorem uero, quæ ad proximum, docebit Parochus: quia eorum, quæ proximo præstamus, causa Deus est. tum enim ex Dei præcepto proximum diligimus, cum propter Deum diligimus: ea uero sunt in priori tabula descripta. Secundo loco, in uerbis ijs, quæ proposita sunt, duplex contineri præceptum ostendet: quorum alterum iubendi, alterum prohibendi uim habet. Nam quod dicitur; Non habebis Deos alienos coram me; eam habet sententiam coniunctam; me uerum Deum coles, alienis dijs cultum non adhibebis. In priori autem continetur præceptum fidei, spei, & charitatis. nam cum Deum dicimus, immobilem, incommutabilem, perpetuo eundem manentem, fidelem, recte sine ulla iniquitate confitemur; ex quo eius oraculis assentientes, omnem ipsi fidem, & auctoritatem tribuamus, necesse est: qui uero omnipotentiam, clementiam, & ad bene faciendum facilitatem, ac propensionem illius considerat, poterit ne spes omnes suas non in illo collocare? At si bonitatis, ac dilectionis ipsius effusas in nos diuitias contempletur, illum ne poterit non amare? Hinc est illud proæmium, hinc illa conclusio, qua in præcipiendo, mandandoque inscri-

scriptura utitur, Deus ego dominus. Altera autem præcepti pars illa est; Non habebis deos alios coram me. qua loquendi formula legislator usus est, non quod satis explicata non esset hæc sententia affirmatione præcepti in hunc modum; Me unum Deum coles: si enim Deus est, unus est: sed propter cecitatem plurimorum, qui olim Deum verum se colere profitebantur, multitudinem tamen deorum uenerabantur: cuiusmodi inter Hebræos ipsos permulti fuerunt, qui, ut Helias eis obijciebat, in duas partes claudicabant: quod & Samaritæ fecerunt, qui Deum Israelis, & deos gentium colebāt. 3. Reg. 18

His explicatis, addendum erit, hoc esse præceptum omnium primum, & maximum, non ordine tantum ipso, sed ratione, dignitate, præstantia. Debet enim obtinere Deus apud nos infinitis partibus maiorem, quam domini, quam regis, charitatem, & auctoritatem. Ipse nos creauit, idem gubernat: ab eo in utero matris nutriti, atque inde in hanc lucemeducti sumus: ipse nobis ad uitam, uitæque res suppeditat necessarias. Peccant autem in hoc præceptum, qui fidem, spem, & charitatem non habent: quorum peccatum latissime patet. Sunt enim in hoc numero, qui in hæresim labuntur; qui non credunt ea, quæ sancta mater Ecclesia credenda proponit; qui somniis, augurijs, ceterisque uanissimis rebus fidem habent; qui de sua salute spem abijciunt, nec diuinæ bonitati cōfidunt; qui diuitijs tantum, qui corporis ualetudine, ac uiribus

ribus nituntur. quæ fufius ab ijs explicata funt, qui de uitijs & peccatis conſcripferunt.

De cultu &
ueneratio-
ne ſancto-
rum.

Verum illud etiam in huius præcepti explicatio-
ne accurate docendum eſt, uenerationem, & inuo-
cationem ſanctorum angelorum, ac beatarum ani-
marum, quæ cæleſti gloria perfruiuntur, aut etiam
corporum ipſorum, ſanctorumque cinerum cul-
tum, quem ſemper catholica Eccleſia adhibuit,
huic legi non repugnare. Quis enim adeo demens
eſt, qui, edicente rege, ne ſe pro rege quiſquam
gerat, aut regio cultu, atque honore affici patia-
tur, continuo putet nolle regem, ſuis ut magi-
ſtratibus honos deferatur? Eſſi enim angelos Chri-
ſtiani adorare dicuntur exemplo ſanctorum ueteris
teſtamenti, non eam tamen illis uenerationem
adhibent, quam Deo tribuunt. quod ſi legimus
interdum angelos recuſaſſe, ne ſe homines uene-
rarentur; eo feciſſe intelligendum eſt, quod ſibi
eum honorem haberi nolebant, qui ſoli Deo debe-
retur. Spiritus enim ſanctus, qui ait; Soli Deo ho-
nor, & gloria; idem præcepit, ut honore parentes,
& ſeniores afficeremus. Sancti præterea uiri, qui
Deum unum colebant, reges tamen, ut eſt in diui-
nis litteris, adorabant, id eſt ſupplices ueneraban-
tur. Quod ſi reges, per quos Deus mundum gu-
bernat, tanto honore afficiuntur: angelicis ſpiriti-
bus, quos Deus miniſtros ſuos eſſe uoluit, & quo-
rum opera non modo ad Eccleſiæ ſuæ, ſed etiam ad
reliquarum rerum gubernationem utitur, quo-
rumque

Apocal. 19
Apocal. 22

1. ad Tim. 1
Exod. 19
Leuit. 19
Deuter. 5

rumque ope maximis tum animæ, tum corporis periculis quotidie liberamur, etiam si se nobis in conspectu non dent, tanto maiorem honorem non habemus, quanto beatæ illæ mentes dignitate regibus ipsis antecellant? Adde charitatem, qua nos diligunt, qua ducti pro ijs provinciis, quibus præsent, Dan. 10 ut ex scriptura facile intelligitur, preces fundunt; quod etiam præstare iis, quorum sunt ipsi custodes, ne dubitandum quidem est: nostras enim preces Deo offerunt, & lacrymas. Quamobrem in euangelio docuit Dominus, pusillos scandalizandos non esse: Match. 18 quod angeli eorum in celis, semper uident faciem Patris, qui in celis est. Inuocandi itaque sunt; quod & perpetuo Deum intuentur, & patrociniū salutis nostræ, sibi delatum, libentissime suscipiunt. Extant diuinæ scripturæ testimonia huius Gen. 32 inuocationis. Iacob enim ab angelo, quicum luctatus fuerat, petit, ut sibi benedicat, immo etiam cogit: se enim non dimissurum illum profitetur, nisi benedictione accepta: neque solum sibi ab eo tribui, quem intuebatur, sed ab eo etiam, quem minime videbat, tum cum dixit: Angelus, qui eruit me de Gen. 48 cunctis malis, benedicat pueris istis. Ex quibus etiam colligi poterit, tantum abesse, ut sanctis, qui in Domino dormierunt, honore afficiendis, atque inuocandis, & sacris eorum reliquijs, cineribusque venerandis, Dei gloria minuiatur; ut eo maxime augeatur, quo magis hominum spem excitat, confirmat, & ad sanctorum imitationem cohort-

cohortatur. quod officium Niceno altero, & Gangrensi, ac Tridentino Concilijs, & sanctorum Patrum auctoritate comprobatur. Quo autem sit ad refutandos eos instructior Parochus, qui huic ueritati aduersantur, sanctos Hieronymum contra Vigilantium, & Damascenum potissimum legat. ad quorum rationem, quod caput est, accedit consuetudo ab apostolis accepta, & in Ecclesia Dei perpetuo retenta, & conseruata. cuius rei quis firmitus, aut clarius requirat argumentum diuinae scripturae testimonio, quae sanctorum laudes celebrat admirabiliter? extant enim quorundam sanctorum diuina praeconia: quorum laudes cum sacris litteris celebrentur; quid est, quod illis singularem honorē non habeant homines? Etsi ob eam causam magis etiam colendi, & inuocandi sunt, quod pro salute hominum preces assidue faciunt, multaque eorum merito, & gratia in nos Deus confert beneficia. Si enim gaudium est in caelo super uno peccatore penitentiam agente; non ne etiam celestes ciues, penitentes adiunabunt? non ne rogati peccatorum ueniam & impetrabunt, & conciliabunt nobis Dei gratiam? Quod si dicatur, ut a nonnullis dicitur, superuacaneum esse sanctorum patrocinium, quod Deus sine interprete precibus nostris occurrat: has impiorum uoces illa sancti Augustini facile conuincunt, multa Deum non concedere, nisi mediatoris ac deprecatoris opera, & officium acceperit. Quod illustribus Abimelec, & Iob amicorum

S. August.

Gen. 20

Iob 42

corum confirmatur exemplis: quorum peccata non nisi Abraham, & Iob precibus condonauit. Si uero etiam afferatur, fieri inopia, & imbecillitate fidei, ut sanctos internuncios, & patronos adhibeamus: quid ad illud respondebunt Centurionis exemplum, qui uel in singulari illo fidei preconio, quod dominus Deus impertiuit, seniores tamen Iudæorum ad Saluatorem misit, ut laboranti puero salutem impetrarent? Quare si fatendum est, unum nobis mediatorem propositum Christum dominum, qui scilicet unus nos per sanguinem Patri cælesti reconciliauit, & qui, aterna redemptione inuenta, Matth. 8
Luc. 7 Ad Heb. 9 semel in Sancta ingressus, pro nobis interpellare non cessat: ex eo tamen nullo modo sequi potest, quo minus ad sanctorum gratiam confugere liceat. Nam si propterea subsidijs sanctorum uti non liceat, quod unum patronum habemus IESUM Christum; numquam id commisisset Apostolus, ut se Deo tanto studio fratrum uiuentium precibus adiunari uellet. neque enim minus uiuorum preces, quam eorum, qui in calis sunt, sanctorum deprecatio, Christi mediatoris gloriam, & dignitatem imminuerent. Sed cui fidem non faciant & honoris, qui sanctis debetur, & patrocinij, quod nostri suscipiunt, mirabiles effectæ res ad eorum sepulcra, & oculis, & manibus, membrisque omnibus captis, in pristinum statum restitutis, mortuis ad uitam reuocatis, ex corporibus hominum eiectis demonijs? quæ non audisse, ut multi, non legisse, ut plurimi grauis-
simi

S. Ambro.
& August.

simi uiri, sed uidisse, testes locupletissimi sancti. Ambrosius, & Augustinus litteris prodiderunt. Quid multa? si uestes, sudaria, si umbra sanctorum, prius quam e uita migrarent, depulit morbos, uiresque restituit: quis tandem negare audeat, Deum per sacros cineres, ossa, ceterasque sanctorum reliquias

4. Reg. 13
Exod. 20

eadem mirabiliter efficere? Declarauit id cadauer illud, quod forte illatum in sepulcrum Elisei, eius tacto corpore, subito reuixit. Quod uero sequitur: Non facies tibi sculptile, neque omnem similitudinem, quæ est in celo, & quæ in terra deorsum, nec eorum, quæ sunt in aquis sub terra; Non adorabis ea, neque coles: quidam hoc alterum præceptum existimantes, duo postrema ipsa unius præcepti ui-

S. August.

contineri uoluerunt; ut sanctus Augustinus illa extrema diuidens, hæc ipsa uerba ad primum præceptum pertinere uoluit. quam sententiam, quia in Ecclesia celebris est, libenter sequimur. Etsi in promptu ratio est illa uerissima, consentaneum fuisse, præmium, & pœnam cuiusque cum primo præcepto coniungi. Nec uero quis existimet, omnino pingendi, fingendi, aut sculpendi artem hoc præcepto prohiberi. nam in scripturis, iussu Dei, simu-

3. Reg. 6
Num. 21

lacia, & imagines effectas legimus, Cherubim, serpentis anei. superest igitur, ut imagines ob eam rem uetitas interpretemur, ne quid simulacris, quasi dys, colendis, de uero Dei cultu detraheretur. Duplici autem potissimum ratione, quod ad hoc præceptum attinet, Dei maiestatem uehementer

ledit

ladi perspicuum est; altera, si idola, & imagines, tamquam Deus, colantur, aut credatur inesse aliqua in his diuinitas, uel uirtus, propter quam sint colendæ, uel quod ab eis sit aliquid petendum, uel quod fiducia in imaginibus sit figenda, ueluti olim fiebat a gentibus, quæ in idolis spem suam collocabant, quod passim sacræ litteræ reprehendunt: altera, si quis conetur diuinitatis formam aliquo artificio effingere, quasi corporeis oculis conspici, uel coloribus aut figuris exprimi possit. Quis enim Deum, ut inquit Damascenus, qui sub aspectum non cadit, qui corporis expers est, qui nullis terminis circumscribi, nec ulla figura describi queat, possit exprimere? quæ res in altera Nicena Synodo uberius explicatur. Præclare igitur Apostolus, eos mutasse Dei incorruptibilis gloriam in similitudinē ad Rom. 8 uolucrum, quadrupedum, ac serpentum, dixit. hæc enim omnia tamquam Deum uenerabantur, cum illi harum rerum imagines ponerent. quocirca Israelitæ, qui ante uituli simulacrum clamabant, hi sunt Dij tui Israel, qui te eduxerunt de Exod. 32 terra Aegypti: idololatræ sunt appellati, quia mutarunt gloriam suam in similitudinem uituli comedentis fenum. Cum igitur Dominus deos Psal. 105 alienos coli prohibuisset, ut penitus idololatriam tolleretur, imaginem diuinitatis ex ære duci, aut alia quauis materia fieri prohibuit: quod Isaias declarans inquit: Cui similem fecistis Deum, aut quam imaginem ponetis ei? Atque in hoc Isa. 40 Aq. 7 præce-

praecepto hanc sententiam contineri, prae^{ter} sancto-
rum Patrum scripta, qui eam, quemadmodum in
Septima Synodo expositum est, sic interpretantur,
Deuter. 4 illa etiam Deuteronomij uerba satis declarant, ubi
Moses, populum auertere ab idololatria cū uellet,
aiebat: Non uidistis aliquam similitudinem in die,
qua locutus est uobis Dominus in Horeb de medio
ignis. Quod sapientissimus legislator ideo dixit, ne
quo errore ducti, diuinitatis imaginem fingerent,
Deoque debitum honorem rei creatæ tribuerent.
Nemo tamen propterea contra religionem, Deique
legem quidquam committi putet, cum sanctissimæ
Trinitatis aliqua persona quibusdam signis expri-
mitur, quæ tam in ueteri, quam in nouo testamen-
to apparuerunt. nemo enim tam rudis est, ut illa
immagine diuinitatem credat exprimi: sed illis decla-
rari doceat Pastor proprietates aliquas, aut actio-
nes, quæ Deo tribuuntur; ueluti cum ex Daniele
pingitur antiquus dierum in throno sedere, ante
quem libri aperti sunt; Dei æternitas, & infinita
sapientia significatur, qua omnes hominum & co-
gitationes, & actiones, ut de ijs iudicium ferat,
intuetur. Angelis etiam tum humana species,
tum alæ affinguntur; ut intelligant fideles, quam
propensi sint in humanum genus, & tamquam pa-
Ad Heb. 1 rati ad ministeria Domini exequenda: omnes enim
administratorij spiritus sunt propter eos, qui here-
Matth. 3 ditatem capiunt salutis. Columbæ uero species, &
Mar. 1
Luc. 3 linguae tamquam ignis in euangelio, & Actis
aposto-

apostolorum, quas spiritus sancti proprietates signi-
 ficent, multo notius est, quam ut oporteat pluribus
 uerbis explicari. At uero cum Christus dominus,
 eiusq. sanctissima, & purissima mater, ceteriq. om-
 nes sancti, humana præditi natura, humanâ speciem
 gesserint, eorum imagines pingi, atque honorari,
 non modo hoc præcepto interdictum non fuit, sed
 etiam sanctum, & grati animi certissimum argu-
 mentum semper habitum est: quod & apostolico-
 rum temporum monumenta, & œcumenicæ Sy-
 nodi, & tot sanctissimorum, doctissimorumque
 Patrum inter se consentientium scripta confirmât.
 Non solum autem licere in ecclesia imagines ha-
 bere, & illis honorem, & cultum adhibere, osten-
 det Parochus, cum honos, qui eis exhibetur, re-
 feratur ad prototypa, uerum etiam maximo fide-
 lium bono ad hanc usque diem factum declarabit;
 ut ex Damasceni libro, quem de imaginibus edi-
 dit, & septima Synodo, quæ est secunda Nice-
 na, intelligitur. Verum quia sanctissimum quod-
 que institutum hostis humani generis suis frau-
 dibus, & fallacijs deprauare contendit; si quid
 forte populo hac in re peccatum fuerit, Parochus,
 Tridentini Concilij decretum secutus, quoad eius
 fieri poterit, studebit corrigere. ac decretum qui-
 dem ipsum, cum res tulerit, populo interpretabi-
 tur; tum rudes, & qui imaginum ipsarum institu-
 tum ignorant, docebit, imagines factas ad utriusq.
 testamenti cognoscendam historiam, atque eius

Ioan. 1
Act. 2

Nice. Syn. 5

Trid. Cœc.

E E

memo-

memoriam identidem renouandam : qua rerum diuinarum memoria excitati, ad colendum, atque amandum ipsum Deum uehementius inflammemur : sanctorum quoque imagines in templis positas demonstrabit, ut & colantur, & exemplo moniti, ad eorum uitam, ac mores nos ipsos confirmemus.

EGO SVM DOMINVS DEVS TVVS, FORTIS ZELOTES, VISITANS INIQUITATEM PATRVM IN FILIOS IN TERTIAM, ET QVARTAM GENERATIONEM EORVM, QVI ODERVNT ME; ET FACIENS MISERICORDIAM IN MILLIIS, QVI DILIGVNT ME, ET CVSTODIVNT PRAECEPTA MEA.

Duo sunt in extrema parte huius praecepti diligenter explicanda. Primum est, quod etsi ob summum scelus praeuaricationis primi praecepti, atque hominum ad id committendum propensionem, apte hoc loco poena proponitur, communis tamen est omnium appendix praeceptorum, omnis enim lex ad praecepta seruanda homines poena, & premio inducit. hinc illae tam frequentes in sacris litteris, & crebrae Dei promissiones. ut enim innumerabilia pene testamēti ueteris testimonia praetermittamus, in euangelio scriptum est : Si uis ad uitam ingredi, *Matth. 19*
Matth. 7. 3. serua mandata. Et alibi : Qui facit uoluntatem patris mei, qui in caelis est, ipse intrabit in regnum caelorum. Tum illud : Omnis arbor, quae non facit fructum
5. 6 Etum

Etiam bonum, excidetur, & in ignem mittetur. Et: Omnis, qui irascitur fratri suo, reus erit iudicio. Atque alibi: Si non dimiseritis hominibus, nec pater uester dimittet uobis peccata uestra. Alterum est, quod longe alia ratione perfecti, alia carnales homines hanc appendicem docendi sunt. Perfecti enim, qui spiritu Dei aguntur, eique prompto & alacri animo parent, instar est cuiusdam latissimi nunciij, & magnum argumentum propensæ in eos diuinæ uoluntatis. agnoscunt enim sui amantiissimi Dei curam, qui nunc præmijs, uinculis ad suum cultum, & uenerationem homines prope compellat. agnoscunt eius immensam in se beneuolentiam, qui sibi imperare, suaque opera ad diuini nominis gloriam uti uelit. neque solum agnoscunt, sed magna spe sunt, illum, cum, quod uult, iubeat, etiam daturum uires, quibus legi ipsius parere possint. At carnalibus, qui nondum spiritu seruitutis liberati sunt, magisque metu pœnarum, quam amore uirtutis abstinent a peccatis, eius appendicis sensus grauis & acerbus est. quamobrem sunt pijs exhortationibus subleuandi, et, quo lex spectat, quasi manu deducendi. Parochus autem, quoties alicuius explicandi præcepti occasio inciderit, eadem hæc sibi habeat proposita. Carnalibus perinde tamen, ac spiritualibus, duo in primis quasi aculei sunt admouendi, qui ad legem obseruandam hac ipsa in appendice positi, homines maxime incitent. Nam quod Deus fortis dicitur, ideo diligentius est

EE 4 expli-

explicandum, quo caro sepe, quæ terroribus diuinae comminationis minus commouetur, uarias sibi ipsa rationes fingit, quibus iram Dei effugere, ac propositam pœnam uitare possit: cui autem certo persuasum est, Deum fortem esse, illud magni Dauidis usurpat; Quo ibo a spiritu tuo, & quo a facie tua fugiam? Eadem quoque, diuinis interdum diffusa promissis, tantas hostium uires esse credit, ut ad sustinendum minime parem sese esse existimet. At firma, & stabilis fides nihil titubans, cum diuina ui ac uirtute nitatur, homines contra recreat, atque confirmat: inquit enim: Dominus illuminatio mea, & salus mea, quem timebo? Alter uero aculeus, zelus ipse diuinus est. nonnumquam enim homines putant Deum humana non curare, ne illud quidem, legem ipsius seruemus, an negligamus: ex quo sequitur magna uitæ confusio. cum autem Deum zelotem credimus, eius rei meditatio facile nos in officio continet. Zelus uero, qui Deo tribuitur, nullam animi significat perturbationem, sed diuinum illum amorem, & charitatem, qua Deus nullam a se animam patitur impune fornicari: quotquot autem ab eo fornicantur, perdit. Est itaque zelus Dei, tranquillissima eius, sincerissimaque iustitia, qua anima, falsis opinionibus, prauisque cupiditatibus corrupta, repudiatur, & a Dei coniugio tamquam adultera remouetur. At uero zelum hunc Dei suauissimum, ac dulcissimum experimur, cum summa eius, atque incredibilis

Psal. 138

Psal. 26

credibilis in nos uoluntas zelo ipso demonstratur. nec enim aut amor ardentior inter homines, aut maior, arctiorque coniunctio, quam eorum, qui coniugio copulati sunt, reperitur. Igitur, quam nos ualde diligat, ostendit Deus, cum crebro se, uel sponso, uel marito comparans, zelotem uocat. Quamobrem doceat Parochus, hoc loco sic diuini cultus, atque honoris cupidos homines esse debere, ut zelantes potius, quam amantes, iure dici possint, illius exemplo, qui de se ipse, Zelo, inquit, zelatus sum pro domino Deo exercituum. immo 3. Reg. 19 uero Christum ipsum imitentur, cuius illud est: Zelus domus tue comedit me. Est autem commi- Psal. 68 nationis explicanda sententia, uon inuitos peccatores passurum Deum, sed eos uel tamquam parentem castigaturum, uel tamquam iudicem acriter, ac seuerè in eos animaduersurum. Quod Deuter. 7 alio in loco significans Moses, Et scies, inquit, quia dominus Deus tuus ipse est Deus fortis, & fidelis, custodiens pactum, & misericordiam diligentibus se, & ijs qui custodiunt precepta eius, in mille generationes, & reddens odientibus se statim. & Iosue, Non poteritis, inquit, seruire Domino: Deus enim sanctus, & fortis emulador est, nec ignoscet sceleribus uestris, atque peccatis: si dimiseritis Dominum, & serueritis dijs alienis, conuertet se, & affliget uos, atque subuertet. Docendus autem populus est, comminationis pœnam ad tertiam, quartamque impiorum,

EE iij & fa-

& facinorosorum generationē pertinere; non quod
 posteriores maiorum scelerum pœnas semper luât;
 sed licet illi, liberique eorum impune tulerint, non
 omnis tamen eorum posteritas iram Dei, pœnamq.
 uitabit: quod Iosia Regi accidit: huic enim, pro-
 pter singularem pietatem, cum pepercisset Deus,
 dedissetque, ut in pace in sepulcrum maiorum suo-
 rum inferretur, ne uideret consequentium tempo-
 rum mala, quæ, propter Manassis aui impietatem,
 Iudæ, & Hierusalem erant euentura; eo mortuo,
 posteros eius est ultio Dei consecuta, sic, ut ne filijs
 quidem Iosia pepercerit. Qua autem ratione hæc
 legis uerba sententia illi, quæ est apud Prophetam,
 non aduersentur; Anima, quæ peccauerit, ipsa
 morietur; sancti Gregorij auctoritas, cum reliquis
 omnibus antiquis Patribus cōsentiēs, aperte osten-
 dit: inquit enim: Quisquis prauī parētis iniquita-
 tem imitatur, etiam ex eius delicto constringitur;
 quisquis autem parentis iniquitatem non imitatur,
 nequaquam delicto illius grauitur. unde fit, ut ini-
 quus filius iniqui patris non solum sua, quæ addi-
 dit, sed etiam patris peccata persoluat; cum uitys
 patris, quibus iratum Dominum non ignorat, etiā
 suam adhuc malitiam adiungere non formidat: &
 iustum est. ut qui sub districto indice uias parentis
 iniqui non timet imitari, cogatur in uita presenti,
 etiam culpas parentis iniqui persolvere. Comme-
 morabit deinde Parochus, quantum Dei iustitiam
 superet eiusdem bonitas, ac misericordia. irascitur.
 tertie

2. Paral. 34
35

4. Reg. 23

Ezech. 18

5. Grego-
rius

tertiæ, quartæq. generationi Deus, misericordiam uero in millia impertit. In eo autem quod dictum est; Eorum, qui oderunt me; peccati magnitudo ostenditur. Quid enim flagitiosius, ac detestabilius, quam summā ipsam bonitatem, summam ueritatem odisse? Hoc uero ad omnes peccatores iccirco pertinet, quod quemadmodum, qui habet mandata Dei, & seruat ea, Deum diligit; ita qui legem Domini contemnit, & mandata eius non seruat, Deum odisse merito dicendus est. Quod uero extremum est; Et ijs, qui diligunt me; seruandæ legis modum, ac rationem docet. necesse est enim, eos, qui legem Dei seruant, eadem charitate, atque amore, quo in Deum sunt, ad eius obedientiam adduci: quæ deinceps in singulis præceptis cōmemorabūtur

Ioan. 14

Exod. 20

NON ASSVMES NOMEN DOMINI DEI
TUI IN VANVM.

Quamquam primo diuinæ legis præcepto, quo Deum pie, sancteque colere iubemur, hoc, quod secundo loco sequitur, necessario continetur; (nam qui sibi honorem tribui nult, idem postulat, se, ut summo uerborum honore prosequamur, prohibetq. contraria; quod & illa Domini apud Malachiam uerba aperte indicant; Filius honorat patrem: & seruus dominum suum: si ergo Pater ego sum, ubi est honor meus?) Deus tamē pro rei magnitudine hanc de suo ipsius diuino, & sanctitatis plenissimo nomine honorando, legem separatim ferre,

Malach. 1

EE iij idque

idque nobis disertis, & perspicuis uerbis præscribere uoluit. quod sane Parocho ipsi argumento in primis esse debet, nequaquam satis fore, si hac de re generatim loquatur; sed eiusmodi locum hunc esse, in quo ipse diutius cōmorari, et quæcumque ad hanc tractationem pertinent, distincte, dilucide, accurateque apud fideles explicare necesse sit. Neque uero nimia hac diligentia censenda est; cum non de sint, qui adeo errorū tenebris occacati sint, ut, quæ angeli glorificant, ei maledicere non uereantur. neque enim lege semel lata deterrentur, quo minus Dei maiestatem quotidie imminuere, immo singulis pene horis, ac momentis, impudentissime audeāt. Quis enim non uideat, omnia iureiurando affirmari? omnia imprecationibus, & execrationibus referta esse? usque adeo ut nemo fere uel uendat aliquid, uel emat, uel negotium aliquod gerat, qui non iurisiurandi religionem interponat, Deique sanctissimum nomen millies, uel in re leuissima, & inani, temere non usurpet? quo maior Parocho cura & diligentia adhibenda est, ut sæpe fideles admoneat, quam graue hoc scelus sit, & detestabile. Iam uero, in huius præcepti explicatione id primum constet, cum eo, quod lex fieri prohibet, earum etiam rerum præceptionem coniunctam esse, quas præstare homines debent. utrumque autem separatim docendum est, primum quidem, ut ea, quæ tradenda sunt, facilius exponantur, quid iubeat lex, mox etiam quid uetet. nam quæ imperat, illa sunt,

sunt, nomen Dei esse honorandum, ac per illud sancte iurandum. hæc rursus, quæ prohibet: nemo diuinum nomen contemnat, nemo illud in uanum assumat, ne ue per ipsum aut falso, aut frustra, aut temere iuret. In ea itaque parte, qua iubemur diuino nomini honorem tribuere, Parochus fidelibus præcipiat, Dei nomen, ipsius inquam litteras, & syllabas, aut omnino per se nudum uerbum tantummodo attendendum non esse; sed in eam cogitationem ueniendum, quid ualeat illa uox, quæ omnipotentem, ac sempiternam maiestatem unius & trini numinis significat. Ex his autem facile colligitur, inanem esse nonnullorum Iudeorum superstitionem, qui, quod scriberent Dei nomen, pronunciare non auderent, quasi in quattuor illis litteris, non in re, diuina uis esset. Sed quamuis singulari numero prolatum sit; Non assumes nomen Dei; id non de uno aliquo nomine, sed de omnibus, quæ Deo tribui solent, intelligendum est. multa enim Deo imposita sunt nomina, ut domini, omnipotentis, domini exercituum, regis regum, fortis, & alia id genus, quæ in scripturis leguntur; quæ parem, eandemq. uenerationem habent omnia. Deinde docendum est, quo modo diuino nomini debitus honor adhibeatur. neque enim Christiano populo, cuius ore Dei laudes assidue celebrandæ sunt, rem utilissimam, & pernecessariam ad salutem, ignorare fas est.

Quamuis

Deus qui
bus modis
laudandus.

Quamuis autem multiplex sit ratio laudandi diuini nominis, tamen in ijs, de quibus deinceps hic dicetur, iis, & pondus omnium uidetur esse. Primum igitur laudatur Deus, cum in omnium conspectu Deum ac dominum nostrum fidenter constemur, Christumque salutis nostrae auctorem quemadmodum agnoscimus, ita etiam praedicamus. Itemque cum uerbo Dei, quo uoluntas eius enunciatur, sancte, & diligenter operam damus; in eius meditatione assidue uersamur; studiose illud addiscimus, aut legendo, aut audiendo, perinde ut cuiusque personae & muneri aptum, & consentaneum est. Deinde diuinum nomen ueneramur, & colimus, cum officij, & religionis causa diuinas laudes celebramus, ac de omnibus rebus tum prosperis, tum aduersis illi singulares gratias agimus: inquit enim Psal. 102 Propheta: Benedic anima mea Domino, & noli obliuisci omnes retributiones eius. Extantque plurimi David psalmi, quibus egregia quadam erga Deum pietate illius diuinas laudes suauissime decantat. Extat admirabile illud patientiae exemplum Iob; qui cum in maximas illas, horribilesque calamitates incidisset, Deum tamen excelsio, & inuictio animo laudare numquam intermisit. Nos itaque cum animi, corporisque doloribus cruciamur, cum miseris, & arumnis torquemur, statim ad Deum laudandum omne studium, & animi nostri uires conuertamus, illud Iob dicentes; Sit nomen Domini benedictum. Neque uero minus Dei nomen bono-

honoratur, si fidenter opem eius imploramus, quo
 scilicet aut nos ab illis liberet, aut ad eadem forti-
 ter perferenda constantiam, & robur largiatur. Psal. 49
 hoc enim fieri uult Dominus: Inuoca, inquit, me
 in die tribulationis, & eruiam te, & honorificabis
 me. cuius implorationis cum multis alijs in locis,
 tum precipue in psalmis, 16. 43. & 118. illustra
 reperiuntur exempla. Præterea, Dei nomen hono-
 re prosequimur, cum fidei faciendæ causa testamur
 Deum: qui modus a superioribus ualde differt.
 Nam quæ supra enumerauimus, ita siapte natu-
 ra bona sunt, atque expetenda, ut nihil beatius,
 nihil homini optabilius possit esse, quam si in illis
 sedulo exequendis se ipsum dies, noctesque exerceat.
 Benedicam, inquit David, Dominum in omni tem- Psal. 33
 pore: semper laus eius in ore meo. At iusiuran-
 dum licet bonum sit, eius tamen frequens usus mi-
 nime est laudabilis. Huius autem discriminis ratio
 in eo posita est, quod iusiurandum ea tantum de cau-
 sa institutum est, ut esset tamquam remedium quod-
 dam humanæ imbecillitatis, & ad probandum,
 quod dicimus, necessarium instrumentum. Et enim
 corpori medicamenta adhibere non expedit, nisi ne-
 cesse sit: eorundem uero frequentatio perniciosæ omni-
 no est: ita etiam, nisi cum grauis & iusta causa
 subest, iureiurando uti non est salutare: quod si sæ-
 pius adhibeatur, tantum abest, ut prosit, ut ma-
 gnum detrimentum afferat. quamobrem præcla-
 re docet S. Chrysostomus, non nascente, sed iâ adulto
 mundo

mundo, cum mala longe lateque propagata uniuersum terrarum orbem occupassent, nihilque suo loco & ordine consisteret, sed perturbata & permissa omnia, sursum, deorsum, magna rerum confusione, ferrentur, &, quod malorum omnium grauissimum est, mortales fere omnes in fœdam idolotriam seruitutem se ipsos abieciissent; tum denique longo sane interuallo iusiurandum in hominum consuetudinem irrepsisse. nam cum in tanta hominum perfidia, & iniquitate nemo facile ad credendum adduceretur, Deum testem inuocabant.

I VRARE,
quid ualeat
apud scri-
pturas.

Verum cum in hac præcepti parte præcipua sit illa ratio docendi fideles, quo modo iusiurandum pie, sancteque adhibere debeant; primum dicendum est, **I VRARE** nihil aliud esse, nisi Deum testari, quacumque id uerborum forma, & conceptione fiat. nam &, Testis est mihi Deus, &, Per Deum, idem sunt. Est etiam illud iusiurandum, cum ad faciendam fidem per res creatas iuramus, ut, per sacra Dei Euangelia, per Crucem, per sanctorum reliquias, & nomen, & cetera id genus. neque enim hæc ipsa per se iureiurando auctoritatem, aut robur aliquod afferunt, sed Deus ipse hoc præstat, cuius diuinæ maiestatis splendor illis in rebus elucescit. ex qua sequitur, ut per euangelium iurantes, per Deum ipsum iurent, cuius ueritas euangelio continetur, & declaratur. similiter & per sanctos, qui templa Dei sunt, quique euangelicæ ueritati crediderunt, eamque omni obseruantia

nantia coluerunt, & per gentes, & nationes latissime disseminarunt. Eadem ratio est illius iurisiurandi, quod per execrationem profertur: quale est illud sancti Pauli; Ego testem Deum inuoco in animam meam. etenim hoc pacto aliquis Dei iudicio tamquam mendacii ultori subiicitur. Neque propterea negamus nonnullas ex hisce formulis ita accipi posse, quasi iurisiurandi uim non habeant: sed tamen utile est, quæ de iureiurando dicta sunt, in his etiam seruare, atque ad eandem prorsus normam & regulam dirigere. Duo autem sunt iurandi genera, primum quidem, quod assertorium appellatur, nimirum cum aliquid de re præsentis, aut præteritis religiose affirmamus, ut Apostolus in epistola ad Galatas; Ecce corâ Deo, quia non mentior. Alterum uero promissorum dicitur, ad quod etiam comminationes referuntur, futurum tempus spectans, cum aliquid ita fore pro certo pollicemur, & confirmamus: cuiusmodi est illud Dauidis, qui Bersabeæ cōiugi, iurans per dominum Deum suum, promisit Salomonem, eius filium, regni heredem fore, atque in ipsius locum successurum. Verum enim uero licet ad iusiurandum satis sit, Deum testem adhibere; tamen, ut rectum, sanctumque sit, multo plura requiruntur, quæ sunt diligenter explicanda. ea uero breuiter, teste Diuo Hieronymo, Hieremias enumerat, dum inquit: Iurabis, uiuit Dominus in ueritate, & in iudicio, & in iustitia. Quibus sane uerbis illa

2. ad Cor. 8

Ad Gal. 1

3. Reg. 1

S. Hieron.
Hierem. 4

illa breuiter summamque complexus est, quibus
 omnis iurisiurandi perfectio continetur, uerita-
 tem, inquam, iudicium, & iustitiam. Primum
 itaque in iureiurando locum ueritas habet, nimi-
 rum ut, quod asseritur, & ipsum uerum sit, &
 qui iurat, id ita esse arbitretur, non quidem temo-
 re, aut leui coniectura adductus, sed certissimis ar-
 gumentis. Alterum uero iurisiurandi genus, quo
 aliquid promittimus, eodem plane modo ueritatem
 requirit. nam qui aliquid pollicetur, ita animatus
 esse debet, ut, cum tempus aduenerit, id re ipsa
 praestet, & promissum exoluat. neque enim uir
 probus id umquam se facturum recipiet, quod san-
 ctissimis Dei praeceptis, & uoluntati aduersari pu-
 tet, sed, quidquid promittere, & iurare licuerit,
 id semel promissum numquam mutabit; nisi fortas-
 se, commutata rerum conditione, tale esse inceperit,
 ut iam, si fidem seruare, & promissis stare uelit,
 Dei odium et offensionem subiret. Veritatem autem
 iureiurando necessariam esse, David quoque indi-
 cat illis uerbis; Qui iurat proximo suo, & non de-
 cipit. Sequitur secundo loco iudicium: neque enim
 iurandum temere, & inconsiderate, sed consul-
 to, & cogitato adhiberi debet. Itaque iuraturus,
 primum quidem consideret, utrum necessitate coga-
 tur, necne; remque totam accurate expendat, an
 eiusmodi sit, ut iureiurando indigere uideatur.
 Tempus praeterea spectet, locum attendat, aliaque
 permulta, quae rebus adiuncta sunt, circumspiciat;

non

non odio, non amore, aut animi perturbatione aliqua impellatur, sed ipsius rei vi, & necessitate. etenim, nisi hæc consideratio, & diligens animaduersione antecesserit, sane iniurandum præceptum, & temerarium erit: cuiusmodi est illorum irreligiosa affirmatio, qui in re leuissima, & inani, nulla ratione, aut consilio, sed praua quadam consuetudine iurant. id uero passim quotidie a uenditoribus, & emptoribus fieri uidemus. nam illi, ut quamplurimo uendant, hi rursus, ut quamminimo emant, res uenales uel laudare, uel uituperare iureiurando non dubitant. Cum itaque iudicio, & prudentia opus sit; pueri uero ita acute perspicere, ac distinguere nondum per ætatem possint: ideo constitutum est a S. Cornelio Pont. ne a pueris ante pubertatem, hoc est, ante XLIIII. annum iniurandum exigatur. Reliqua est iniustitia, quæ maxime in promissis requiritur. quare si quis iniustum aliquid & inhonestum promittit, & iurando peccat, & promissis faciendis scelus scelere cumulat. extat huius rei in euangelio exemplum Herodis regis; qui temerario iureiurando obstrictus, puellæ saltatrici caput Ioannis Baptistæ, tamquam salutationis præmium, dedit. tale enim fuit Iudeorum iniurandum, qui se ipsos, ut est in Actis apostolorum, ea condicione deuouerunt, nihil gustaturos, donec Paulum occidissent. His ita explicatis, nulla plane dubitatio relinquitur, quin illi tuto iurare liceat, qui hæc omnia seruauerit, quique hisce condi-

Mar. 6

Act. 13

condicionibus, tamquam praesidijs quibusdam, iusiurandum munierit. sed & multis argumentis id probare facile est. nam lex Domini, quae immaculata est, & sancta, hoc praecepit. Dominum, inquit, Deum tuum timebis, & illi soli seruias: ac per nomen illius iurabis. & a Davide scriptum est; Psal. 62. Laudabuntur omnes, qui iurant in eo. Praeterea sacrae litterae indicant, ipsa Ecclesiae lumina, sanctissimos apostolos, iureiurando nonnumquam usos esse: idque ex Apostoli epistolis apparet. Adde, quod & angeli ipsi interdum iurant. nam a sancto Apocal. 10. Ioanne euangelista in Apocalypsi scriptum est, angelum iurasse per uiuentem in secula. quin etiam & Deus ipse iurat, angelorum dominus: & in ueteri testamento multis in locis Deus promissiones suas iureiurando confirmat, ut Abrahae, & Dauidi, qui illud de Dei iureiurando prodidit: Iurauit, inquit, Dominus, & non paenitebit eum: tu es sacerdos in aeternum secundum ordinem Melchisedec. Neque uero obscura est ratio ad explicandum, cur iusiurandum laudabile sit, si quis attentius totam rem consideret, et ipsius ortum, finemque intueatur. Etenim iusiurandum a fide originem ducit, qua homines credunt Deum totius ueritatis esse auctorem, qui nec decipi umquam possit, nec alios decipere: cuius oculis nuda sunt omnia, & aperta, qui denique uniuersis rebus humanis admirabili prouidentia consulit, mundumque administrat. Hac igitur fide homines imbuti, Deum ueritatis

& dominum nostrum esse profiteamur. Hoc Higitur
 præcepto prohibetur, ne homines falsum iurēt. nam
 qui a tanto scelere non refugit, ut Deum falso
 testetur, hic insignem Deo iniuriam facit, quip-
 pe qui aut illi inscitiae notam inurit, dum ipsum
 alicuius rei ueritatem latere arbitratur, aut cer-
 te improbitatis, & prauis affectus, qui mendacium
 testimonio uelit confirmare. Iurat autē falso non is
 solum, qui, quod falsum scit, uerum esse iurando
 affirmat; sed ille etiā, qui iureiurādo id asserit, quod
 cū uerū sit, tamen ipse falsum putat. nam cū menda-
 ciū ea re mendacium sit, quod contra mentem, &
 animi sententiā profertur; perspicuū est, hunc pla-
 ne mētiri & periurū esse. Simili quoque ratione pe-
 ierat, qui id iurat, quod uerū existimat, & tamē re
 uera falsum est: nisi, quantum potuit, curam, &
 diligentiam adhibuerit, ut totam rem compertam,
 atque exploratam haberet. quamuis enim ipsius
 oratio menti consentiat, tamen huius præcepti reus
 est. Eiusdem uero peccati reus censendus est, qui
 se aliquid iureiurando facturum promittit, cum ta-
 men aut promissum implere in animo non fuerit,
 aut, si fuit, quod promissit, re ipsa non præstat:
 quod etiam ad eos pertinet, qui cum se uoti sponsio-
 ne Deo obligarunt, non præstant. Præterea in hoc
 præceptum peccatur, si desit iustitia, quæ ex tri-
 bus iurisiurandi comitibus una est. Itaque si quis
 iuret se peccatum aliquod mortiferum commissu-
 rum, exempli causa, cædem hominis, huius præ-

FF ij cepti

cepti reus est, licet ille serio, atque ex animo dicat,
 & iusiurandum ueritatem habeat, quam primo lo-
 co requiri declarauimus. His adiungi debent illa iu-
 randi genera, quæ a contemptu quodam proficiscun-
 tur, cum quis iurat se non obtemperaturum euan-
 gelicis consiliis: cuiusmodi sunt, quæ ad calibatum,
 & paupertatem hortantur. quamuis enim nemo
 ea necessario sequi debeat: si quis tamen iuret, nol-
 le se illis parere consiliis, is eo iureiurando diuina cõ-
 silia contemnit, & uiolat. Præterea, hanc legem
 is uiolat, & iudicio peccat, qui, quod uerum est,
 iurat, idque ita se habere existimat, leuibus quibus-
 dam coniecturis adductus, & longe petitis. nam
 etsi huiusmodi iusiurandum ueritas comitatur,
 subest tamen aliquo modo falsum: nam qui sic negli-
 genter iurat, in magno peierandi periculo uersatur.
 Falso præterea iurat, qui per falsos deos iurat.
 quid enim est a ueritate alienius, quam mendaces
 & ficticios deos, tanquam uerum Deum, testari?
 Verum quoniam scriptura, cum periurium inter-
 2. euit. 19 dixit, inquit: Nec pollues nomen Dei tui: negle-
 ctio prohibetur, quæ fugienda est in reliquis, qui-
 bus ex huius præcepti auctoritate honor debetur:
 quale est uerbum Dei: cuius maiestatem non solum
 2nd. 3 pij, sed interdum etiam impij reuerentur, ut in Iu-
 dicum historia de Eglon Moabitarum Rege memo-
 riæ traditum est. Dei autem uerbum summa iniu-
 ria afficit, quicumque sacram scripturam a recta,
 & germana eius sententia ad impiorum dogmata,
 &

& hæreses flectit. cuius sceleris admonet nos Prin-
 ceptis apostolorum uerbis illis: Sunt quædam diffi-
 lia intellectu, quæ indocti, & instabiles deprauant,
 sicut & ceteras scripturas, ad suam ipsorum per-
 ditionem. Præterea sædis, & inhonestis maculis
 sacra scriptura contaminatur, cum eius uerba, &
 sententias, quæ omni ueneratione colenda sunt,
 ad profana quæque nefarii homines torquent, ad
 scurrilia scilicet, fabulosa, uana, assentationes,
 detractiones, sortes, libellos famosos, & si qua
 sunt alia id genus: in quod peccatum sacra Triden-
 tina Synodus animaduerti iubet. deinde ut ij Deum
 honorant, qui eius opem atque auxilium in suis
 calamitatibus implorant: ita debitum Deo hono-
 rem is negat, qui illius subsidium non inuocat:
 quos redarguit David, cum inquit: Deum non
 inuocauerunt; illic trepidauerunt timore, ubi non
 erat timor. At uero longe magis detestabili
 scelere se ipsos adstringunt, qui sacrosanctum
 Dei nomen, ab omnibus creaturis benedicendum,
 & summis laudibus extollendum, aut etiam san-
 ctorum nomen, cum Deo regnantium, impuro,
 & contaminato ore blasphemare, atque exe-
 crari audent. quod quidem peccatum usqueadeo
 atrox, atque immane est, ut interdum sacra
 litteræ, si de blasphemia sermo incidat, bene-
 dictionis nomine utantur. Quoniam uero pe-
 næ, & supplicij terror peccandi licentiam uehe-
 menter coercere solet; ideo Parochus, ut

2. Pet. 3

Trid. Syn.
Sess. 4

Psal. 13. 30

3. Reg. 21
Iob 1. 2

FF ij homi-

hominum animos magis permoueat, atque ad hoc præceptum seruandum facilius impellat, alteram illius partem, & quasi appendicē diligenter explicabit. nec enim habebit insontem Dominus eum, **Exod. 20** qui assumpserit nomen domini Dei sui frustra. Ac primum quidem doceat, summa ratione factum esse, ut huic præcepto minæ adiungerentur: quo quidem & peccati grauitas, & in nos Dei benignitas agnoscitur: qui cū hominum perditione non delectetur, ne ipsius iram, & offensionem subeamus, hisce salutaribus minis nos deterret, nimirum ut illum beneuolum potius, quam iratum experiamur. Vrgeat hunc locum Pastor, instetque summo studio, ut populus sceleris grauitatem agnoscat, & illud detestetur uehementius, & in eo euitando maiorem diligentiam, & cautionē adhibeat. Ostendat præterea, quanta sit hominū procliuitas ad hoc peccatum committendum; ut non satis fuerit legem ferre, nisi etiam minæ adderentur. Incredibile enim est, quātum hac cogitatio utilitatis habeat. nam ut nihil æque nocet, atque incauta quadam animi securitas: ita propriæ imbecillitatis cognitio plurimū prodest. Tum illud etiam declaret, nullum a Deo certum supplicium constitutum fuisse, sed tantum uniuerse minari, quicumque se hoc scelere adstrinxerit, non impune laturum. quapropter diuersa supplicia, quibus quotidie affligimur, huius peccati admonere nos debent. hinc enim facile licet conijcere, homines ea re in maximas calamitates incidere,

dere, quod huic præcepto non obtemperent. quibus sibi propositis, cautiores eos in posterum fore uerisimile est. Fideles itaque, sancto timore perterriti, omni studio peccatum hoc fugiant. nam si omnis uerbis otiosi in extremo iudicio reddenda ratio Matth. 18 est: quid de grauissimis sceleribus dicendum, quæ magnam diuini nominis despicientiam præferunt?

MEMENTO, VT DIEM SABBATHI SANCTIFICES.

SEX DIEBUS OPERABERIS, ET FACIES OMNIA OPERA TUA:

SEPTIMA AUTEM DIE SABBATHVM DOMINI DEI TVI EST.

NON FACIES OMNE OPVS SINE OTV, ET FILIVS TVVS, ET FILIATVA, ET SERVVS TVVS, ET ANCILLATVA, IVMENTVM TVVM, ET ADVENA, QVI EST INTRA PORTAS TVAS. SEX ENIM DIEBUS FECIT DOMINVS CAELVM, ET TERRAM, MARE, ET OMNIA, QVAE INEISSVNT, ET REQVIEVIT IN DIE SEPTIMO, ICCIRCO BENEDIXIT DOMINVS DIEI SABBATHI, ET SANCTIFICAVIT EVM.

Hoc legis præcepto externus ille cultus, qui Deo a nobis debetur, recte, atque ordine præscribitur: est enim hic ueluti quidam prioris præcepti fructus: quoniam quem intimis sensibus pie colimus, fide,

FF üij &

& spe adducti, quam in eo positam habemus, non
 possumus eum non externo cultu uenerari, ei-
 demque gratias agere. Et quoniam hac ab ijs,
 qui humanarum rerum occupationibus detinen-
 tur, non facile praestari possunt; certum tem-
 pus statutum est, quo ea commode effici queant.
 Itaque cum hoc praceptum eiusmodi sit, ut fru-
 ctum, utilitatemque admirabilem asserat; ma-
 xime interest, Parochi summam in eo explican-
 do diligentiam adhiberi. ad eius autem inflam-
 mandum studium magnam uim habet primum il-
 lud pracepti uerbum, Memento. nam quemadmo-
 dum fideles tale praceptum meminisse debent: sic
 Pastoris est, in eorum memoriam illud & monen-
 do, & docendo saepe redigere. Quantum uero fide-
 lium referat, hoc praceptum colere, ex eo percipi-
 tur, quod, eo diligenter colendo, ad reliqua legis ius-
 sa seruanda facilius adducentur. Cum enim inter
 cetera, quæ diebus festis praestare debent, necesse
 habeant, uerbi Dei audiendi causa, ad ecclesiam con-
 uenire; cum edocti fuerint diuinas iustificationes,
 illud etiam consequentur, ut ex toto corde custodiât
 legem Domini. quamobrem sapissime sabbathi cele-
 britas, cultusque praecipitur in sacris litteris, ut
 in Exodo, Leuitico, Deuteronomio, apud Isaiam,
 Hieremiam item, & Ezechielem prophetas uidere
 licet: quibus omnibus in locis hoc de sabbathi cultu
 traditum est praceptum. Monendi uero, & hortandi
 sunt Principes, & magistratus, ut in ijs maxime,
 quæ

Exod. 16

20. 31

Leuit. 16

19. 23. 26

Deuter. 5

Hierem. 17

Ezech. 10

quæ ad hunc cultum Dei retinendum, atque augen-^{22.23.46}
 dum pertinet, ecclesiæ Præsides auctoritate sua^{Iſa. 56. 58}
 inuent, iubeantque populum sacerdotum præce-^{66.}
 ptis obtemperare. Quod autem ad huius præcepti
 explanationem attinet, danda opera est, ut fideles
 doceantur, quibus rebus hoc præceptum cum ce-
 teris conueniat, quibusue differat ab eis. hoc
 enim pacto causamille, rationemque cognoscet,
 quare non sabbathum, sed diem Dominicum cola-
 mus, sanctūq. habeamus. Certa igitur illa differen-
 tia uidetur, quod reliqua Decalogi præcepta natu-
 ralia sunt, & perpetua, neque mutari ulla ratione
 possunt. quo factum est, ut, quamuis lex Moſis ab-
 rogata sit, omnia tamen præcepta, quæ duabusta-
 bulis continentur, populus Christianus seruet.
 quod ideo fit, non quia Moſes ita iusserit, sed
 quod naturæ conueniunt; cuius ui homines ad illa
 seruanda impelluntur. Hoc autem de sabbathi
 cultu præceptum, si statutum tempus spectatur,
 non fixum, & constans est, sed mutabile; neque
 ad mores, sed ad cærimonias pertinet; neque na-
 turale, quoniam non a natura ad id docti, aut
 instituti sumus, ut illo die potius, quam alio, ex-
 ternum cultum Deo tribuamus: sed ex eo tem-
 pore, quo populus Israeliticus a Pharaonis est
 seruitute liberatus, diem sabbathi coluit. Tem-
 pus autem, quo cultus tollendus erat, illud
 idem est, quo ceteri Hebraici cultus, cærimo-
 niæque antiquandæ erant, morte scilicet Christi.

nam

nam cum illæ cærimoniæ sint quasi adumbratæ imagines lucis, & ueritatis; illud utique necesse erat, ut lucis ac ueritatis, quæ Iesus Christus est, aduentu remouerentur. quæ de re sanctus Paulus ad Gal. 4. latas ita scripsit, cum Mosaici ritus cultores reprehenderet: Dies obseruatis, & menses, & tempora, & annos: timeo uos, ne forte sine causa laborauerim in uobis. In quam etiam sententiam Ad Colof. 2 scripsit ad Colossenses. Et hæc de differentia. Conuenit autem hoc præceptum cum reliquis, non ritu, & cærimoniis, sed quia aliquid habet, quod ad mores naturæque ius attineat. nam Dei cultus, ac religio, quæ hoc præcepto exprimitur, a naturæ iure existit; cum illud natura comparatum sit; ut aliquot horas in iis, quæ ad Dei cultum pertinent, uersetur. cuius rei argumento est, quod apud omnes nationes, statas quasdam serias, easque publicas fuisse cernimus, quæ sacris rebus, ac diuinis obeundis erant consecratæ. est enim naturale homini, ut is certum quoddam tempus necessarijs rerum functionibus det, ueluti corporis quieti, somno, & aliis eiusmodi rebus. & quemadmodum corpori, ita eadem naturæ ratione factum est, ut menti aliquid etiam temporis concederet, quo in Dei contemplatione sese reficeret. atque ita cum aliqua temporis pars esse debeat, quo res diuinæ coluntur, cultusque Deo debitus tribuatur, hoc sane ad morum præcepta pertinet. quam ob causam apostoli ex illis septem diebus eum, qui primus est, ad diui-

HMM

num cultum consecrare statuerunt, quem Dominicum diem dixere. nam & sanctus Ioannes in Apocalypsi, Dominici diei meminir: & Apostolus ^{Apocal. 1}
^{1. Cor. 16} per unam sabbathi, quæ est dies Dominicus, ut sanctus Chrysostomus interpretatur, collectas fieri iubet; ut intelligamus, iam tum in Ecclesia diem Dominicum sanctum habitum esse. Iam uero, ut sci-
 ant fideles, quid eo die agere, a quibusue actionibus abstinere debeant; non alienum est, ut Parochus totum præceptum, quod in quattuor partes recte distribui potest, ad uerbum diligenter interpretetur. Itaque primum generatim proponat, quid iis uerbis præscribatur, MEMENTO, VT
 DIEM SABBATHI SANCTIFICES. ob eam uero causam initio præcepti uerbum illud, Memento, apposite additum est, quod huius diei cultus ad caerimonias pertineat. Qua de re populus admonendus esse uidebatur, cum naturæ lex, etsi aliquo tempore Deum religionis ritu colendum esse doceat, hoc tamen, quo potissimum die fieri deberet, non præscripsit. Præterea fideles docendi sunt, ex iis uerbis modum & rationem colligi posse, qua in tota hebdomada opus facere conueniat, ita scilicet, ut diem festum semper spectemus. quo die cum actionum, & operum nostrorum Deo quasi reddenda ratio sit; eiusmodi opera efficiamus, necesse est, quæ neque Dei iudicio repudientur, neque nobis, ut scriptum est, in singultum sint, & in scrupulum cordis. Postremo id docemur, quod certe animad- ^{1. Reg. 35}
 uertere

uertere debemus, non de futuras scilicet occasiones,
 quamobrem nos huius præcepti capiat obliuio, uel
 aliorum, qui illud negligunt, exemplo adductos,
 uel spectaculorum, ludorumque studio; quibus ple-
 rumque ab huius diei sancto, religiosoque cultu ab-
 ducimur. Sed iam ad id ueniamus, quod sabbathi
 significatione demonstratur. Sabbathum, hebraicæ
 nomen, si latine interpretaris, cessatio dicitur. sab-
 bathizare propterea cessare, & requiescere latino
 uocabulo appellatur. qua significatione factum
 est, ut sabbathi nomine dies septimus diceretur, quo
 Gen. 2
 Exod. 20 niam, absoluta, perfectaue mundi uniuersitate,
 Deus ab omni opere, quod fecerat, requieuit: ita
 Deuter. 5 hunc diem in Exodo Dominus uocat. Postea uero
 non solum septimus hic dies, sed ob eius dignitatem
 ipsa etiam hebdomada eo nomine appellata est. in
 Luc. 18 quem sensum phariseus apud sanctum Lucam di-
 xit: Ieiuno bis in sabbatho. Atque hoc quidem de
 sabbathi significatione. Sanctificatio autem sabba-
 thi sacris in litteris cessatio est, quæ fit a corporis
 laboribus, & a negotijs, ut aperte ostendunt hæc,
 quæ sequuntur, præcepti uerba, NON OPERA-
 BERIS. neque uero id solum significat; (aliter
 Deuter. 5 enim satis fuisset dicere in Deuteronomio; Obser-
 ua diem sabbathi) sed cum in eodem loco addatur,
 VT SANCTIFICES EVM, hoc uerbo ostendi-
 tur, sabbathi diem religiosum esse, diuinisque actio-
 nibus, & sanctis rerum officiis consecratum. ita-
 que diem sabbathi tum plene & perfecte celebra-
 mus,

mus, cum pietatis & religionis officia Deo præstamus: hocque plane sabbathum est, quod Isaias de-
 licatum appellat: quoniam festi dies sunt ueluti de-
 licie Domini, & piorum hominum. Quare si re-
 ligioso huic sanctoque sabbathi cultui, misericordie
 adiunguntur opera; certe maxima sunt, & mul-
 ta præmia, quæ eodem capite nobis proponuntur. Isa. 58
 Itaque uerus ac proprius huius præcepti sensus eo
 spectat, ut homo & animo, & corpore in eam cu-
 ram incumbat, ut statuto aliquo tempore, a nego-
 tijs, corporisque laboribus feriat, Deum pie co-
 lat, ac ueneretur. Altera uero præcepti parte de-
 monstratur, diem septimum Dei cultui diuinitus di-
 catum esse. nam ita scriptum est: SEX DIEBUS
 OPERABERIS, ET FACIES OMNIA OPE-
 RA TVA: SEPTIMO AUTEM DIE SAB-
 BATHVM DOMINI DEI TVI EST. quæ
 uerba ad eam sententiam referuntur, ut sabbathum
 Domino consecratum interpretemur, eique eo die
 religionis officia tribuamus, septimumque diem in-
 telligamus signum esse quietis Domini. Hic uero dies
 diuino cultui dicatus est: quia rudi populo minus
 expediebat habere eam facultatem temporis arbitra-
 tu suo deligendi, ne forte Aegyptiorum sacra imitari-
 tur. Itaque e septem diebus, ultimus ad Deum colé-
 dum delectus est: quæ quidem res plena mysterii est. Exod. 31
 Quare Dominus in Exodo, et apud Ezechielem si-
 gnum uocat: Videte itaque, ille inquit, ut sabba-
 thum meum custodiat: quia signum est inter me & Ezech. 20
 me. Exod. 31

uos in generationibus uestris, ut sciatis quia ego Dominus, qui sanctifico uos. itaque signum fuit, quod indicabat homines Deo se dedicare oportere, sanctosque eidem præbere, cum diem etiam uideamus ei dicatum esse: siquidem ille dies sanctus est, quod tum præcipue sanctitatem & religionem homines colere debeant. Deinde signum est, & quasi monumentum conditæ huius admirandæ uniuersitatis. Signum præterea fuit Israelitarum memoriæ traditum, quo admoniti, se Dei auxilio a durissimo Aegyptiacæ seruitutis iugo solutos ac liberatos esse meminissent: id quod Dominus ostendit

Deuter. 5 illis uerbis: Memento, quod & ipse seruiers in Aegypto, & eduxerit inde dominus Deus tuus in manu forti, & brachio extento: idcirco præcepit tibi, ut obseruaret diem sabbathi. Est signum item tum spirituales, tum celestis sabbathi. Spirituale autem sabbathum in sancta quadam et mystica quiete consistit, nimirum, cum uetus homo, Christo consepultus, ad uitam renouatur, atque in iis actionibus, quæ Christianæ pietati conueniunt, studiose se exercet. debent enim, qui aliquando erant tenebræ, nunc autem lux in Domino sunt, ut filii lucis ambulare in omni bonitate, iustitia, & ueritate, neque communicare operibus infructuosis tenebrarum. Celeste uero sabbathum est, ut ait D. Cyril

Ad Eph. 5 lus, eum locum Apostoli tractans; Relinquitur ergo sabbathismus populo Dei; illa uita, in qua omnibus bonis cum Christo uiuentes fruemur, peccato

cat. ubi
erit leo
pura
in m
are fide
re incit
nem.
adens al
constit
memoria
Dei, ut die
municum
lum lux
nostri, qui
cit, resurr
lucem uit
diem ap
rea hui
mus, q
quod spir
tem dies
bus deinde
nostri in
rum memo
berimi b
stramyste
sanctissim
martyr
tibus dic

cato radicitus extirpato, secundum illud: Non ^{Isa. 35}
erit ibi leo, nec praua bestia illuc ascendet, sed erit
ibi uia pura, & uia sancta uocabitur; omnia enim
bona in uisione Dei mens sanctorum adipiscitur.

Quare fideles hortandi erunt his uerbis, & a Pa- ^{Ad Heb. 4}
store incitandi: Festinemus ingredi in illam re-
quiem. Præter diem septimum habebat populus
Iudæus alios etiam festos, & sacros dies diuina le-
ge constitutos, quibus maximorum beneficiorum
memoria renouaretur. Placuit autem Ecclesiæ
Dei, ut diei sabbathi cultus, & celebritas in Do-
minicum transferretur diem. nam ut eo die pri-
mum lux orbi terrarum illuxit: sic Redemptoris
nostri, qui ad uitam æternam nobis aditum patefecit,
resurrectione, quæ eo die fuit, e tenebris ad
lucem uita nostra reuocata est: unde & Dominicum
diem apostoli dici uoluerunt. Sollemnem præte-
rea hunc diem esse in sacris litteris animaduerti-
mus, quod eo die mundi creatio initium habuit,
quod spiritus sanctus apostolis datus sit. Alios au-
tem dies festos ab Ecclesiæ initio, & consequenti-
bus deinde temporibus apostoli, & sancti Patres
nostri instituerunt, ut pie & sancte Dei beneficio-
rum memoriam coleremus. Inter eos autem cele-
berrimi habentur illi dies, qui ob redemptionis no-
stræ mysteria religioni consecrati sunt, deinde qui
sanctissimæ Virgini matri, tum uero apostolis, ac
martyribus, ceterisque sanctis cum Christo regnan-
tibus dicantur: in quorum uictoria Dei bonitas &
poten-

potentia laudatur, ipsis debiti honores tribuuntur, atque ad eorum imitationem fidelis populus incitatur. Et quoniam ad hoc præceptum seruandam, magnam uim ea ipsius pars habet, quæ illis uerbis expressa est; Sex diebus operaberis; septimus autem dies sabbatum Dei est: Parochus debet illam partem diligenter explicare. etenim ex his uerbis colligi potest, fideles hortandos esse, ne otiosi & desidiosi uitam traducant: sed potius apostolicæ uocis memores, negotium suum quisque agat, & operetur manibus suis, sicut ab eo præceptum fuerat. Præterea hoc præcepto illud Dominus iubet, ut sex ipsis diebus opera nostra efficiamus; ne aliquid eorum, quæ aliis hebdomadæ diebus fieri, agere oporteat, in diem festum reiiciatur; atque ita animus a rerum diuinarum cura, studioque auocetur. Tertia deinde præcepti pars explicanda est, quæ quodam modo describit, qua ratione sabbathi diem colere debeamus; præcipue autem explicat, quid illi die facere prohibemur. quare inquit Dominus; Non facies omne opus in eotu, & filius tuus, & filia tua, seruus tuus & ancilla tua, iumentum tuum, & aduena, qui est intra portas tuas. Quibus uerbis ad id primum instituimur, ut, quæcumque diuinum cultum impedire possunt, omnino uitemus. facile enim perspicitur, omne seruilis operis genus prohiberi, non quidem ea re, quod sua natura aut turpe, aut malum sit; sed quoniam mentem nostram a diuino cultu, qui finis præcepti est,

1. ad Thes. 4

est, abstrahit . quo magis peccata fidelibus uitanda sunt , quæ non solum animum a diuinarum rerum studio auocant , sed nos a Dei amore prorsus sciungunt . Non tamen eæ actiones , neque eæ opera uentantur , quæ ad diuinum cultum attinent , etiam si seruilis sint , ut altare instruere , templa , alicuius festi diei causa , ornare , & reliqua huius generis . ideoque a Domino dictum est: Sacerdotes in templo Matth. 12 sabbathum uiolare , & sine crimine esse . Sed neque earum rerum opera hac lege prohiberi existimandum est, quorum iactura facienda sit, si die festo prætermittantur , quemadmodum sacris etiam Canonibus permissum est . Multa alia Dominus in euangelio festis diebus fieri posse declarauit , quæ facile Parochus apud sanctos Matthæum & Ioannem obseruabit . sed ut nulla res prætermitteretur , cuius actione hic sabbathi cultus impediretur ; facta est iumentis mentio ; quo animalium genere impediuntur homines , quo minus sabbathum diem colant . si enim die sabbathi alicui operis actioni iumentis usus destinatur , necessaria est etiam ad id hominis opera , qui iumentum agat . itaque solum per se opus facere non potest , sed hominem , qui illud molitur , adiuuat . eo autem die nemini opus facere licet : ergo neque iumentis , quorum opera ad id homines utuntur . Itaque huius præcepti lex eo etiam spectat , ut , si iumentorum laboribus homines parcere Deus uult , eo certe magis ipsi cauere debeant , ne inhumani sint in eos , quorum opera , atque indu-

GG

striz

stria utuntur. Neque uero Parochus illud prætere-
mittere debet, ut diligenter doceat, quibus in ope-
ribus, atque actionibus Christiani homines diebus
festis exercere se debeant. Illæ uero eiusmodi sunt,
ut ad Dei templum accedamus, eoque loco sincera,
piaque animi attentione sacrosanctæ Missæ sacrifi-
cio intersimus; diuina Ecclesiæ sacramenta, quæ
ad salutem nostram instituta sunt, ad animæ uulne-
rum curationem crebro adhibeamus. nihil uero est,
quod opportunius aut melius Christianis homini-
bus fieri possit, quam si peccata sua sacerdotibus
sape confiteantur. ad quam rem perficiendam po-
terit Parochus populum adhortari, sumpta huius
probandæ rei ratione, & copia ex ijs, quæ de pæni-
tentie sacramento suo loco tradita, ac præcepta
sunt. Neque solum ad hoc sacramentum populum
excitabit, sed sedulo etiam atque etiam ad illud ad-
hortabitur, ut sacrosanctum Eucharistiæ sacramen-
tum crebro percipiant. Attente præterea, diligen-
terque sacra concio fidelibus audienda est: nihil enim
minus ferendum est, neque tam profecto indignum,
quam Christi uerba contemnere, aut negligenter
audire. Exercitatio item, atque studium fidelium
in precibus, diuinisque laudibus frequens esse de-
bet, præcipuaque eiusdem cura, ut, quæ ad Christia-
næ uitæ institutionem pertinent, ea diligenter ad-
discat; seduloque se exerceat in ijs officijs, quæ pie-
tatem continent, pauperibus, & egenis eleemosy-
nam tribuendo, agros homines uisitando, mæren-
tes

tes, quique dolore afflicti iacent, pie consolando. Iacob. 1
nam ut est apud sanctum Iacobum: Religio munda & immaculata apud Deum & Patrem, hæc est, uisitare pupillos, & uiduas in tribulatione eorum. Ex his, quæ dicta sunt, facile erit colligere, quæ contra huius præcepti regulam committuntur. Parochi uero officium in eo item esse debet, ut certos quosdam locos in promptu habeat, unde rationes, atque argumenta sumat, quibus populo illud maxime persuaideatur, ut huius præcepti legem summo studio, accurataque diligentia seruet. ad hoc plurimum ualet, ut populus scilicet intelligat, ac plane perspiciat, quam iustum, & rationi consentaneum sit, nos certos quosdam dies habere, quos totos diuino cultui tribuamus, Dominumque nostrum, a quo summa & innumerabilia beneficia accepimus, agnoscamus, colamus, & ueneremur. si enim iussisset nos quotidie sibi religionis cultum tribuere, nonne pro suis erga nos beneficijs, quæ maxima & infinita sunt, omnis opera danda esset, ut prompto, alacrique animo, eius dicto audientes essemus? nunc uero, paucis ad eius cultum institutis diebus, non est cur nos negligentes, atque difficiles in eius officij functione simus, quod sine grauissima culpa prætermittere non possumus. Demonstrat deinde Parochus, quanta huius præcepti uirtus sit, cum ij, qui illud recte seruauerint, in conspectu Dei esse, cum eoque colloqui uideantur. nam & precibus
GG ij facien-

faciendis Dei maiestatem contemplamur; & cum eo colloquimur: & concionatoribus audiendis, Dei uocem accipimus; quæ ad aures nostras eorum opera peruenit, qui de rebus diuinis pie, sancteque concionantur. tum in altaris sacrificio præsentem Christum dominum adoramus. & his quidem bonis illi maxime fruuntur, qui hoc præceptum seruant diligenter: qui uero hanc legem omnino negligunt, uel cum Deo, & Ecclesiæ non obediunt, neque eius præceptum audiunt, & Dei, & sanctarum legum hostes sunt: quod animaduerti potest ex eo, quod præceptum hoc eiusmodi est, ut nullo labore seruari queat. Cum enim Deus non labores nobis imponat, quos uel difficillimos eius causa suscipere deberemus, sed quietos illis diebus festis a terrenis curis liberos esse iubeat; magnæ temeritatis indicium est, huius præcepti legem recusare. exemplo nobis esse debent supplicia, quæ de illis Deus sumpsit, qui illud uiolarunt, ut ex libro Numerorum licet intelligere. Ne igitur in hanc Dei offensionem incidamus, operæpretium erit, sæpe illud uerbum, MEMENTO, cogitatione repetere, magnasque illas utilitates, & commoda sibi ante oculos proponere, quæ ex festorum dierum cultu percipi supra declaratum est; & multa alia ad id genus pertinentia, quæ bonus & diligens Pastor, ut occasionis ratio postulabit, copiose, lateque persequi poterit.

Num. 15

HONO-

HONORA PATREM TVVM, ET MATREM TVAM, VT SIS LONGAEVVS SVPER TERRAM, QVAM DOMINVS DEVS TVVS DABIT TIBI.

Cum in superioribus praeceptis summa sit vis, & dignitas; merito, quæ nunc persequimur, quia maxime necessaria sunt, proximū locum obtinent. nam illa finem, qui Deus est, continuo spectat: hæc nos ad proximi charitatem erudiunt: etsi longius progressa, ad Deum, idest illud extremum, cuius gratia proximum ipsum diligimus, perducunt. Quamobrem Christus dominus praecepta illa duo de diligendo Deo & proximo similia inter se esse dixit. Hic autem locus, dici vix potest, quantas habeat utilitates; cum & suos fructus ferat, uberes Matth. 22
illos quidem, ac præstantes; & sit tamquam signum, ex quo primi praecepti obedientia, & cultus elucet. Qui non diligit, inquit D. Ioannes, Mar. 12
fratrem suum, quem uidet, Deum, quem non uidet, quo modo potest diligere? Ad eundem modum; 1. Ioan. 4
si parentes, quos secundum Deum diligere debemus, non ueneramur, & colimus; cum nobis in conspectu fere semper sint: Deo, summo parenti, & optimo, qui nullum sub aspectum cadit, quem honorem, quem cultum tribuemus? ex quo perspicuum est, utraque praecepta inter se congruere. Huius autem praecepti usus latissime patet. nam præter eos, qui nos genuerūt, multi præterea sunt, quos in parentum loco colere debemus, uel pote-

GG 14 stas

statis, uel dignitatis, uel utilitatis, uel præstantis alicuius muneris, & officij nomine. Parentum præterea, maiorumque omnium laborem leuat. cum enim id in primis curent, ut, quos habent in sua potestate, iuste, & diuinæ legi convenienter uiuant, erit hæc cura perfacilis, si omnes intelligent, Deo auctore, & monitore, summum honorem parentibus tribui oportere. quod ut præstare possimus, necesse est, nosse quandam differentiam, quæ est inter præcepta primæ & secundæ tabulæ. Ergo hæc primum a Parocho sunt explicanda: idque in primis moneat, diuina Decalogi præcepta fuisse in duabus tabulis incisa: in quarum altera, quæadmodum a sanctis Patribus accepimus, tria illa continebantur, quæ iam sunt exposita: reliqua uero in alteram tabulam erant inclusa. Atque hæc nobis per apposita fuit descriptio, ut præceptorum rationem ordo ipse distinguere. nam quidquid in sacris litteris diuina lege iubetur, aut uetatur, id duorum generum oritur ex altero. aut enim erga Deum, aut erga homines charitas in omni officio spectatur. Et quidem charitatem in Deum superiora tria præcepta docent: quod uero ad hominum conjunctionem & societatem pertinet, id reliquis septem præceptis continetur. Quocirca non sine causa eiusmodi est facta distinctio, ut alia ad priorem, alia ad alteram tabulam præcepta referatur. nam superioribus tribus præceptis, de quibus dictum est, quasi subiecta materies, quam tractent, est Deus, idest

id est summum bonum, ceteris uero proximi bonum:
 Illis summus, his proximus amor est propositus: il-
 la finem, hæc autem ea, quæ ad finem referuntur,
 spectant. Præterea charitas Dei ex ipso pendet.
 Deus enim per se, non alterius rei causa, summe dili-
 gendus est: charitas autem proximi a charitate
 Dei ortum habet, atque ad eam tamquam ad cer-
 tam regulam dirigenda est. nam si parentes caros
 habemus, si dominis paremus, si dignitate antece-
 dentes reueremur; id ea re maxime faciendum est,
 quod eorum procreator est Deus, eosque alijs præ-
 esse uoluit, quorum opera ceteros homines regit,
 ac tuetur: qui cum nobis auctor sit, ut eiusmodi
 personas uereamur, iccirco id præstare debe-
 mus, quia a Deo hoc ipso honore dignatur; ex quo
 fit, ut honor, quem parentibus habemus, Deo po-
 tius, quam hominibus, haberi uideatur. sic enim
 apud sanctum Matthæum est, cum de obseruantia
 in superiores agitur: Qui recipit uos, me recipit.
 & Apostolus in epistola ad Ephesios, seruos insti-
 tuens; Serui, inquit, obedite dominis carnalibus
 cum timore, & tremore, in simplicitate cordis
 uestri, sicut Christo, non ad oculum seruientes,
 quasi hominibus placentes, sed ut serui Christi. Ac-
 cedit, quod Deo nullus honor, nulla pietas, nullus
 cultus satis digne tribuitur, in quæ amor augeri infi-
 nite potest: proptereaque nostra erga illi charitas in-
 dies fiat ardentior, necesse est. quem eius iussu ex to-
 to corde, ex tota anima, ex omnibus uiribus amare

Matth. 10

Ad Eph. 6

Deuter. 6

Luc. 10

Matth. 22

GG iij debe-

debemus. At charitas, qua proximum complectimur, suis finibus circumscribitur: iubet enim Dominus proximos diligere, sicut nos ipsos. quod si quis hos fines egressus fuerit, ita ut parem Deo & proximis amorem tribuat, is maximum scelus admittit. Si quis uenit ad me, inquit Dominus, & non odit patrem suum, & matrem, & uxorem, & filios, & fratres, & sorores, adhuc autem animam suam, non potest meus esse discipulus. in qua
 Luc. 9 sententiam item dictum est. Sine ut mortui sepeliant mortuos suos: cum quidam primum humare patrem uellet, postea Christum sequi. cuius rei diuicidior illa apud sanctum Matthaeum explicatio est:
 Matth. 10 Qui amat patrem, aut matrem plus quam me, non est me dignus. Nec tamen ulla dubitatio est, quin parentes uehementer amandi, obseruandique sint; sed ad pietatem in primis necessarium est, Deo, qui parens, & effector est omnium, precipuum honorem, & cultum tribui; ideoque mortales parentes amari, ut ad caelestem sempiternumque patrem tota amoris uis referatur. quod si interdum parentum iussa Dei praeceptis repugnent; non dubium est, quin liberi, parentum cupiditati, Dei uoluntatem anteferre debeant; diuinæ illius sententiæ memores; Obedire oportet Deo magis, quam hominibus.
 A. 5 Quibus rebus expositis, Parochus uerba praecepti interpretabitur, atque illud primum, Honorare, quod uim habet apud scripturas.
 rare, quid sit: est enim, de aliquo honorifice sentire

tire, & , quæ illius sunt, maximi putare omnia. Huic autem honori hæc omnia coniuncta sunt, amor, observantia, obedientia, & cultus. Scite autem in lege posita est honoris vox, non amoris, aut metus, etiam si valde amandi, ac metuendi parentes sint. etenim qui amat, non semper observat, & ueneratur: qui metuit, non semper diligit: quem uero aliquis ex animo honorat, item amat, & ueretur. Hæc cum Parochus explicarit, tum aget de patribus, quique sint ij, qui uocentur hoc nomine. nam etsi de ijs præcipue patribus lex loquitur, ex quibus generati sumus: tamen ad alios quoque pertinet hoc nomen: quos etiam completi lex uidetur, quemadmodum ex pluribus diuinæ scripturæ locis facile colligimus. Præter illos igitur, qui nos procrearunt, patrum genera item alia sunt in sacris litteris: quod antea attigimus; quibus singulis suus honor debetur. ac primum Ecclesiæ præsides, & Pastores, & sacerdotes, patres dicuntur, quemadmodum ex Apostolo constat, qui ad Corinthios scribens, Non, inquit, ut confundam uos, hæc scribo, sed ut filios meos carissimos, moneo. nam si decem millia paedagogorum habeatis in Christo, sed non multos patres: nam in Christo Iesu per euangelium ego uos genui. Et in Ecclesiastico scriptum est: Laudemus viros gloriosos, & Eccle. 44
parentes nostros in generatione sua. Deinde ij, quibus aut imperium, aut magistratus, aut potestas commissa est, qui rempublicam gubernant, patres
appel-

appellantur. Sic Naaman a famulis pater uocatur. ^{4. Reg. 5} Præterea, patres eos dicimus, quorum procuratori, fidei, probitati, sapientiaque alij commendantur: cuiusmodi sunt tuores, & ^{4. Reg. 2} curatores, ^{4. Reg. 13} pedagogi, & magistri. Quare Eliam, & Eliseum filij prophetarum patrem uocabant. Postremo patres dicimus senes, & ætate confectos, quos etiã uereri debemus. Atque hoc in Parochi præceptis maximum sit, ut doceat patres, cuiuscunque sint generis, præsertim uero eos, ex quibus nati sumus, a nobis honorandos: de quibus diuina lex præcipue loquitur. sunt enim immortalis Dei quasi quædam simulacra, in ijsque ortus nostri imaginem intuemur: ab ijs uita nobis data est: ijs Deus usus est, uti nobis animum, mentemque impertiret: ab ijs ad sacramenta deducti, ad religionem, ad humanum cultum, civilemque instituti, ad morum integritatem & sanctitatem eruditi sumus. Doceat uero Parochus, merito nomen, MATRIS, in hoc præcepto expressum, ut eius beneficia, & merita erga nos consideremus, quanta cura, & sollicitudine nos in utero gesserit, quanto cum labore ac dolore pepererit, & educarit. Porro ita obseruandi parentes sunt, ut, quæ eis tribuimus, honor ex amore, atque intimo animi sensu deprøptus uideatur. quibus hoc officiũ debetur maxime, cũ erga nos sint ita affecti, nullum ut laborem, nullã contentionem, nulla pericula nostra causa refugiant, nihilque illis accidere possit incũdius, quã ut filijs charos se esse sentiant, quos

quos maxime diligunt. Ioseph cum in Aegypto ho Gen. 46. 17
nore & amplitudine regi esset proximus, patrem,
qui in Aegyptum uenerat, honorifice excepit: &
Salomon matri aduenienti assurrexit; eamque ue-
neratus, regio in solio ad dexteram collocauit.

Alia præterea sunt honoris officia, quæ in parentes 3. Reg. 2

conferri debent. nam eos tum etiam honoramus,
cum a Deo suppliciter petimus, ut eisdem bene &
feliciter omnia eueniant, ut in maxima gratia &
honore sint apud homines, ut ipsi Deo ac sanctis,

qui in celis sunt, commendatissimi sint. Item paren-
tes honoramus, cum nostras rationes ad eorum ar-
bitrium, uoluntatemque conferimus cuius rei sua-
for Salomon, Audi, inquit, fili mi disciplinam pa-
tris tui, & ne dimittas legem matris tue, ut adda-
tur gratia capiti tuo, & torques collo tuo. cuius-
modi sunt etiam D. Pauli cohortationes: Filij obe-
dite parētibus uestris in Domino: hoc enim iustum
est. Item: Filij obedite parentibus per omnia: hoc
enim placitum est in Domino. Et sanctissimorum Ad Eph. 6
hominum exemplis confirmatur. etenim Isaac, cū
a patre ad sacrificium uinciretur, modeste ac sine
recusatione paruit: et Rechabite, ne a patris consi-
lio umquā discreparēt, uino se in perpetuū abstinue-
runt. Item, parētes honoramus, cum eorū recte fa-
cta, moresq. imitāmur. ijs enim plurimum tribue-
re uidemur, quorū esse uolumus quāsimillimi. Item,
parentes honoramus, quorū consilia nō modo exqui-
rimus, uerum etiam sequimur. Item, quibus sub-
uenimus

Prouerb. 1

Ad Eph. 6

Ad Colof. 3

Gen. 22
Hier. 35

uenimus ea impertientes, quæ uictus, cultusque desiderat: quod Christi testimonio comprobatur; qui phariseorum impietatem redarguens, Quare Matth. 15 & uos, ait, transgredimini mandatum Dei propter traditionem uestram: nam Deus dixit, Honora patrem, & matrem? & Qui maledixerit patri, uel matri, morte moriatur. nos autem dicitis; Quicumque dixerit patri, uel matri, minus quodcumque est ex me, tibi proderit, & non honorificabit patrem suum, aut matrem suam: & irritum fecistis mandatum Dei propter traditionem uestram. Et honoris quidem officia parentibus tribuere semper debemus, sed tum maxime, cum periculose agrotant. danda enim opera est, ne quid prætermittant, quod uel ad peccatorum confessionem attinet, uel ad reliqua sacramenta, quæ a Christianis hominibus percipi debent, cum mors appropinquat: idque nobis curæ sit, ut pii, religiosique homines eos crebro interuisant, qui uel imbecillos confirment, & consilio iuuent, uel optime animatos ad spem erigant immortalitatis; ut, cum mentē a rebus humanis excitarint, totā coniiciant in Deū. sic fiet, ut fidei, spei, et charitatis beatissimo comitatu ac religionis præsidio muniti, mortem non modo non pertimescendā, cū necessaria sit, sed, cum aditū ad æternitatē expediat, etiā appetendā censeāt. Postremo uel mortuis parētibus honor tribuitur, si iis funus facimus; si exequias cohonestamus; si honorē sepulturæ impertimus; si iusta et sacrifici-

sacrificia annuversaria curamus; si, quæ ab ijs legata sunt, diligenter persoluimus. Honorandi autem sunt non modo ij, ex quibus nati sumus, uerum etiã alij, qui patres appellantur, ut Episcopi, & sacerdotes, ut reges, ut principes, ut magistratus, ut tutores, ut curatores, ut magistri, ut pædagogi, ut senes, & ceteri eiusmodi: digni enim sunt, qui ex charitate, ex obedientia, ex ope nostra fructus percipiant, sed alius alio magis. De Episcopis, & alijs Pastoribus ita scriptum est: Qui bene præsunt presbyteri, duplici honore digni habeantur, maxime qui laborant in uerbo, & doctrina. Iam uero, quanti erga Apostolum amoris documenta Galatæ dederunt? quibus is præclarum illud beneuolentiæ testimonium tribuit: Testimonium enim perhibeo uobis; quia, si fieri posset, oculos uestros eruissetis, & dedissetis mihi. Quin etiam sacerdotibus ea suppeditanda sunt, quæ ad uitæ usus necessarios requiruntur. quare Apostolus, Quis, inquit, militat suis stipendijs umquam? Et in Ecclesiastico scriptum est; Honorifica sacerdotes, & propurge te cum brachijs; da illis partem, sicut mandatum est tibi, primitiarum, & purgationis. Illis etiam obtemperandum esse, docet Apostolus: Obedite, inquit, prepositis uestris, & subiaceite eis. ipsi enim peruigilant, quasi rationem pro animabus uestris reddituri. Quin potius a Christo domino præceptum est, ut uel improbis Pastoribus obtemperemus, cum dicat; Super cathedram Moysi sederunt

1. ad Tim. 5

1. ad Tim. 5

Ad Gal. 4

1. ad Cor. 9

Eccle. 7

Ad Heb. 13

Matth. 23

sederunt scribae & pharisaei: omnia ergo, quaecumque
 dixerint uobis, seruate, & facite; secundum
 opera uero eorum nolite facere: dicunt enim, & non
 faciunt. Idem de regibus, de principibus, de ma-
 gistratibus, & reliquis, quorum potestati subijci-
 mur, dicendum est. ijs uero quod honoris, cultus,
 ad Rom. 13 obseruantia genus tribuendum sit, Apostolus ad
 8. ad Tim. 2 Romanos late explicat: pro quibus etiam orandum
 1. Pet. 2 esse monet. & diuus Petrus, Subiecti, inquit, esto-
 te omni humanae creaturae propter Deum, siue re-
 gi, quasi praecellenti, siue ducibus, tamquam ab eo
 missis. nam si quem eis cultum tribuimus, is ad De-
 um refertur: habet enim uenerationem hominum
 excellens dignitatis gradus, quia diuinae potestatis
 est instar: in quo etiam Dei providentiam uenera-
 mur, qui publici muneris procuracionem ijs attri-
 buit, quibusq. uisitur tamquam potestatis suae mi-
 nistris. nec enim hominum improbitatem, aut ne-
 quitiam, si tales sunt magistratus, sed diuinam au-
 doritatem, quae in illis est, reueremur: ut, quod
 permirum fortasse uideatur, quamuis in nos sint ini-
 mico, in fensioque animo, quamuis implacabiles
 tamen non satis digna causa sit, cur eos non perof-
 ficiose obseruamus. nam & Dauidis magna in Sau-
 1. Sal. 19 lem officia extiterunt, cum ei tamen esset offensior:
 quod innuit illis uerbis: Cum ijs, qui oderunt pa-
 cem, eram pacificus. At uero, si quid improbe, si
 quid inique imperent, cum id non ex potestate, sed
 ex iniustitia, atque animi peruersitate agant,
 omnino

omnino non sunt audiendi. Vbi hæc Parochus sigil-
latim exposuerit, deinceps consideret, quodnam
præmium, quamque consentaneum ijs propositum
sit, qui diuino huic præcepto obediunt. nam in eo
fructus est maximus, ut diu uiuant; propterea quod
digni sunt, qui beneficio quamdiutissime perfruan-
tur, cuius memoriam perpetuo conseruant. Cum
igitur, qui parentes colunt, ijs gratiam refe-
rant, a quibus lucis & uitæ usuram habent, iure
& merito uitam ad summam senectutem perdu-
cunt. Tum adiungenda est diuinæ promissionis il-
lustris explanatio. neque enim solum sempiternæ,
ac beatæ, sed huius etiam, quam in terris agi-
mus, uitæ usus promittitur. cuius sententiæ in-
terpres est D. Paulus, cum inquit: Pietas ad om- 1. ad Tim. 4
nia utilis est, promissionem habens uitæ, quæ
nunc est, & futuræ. Nec uero hæc merces aut
exigua est, aut contemnenda, etiam si sanctissimus
uiris, ut Iob, ut Dauidi, ut Paulo, mors fuerit
optabilis, & ærummosis ac miseris hominibus uitæ
propagatio sit iniucunda. nam illorum uerborum ad-
iunctio, QVAM DOMINVS DEVS TVVS
DABIT TIBI, non modo temporis diuturnitatē
ad uiuendum, sed otium, quietem, incolumitatem
ad bene uiuendum pollicetur. nam in Deuteronomio Deuter. 5
nō solum inquit; Vt longo uiuas tempore; sed illud Ad Eph. 6
etiam addit; Vt bene sit tibi: quod deinde ab Apo-
stolo repetitum est. Hac autem bona eis suppetere
dicimus, quorū pietati Deus gratiā referat: aliter. n.
diuini

diuini promissi fides & constantia non erit ; cum
 interdum , qui maiorem pietatem parentibus præ-
 stiterunt , vs uita breuior sit : quibus id quidem con-
 Sap. 4 tingit , uel quod vs optime consulitur , qui prius ui-
 ta excedunt , quam a uirtutis , & officij religione
 discedant : rapiuntur enim , ne malitia mutet in-
 tellectum eorum , aut ne fictio decipiat animam il-
 lorum : uel quia , dum perniciēs & rerum omnium
 perturbatio impendet , e corporibus euocantur , ut
 Isa. 57 communium temporum acerbiter enadāt . A fa-
 cie enim malitiæ , inquit Propheta , collectus est in-
 stus : quod fit , ne eorum aut uirtus , aut salus peri-
 cliretur , cum a mortalibus flagitiorum pœnas repe-
 tit Deus : uel ne tristissimis temporibus ex propin-
 quorum , amicorumque calamitatibus acerbissimos
 luctus sentiat . Quare metuendum est maiorem in
 modum , cum uiris bonis immatura mors accidit :
 ac , quemadmodum vs , qui grati in parentes sunt ,
 officij merces & fructus est a Deo propositus : sic
 ingrati & impij filij grauissimis pœnis reseruan-
 tur : scriptum est enim ; Qui maledixerit patri suo ,
 Exod. 21 uel matri , morte moriatur . Et ; Qui affligit pa-
 Leuit. 20 trem , & fugit matrem , ignominiosus est , & infe-
 Prouer. 19 lix . Et ; Qui maledicit patri suo , uel matri , ex-
 Prouer. 20 tinguetur lucerna eius in medijs tenebris . Et ; Ocu-
 lum , qui subsannat patrem , & qui despicit parti-
 Prouer. 30 matris suæ , effodiant eum corni de torrentibus , &
 2. Reg. 18 comedant eum filij aquilæ . Qui parentibus iniuri-
 am intulerunt , multos fuisse legimus : in quibus
 ulciscendis ,

ulciscendis, Dei iracundia exarsit: non enim Dauidem inultum reliquit, sed sceleri debitas pœnas dedit Absalon, quem, ob eius scelus, tribus hastis transfixum puniuit. De iis uero, qui sacerdotibus non obtemperant, scriptum est; Qui superbierit, nolens obedire sacerdotis imperio, qui eo tempore ministrat domino Deo tuo, ex decreto iudicis morietur homo ille. Et quemadmodum diuina lege sancitum est, ut parentibus filii honorem habeant, ut pareant, ut obsequantur: sic parentum propria officia sunt, atque munera, ut sanctissimis disciplinis, ac moribus filios imbuant, iisque optima dent uiuendi præcepta, ut ad religionem instructi, & parati, Deum sancte, inuiolateque uenerentur. quod a parentibus Susannæ factum esse legimus. Itaque Sacerdos parentes commoneat, ut scilicet magistros præbeant uirtutis, æquitatis, continentiae, modestiæ, & sanctitatis: triaque præsertim declinent, in quibus sæpe offendere consueuerunt: primum, ne quid acerbius in liberos aut loquantur, aut statuunt: quod Apostolus in epistola ad Colossenses ita præcipit: Patres, nolite ad indignationem prouocare filios uestros, ut non pusillo animo fiant. nam periculum est, ne fracto, abiectoque animo sint, diu omnia timent. Quare illud præcipiat, ut nimiam seueritatem effugiant, malintque liberos corrigere, quam ulcisci: deinde, si qua culpa commissâ est, cum necessaria sit castigatio, & obiurgatio, ne quid liberis per indulgentiam dissolute remittant: sæpe

Deuter. 17

Dan. 13

Ad Colof. 3

HH enim

enim filii parentum nimia lenitate, & facilitate deprauantur: quamobrem a dissoluta indulgentia deterreat exemplo Heli, summi sacerdotis; qui, quod in liberos indulgentior fuerat, maximo supplicio est affectus: postremo, ne, quod fœdissimum est, in filiorum educatione ac doctrina, præpostera consilia ineant. etenim permulti in hac una cogitatione curaue uersantur, ut opes, ut pecunias, ut lautum, & amplum patrimonium liberis relinquunt; quos non ad religionem, non ad pietatem, non ad bonarum artium disciplinam, sed ad auaritiam & ad rem familiarem augendam cohortantur; nec de filiorum existimatione & salute sunt solliciti, dummodo pecuniosi sint, & perdiuites: quo quid dici, aut cogitari turpius potest? ita fit, ut ad illos non tam rerum copias, quam sua scelera, & flagitia transferant, quibus tandem non ad cælum se duces præbent, sed ad inferorum supplicia sempiterna. Sacerdos igitur optimis præceptis parentes instituat, eosque ad Tobie exemplum ac similem uirtutem excitet; ut, cum filios ad Dei cultum, & sanctimoniam probe erudierint, ab iis etiam amoris, & obseruantie, & obsequii uberri-
mos fructus capiant.

NON OCCIDES.

Matth. 5 Magna illa, quæ pacificis hominibus proposita est, felicitas, quoniam filii Dei uocabuntur, Pastores maxime commonere debet, ut præcepti huius

ius disciplinam fidelibus diligenter, accurateque tradant. nam ad conciliandas hominum uoluntates nulla melior ratio iniri potest, quam si eiusmodi præcepti lex, recte explicata, ab omnibus ita, ut oportet, sancte seruetur: quoniam tum sperare licet, ut summa animi consensione coniuncti homines concordiam et pacem maxime colant. Sed quã necesse sit præceptum hoc explicari, ex eo perspicitur, quod, immensa illa uniuersæ terræ inundatione facta, hoc unum in primis est, quod Deus hominibus interdixit. Sanguinem, inquit, requiram

animarum uestrarum de manu cunctarum bestiarum, et de manu hominis. In euangelio etiam, quæ primũ ueteres leges a Domino explicatæ sunt, in ijs hæc prima est, de qua apud S. Matthæum ita scriptum est: dictum est enim, Non occides: et reliqua, quæ hac de re eo ipso loco deinceps commemorantur. Fideles præterea attente, libenterque præceptum hoc audire debent. si enim eius uis spectatur, ad uitam cuiusque tuendam ualet; quoniam ijs uerbis, Non occides, homicidium omnino interdictum est. itaque singuli homines tanta cum uoluptate animi illud accipere debent, perinde ac si, ira Dei proposita, grauissimisque alijs pœnis, nominatim prohibitum sit, ne quis eorum lædatur. ergo ut præceptum hoc auditu incundum est: ita eius peccati cautio, quod præcepto prohibetur, incunditatem habere debet. Cum autem huius legis uim Dominus explicaret, in eo duo contineri

Gen. 9

Matth. 5

H H ij osien-

S. Augusti-
nus.

Psal. 100

ostendit; alterum, ne occidamus, quod a nobis fieri uetitum est; alterum, quod facere iubemur, ut concordia amicitia, charitateque inimicos complectamur, pacem habeamus cum omnibus, cuncta denique incommoda patienter feramus. In eo autem, quod cædes prohibetur, illud primum docendum est, quæ cædes sint eiusmodi, quæ hac præcepti lege non uetentur. nam, bestias occidi, prohibitum non est: quoniã si, illis uesci, a Deo hominibus est concessum; fas item est, illas occidi. qua de re ita sanctus Augustinus; Cum audimus, inquit, Non occides; nõ accipimus hoc dictum esse de fructetis; quia nullus est eis sensus; nec de irrationabilibus animalibus; quia nulla nobis ratione sociantur. Alterum permissum cædis genus est, quod ad eos magistratus pertinet, quibus data est necis potestas, qua, ex legum præscripto, iudicioque, in facinorosos homines animaduertunt, et innocentes defendunt. quo in munere dum iuste uersantur, non modo ij cædis nõ sunt rei, sed huic diuinæ legi, qua cædes uetatur, maxime obediunt. cum enim legi huic finis is propositus sit, ut hominum uita, salutique consulatur; magistratum item, qui legitimi sunt scelerum uindictes, animaduersiones eodem spectant, ut, audacia, & iniuria supplicii repressa, tuta sit hominum uita. Quare David, In matutino, inquit, interficiebam omnes peccatores terræ, ut disperderem de ciuitate Domini omnes operantes iniquitates. Qua ratione ne illi quidem peccant, qui iusto bello

bello, non cupiditate, aut crudelitate impulsus, sed solo publicæ utilitatis studio, uitam hostibus adi-
 munt. Sunt præterea eiusmodi cædes, quæ nomina-
 tim iussu Dei fiunt. Leui filii non peccauerunt, qui
 una die tot millia hominum occiderunt. qua cæde
 facta, sic ad eos locutus est Moses: Consecrastis Exod. 32
 manus uestras hodie Domino. Neque uero huius
 præcepti reus est, qui non sponte, neque meditato,
 sed fortuito hominem occidit: qua de re in Deutero- Deuter. 19
 nomii libro ita est. Qui percusserit proximū suum
 nesciens, & qui beri & nudius tertius nullum con-
 tra eum odium habuisse comprobatur, sed abiisse
 cum eo simpliciter in siluam ad ligna cædenda, &
 in succisione lignorum securis fugerit manum, fer-
 rumque lapsum de manubrio amicum eius percusse-
 rit, & occiderit. Hæ cædes eiusmodi sunt, quæ quia
 non uoluntate, neque de industria inferuntur, pro-
 pterea non omnino ni peccatis numerantur: quod S. S. August.
 Augustini sententia comprobatur. Absit enim, in-
 quit, ut ea, quæ aut propter bonum, aut licitum fa-
 cimus, siquidem præter nostram uoluntatem quid-
 quam mali acciderit, nobis imputetur. In quo ta-
 men duabus de causis peccari potest, altera, si quis
 in re iniusta occupatus, hominem occiderit: exem-
 pli causa: si quis grauidam mulierem pugno, uel
 calce percuteret, ex quo abortus sequeretur, fuisset
 quidem illud præter percussoris uoluntatem, non
 tamen præter culpam, cum illi non liceret ullo mo-
 do grauidam mulierem percutere. Altera, si, non

HH ij omnibus

omnibus circumspēctis, negligenter, & incaute aliquem occiderit. quā etiā ratione, si quis salutis suae defendendae causā, omni adhibita cautione, alteram interemerit, hac lege non teneri satis apparet. Atque haec quidem, quas modo commemorauimus cades sunt, quae hoc legis praecepto non continentur: quibus exceptis, reliquae omnes prohibentur, siue homicidam quis spectet, siue qui occiditur, siue modos, quibus cades fit. nam quod ad eos pertinet, qui cadem faciunt, nemo plane excipitur; non diuites, non potentes homines, non domini, non parentes: sed, delectu omni, & discrimine remoto, occidere uetitum est omnibus. Si uero inspectantur, qui interficiuntur, ad omnes haec lex pertinet: nec quisquam est tam humilis & abiectae conditionis homo, quin legis huius ui defendatur. Neque uero se ipsum interficere cuipiam fas est, cum uitae suae nemo ita potestatem habeat, ut suo arbitratu mortem sibi consciscere liceat; ideoque legis huius uerbis non ita praescriptum est, Ne alium occidas, sed simpliciter, Ne occidas. sin autem multiplicem cadis faciendae modum attendimus: nemo est, qui excipiat. non solum enim suis cuiquam manibus, aut ferro, aut lapide, aut baculo, aut laqueo, aut ueneno, uitam homini eripere non licet, sed consilio, ope, auxilio, uel alia quacunque ratione id fieri prorsus uetitum est. in qua summatarditas, stuporque Iudaeorum fuit, qui crederent, se hoc praeeptum seruare, si manus tantum

tantum a cæde abstinere. sed homini Christiano, qui, interprete Christo, didicit hanc legem spiritua- lem esse, nempe quæ non manus solum puras, sed animum etiam castum, sincerumque nos habere iubet, illud non satis omnino est, quod illi satis cum- mulate se præstare arbitrabantur. nam, ne irasci quidem cuiquam licere, in euangelio traditum est, cum dicat Dominus: Ego autem dico uobis: Om- Matth. 5 nis, qui irascitur fratri suo, reus erit iudicio: qui autem dixerit fratri suo, Racha, reus erit gehen- næ ignis. Ex quibus uerbis perspicuum est, eum culpa non carere, qui fratri succenseat, quamuis iram animo inclusam contineat; qui uero eius iræ significationem aliquam dederit, grauiter peccare, at multo grauius, qui non uereatur dure fratrem accipere, & ei conuicium facere. & quidem hoc uerum est, si nulla subsit irascendi causa. nam iræ causa, quæ a Deo, legibusque conceditur, ea est, cum in eos animaduertimus, qui nostro imperio, potestatique parent, si in eis sit culpa: Christia- ni enim hominis ira non a carnis sensibus, sed a spiritu sancto proficisci debet; cum nos templa 1. ad Cor. 6 sancti spiritus, in quibus Iesus Christus habitat, esse conueniat. Multa præterea sunt a Domino tradita, quæ ad perfectam huius legis rationem pertinent: qualia illa sunt, non resistere malo: sed si quis te percusserit in dextram maxillam tu- Matth. 5 am, præbe illi & alteram: & ei, qui uult tecum in iudicio contendere, & tunicam tuam tollere,

HH iij dimit,

dimitte ei & pallium: & quicumque te angaria-
 uerit mille passus, uade cum illo alia duo. Ex his,
 quæ iam commemorata sunt, animaduerti licet,
 quam procliues sint homines ad ea peccata, quæ
 hoc præcepto uetita sunt, quamue multi reperian-
 tur, qui si minus manu, animo saltem cædis scelus
 committunt. Et quoniam huic tam periculoso mor-
 bo remedia in sacris litteris adhibita sunt, Parochi
 est officium, ea diligenter fidelibus tradere. præci-
 puum autem illud est ut, intelligant, quam nefa-
 rium sit peccatum, hominis cædes: idque uel plu-
 rimis, maximisque sanctarum litterarum testimo-
 niis perspicui potest. usque enim adeo homicidium de-
 Gen. 9 testatur Deus in sanctis litteris, ut a bestiis, homi-
 num cædis pœnam se repetiturum dicat, ac belluâ,
 quæ hominem laeserit, occidi iubeat. neque aliam
 ob causam a sanguine hominem abhorre uoluit,
 nisi ut omni ratione a nefaria hominis cæde & ani-
 mum, & manus abstineret. sunt enim homicide
 humani generis, atque adeo naturæ hostes acerbissi-
 mi, qui, quantum in eis est, uniuersum Dei opus
 euertunt, cum hominem tollant, cuius causa is om-
 nia, quæcumque procreata sunt, se fecisse testatur.
 immo uero in Genesi, cum prohibitum sit, homi-
 nem occidi, quia illum Deus ad imaginem suam, &
 similitudinem creauit, insignem Deo iniuriam is fa-
 cit, quasiue uiolentas illi manus afferre uidetur,
 qui eius imaginem e medio tollit. Hoc diuina animi
 cogitatione meditatus Dauid, grauissime de sangui-
 nariis

nariis hominibus conquestus est illis uerbis; *Veloces pedes eorum ad effundendum sanguinem. neque simpliciter dixit, Occidunt, sed, Effundunt sanguinem: quæ uerba, ad detestabilis illius sceleris amplificationem, immanemque illorum crudelitatem ostendendam, protulit. utque declararet in primis, quam præcipientes illi diabolico quodam impulsu ad id facinus ferantur, dixit; Veloces pedes eorum.* Psal. 13

Iam uero, quæ in hoc præcepto seruanda esse Christus dominus iubet, eo spectant, ut pacem cum omnibus habeamus: inquit enim, cum hunc locum interpretaretur: Si offers munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & uade prius reconciliari fratri tuo, & tunc ueniens offeres munus tuum: & quæ sequuntur.

Quæita a Parocho explicabuntur, ut doceat, sine ulla exceptione omnes charitate complectendos esse: ad quam in huius præcepti explicatione fideles, quam maxime poterit, incitabit: quod in eo proximi diligendi uirtus maxime elucet. Cum enim odium hoc præcepto aperte uetetur, quoniam qui fratrem suum odit, homicida est; certe illud consequitur, ut amoris & charitatis præceptum detur. cūq. hac lege de charitate & amore præceptum sit, tumo minium etiā illorum officiorum, atque actionum, quæ charitatem ipsam consequi solent, præcepta traduntur. Charitas patiens est, inquit D. Paulus. patientia igitur nobis præcipitur, in qua nos

animas

Psal. 13

Matth. 5

1. Ioan. 9

Luc. 21 animas nostras possessuros esse Saluator docet. Beneficentia deinde charitatis comes est, & socia: quoniam charitas benigna est. Benignitatis autem, atque beneficentiae uirtus late patet, eiusque officium in ijs rebus maxime uersatur, ut pauperibus suppeditemus res necessarias, cibum esurientibus, sitientibus potum demus, nudos uestiamus; & quo quisque opis nostrae magis indiget, eo in illum plus liberalitatis conferamus. hac beneficentiae, & bonitatis officia, quae per se sunt illustra, eo fiunt illustriora, si inimicis praestentur: ait enim Saluator: Diligite inimicos uestros: benefacite ijs, qui oderunt uos. quod etiam Apostolus monet illis uerbis: Si esurierit inimicus tuus, ciba illum; si sitit, potum da illi. hoc enim faciens, carbones ignis congeres super caput eius: noli uinci a malo, sed uince in bono malum. Denique, si charitatis legem spectemus, quae benigna est, omnia, quaecumque ad mansuetudinem, lenitatem, aliasque id generis uirtutes pertinent, officia colere, ea lege praescribi intelligemus. At uero longe omnium praestantissimum officium, quod charitatis plenissimum est, in quo maxime nos exercere conuenit, illud est, ut iniurias, quas accepimus, a quo animo remittamus, atque condonemus: quod ut plane efficiamus, saepe nos diuina littera, ut antea dictum est, monent, atque hortatur; cum non beatos solum eos dicant, qui ita prorsus faciunt; sed erratorum etiam ueniam iisdem a Deo datam affirmant. qui uero hoc ipsum
facere

facere negligunt, aut omnino recusant, illam non consequuntur. Sed quoniam ulciscendi libido hominum mentibus fere insita est, Parochus maximam in eo diligentiam ponat, necesse est, ut iniuriarum obliuisci, easque remittere Christianum hominem oportere, non doceat solum, sed penitus etiam fidelibus persuaदेत. Cumque hac ipsa de re apud sacros scriptores multa fiat mentio, eos consulat ad refellendam illorum pertinaciam, qui in ulciscendi cupiditate animo obstinato sunt, atque obfirmato. argumenta in promptu habeat, quæ illi Patres grauiissima, & ad eam rem maxime accommodata pie adhibuerunt. Verum hæc potissimum tria explicanda sunt. primum est, ut, qui se iniuriam accepisse putat, ei maxime persuaदेatur, illum detrimenti, aut iniuriæ præcipuam causam non fuisse, quem ipse ulcisci cupit, Sic admirabilis ille Iob fecit, qui a Sabæis hominibus, a Chaldæis, & a demone grauius latus, nulla tamen eorum habita ratione, ut uir rectus, & homo admodum pius, recte, pieque ijs uerbis usus est: Dominus dedit, Dominus abstulit. Itaque patientissimi illius uiri oratione, & exemplo, Christiani homines sibi persuaदेant, quod uerissimum est, omnia, quæcumque in hac uita patimur, a Domino, qui iustitiæ omnis misericordiæque parens est, & auctor, proficisci. Neque uero ille nos, quæ eius est immensa benignitas, ut inimicos punit, sed ut filios corrigit, et castigat. Nec profecto, si recte animaduer-

Gen. 45
2. Reg. 16

Matth. 18

Matth. 5

animaduertimus, in hisce rebus homines aliud omnino sunt, nisi ministri, & quasi satellites Dei. & quamquam homo potest male aliquem odisse, pessimeque illi cupere, tamen, nisi permissu Dei, nocere nullo modo potest. Hac ratione adductus Ioseph, fratrum impia consilia, sic David iniurias sibi a Semei illatas æquo animo tulit. Ad hanc itē rem illud argumenti genus ualde pertinet, quod sanctus Chrysostomus grauiter, atque erudite pertractauit, neminem scilicet, nisi a se ipso, ladi-
nam qui se iniuriose tractatos esse opinantur, si re recta secum uia reputent, comperient profecto, nullam se ab aliis iniuriam, aut damnum accepisse. etsi enim, quibus ipsi leduntur, ea extrinsecus e-
ueniunt; tamen se maxime ipsi offendunt, cum ani-
mum odio, cupiditate, inuidia nefarie contamināt. Alterum est, quod duo præcipua commoda com-
pletitur, quæ ad illos pertinent, qui pio erga De-
um studio adducti, iniurias libenter remittunt. quo-
rum primum illud est, quod aliena debita remitten-
tibus promisit Deus fore, ut ipsi etiam peccatorum
ueniam impetrent. ex quo promisso, quam gratum
illi sit hoc pietatis officium, facile apparet. Alte-
rum commodum est, quod nobilitatem quandam,
& perfectionem assequimur: quoniam, condonan-
dis iniuriis, quodam modo Dei similes efficimur,
qui solem suum oriri facit super bonos, & malos,
& pluit super iustos, & iniustos. Postremo, ex-
plicanda sunt incommenda illa, in quæ nos tum
incidi-

incidimus, cum iniurias, quæ nobis illatæ sunt, con-
donare nolumus. Itaque Parochus illis, qui sibi
in animum inducere non possunt, ut inimicis igno-
scant, ob oculos ponat, odium non solum peccatum
grauē esse, sed etiam diuturnitate peccandi grauius
inherere. cum enim is, in cuius animo hic affectus
insederit, inimici sui sanguinem sitiāt; illius ulci-
scendi spe plenus, dies, noctesque in perenni quadā
mala mentis agitatione ita uersatur, ut numquam
a cædis, aut nefariæ alicuius rei cogitatione cessare
uideatur. quo fit, ut is uel numquam, uel maxi-
mo negotio ad id impellatur, ut aut prorsus igno-
scat, aut aliqua saltem ex parte iniurias remittat.
quare merito uulneri comparatur, cui telum infi-
xum hæret. Multa præterea incommoda & pec-
cata sunt; quæ hoc uno odii peccato, quasi uinculo
quodam, iuncta tenentur. ideoque D. Ioannes in
hanc sententiam ita dixit: Qui fratrem suum odit, 1. Ioan.
in tenebris est, & in tenebris ambulat, & nescit
quo eat: quia tenebræ obcæcauerunt oculos eius:
itaque sæpius labatur, necesse est. Etenim quo pa-
cto fieri potest, ut dicta aliquis, aut facta illius
probet, quem oderit? hinc temeraria & iniqua iu-
dicia existunt, iræ, inuidiæ, obtreptiones, &
alia eiusmodi; quibus illi quoque implicari solent,
qui aut cognatione, aut amicitia iuncti sunt.
itaque sæpe fit, ut ex uno peccato multa existant.
neque iniuria dicitur, hoc peccatum esse Diaboli:
quandoquidem ipse ab initio homicida fuit. Quam-
obrem

Ioan.8 obrem Dei filius Dominus noster Iesus Christus cū
 sibi mortē pharisei afferre cuperēt, illos a patre Dia-
 bolo genitos esse dixit. Sed præter hæc, quæ dicta
 sunt, unde sceleris huius detestandi rationes peti pos-
 sunt, alia quoque remedia, & ea profecto maxime,
 opportuna, sanctarum litterarum monumētis tra-
 dita sunt. Ac primum omnium remedium, et maxi-
 mum est, Saluatoris nostri exemplum, quod ad imi-
 tandum nobis proponere debemus. is enim, cum ne-
 minima quidem peccati suspitio in eum cadere pos-
 set, uirgis cæsus, spinis coronatus, & cruci deni-
 que affixus, eam habuit orationem plenissimam pie-
 tatis; Pater dimitte illis; non enim sciunt quid fa-
 ciunt. Cuius asperisionem sanguinis, testatur Apo-
 Luc.23 stolus, melius loquentem, quam Abel. Alterum
 Ad Heb.12 autem remedium ab Ecclesiastico propositum est,
 ut mortem, atque illam Iudicii diem recordemur.
 Eccle.7 Memorare, inquit ille, nouissima tua, & in æter-
 num non peccabis. quæ sententia eodem spectat, ac
 si dicat: Illud sæpe etiam atque atiam cogita, breui
 fore, ut mortem obeas: proinde, quia tali tempo-
 re tibi optatissimum erit, & maxime necessarium,
 summam Dei misericordiam impetrare, eam tibi
 ob oculos iam nunc, perpetuoque proponas, neces-
 se est. ita enim fiet, ut immunis illa ulciscendi cu-
 piditas tibi exhauriatur, cum ad misericordiam
 Dei implorandam nullum aptius, maius ue reme-
 dium inuenias, quam obliuionem iniuriarū, & amo-
 re in eos, qui te, aut tuos re, aut oratione uiolarint.

NON

NON MOECHABERIS.

Quoniam uiri, & uxoris uinculum artissimū est, & nihil utrique iucundius accidere potest, quam intelligere se mutuo quodam & singulari amore diligi; contra, nihil molestius, quam sentire a se debitum & legitimum amorem alio transferri; recte quidem, atque ordine illam, quæ hominis uitam a cæde tuetur, legem hæc, quæ de mœchia, siue adulterio est, consequitur, ut sanctam illam & honorabilem matrimonii coniunctionem, unde magna charitatis uis existere solet, nemo ullo adulterij scelere uiolare, aut dirimere audeat.

Sed tamen in hac ipsa re explicanda cautus admodum sit Parochus, & prudens, & tectis uerbis rem commemoret, quæ moderationem potius desiderat, quam orationis copiam. uerendum est enim, ne, dum is late, atque copiose nimis explicare studet, quibus modis homines ab huius legis præscripto discedant, in illarū rerum sermonem forte incidat, unde excitandæ libidinis potius materia, quam reslinguendæ illius ratio, emanare solet. Sed quoniam hoc præcepto multa continentur, quæ prætermittenda non sunt, ea suo loco explicabuntur a Parochis. Eius igitur duplex uis est, altera, qua disertis uerbis adulterium uetatur; altera, quæ eam sententiam inclusam habet, ut animi, corporisque castitatem colamus. Ut autem ab eo, quod prohibitum est, docendi initium sumatur; Adulterium
est

est legitimi tori iniuria, siue alienus, siue proprius ille sit. etenim si maritus cum muliere soluta rem habet, suum ipse torum uiolat: si uero solutus uir alienam cognoscat uxorem, adulterii labe torus alienus inquinatur. Hoc uero adulterii interdicto omnia prohiberi, D. Ambrosius & Augustinus auctores sunt, quacunque inhonesta sunt, & impudica. In hanc sententiam hæc uerba accipienda esse, ex sacris litteris tum ueteris, tum noui testamenti licet colligere. nam præter adulterium, alia libidinis genera apud Moysen puniuntur. Est Iudæ Gen. 38 in Genesi iudicium in nulum suam. Est præclara Deuter. 23 illa in Deuteronomio Moysis lex, ne de filiabus Israel Tob. 4 el ulla esset meretrix. Extat præterea Tobie ad filium eiusmodi adhortatio: Attende tibi fili mi ab omni fornicatione. Ecclesiasticus item, Erubescite, inquit, a respectu mulieris fornicariæ. In euangelio etiam Christus dominus inquit, de corde exire adulteria, & fornicationes, quæ coinquinant hominem. Apostolus uero Paulus hoc uitium sæpe multis grauissimisque uerbis detestatur: Hæc est, ait, uoluntas Dei sanctificatione uestra, ut abstinatis uos a fornicatione. & Fugite fornicationem. & Ne commisceamini fornicariis. Fornicatio autem, inquit, & omnis immunditia, aut auaritia, nec nominetur in uobis. & Neque fornicarii, neque adulteri, neque molles, neque masculorum concubitores regnum Dei possidebunt. Præcipue uero ob eam rem adulterium diserte uetitum est, quia

D. Ambro.
D. August.

1. ad Thef. 4
1. ad Cor. 5
1. ad Cor. 6
Ad Eph. 5
1. ad Cor. 6

quia præter turpitudinem, quæ illi cum alijs intem-
perantia generibus communis est, iniustitiæ quo-
que peccatum non solum in proximum, sed etiam
in civilem societatem adiunctum habet. Est illud
item certum, qui se a ceterarum libidinum intem-
perantia non abstinere, eum ad hanc, quæ adulteri-
i est, incontinentiam facile labi. Quare hoc adulte-
rii interdicto facile intelligimus, omne impuritatis,
& impuditiæ genus, quo polluitur corpus, pro-
hiberi: immo uero omnem intimam animi libidi-
nem hoc præcepto uetitam esse, tum ipsius legis uis
significat, quam spiritualemente constat, tum Chri-
stus dominus docuit illis uerbis: Audistis, quia
dictum est antiquis, Non mœchaberis: Ego autem
dico uobis, quia omnis, qui uiderit mulierem ad
concupiscendum eam, iam mœchatus est eam in cor-
de suo. Hæc sunt, quæ fidelibus publice tradenda
duximus; si tamen ea addantur, quæ a sancta Tri-
dentina Synodo in adulteros, & eos, qui scorta, &
pellices alūt, decreta sunt, prætermisiss multis alijs,
ac uariis impuditiæ, & libidinis generibus, de qui-
bus priuatim unusquisque a Parocho admonendus
erit, ut temporis, & personarum ratio postulabit.
Sequitur nunc, ut ea explicentur, quæ iubendi-
um habent. Docendi igitur sunt fideles, ac uehe-
menter hortandi, ut pudicitiam, & continentiam
omni studio colant, mundentque se ab omni in-
quinatione carnis, & spiritus, perficientes sanctifi-
catione in timore Dei. In primis autem admonendi
II sunt,

Matth. 5

Trid. Syn.

Castitas u-
nicuique pro
diuersitate
status ne-
cessario ser-
uanda.

Matth. 5.

sunt, quamuis castitatis uirtus in eorum hominum genere magis eluceat, qui pulcherrimum illud, ac plane diuinum uirginitatis propositum sancte & religiose colunt, tamen ijs etiam conuenire, uel qui calibè uitam agunt, uel matrimonio iuncti, a uetita libidine puros se & integros seruant. Quoniam uero multa a sanctis Patribus tradita sunt, quibus docemur domitas habere libidines, & coercere uoluptates, ea Parochus studeat populo accurate exponere, atque in hac tractatione diligentissime uersetur. Hæc autem eiusmodi sunt, partim quæ in cogitatione consistunt, partim quæ in actione. Quod in cogitatione remedium positum est, id in eo maxime uersatur, ut intelligamus, quanta sit huius peccati turpitudine, & perniciēs; qua cognita, facilius fiet eius detestandi ratio. perniciosum uero scelus esse, intelligi ex eo potest; quoniam propter hoc peccatum e Dei regno pelluntur, atque exterminantur homines: quod malorum omnium ultimum est. Et hæc quidem calamitas omnium scelerum communis est: illud autem huius peccati proprium, quod qui fornicantur, in sua ipsi corpora peccare dicuntur, ex sententia Apostoli ita scribentis; *Eugite fornicationem: omne enim peccatum, quodcumque fecerit homo, extra corpus est: qui autem fornicatur, in corpus suum peccat. Quod ob eam causam dictum est, quoniam illud iniuriose tractat, cum eius uiolat sanctitatem. qua de re ad Thessalonicenses ita D. Paulus: Hæc est, inquit, uoluntas Dei,*

1. ad Cor. 6

1. ad Thef. 4

Dei, sanctificatio uestra, ut abstineatis uos a fornicatione, ut sciat unusquisque uestrum uas suum possidere in sanctificatione & honore, non in passionis desiderij, sicut & gentes quæ ignorant Deum. Deinde, id quod scelestius est, si homo Christianus meretrici turpiter se dedat, membra, quæ Christi sunt, ea meretricis facit: ita enim D. Paulus ^{1. ad Cor. 6} ait; Nescitis, quoniam corpora uestra, membra sunt Christi? tollens ergo membra Christi, faciam membra meretricis? absit. an nescitis quoniam qui adhæret meretrici, unum corpus efficitur? ^{1. ad Cor. 6} Est præterea homo Christianus, ut idem testatur, templum spiritus sancti; quod uiolare nihil aliud est, nisi ab eo spiritum sanctum eicere. In adulterij autem scelere magna inest iniquitas. si enim, ut uult ^{1. ad Cor. 7} Apostolus, qui matrimonio iuncti sunt, ita eorum alter alterius potestati mancipatus est, ut neuter sui corporis potestatem, iusque habeat, sed mutuo quodam sint inter se quasi seruitutis uinculo ita deuincti, ut uir ad uxoris uoluntatem, contraq. uxor ad uiri nutum, uoluntatemq. se accommodare debeat; certe si alteruter corpus suum, quod est alieni iuris, ab eo, cui illud adstrictum est, disiungit, is admodum iniquus est, et nefarius. Et quoniâ infamiae metus et ad ea, quæ iussa sunt, uehementer incitat homines, et a uetitis magnopere deterret; docebit Parochus, adulteriû hominibus insignem turpitudinis notam inurere. nam sacris litteris ita proditum est: Qui ^{Prouerb. 6} adulter est, propter cordis inopiâ, perdet animam suam:

II ij turpitu-

turpitudinem & ignominiam congregat sibi, & op-
 probrium illius non delebitur. Verum huius sce-
 Leuit. 20 ris magnitudo ex supplicij seueritate facile perspic-
 Ioan. 8 potest. adulteri enim, lege a Domino ueteri te-
 stamento præscepta, obruebantur lapidibus. quin
 etiam, ob unius libidinem, non solum qui scelus
 Gen. 34 admisit, sed uniuersa interdum ciuitas, ut de Si-
 chimitis legimus, deleta est. Multa diuinæ ani-
 maduersionis exempla in sacris litteris prodita
 sunt, quæ ad deterrendos a nefaria libidine ho-
 mines Parochus colligere poterit, ut Sodoma, &
 Gen. 19 reliquarum finitimarum urbium interitus; Isra-
 elitarum, qui fornicati sunt cum filiabus Moab
 in deserto, supplicium; Beniamitarum deletio.
 Num. 25 Qui uero mortem effugiunt, intolerabiles tamen
 Iud. 20 dolores, ac pœnarum cruciatus, quibus saepe
 plectuntur, non effungunt. nam mente cæci, quæ
 pœna grauissima est, ita fiunt, ut neque Dei, neque
 famæ, neque dignitatis, neque filiorum denique,
 uitæque suæ rationem habeant: hocque pacto adeo
 nequam, & inutiles fiunt, ut nihil graue commit-
 ti eis debeat, & ad nullum fere officij munus ido-
 nei sint. Huius rei exempla a Dauide, & Solomo-
 ne petere nobis licet: quorum alter postquam adul-
 teratus est, repente sui dissimillimus, ex mitissimo
 crudelis extitit, ut Uriam optime de se meritum
 morti obtulerit, alter cum se totum in mulierum libidi-
 ne profundisset, ita a uera Dei religione sese auertit,
 3. Reg. 11 ut alienos deos sequeretur. Aufert igitur, ut Oseas
 Ose. 4 dixit

dixit, hoc peccatum cor hominis, saepeq. obcæcat.

Nunc ad ea remedia ueniamus, quæ in actione consistunt. quorû primû illud est, ut otîi maxime fugiamus: in quo Sodomitæ homines, ut est apud Ezechielem, cum hebescerent, in spurcissimû illud nefariæ libidinis scelus præcipites lapsi sunt. Deinde crapula magnopere est uitanda. Saturavi eos, inquit Propheta, & mæchati sunt: quoniam uenter expletus, ac saturatus, libidinem parit. Hoc ipsum illis uerbis Dominus significauit; Attendite uobis, ne forte grauentur corda uestra in crapula, et ebrietate. hoc item Apostolus; Nolite, inquit, inebriari uino, in quo est luxuria. Sed maxime animus ad libidinem oculis inflammari solet. quo pertinet illa Christi domini sententia; Si oculus tuus scandalizat te, erue eum, & proiice abs te. Multæ præterea sunt prophetarum de eadem re uoces, ut est apud Iob; Pepigi sædus cum oculis meis, ut ne cogitarem quidem de uirgine. Sunt multa denique, ac pene innumerabilia exempla malorum, quæ ex oculorum aspectu ortum habuerunt. sic Dauid, sic rex Siché peccauit: hocque item pacto senes illi Susannæ calumniatores deliquerunt. Elegantior item ornatus, quo oculorum sensus ualde excitatur, occasionem libidini non paruam saepe præbet: ideoque Ecclesiasticus monet; Auerte faciem tuam a muliere compta. Cum igitur mulieres in nimio ornatus studio uersentur, non alienum erit, si Parochus aliquam in eo diligentiam

Ne uiolentur castitas, quantâ cura adhibenda.

Hier. 5

Luc. 21

Ad Eph. 5

Matth. 5

Iob 31

2. Reg. 18

Gen. 34

Dan. 13

Eccle. 9

II iij adhibeat

adhibeat, ut eas interdum moneat, obiurgetque
 uerbis, quæ hoc de genere grauiſſima Apoſtolus
 Petrus ita protulit; Mulierum non ſit extrinſecus
 capillatura, aut circundatio auri, aut indumenti
 1. ad Tim. 2 uestimentorum cultus. D. Paulus item, Non in-
 tortis, inquit, crinibus, aut auro, aut margari-
 tis, uel ueste pretioſa. multa enim, auro, & mar-
 garitis adornatæ, ornamenta mentis, & corpo-
 ris perdiderunt. Hoc autem libidinis incitamentum,
 quod e uestium exquisito ornatu exiſtere ſolet, alte-
 rum ſequitur, quod eſt turpis obſcenique ſermonis.
 nam uerborum obſcenitate, quaſi ſacce quadam ſub-
 iecta, adoleſcentum accenduntur animi. Corrum-
 punt enim mores bonos colloquia mala, inquit A-
 1. ad Cor. 15 poſtolus; hocque ipſum cum maxime efficiant deli-
 catiores, & molliores cantus, ac ſaltationes, ab iis
 quoque diligenter cauendum eſt. quo in genere nume-
 rantur item libri obſcene & amatorie ſcripti: qui
 ita uitandi ſunt, ut imagines, quæ aliquam turpitu-
 dinis ſpeciem præſeferunt: cum ad turpes rerum il-
 lecebras, inflammandosque adoleſcentum animos,
 uis in illis ſit maxima. Sed Parochus in primis cu-
 ret, ut, quæ de iſis a ſacroſancto Tridentino Concilio
 Trid. Cœc. pie, religioſeque conſtituta ſunt, ea ſanctiſſime ſeruentur.
 Hæc uero omnia, quæ commemorata iam ſunt,
 ſi magno adhibito ſtudio, curaque uitentur, omnis fe-
 re libidinis materia tollitur. ſed ad illius uim oppri-
 mendam maxime ualent frequens Confessionis, &
 Eucharistiæ uſus: tum aſſiduæ, ac pie quidem ad
 Deum

nem prece
 uſſe. Eſt
 peritibus
 praid, quod
 modo, & n
 tuit, ſed n
 atque alijs
 eſt, ſenſu
 enim, atque
 temperantia
 thos ita D.
 contendit, a
 ut corruptib
 corruptam
 mentem, & n
 prædicame
 Carnis cu
 N C
 Vetere
 præcepti m
 dicat illa ap
 ceteros ab
 cumlati re
 doces, te ipſ
 furaris? Q
 lorum temp
 turbas, ac
 quæ furto

Deum preces, cum eleemosynis atque ieiunio coniunctæ. Est enim castitas donum Dei, quod recte ^{1. ad Cor. 10} petentibus non denegat, nec patitur nos tentari supra id, quod possumus. Corpus autem non ieiunijs modo, & ijs præsertim, quæ sancta Ecclesia instituit, sed uigilijs etiam, pijs peregrinationibus, atque alijs afflictationum generibus exercendum est, sensuumque appetitiones reprimendæ: in his enim, atque alijs eiusmodi rebus maxime cernitur temperantiæ uirtus: in quam sententiam ad Corinthios ita D. Paulus scribit: Omnis, qui in agone ^{1. ad Cor. 9} contendit, ab omnibus se abstinet: & illi quidem ut corruptibilem coronam accipiant, nos autem incorruptam. & paulo post, Castigo, inquit, corpus meum, & in seruitutem redigo; ne forte, cum alijs prædicauerim, ipse reprobus efficiar. Et alio loco, ^{Ad Rom. 13} Carnis curam ne feceritis in desiderijs.

NON FURTVM FACIES.

Veterem hunc Ecclesiæ morem fuisse, ut huius præcepti uis, & ratio inculcaretur auditoribus, indicat illa apud Apostolum obiurgatio eorum, qui ^{Ad Rom. 2} ceteros ab ijs uitijs maxime deterreret, quibus ipsi cumulati reperiabantur: Qui enim, inquit, alium doces, te ipsum nõ doces? qui prædicas non furandũ, furaris? Quo doctrinæ bono non solum frequens illorum temporum peccatum corripiebant, sed etiam turbas, ac lites sedabant, aliasq. malorum causas, quæ furto commoueri solent. In ijs & delictis,

II iij &

& delictorum incommodis, atque calamitatibus
 cum nostra etiam hac ætas misere uersetur; ad exē
 plum sanctorum Patrum, & Christianæ discipli-
 næ magistrorum, Parochi hunc urgebunt locum,
 & assidue, ac diligenter huius præcepti uim, ac
 sententiam explicabunt. Ac primum officium, &
 diligentiam suam conferent ad declarandum Dei in-
 finitum amorem erga genus humanum: qui non mo-
 do illis duobus interdictis, Non occides, Non mæ-
 chaberis, quasi præsidis, & uitam, corpusque
 nostrum, & famam; existimationemq. tueatur;
 sed etiam hoc præcepto, Non furtum facies, tam-
 quam custodia quadam externas res, ac facultates
 muniat, atque defendat. quam enim hæc uerba sub-
 iectam habent notionem, nisi eam, quam supra
 diximus, cum de alijs præceptis loqueremur? ue-
 tare uidelicet Deum, bona hæc nostra, quæ in eius
 tutela sint, a quoquam auferri, aut uiolari. quod
 diuinæ legis beneficium quo maius est, eo nos in ip-
 sius beneficii auctorem Deum gratiores esse oportet.
 Et quoniam & habendæ, & referendæ gra-
 tiæ, nobis optima ratio proposita est, ut non tantum
 præcepta libenter auribus accipiamus, sed etiam re
 ipsa probemus; ad hoc colendum præcepti officium
 fideles excitandi, & inflammandi sunt. Est autem
 hoc præceptum, quemadmodum superiora, diui-
 sum in duas partes; quarum altera, quæ furtum
 uetat, aperte est annunciata; alterius sententia, et
 uis, qua iubemur benigni, et liberales esse in pro-
 ximos

ximos, in priore occulta est, & inuoluta, de priore
 igitur prius dicitur; Non furtum facies. In quo
 illud animaduertendum est, furti nomine non id
 modo intelligi, cum occulte ab inuito domino aliquid
 auferitur, sed etiam, cum aliquid alienum contra
 uoluntatem scientis domini possidetur. nisi forte exi-
 stimandum est, eum, qui furtum prohibeat, rapi-
 nas factas per uim, & iniuriam nō improbare; cū
 extet illud Apostoli; Rapaces regnum Dei nō possi-
 debunt, quorum omnem rationem, & consuetudi-
 nem fugiendā esse, idem scribit Apostolus. Quā-
 quam uero maius peccatum rapinæ sint, quam fur-
 tum; quæ, præter rem, quam alicui adimunt, præ-
 terea uim asserunt, & maiorem imponunt ignomi-
 niam: mirandum tamen non est, quod leuiori hoc
 furti nomine notatum sit diuinæ legis præceptum,
 non rapinæ. id. n. summa ratione factum est: quia
 furtum latius patet, & ad plura pertinet, quam
 rapinæ; quas tantummodo illi facere possunt, qui
 potentia, & uiribus præstant. quamquam nemo
 non uidet, excussis eiusdem generis leuioribus pec-
 catis, grauiora etiam facinora prohiberi. Variis au-
 tem nominibus notatur iniusta possessio, & usus re-
 rum alienarum, ex uarietate eorum, quæ & inui-
 tis, & insciis dominis auferuntur. nam si priuatū
 quid priuato adimitur, furtum dicitur; si surripi-
 tur publico, peculatus appellatur. plagiatum uo-
 cant, si homo liber, uel seruus alienus in seruitutem
 abducitur. si uero sacra res eripitur, nominatur sa-
 crilegium;

1. ad Cor. 6

1. ad Cor. 5

crilegium: quod facinus maxime nefarium, ac scelestum adeo in mores induitum est, ut bona, quæ necessario & sacrorum cultui, et ecclesiæ ministris, & pauperum usui pie, ac sapienter fuerant attributa, in priuatis cupiditates, perniciosasque libidines conuertantur. Sed, præter ipsum furtum, idest externam actionem, furandi etiam animus, & uoluntas, Dei lege prohibetur. est enim spiritalis lex, quæ animum, fontem cogitationum & consiliorum, inspicit. De corde enim, inquit Dominus apud S. Matthæum, exeunt cogitationes mala, homicidia, adulteria, fornicationes, furti, falsa testimonia. Sed quam graue scelus furtum sit, ipsa naturæ uis, & ratio satis ostendit: est enim iustitiæ contrarium, quæ suum cuique tribuit. Nā bonorum distributiones, & assignationes, iam inde ab initio iure gentium constitutas, diuinis etiam, & humanis legibus confirmatas, ratas esse oportet; ut unusquisque, nisi humanam societatem tollere uelimus, ea teneat, quæ ei iure obtigerunt.

nam, ut Apostolus ait, Neque fures, neque auari, neque ebriosi, neque maledici, neque rapaces regnum Dei possidebunt. Et si huius sceleris importunitatem, & immanitatem permulta declarant, quæ furtum consequuntur. Fiunt enim iudicia temere, & inconsulto, multa de multis: erumpunt odia: suscipiuntur inimicitie: existunt interdum acerbissimæ innocentium hominum damnationes. Quid dicemus de ea necessitate, quæ diuinitus imposita

fuerit omni
pium su?
par peccat
finitio, cum
quantum ha
quæque &
si iudicare p
te licet intell
plicat non si
den sum lutu
narum posses
se homines d
ta sunt gener
quare de his d
ent, ad quæ
mus, reserui
delem popu
ferent omni
Verum
igitur fures
uel aliquo m
retinet: ait
non reddidit
nulla ratione
pauperum co
non potest, t
omnia, si p
emendat, uen
nitatē orati

fit: est omnibus satisfaciendi ei, cui aliquid ademptum sit? Non enim, inquit Augustinus, remittitur peccatum, nisi restituatur ablatum: quæ restitutio, cum quis assueverit ex alienis locupletari, quantam habeat difficultatē, præter id, quod unusquisque ex aliorum consuetudine, & de suo sensu iudicare potest, ex testimonio Habacuc prophete licet intelligere: inquit enim: *Væ ei, qui multiplicat non sua usquequo, & aggrauat contra se densum lutum. Lutum appellat densum, rerum alienarum possessionem, unde emergere, & expedire se homines difficile possint. Furtorum autē tam multa sunt genera, ut ea dinumerare sit difficillimum. quare de his duobus, furto, & rapinis, dixisse satis erit, ad quæ, tamquam ad caput, reliqua, quæ dicimus, referuntur. Ad ea igitur detestanda, & ad fidelem populum a scelesto facinore deterrendum, conferent omnem curam, ac diligentiam Parochi.*

Verum huius generis partes persequamur. Sunt igitur fures etiam, qui furto sublatas res emunt, uel aliquo modo inuētas, occupatas, aut ademptas retinēt: ait enim S. Augustinus: Si inuenisti, & non reddidisti, rapuisti. Quod si rerum dominus nulla ratione inueniri potest, illa sunt bona in usus pauperum conferēda: quæ ut restituat, qui adduci non potest, ea re facile probat se undique ablaturū: omnia, si possit. Eodem se alligant scelere, qui in emēdis, uendendisq. rebus fraudes adhibent; & uanitatē orationis bonū fraudes uindicabit Dominus.

Gratio-

S. Augustinus.

Habacuc.

De uariis furtorum generibus.

S. August.

Grauiiores, & iniquiores in hoc furtorum genere
 sunt ij, qui fallaces, & corruptas merces uendunt
 pro ueris, & integris; quiue pondere, mensura,
 Deuter. 25 numero, ac regula decipiunt emptores: est enim in
 Deuteronomio: Non habebit in sacculo diuersa pō-
 Leuit. 19 dera. & in Leuitico: Nolite facere iniquum ali-
 quid in iudicio, in regula, in pondere, in mensura:
 statera iusta, & æqua sint pondera: iustus modi-
 us, æquusque sextarius. Est & alio loco; Abomi-
 Prouerl. 20 natio est apud Dominum pondus, & pondus, sta-
 tera dolosa non est bona. Furtum etiam apertum
 est operariorū, & artificum, qui totam & integrā
 mercedem exigunt ab ijs, quibus ipsi iustam, ac
 debitam operam non dederunt. Nec uero distin-
 guuntur a furibus serui dominorum, rerumque cu-
 stodes infidi; quin etiam eo sunt detestabiliores, quā
 reliqui fures, qui clauibus excluduntur, quod fu-
 raci seruo nihil domi obsignatum, aut occlusum esse
 potest. Furtum præterea facere uidentur, qui fictis,
 simulatisque uerbis, quiue fallaci mendicitate pe-
 cuniam extorquent: quorum eo grauius est pecca-
 tum, quod furtum mendacio cumulant. Illi quoque
 in furum numero reponendi sunt, qui cum ad pri-
 uatum aliquod, uel publicum officium cōducti sunt,
 nullā uel paruam operā nauātes munus negligunt,
 mercede tantū, ac pretio fruuntur. Reliquā furto-
 rum multitudinē, a solerti auaritia, quæ omnes pe-
 cuniæ uias nouit, excogitatā, persequi longum est,
 et, ut diximus, difficillimū. itaq. de rapinis, quod est
 alterum

alterum horum scelerum caput, dicendum uidetur, si prius monuerit Parochus Christianum populum, ut meminerit illius Apostoli sententiæ; Qui uolūt diuites fieri, incidunt in tentationem, & laqueum diaboli. Nec ullo sibi loco patiat excidere præceptum hoc: Quæcumque uultis ut faciant uobis homines, & uos facite illis. Et illud cogitent perpetuo; Quod ab alio oderis fieri tibi, uide ne tu aliquando alteri facias. Rapinæ igitur patent latius. nam, qui debitam operarijs mercedem non persolunt, sunt rapaces: quos S. Iacobus ad penitentiam inuitat illis uerbis: Agite nunc diuites: Iacob. 5 plorate ululantes in miserijs uestris, quæ aduenient uobis. cuius penitentiae causam subiungit: Ecce enim merces operariorum, qui messuerunt regiones uestras, quæ fraudata est a uobis, clamat: & clamor eorum in aures domini sabahot introiuit. quod genus rapinarum in Leuit. 19 Deuteronomio, apud Deuter. 24 Malachiam, & apud Malach. 3 Tobiam uehementer improbatur. In hoc crimine rapacitatis includuntur, qui, quæ Ecclesiæ præsidibus, Tob. 4 & magistratibus debentur, uectigalia, tributa, decimas, & reliqua huius generis non dissolunt, uel interuertunt, & ad se transferunt. Huc etiam referuntur feneratores in rapinis acerrimi, et acerbissimi, qui miseram plebem compilant, ac trucidant usuris. Est autem usura, quidquid præter sortem, & caput illud, quod datum est, accipitur, siue pecunia sit, siue quiduis aliud, quod emi, aut æsti-

mari

mari possit pecunia. sic enim apud Ezechielem scrip-
 tum est: *Usuram, & superabundantiam non acce-*
 Ezech. 18 *perit. & Dominus apud Lucam: Mutuum date,*
 Luc. 6 *nihil inde sperantes. Grauiſſimum ſemper fuit hoc*
facinus, etiam apud gentes, & maxime odioſum.
hinc illud; Quid fenerari? quid hominem, inquit,
occidere? Nam qui fenerantur, bis idem uendunt,
aut id uendunt, quod non eſt. Item rapinas faciunt
nummarij iudices, qui uenalia habent iudicia, &
pretio muneribusque deliniti, optimas tenuiorum,
& egentium cauſas euertunt. Fraudatores credi-
 2. cor. 1 *torum, & inficiatores, quiq. ſumpto temporis ſpa-*
tio ad ſoluendum, ſua, uel aliena fide merces emunt,
neque fidem liberant, damnabuntur eodem crimine
rapinarum: quorum etiam delictum grauius eſt,
quod mercatores, illorum deſtitutionis, ac fraudatio-
nis occaſione, magno detrimento ciuitatis uendunt
 1. cor. 1 *omnia carius. in quos illa Dauidis ſententia uidetur*
 Psal. 36 *conuenire: Mutuabitur peccator, & non ſoluet.*
 2. cor. 1 *Quid de locupletibus dicemus ijs, qui ab illis, qui ſol-*
 4. cor. 1 *uendo non ſunt, quod commodarunt, exigunt acer-*
 2. cor. 1 *bius, et pignora etiam ea auferunt contra Dei inter-*
 Exod. 22 *dictum, quæ ad eorum corpus tuendum ſunt neceſſa-*
ria? inquit enim Deus: Si pignus a proximo tuo ac-
ceperis uestimētum, ante ſolis occaſum reddas ei: ip-
ſum. n. eſt ſolum, quo operitur indumentum carnis
eius, nec habet aliud, in quo dormiat: ſi clamauerit
ad me, exaudiam eum, quia miſericors ſum. Horum
exactionis acerbicatem, iure rapacitate, atque adeo
 rapi-

rapinas appellabimus. Ex numero eorum, qui raptores dicuntur a sanctis Patribus, sunt, qui in frugum inopia comprimunt frumentum, faciuntq. ut sua culpa carior, ac durior sit annona: quod etiam ualet in rebus omnibus ad uictum, & ad uitam necessarijs. ad quos illa Salomonis pertinet execratio: *Qui abscondit frumenta, maledicetur in populis*. Prouer. 11
 Quos, suorum scelerum admonitos, Parochi liberius accusabunt, ac propositas illis peccatis pœnas explicabunt uberius. Hæc de uetitis: nunc ad iussa ueniamus: in quibus satisfactio, uel restitutio primum locum habet. peccatum. n. nō remittitur, nisi restituatur ablatum. sed quoniā non is solum, qui furtum fecit, ei, cui furatus est, id debet restituere, sed omnes præterea, qui furti participes fuerūt, hac lege restitutionis tenentur; aperiendum est, qui sint illi, qui hanc satisfaciendi, uel restituendi necessitatem effugere nō possint. Sunt autem plura hominum genera: ac primū est eorum, qui furari imperant: qui nō modo sunt ipsi furtorū socij, & auctores, sed etiā in illo furū genere deterrimi. Alterum genus par uoluntate primis, potestate dispar, in eodē tamen furum gradu ponendū, eorum, qui cum inbere nō possint, suasores sunt, atque impulsores furtorum. Tertium genus est eorum, qui cum furibus consentiunt. Quartum genus est eorum, qui participes furtorum, inde lucrum ipsi etiam faciunt: si lucrum dicendum est, quod, nisi resipuerint, eos addicit æternis cruciatibus: de quibus sic loquitur

Prouer. 11

Psal. 49

David

David: Si uidebas furem, currebas cum eo. Quintum genus est furum; qui cum furta possint prohibere, tantum abest, ut illis occurrant, & obsistant, ut eorum licentiam permittant, atque concedant. Sextum genus est eorum, qui cum, & furtum factum, & ubi factum sit, certo sciant, non indicant rem, sed eam se scire dissimulant. Postremum genus est, quod omnes complectitur furtorum adiutores, custodes, patronos, quique illis receptaculum præbent, ac domicilium; qui omnes & satisfacere debent ijs, quibus aliquid detractum est, & ad aliud necessarium officium uehementer cohortandi sunt. Ne huius quidem sceleris omnino sunt expertes, approbatores furtorum, & laudatores. Nec uero etiam ab eadem culpa sunt alieni filii familias, et uxores, qui pecunias a patribus, et uiris surripiunt.

De operibus misericordiarum per eleemosynas in pauperes.

Cyprianus, Ioā. Chryl. Greg. Naz.

Iam uero huic præcepto illa subiecta sententia est, ut pauperum, & inopum misereamur, eorumque difficultates, & angustias nostris facultatibus, & officiis subleuemus. quod argumentum quia sæpiissime, & copiosissime tractandum est, petent ea Parochi ex uirorum sanctissimorum, Cypriani, Ioannis Chrysostomi, Gregorii Nazanzeni, & aliorum libris, qui de eleemosyna præclare scripserunt, quibus huic muneris satisfaciant. Sunt enim inflammandi fideles ad studium, & alacritatem opitulandi ijs, quibus aliena misericordia uiuendum est. Sunt uero etiam docendi, quantam habeat necessitatem eleemosyna, ut uidelicet re, & opera nostra

nostra in egentes simus liberales, uerissimo illo argumēto, quod summo iudiciū die detestatur sit eos Deus, & sempiternis ignibus addicturus, qui elemosynæ officia prætermiserint, ac neglexerint; illos autem collaudatos in patriam cælestem introducturus, qui benigne fecerint indigentibus. est utraque Christi domini ore pronunciata sententia: Venite Matth. 5 benedicti patris mei, possidete paratum uobis regnum. & , Discedite a me maledicti in ignem æternum. Videntur præterea sacerdotes accommodatis illis ad persuadendum locis; Datè, & dabitur uobis. Proferent Dei promissum, quo nihil uberius, Luc. 6 nihil magnificentius ne cogitari quidem potest. Nemo est, qui reliquerit &c. qui non accipiet centies tantum nunc in tempore hoc, & in sæculo futuro uitam æternam. Adijciunt illud, quod a Christo domino dictum est; Facite uobis amicos de mammona iniquitatis: ut, cum defeceritis, recipiant uos in æterna tabernacula. Huius uero necessarij muneris partes exponunt, ut qui largiri non possunt egentibus, quo uitam sustentent, saltem commo- dent pauperi, iuxta Christi domini præscriptum: Mutuum date, nihil inde sperantes. Atque huius Luc. 6 rei felicitatem beatus Dauid expressit: Lucundus Psal. 112 homo, qui miseretur, & commodat. Est autem Christianæ pietatis, nisi sit aliunde facultas bene merendi de ijs, quibus ad uitam aliena misericordiæ opus est, uitandi etiam otij causa; labore, opera, ac manibus ea quærere, quibus inopum indigenti-

KK lenare

2. ad Thes. 3

leuare possint, ad id omnes suo exemplo hortatur in epistola ad Thessalonicenses Apostolus illis uerbis: Ipsi enim scitis, quemadmodum oporteat imitari nos. Item ad eosdem: Operam detis, ut quieti sitis, & ut uestrum negotium agatis, & operemini manibus uestris, sicut præcepimus uobis. Et ad

1. ad Thes. 4

Ad Eph. 4

Ephesios: Qui furabatur, iam non furetur: magis autem laboret operando manibus, quod bonum est, ut habeat unde tribuat necessitatem patienti. Est etiam frugalitati consulendum, parcendumque bonis alienis, ne ceteris graues, aut molesti simus. quæ temperantia sanequam elucet in omnibus apostolis, sed maxime eminet in D. Paulo; cuius illud est ad Thessalonicenses: Memores estis, fratres, laboris nostri, & fatigationis: nocte, & die operantes, ne quem uestrum grauaremus, prædicauimus in uobis euangelium Dei. Atque idem alio loco Apostolus; In labore, et fatigatione nocte, et die operantes, ne quem uestrum grauaremus. Sed ut

1. ad Thes. 2

2. ad Thes. 3

in uniuerso hoc genere nefariorum facinorum abhorreat fidelis populus, Parochis a prophetis petere, & a reliquis diuinis libris sumere par erit detestationem furtorum, & rapinarum, & horribiles minas a Deo propositas eis, qui illa scelera committunt. Clamat Amos propheta: Audite hoc, qui conteritis pauperem, & deficere facitis egenos terre, dicentes, quando transibit mensis, & uenudabimus merces, & sabbatum, & apericimus frumentum, ut imminuamus mensuram, & augeamus

Amos. 8

mus

mus solum, et supponamus stateras dolosas? Sunt in eadē sentētia multa apud Hieremiam, in Proverbijs, & apud Ecclesiasticū. Nec uero dubitandum est, quin hæc malorum semina, quibus malis opprimatur hæc ætas, magna ex parte in his inclusa sint causis. Verum ut assuescāt Christiani homines prosequi omni liberalitatis, ac benignitatis officio egenes, et mendicos, quod ad alterā huius præcepti partem pertinet, proferent Parochi maxima præmia, quæ beneficis, & largis, et in hac, & in altera uitā daturū se Deus pollicetur. Sed quia non desunt, qui etiā se in furtis excusent, admonēdi sunt, fore, ut nullo eorum peccati excusationē accipiat Deus; immo uero futurū, ut illa purgatione non modo nō leuetur peccatum, sed mirum in modū augeatur. Ecce, nobilium hominum non ferendæ deliciæ, qui culpam extenuare sibi uidentur, si se affirmarint, non cupiditate, aut auaritia ad detrahendū alteri sua descendere, sed tuendæ causa amplitudinis familiæ, & maiorum suorum, quorum existimatio, ac dignitas rueret, nisi rerum alienarū accessione fulciretur. Quibus perniciosus error eripiendus est; simulq. demonstradum, unam esse rationem conseruandi, & amplificandi copias, & opes, maiorumque gloriam, si Dei uoluntati peruenierint, si eius præcepta seruauerint; quibus contemptis, fundatæ, & optime constitutæ opes euertuntur; reges ex regio solio, & summo gradu honoris præcipites exturbantur; in quorum locum infimi interdum homines,

KK ij & qui

& qui summo in odio illis fuerunt, diuinitus uocan-
 tur. Incredibile est, quantopere his succēseat Deus.
 cuius rei testis est Isaias, apud quem sunt illa. Dei
 Ifa. 1 uerba: Principes tui, infideles, socii furum: om-
 nes diligunt munera, sequuntur retributiones. pro-
 pter hoc ait dominus Deus exercituum fortis Israel;
 Eheu consolabor super hostibus meis, & uindica-
 bor de inimicis meis, & conuertam manum meam
 ad te, & excoquam ad purum scoriam tuam. Non
 desunt, qui non iam illam asserant causam splendo-
 ris, & gloriæ, sed uictus, & uitæ commodiorem
 facultatem, & elegantiam. qui resellendi sunt, do-
 cendiq. quam impia sit eorum & actio, & oratio,
 qui ullam commoditatem anteferant Dei uolun-
 tati, & gloriæ; quam, negligendo eius præce-
 pta, offendimus mirandum in modum. et si quæ po-
 test esse in furto commoditas, quod summa incom-
 moda consequantur? Super furem enim, inquit
 Eccle. 5 Ecclesiasticus, est confusio, & patientia. Sed fac
 esse ut cum illis non agatur incommode: dedecorat
 fur diuinum nomē: repugnat eius sanctissimæ uolū-
 tati: salutaria ipsius præcepta contēnit. quo ex fon-
 te omnis error, omnis improbitas, omnis fluit impie-
 tas Quid, quod audire licet interdū fures, qui nihil
 se eo peccare contendāt, quod detrahāt aliquid locu-
 pletibus, & copiosis hominibus, qui ea detractiōe
 nihil damni faciant, ne sentiāt quidem? misera sane,
 & postifera defensio. Putat alius satisfactionem
 suam accipi debere, quod eam furandi consuetudinē
 cepit

cepit, ut non facile possit ab illa mente, & actione desistere: qui nisi audierit Apostolum dicentem; Qui furabatur, iam non furetur; uelit, nolit, Ad Eph. 4 etiam consuetudinem capiet æternorum suppliciorum. Nonnulli sunt, qui excusant se, occasione data, alteri aliquid ademisse. est enim illud tritum sermone prouerbum; Fures qui non sint, fieri occasione. qui hac ratione sunt de nefaria sententia deducendi, resistendum esse prauis cupiditatibus. Nam si continuo est re perficiendum id, quod libido persuasit; quis modus quis finis erit scelerum, ac flagitiorum? Turpissima igitur est illa defensio, uel summæ potius intemperantiæ, & iniustitiæ confessio. nam qui dicit, se non ideo peccare, quia nullam habet peccandi occasionem; idem propemodum fatetur, se semper, oblata occasione, peccaturum. Sunt, qui furari se dicant ulciscendi causa, quod ab alijs eadem iniuria sint affecti. quibus ita respondendum est: primum nemini licere iniurias persequi: deinde non posse quemquam rei suæ iudicem esse: tum multo minus concedi, ut pœnas ab alijs repetant eorum, quæ alijs in eum peccauerunt. Postremo, quidam furtum satis illa ratione defensum, tectumque arbitrantur, quod, cum sint ære alieno oppressi, aliter eo liberari non possint, nisi illud furto dissoluant. quibuscum ita agendum est, nullum esse grauius æs alienum, & quo magis prematur humanum genus, quam debitum illud, cuius in diuina precatone quotidie meminimus; Dimitte no-

Matth. 6

KK iij bis

bis debita nostra; quare illud insanissimi hominis esse, plus uelle Deo debere, idest plus peccare, ut, quod debet hominibus, dissoluat; multoque praestare, coniungi in carcerem, quam mandari supplicijs inferorum sempiternis: longe etiam esse grauius, Dei, quam hominum iudicio condemnari: porro autem supplices ipsos ad Dei opem, ac pietatem confingere debere, a quo, quid opus sit, possint impetrare. Sunt alia excusationum genera: quibus Parochi prudentes, ac sui officii diligentissimi, facile poterunt occurrere, ut aliquando habeant populum sectatorem bonorum operum.

NON LOQVERIS CONTRA PROXIMVM TVVM FALSVM TESTIMONIUM.

Iacobi; Quantam non modo utilitatem, sed etiam necessitatem habeat assidua huius & praecepti explicatio, & officij admonitio, nos D. Iacobi monet auctoritas, illis uerbis: Si quis in uerbo non offendit, hic perfectus est uir. & idem: Lingua modicum quidem membrum est, & magna exaltat; ecce quantus ignis quam magnam siluam incendit. & quae sequuntur in eandem sententiam. Quibus duo monemur, primum latissime patere hoc linguae uitium: quod etiam illa Prophetae sententia confirmatur; Omnis homo mendax: ut propemodum sit unum hoc peccatum, quod ad omnes homines pertinere uideatur.

Psal. 115 *Alti-*

Alterum, inde proficisci mala innumerabilia, cum saepe maledici hominis culpa facultates, fama, uita, animae salus amittatur, uel eius, qui laeditur, quod contumelias patienter ferre non possit, sed eas impotenti animo persequatur; uel eius, qui laedit, quod prauo pudore, & falsa cuiusdam existimationis opinione deterritus, adduci non possit, ut illi, qui offensus sit, satisfaciat. Quare hoc loco monendi fideles erunt, ut quantas possunt maximas Deo gratias agant de hoc salutari praecepto non dicendi falsi testimonij; quo non solum ipsi alijs iniuriam facere uetamur, sed etiam hac obedientia ab aliorum iniuria prohibemur. Verum hoc praecepto eadem ratione, & uia progrediendum est, qua in ceteris progressi sumus, ut uidelicet animaduertantur in eo duae leges; altera prohibens, ne falsum dicatur testimonium; iubens altera, ut, simulatione, fallacijsque sublati dicta, & facta nostra simplici ueritate mētiamur. Cuius officij Apostolus Ephesios illis uerbis admonuit: Verita-

Ad Eph. 4

tem facientes in charitate, crescamus in illo per omnia. Sed prior huius praecepti pars habet hanc rationem, ut, quamuis nomine falsi testimonij significetur quidquid in bonam, uel in malam partem de altero constanter dicatur, siue in iudicio, siue extra iudicium, tamen praecipue prohibeatur illud testimonium, quod in iudicio, falso dicitur a iurato. iurat enim per Deum testis; quod ita testificantis, & diuinum nomen in-

KK iij terponen-

terponentis oratio plurimum fidei habet, & ponderis. itaque, quia periculosum est hoc testimonium, ideo praecepit prohibetur: iuratos enim testes, nisi exceptionibus legitimis excludantur, aut eorum sit aperta improbitas, atque peruersitas, ne iudex quidem ipse potest rejicere, praesertim cum extet iussum diuinae legis, ut in ore duorum, vel trium stet omne uerbum. Sed ut praeceptum fideles plane intelligant, docendi erunt, quid significet hoc, PROXIMI, uocabulum, in quem falsum testimonium dicere minime licet. Est autem proximus, ut ex Christi domini doctrina colligitur, quicumque eget opera nostra, siue ille propinquus sit, siue alienus, siue ciuis, siue aduena, siue amicus, siue inimicus. nefas enim est existimare, contra hostes licere falsum aliquid dicere pro testimonio, quos iussit Dei, ac domini nostri diligere oporteat. quin etiam, quia sibi quisque quadam ratione proximus est, nemini fas est in se falsum testimonium dicere; quod qui committant, sibi ipsi notam inurentes ignominiae, ac turpitudinis, & se ipsos, & Ecclesiam laedunt, cuius sunt membra: quo modo etiam, qui sibi mortem consciscunt, nocent ciuitati: ita enim est apud sanctum Augustinum; Nec recte intelligentibus poterat uideri, non esse prohibitum, ut aduersus se ipsum quisquam falsus testis assisteret, eo quod in praecepto additum fuit, Contra proximum tuum. Sed non ideo, si aduersus se ipsum quisque falsum testimonium dixerit, ab hoc crimine se putet alienum,

num; quando regulam diligendi proximi, a semet ipso dilector accepit. Verum, quia probibemur proximum ledere falso testimonio, nemo propterea contrarium permitti nobis arbitretur, ut peierando liceat conciliare ei, qui nobiscum natura, ac religione coniunctus sit, aliquid utilitatis, aut commodi. Nemini enim mendacio, & uanitate, multo minus periurio studendum est. Quare sanctus Augustinus de mendacio ad Crescentium docet ex Apostoli sententia, mendacium in falsis testimoniis numerandum esse, etiam si in cuiusquam falsa laude dicatur. Nam locum illum tractans, Inuenimur autem & falsi testes Dei, si testimonium diximus aduersus Deum, quod suscitauerit Christum, quem non suscitauit, si mortui non resurgunt. Falsum, inquit, testimonium uocat Apostolus, si quis de Christo, & quod ad eius laudem uidetur pertinere, mentiatur. Sæpiissime uero etiam contingit, ut, qui alteri fauet, obsit alteri. certe errandi causa affertur iudici, qui interdum falsis testibus adductus, contra ius secundum iniuriam statuit, & iudicare cogitur. Nonnumquam etiam fit, ut, qui ob falsum alicuius testimonium causam iudicio uicerit, idque impune tulerit, exultans iniqua uictoria, assuescat corrumpere, & adhibere falsos testes, quorum opera sperat se posse ad id, quodcumque concupierit, peruenire. Est uero id & ipsi testi grauissimum, qui & ab eo, quem iureiurando subleuauerit, & adiunxit, falsus, & periurus agnoscitur:

S. August.

1. ad Cor. 15

Et ipse, quod ei e sententia succedit scelus, quotidie maiorem exercitationem, & consuetudinem capit impietatis, & audaciæ. Vt igitur testium uanitas, mendacia, & periuria prohibentur; sic & accusatorum, et reorum, & patronorum, cognitorum, & procuratorum, aduocatorum, & omnium denique qui iudicia constituunt. Postremo uetat Deus omne testimonium non modo in iudicio, sed etiam extra iudicium, quod alteri incommodum, aut detrimentum possit asferre. Est enim in *Leuit. 19* quo loco hæc præcepta iterantur, his uerbis: Non facietis furtum, non mentiemini, nec decipiet unusquisque proximum suum. ut nemini dubium esse possit, quin a Deo omne mendacium hoc præcepto eiectum condemnetur. quod apertissime testatur *Psal. 5* David in hunc modum: Perdes omnes, qui loquuntur mendacium.

Detraçtio -
nis uitium
quam dete-
stabile.

Prohibetur autem hoc præcepto non modo falsum testimonium, sed detestabilis etiam libido, & consuetudo detrahendi alteri: qua ex peste, incredibile est, quam multa, & quam grauiæ & incommoda, et mala nascantur. Hoc uitium maledice, & contumeliose dicendi occulte in alterum, passim improbant diuinæ litteræ. Cum hoc, inquit David, *Psal. 106* non edebam. & S. Iacobus: *Iacobi 4* Nolite detrahere alterutrum, fratres mei. Nec uero præcepta solum sacræ litteræ, sed etiam exempla suppeditant, quibus sceleris magnitudo declaratur. nā & Aman, *Est. 3* confectis criminibus, adeo incendit in Iudeos Assue-
rum,

rum, ut is omnes eius gentis homines imperarit occidi. Referta est huiusmodi exemplis sacra historia: quorum commemoratione, sacerdotes operantur, ut fideles a rei improbitate deterreant. Ut autem peccati huius uis, quo de altero detrahatur, omnino perspiciatur, sciendum est, non tantum adhibenda calumnia offendi hominum estimationem, sed & augendis, amplificandisque criminibus: et si quid occultius ab aliquo commissum sit; quod ubi rescitum fuerit, graue, aut turpe sit ad famam, eam rem qui, ubi, quando, quibus non necesse sit, peruulgarit, is obtrectator, & maledicus iure dicitur. Verum totius obtrectationis nulla capitalior est, quam eorum qui catholicæ doctrinæ eiusque prædicatoribus obtrectant. In simili culpa sunt, qui malarum doctrinarum, & errorum magistros extollunt laudibus. Nec uero ab horum hominum numero, & culpa seiunguntur, qui detrahentibus, & maledicentibus hominibus patefacientes aures, non reprehendunt obtrectatores, sed illis libenter assentiuntur. Detrahere enim, uel detrahentem audire, scribunt sancti Hieronymus, & Bernardus, utrum damabilius sit, non facile constat. non enim essent, qui detraherent, si non adessent, qui detrahentes audirent. In eodem genere sunt, qui suis artificijs distrahunt homines, & inter se committunt, magnopereque serendis discordijs delectantur; ut summas coniunctiones, ac societates fictis sermonibus dirimentes amicissimos uiros ad immortales inimicos

S. Hiero. &
Bern.

inimicitias, & ad arma compellant. Hanc pestem
 Leuit. 19 sic detestatur Dominus: Non eris criminator, ne-
 que susurro in populo. Tales erant multi ex cōsilia-
 rijs Saulis, qui eius uoluntatem a Dauid alienare,
 & in illum, regem incitare conabantur. Peccant
 denique in hanc partem blandi homines, & assenta-
 tores, qui blanditijs, & simulatis laudibus influunt
 in aures, & in animos eorum, quorum gratiam,
 pecuniam, & honores aucupantur, dicentes, ut
 Isa. 5 est apud Prophetam, Malum bonum, & bonum
 malum. quos ut arceamus, & pellamus a consue-
 tudine nostra, monuit nos Dauid illa oratione: Cor-
 ripiet me iustus in misericordia, & increpabit me:
 Psal. 140 oleum autem peccatoris non impinguet caput me-
 um. Quamquam enim isti proximo minime male-
 dicunt, tamen ei maxime nocent, qui, uel laudan-
 dis eius peccatis, asserunt ipsi causam perseveran-
 di in uitijs, quamdiu uixerit. Et quidem in hoc ge-
 nere illa est assentatio deterior, quæ ad proximi ca-
 lamitatem, & perniciem adhibetur. sic Saul, cum
 Dauidem furori, & ferro Philisteorum obiicere
 cuperet, ut occideretur, ei blandiebatur illis uer-
 bis: Ecce filia mea maior Merob: ipsam dabo tibi
 uxorem: tantummodo esto uir fortis, & praliare
 bella Domini. Sic Iudæi insidiosa oratione Christum
 Matth. 22 dominum sunt affati; Magister, scimus, quia ue-
 Marc. 12 rax es, & uiam Dei in ueritate doces. Longe au-
 tem perniciosior oratio est amicorum, affinium, &
 cognatorum, qua ad eos interdum utuntur assenta-
 torie,

torie, qui mortifero morbo affecti, iam sint extremo spiritu; dum affirmant nullum esse tum ei a morte periculum; dum letum, & hilarem esse iubent, eumque a peccatorum confessione, tamquam a tristissima cogitatione, deterrent; dum denique eius animum auertunt ab omni cura, & meditatione extremorum periculorum, in quibus maxime uersatur. Quare fugiendum est omne mendaciorum genus, sed illud in primis, quo graui damno quisquam affici possit. Plenissimum uero impietatis est mendacium, cum quis in religionem, uel de religione mentitur. Sed illis etiam maledictis, & probris grauitur offenditur Deus, quæ committuntur libellis, quos famosos uocant, & aliis huius generis contumelijs. Præterea ioco, uel officij causa fallere mendacio, ut si nemo in illo uel damnum, uel lucrum fecerit, tamen omnino indignum est: ita enim nos *Ad Eph. 4* Apostolus admonet: Deponentes mendacium, loquimini ueritatem. Nam in eo est ad frequens, grauiusque mendacium magna procliuitas; & ex iocosis mendacijs capiunt homines mentiendi consuetudinem; unde ueniunt in opinionem, non esse ueraces. quamobrem, ut fidem faciat eorum oratio, necesse habet iurare perpetuo. Postremo, priore parte huius præcepti simulatio repudiatur: nec modo quæ simulate dicuntur, sed quæ ita fiunt, cum scelere coniuncta sunt. tam enim uerba, quam facta, notæ, ac signa quædam sunt eorum, quæ sunt in animo cuiusque: ob eamque causam Dominus sæpe phari-

phariseos arguens, hypocritas appellat. Est hæc de
priori præcepti lege, quæ ad uetandum spectat.

De iustitiis
unicuique in
uiolabili-
ter mini-
stranda.

Nunc explicemus, quid in altera iubeat Domi-
nus. Pertinet autem hæc præcepti uis, & ratio ad
id, ut iuste, & ex legibus forensia iudicia exerce-
antur, neue occupent homines, & usurpent iudi-
cia. Non enim fas esse alienum seruum iudicare,
Ad Rom. 14 ut scribit Apostolus: ne, re, & causa incognita,
sententiam ferant. quo in uitio fuit sacerdotum, &
Aq. 7 scribarum consilium, qui de sancto Stephano iudi-
carunt. quod item peccatum fuit magistratus Phi-
lippensium: de quibus inquit Apostolus; Casos
Aq. 16 nos publice indemnatos, homines Romanos, mise-
runt in carcerem, & nunc occulte nos eijciunt. Ne
condemnent innocentes, aut nocentes absoluant;
ne pretio, aut gratia, ne odio, aut amore mouean-
tur. Sic enim Moses seniores admonet, quos popu-
li iudices constituerat: Quod iustum est, iudicate,
sive ciuis sit ille, sive peregrinus: nulla erit distan-
tia personarum: ita paruum audietis, ut magnum:
nec accipietis cuiusquam personam, quia Dei iudi-
cium est. De reis autem, & fontibus, uult eos
Deus uerum confiteri, cum ex iudicij formula in-
terrogantur. est enim testimonium, ac prædicatio
quædam, illa confessio laudis, & gloriæ Dei, ex ip-
sius Iosue sententia, qui Achan ad ueri confessio-
nem adhortatus inquit: Fili mi da gloriam domino
Deo Israel. Sed quoniam hoc præceptum testes po-
tissimum attingit, de his etiam a Parocho diligen-

Iesu. 7

8 er

ter agendum erit . nam præcepti uis ea est , ut non solum prohibeat falsum testimonium , sed uerum etiam dici imperet . Est enim in humanis rebus maximus usus ueri testimonij ; quod sunt innumerabiles res , quas a nobis ignorari necesse sit , nisi eas ex testium fide cognoscamus . Quare nihil tam necessarium est , quam testimoniorum ueritas in ijs rebus , quas nec ipsi scimus , neque tamen licet ignorare . De quo extat illa sancti Augustini sententia : *S. Augusti.*
 Qui ueritatem occultat , & qui prodit mendacium , uterque reus est ; ille , quia prodesse non uult ; hic , quia nocere desiderat . Licet uero interdum uerum tacere , sed extra iudicium . nam in iudicio , ubi testis legitime interrogatur a iudice , uera omnino patefacienda sunt . Quo loco cauendum tamen est testibus , ne suæ memoriæ nimium confisi , quod exploratum non habent , id pro certo affirmant . Reliqui sunt patroni causarum , & aduocati , actores deinceps , & petitores . Illi igitur opera , ac patrocinio suo non deerunt necessarijs hominum temporibus , & egentibus benigne subuenient : tum iniustas causas defendendas non suscipient , neque calumnia lites protrahent , nec alent auaritia . Quod ad mercedem attinet laboris , & operæ suæ , illa iure , & equo metiantur . Petitores uero , & accusatores monendi sunt , ne cuiquam , amore , aut odio , aut cupiditate aliqua adducti , periculum iniquis criminationibus creent . Iussu hoc denique diui-

diuinitus descriptum est piis omnibus, ut in congressibus, & colloquiis uere semper, & ex animo loquantur; nihil dicant, quod alterius existimationi possit officere, ne de illis quidem, a quibus ladi se, & exagitari intelligunt; cum illud propositum habere debeant, sibi cum illis eam necessitudinē, et societatem intercedere, ut membra sint eiusmodi corporis. Vt autem libentius hoc mendacij uitium caueāt fideles, proponet eis Parochus summam huius sceleris miseriam, ac turpitudinem. nam in sa-

Ioan. 9 cris litteris, mendacij pater dæmō dicitur. quod n. dæmon in ueritate non stetit, mendax est, & mendacij parens. Adiunget ad eiiciendum tantum flagitium ea mala, quæ mendacium consequuntur: & quoniam sunt innumerabilia, fontes, & capita in commodorum, & calamitatum monstrabit: ac primum, in quātam cadat Dei offensionem, quantumue eius odium incurrat homo uanus, & mendax; Salomonis auctoritate declarabit eo loco; Sex

Proverb. 9 sunt, quæ odit Dominus, & septimum detestatur anima eius, oculos sublimes, linguam mendacem, manus effundentes innoxium sanguinem, cor machinans cogitationes pessimas, pedes ueloces ad currendum in malum, perferentem mendacia, testem fallacem: & quæ sequuntur. Quis igitur ei præstet incolumitatem, qui in insigni odio sit apud Deū, quo minus grauissimis afficiatur supplicijs? Deinde

Iacob. 3 quid impurius, aut fœdius, ut sanctus inquit Iacobus, quam in eadem lingua, qua benedicimus Deū.

& Pa-

& Patrem
 em, & sim
 de eodem f
 equam? Q
 nam Deo
 cum ignom
 quare sit,
 laces excl
 reret a Deo
 uaculo tuo?
 tur ueritate
 lingua sua.
 cio incommo
 mi morbus
 falso crimin
 obrectand
 calumniat
 iniuriarum
 primo, n
 dam digni
 to sit, hui
 dubitare n
 ret, se ca
 consequi pe
 gnitate, &
 in priuati
 detraxerit
 tum, et in
 dacio fide

& Patrem, maledicere homines, qui ad imagi-
 nem, & similitudinem Dei facti sunt, ita ut fons
 de eodem foramine emanet dulcem, & amaram
 aquam? Quæ enim lingua prius laudem, & glo-
 riam Deo tribuebat, postea, quantum in ea est,
 eum ignominia afficit, ac dedecore, mentiendo.
 quare fit, ut a cælestis beatitudinis possessione men-
 daces excludantur. Cum enim in hunc modum quæ-
 reret a Deo David: Domine quis habitabit in taber-
 naculo tuo? respondit spiritus sanctus; Qui loqui-
 tur ueritatem in corde suo, qui non egit dolum in
 lingua sua. Maximum uero etiam illud in menda-
 cio incommodum est, quod fere est insanabilis is ani-
 mi morbus. Cum enim peccatum, quod, inferendo
 falso crimine, aut proximi famæ, & existimationi
 obrectando, commissum sit, non remittatur, nisi
 calumniator ei, quem criminatus fuerit, satisfaciat
 iniuriarum; id autem difficile fiat ab hominibus,
 primo, ut antea monuimus, pudore, & inani qua-
 dam dignitatis opinione deterritis: qui in eo pecca-
 to sit, hunc additum esse æternis inferorum pœnis,
 dubitare non possumus. neque enim quisquam spe-
 ret, se calumniarum, uel obrectationis ueniam
 consequi posse, nisi prius ei satisfaciat, de cuius di-
 gnitate, & fama aut publice in iudicio, aut etiam
 in priuatis, & familiaribus congressibus aliquid
 detraxerit. Præterea, latissime patet hoc detrimen-
 tum, et in ceteros diffunditur: qua uanitate, & men-
 dacio fides, ac ueritas tolluntur, arctissima uincula

LL

societa-

societatis humane : quibus sublati , sequitur summa uitæ confusio , ut homines nihil a demonibus differre uideantur . Docebit porro , uitandam esse loquacitatem , Parochus : cuius uitatione & reliqua peccata fugiuntur , & est magna cautio mendacij : a quo uitio loquaces sibi haud facile temperare possunt . Postremo ijs illum errorem eripiet Parochus , qui se in uanitate orationis excusant , & mendacium , prudentium exemplo defendunt : quorum esse aiunt , mentiri in tempore . Dicit id , quod

Ad Rom. 8 uerissimum est , prudentiam carnis , mortem esse . Hortabitur auditores , ut in difficultatibus , & angustijs Deo confidant , neque ad artificium mentiendo confugiant . nam illi , qui utuntur perfugio , facile declarant , se sua magis niti prudentia , quam in Dei providentia spem ponere . Qui causam sui mendacij conserunt in eos , a quibus sunt mendacio decepti , hi docendi sunt , non licere hominibus se ipsos ulcisci , neque malum malo compensandum esse ,

Ad Rom. 12 sed potius uincendum in bono malum : quod si etiam fas esset , hanc referre gratiam ; nemini tamen utile , se suo ulcisci detrimento : esse autem id grauissimum detrimentum , quod mendacio dicendo facimus . Iis , qui afferunt humane naturæ imbecillitatem , & fragilitatem , tradendū erit hoc officij præceptum , ut diuinum auxilium implorent , nec infirmitati humanitatis obtempercent . Qui consuetudinem opponunt , admonendi sunt , si mentiri assueuerunt , ut dent operam , ut contrariam consuetudinem

tudinem capiant uere loquendi, praesertim cum,
 qui usu, & consuetudine peccant, grauius delin-
 quant, quam ceteri. Et quoniam non desunt, qui
 se tegant excusatione ceterorum hominum, quos pas-
 sim mentiri, & peierare contendunt; hac ratione
 illi ab ea opinione deducendi sunt, non esse imitan-
 dos malos, sed reprehendendos, & corrigendos;
 cum autem ipsi mentimur, minus auctoritatis in re-
 prehensione, et correctione alterius nostram habere
 orationem. Alios se ita defendentes, quod uera di-
 cendo, saepe incommodo sint affecti, sic refellent sa-
 cerdotes, esse illam accusationem, non defensionem;
 cum sit officium Christiani hominis, quamuis poti-
 us facere iacturam, quam mentiri. Restant duo
 genera eorum, qui se in mendacio excusent; alteri,
 qui dicant, se ioci causa mentiri; alteri, se idem face-
 re utilitatis gratia, quippe qui bene nec emerent,
 nec uenderent, nisi mendacium adhiberent. utros-
 que a suo errore Parochi auertere debebunt. Ac su-
 periores quidem illos a uitio abducent, & docendo
 quantum eo in genere peccandi consuetudinem augeat
 usus mentiendi, & illud inculcando, omnis otiosi
 uerbi reddendam esse rationem: proximos autem Matth. 12
 hos acerbius etiam obiurgabunt; quorum in excu-
 satione grauior insit illorum ipsorum accusatio,
 qui praesferant, se minime illis Dei uerbis fidem,
 & auctoritatem tribuere; Querite primum re- Matth. 9
 gnium Dei, & iustitiam eius; & haec omnia adij-
 cientur uobis.

LL 4 NON

NON CONCVPISCES DOMVM PROXI-
MI TVI: NEC DESIDERABIS Vxo-
REM EIVS, NON SERVVM, NON AN-
CILLAM, NON BOVEM, NON ASINVM,
NEC OMNIA, QVAE ILLIVS SVNT.

*In his duobus praeceptis, quae postremo loco tra-
dita sunt, illud in primis sciendum est, rationem
fere constitui, qua cetera praecepta serventur. Nam
quod his verbis praescriptum est, eo spectat, ut, si
quis studet superiora legis iussa servare, hoc maxi-
me faciat, ne concupiscat: quoniam qui non concu-
piscet, suis contentus, aliena non appetet, aliorum
commodis gaudebit, Deo immortali gloriam tri-
buet, gratias eidem maximas aget, sabbathum
colet, id est quiete perpetua fruatur, maioresque
venerabitur: neminem denique neque re, neque ver-
bis, neque ullo alio modo laedet. Nam stirps, ac
semen malorum omnium est prava concupiscentia;
qua qui incensi sunt, praecipites feruntur in omne
flagitiorum, & scelerum genus. His animaduer-
sis, & Parochus in ijs, quae sequuntur, tradendis
diligentior, & fideles ad audiendum erunt atten-
tiores. Sed quamquam haec duo praecepta coniunxe-
rimus, propterea quod, cum non dissimile sit eo-
rum argumentum, eandem docendi viam habent:
Parochus tamen & cohortando, & monendo
poterit communiter, vel separatim, ut commodius
sibi videbitur, ea tractare: sin autem Decalogi in-
terpretandi munus susceperit, demonstrabit, quae
sit*

sit horum duorum præceptorum dissimilitudo,
 quidue una concupiscentia ab altera differat: quâ
 differentiam libro quæstionum in exodum D. Au- D. August.
 gustinus declarat. Nam ex ijs altera solum spe-
 etat, quid utile sit, quid fructuosum: alteri propo-
 sitæ sunt libidines, & uoluptates. Si quis igitur
 fundum, aut domum concupiscit, is lucrum potius,
 & quod utile est, consecratur, quam uoluptatem:
 si uero alienam uxorem appetit, non utilitatis, sed
 uoluptatis cupiditate ardet. Verum horum præce-
 ptorum duplex fuit necessitas, altera, ut sexti, se-
 ptimique præcepti sententia explicaretur. nam etsi
 quodam nature lumine intellectum est, alienæ uxo-
 ris potiundæ cupiditatem prohiberi, uetito adulte-
 rio; nam si concupiscere liceret, fas item esset poti-
 ri: tamen plerique ex Iudæis, peccato obcæcati, in
 eam opinionem adduci non poterant, ut crederent,
 id a Deo prohibitum esse: immo uero, lata, & co-
 gnita hac Dei lege, multi, qui se legis esse interpre-
 tes profitebantur, in eo errore uersati sunt: id quod
 animaduertere licet ex illo Domini sermone apud
 sanctum Matthæum; Audistis, quia dictum est an Matth. 9
 tiquis; Non mæchaberis: ego autem dico uobis: &
 quæ sequuntur. Altera est horum præceptorum ne-
 cessitas, quod aliqua distincte, explicateque uetan-
 tur, quæ sexto, & septimo explicate non prohibe-
 bantur. nam, exempli causa, septimum præceptio
 prohibuit, ne quis iniuste concupiscat aliena, aut
 eripere conetur: hoc autem uetat ne ullo modo quis

L L iij concu-

concupiscat, etsi iure, legeque assequi id possit, ex
 cuius adeptione proximo damnum importari uide-
 at. Sed illud in primis, ante quam ad præcepti ex-
 plicationem ueniamus, fideles docendi erunt, nos
 hac lege non ad id solum institui, ut cupiditates no-
 stras cohibeamus; sed etiam Dei erga nos pietatē,
 quæ immensa est, cognoscamus. nam cum superiori-
 bus legis præceptis nos quibusdam quasi præsidijs
 munisset, ne quis nos ipsos, aut nostra uiolaret; hoc
 adiuncto præcepto, illud maxime providere uoluit,
 ne appetitionibus nostris nos ipsi læderemus: quod
 facile futurum fuit, si omnia cupere, atque optare
 liberum nobis, atque integrum esset. hac igitur non
 concupiscendi lege præscripta, illud a Deo prouisum
 est, ut cupiditatum aculei, quibus ad pernicio-
 saqueque incitari solemus, huius legis ut quodam
 modo excussi, nos minus urgeant; maiusque pro-
 pterea temporis spatium nos molesta illi cupidi-
 tum sollicitudine liberati, ad ea præstanda pietatis,
 & religionis officia habeamus, quæ ipsi Deo mul-
 ta, maximaque debemus. Neque id solum hæc lex
 nos docet, uerum etiam illud ostendit, legem Dei
 eiusmodi esse, quæ non externis solum munerum
 functionibus, sed etiam intimo animi sensu seruan-
 da sit: hocque inter diuinas, & humanas leges in-
 terest; quod hæc rebus tantum externis contentæ
 sunt; illæ uero, quoniam animum Deus intuetur,
 ipsius animi puram, sinceramque castitatem, atque
 integritatem requirunt. Est igitur diuina lex,
 quasi

quasi speculum quoddam, in quo naturæ nostræ vitia intuemur. quamobrem dixit Apostolus; Con- Ad Rom. 7
 cupiscentiam nesciebam, nisi lex diceret; Non
 concupisces. Cum enim concupiscentia, idest pec-
 cati fomes, qui ex peccato originem habuit, per-
 petuo nobis infixus inhaereat; ex hoc agnosci-
 mus, in peccato nos nasci: quapropter suppli-
 ces ad eum confugimus, qui solas potest pecca-
 ti sordes eluere. Habent autem hæc singula
 præcepta illud cum ceteris commune, ut par-
 tim aliquid uetent, partim iubeant. Quod ad
 prohibendi uim attinet; ne quis forte arbitre-
 tur, concupiscentiam illam, quæ uicio caret, ali-
 quo modo uitium esse, ut concupiscere spiritum ad ad Gal. 5
 uersus carnem, uel expetere iustificaciones Dei
 in omni tempore, id quod Dauid summopere cu- Psal. 118
 picbat; Parochus doceat, quæ concupiscentia illa
 sit, quam huius legis præscripto fugere oporteat.
 Quare sciendum est, concupiscentiam esse commo-
 tionem quandam, ac uim animi, qua impulsæ ho-
 mines, quas non habent, res incundas appetunt.
 Et quemadmodum reliqui animi nostri motus non
 perpetuo mali sunt: ita hæc concupiscendi uis non
 semper in uitio est ponenda. neque enim propterea
 malum est, si cibum, aut si potum appetimus;
 aut cum frigemus, si calefcere, aut contra, cum
 calemus, si frigesce cupimus. Et quidem recta
 hæc concupiscendi uis, Deo auctore, nobis a na-
 tura insita est: sed primorum parentum nostrorum

LL iij peccato

peccato factum est, ut illa natura fines transiliens, usque adeo deprauata sit, ut ad ea concupiscenda sæpe incitetur, quæ spiritui, ac rationi repugnant. Quin etiam hæc uis, si moderata est, suisque finibus continetur, sæpe etiam non mediocres utilitates præbet. nam illud primum efficit, ut assiduis precibus Deum oremus, supplicesque ab eo petamus, quæ maxime cupimus. oratio enim cupiditatis nostræ interpret est. quod si recta hæc concupiscendi uis abesset, non tam multe preces essent in Ecclesia Dei. efficit præterea, ut chariora sint nobis Dei munera. quo enim uehementiori alicuius rei cupiditate flagramus, eo carior illa nobis res est, atque iucundior, cum eam adepti sumus: tum uero delectatio ipsa, quam ex re concupita sentimus, facit, ut maiore pietate gratias Deo agamus. itaque, si concupiscere aliquando licet, fateamur necesse est, non omnem concupiscendi uim prohibitam esse.

Ad Rom. 7 & quamquam D. Paulus concupiscentiam peccatum esse dixit; id in eam tamē sententiam accipiendum est, in quam Moyses locutus est, cuius ille

Exod. 20 testimonium affert id, quod ipsius Apostoli oratio declarat. nam illam carnis concupiscentiam uocat

Ad Gal. 5 in epistola ad Galatas: Spiritu, inquit, ambulate, & desideria carnis non perficietis. Naturalis igitur illa cupiditatis uis, & moderata, quæ fines suos non egreditur, non uetatur, multoque minus spiritualis illa rectæ mentis cupiditas, qua ad eorū appetitionem incitamur, quæ carni repugnant. ad
hanc

hâc ipsam enim sacra littera nos adhortantur: Con
 cupiscite sermones meos. & ; Transite ad me
 omnes, qui concupiscitis me. Itaque hoc interdicto
 non ipsa concupiscendi uis, quæ tum ad bonum, tum
 ad malum uti licet, sed usus prave cupiditatis, quæ
 carnis concupiscentia, & peccati fomes uocatur,
 ac, si animi assensionem adiunctam habeat, semper
 in uitis numeranda est, omnino prohibetur. Ergo
 ea tantum concupiscendi libido uetita est, quam car
 nis concupiscentiam uocat Apostolus, illi scilicet
 concupiscendi motus, qui nullum rationis modum
 habent, neque finibus a Deo constitutis continen
 tur. Hæc cupiditas damnata est, uel quia malum
 appetit, ueluti adulteria, ebrietates, homicidia,
 & alia eiusmodi nefaria scelera. de quibus ita A
 postolus, Non sumus, inquit, concupiscentes ma
 lorum, quemadmodum & illi concupierunt; uel
 quia, etsi res natura sua malæ non sunt, causa ta
 men aliunde extat, quare illas concupiscere nefas
 sit. quo in genere sunt ea, quæ ne possideamus, De
 us, aut Ecclesia prohibet. non enim ea nobis appe
 tere licet, quæ possidere omnino nefas sit: qualia
 olim in ueteri lege fuerunt, aurum, & argentum,
 ex quibus idola conflata erant, quæ, Dominus in
 Deuteronomio uetuit, ne quis concupisceret. Ob
 eam præterea causam hæc cupiditas uitiosa prohi
 betur, quoniâ, quæ appetuntur, aliena sunt, ut do
 mus, seruus, ancilla, ager, uxor, bos, asinus, &
 alia multa; quæ cum aliena sint, ea concupiscere
 nefas

Sap. 6

Eccle. 24

Ad Gal. 5

1. ad Cor. 16

Deuter. 7

uetat diuina lex . rerumque eiusmodi cupiditas nefaria est , & in peccatis grauissimis numeratur , cum illis concupiscendis animi præbetur assensus . nam tum peccatum natura existit , cum post malorum cupiditatum impulsu animus rebus prauis delectatur , atque his uel assentitur , uel non repugnat : id quod D. Iacobus , cum peccati originem , & progressionem ostendit , illis uerbis docet , Vnusquisque tentatur a concupiscentia sua abstractus , & illectus : deinde concupiscentia cū conceperit , parit peccatum : peccatū uero , cū consummatū fuerit , generat mortem . Cum igitur lege ita caueatur ; Non concupisces ; hæc uerba ad eum sensum referuntur , ut nostras cupiditates a rebus alienis cohibeamus . alienarum enim rerum cupiditatis sitis immensa est , atque infinita , neque unquam satiatur , ut scriptum est , Auarus non implebitur pecunia : de quo ita est apud Isaiam : Vae , qui coniungitis domum ad domum , & agrum agro copulatis . Sed ex singulari uocum explicatione facilius intelligetur huius peccati scditas , & magnitudo . Quare Parochus docebit , domus uocabulo non locum modo , quem incolimus , sed uniuersam hereditatem significari , ut ex diuinorum scriptorum usu , consuetudineque cognoscitur . In Exodo scriptum est ;

Exod. 1 Obstetricibus a Domino domus esse ædificatas . sententia eo spectat , ut illarum facultates ab eo auctas esse , atque amplificatas interpretemur . Ex hac igitur interpretatione animaduertimus , hac præcepti lege

lege uetitum nobis esse, ne diuitias auide expetamus, neque alienis opibus, potentiae, nobilitati inuideamus, sed statu nostro, qualisqualis ille sit, siue humilis, siue excelsus, contenti simus. Aliena deinde gloriae appetitionem uetitam esse, intelligere debemus. nam hoc item ad domum pertinet. Quod uero sequitur, Non bouem, non asinum; id ostendit, non solum, quae magna sunt, ut domus, nobilitas, & gloria, ea cum aliena sint, concupiscere nobis non licere, sed etiam parua, qualia illa sint, siue animata, siue inanimata. Sequitur deinceps; Neque seruum. quod intelligendum est tam de captiuis, quam de reliquo genere seruorum; quos, ut cetera alterius bona, concupiscere non debemus. liberos uero homines, qui uoluntate seruiunt, uel mercede conducti, uel amore, obseruantiaque impuls, nullo modo neque uerbis, neque spe, neque pollicitationibus, neque praemijs quis corrumpere, aut sollicitare debet, ut eos deserant, quibus se ipsi sponte addixerunt: immo uero, si ante id tempus, quo se in illorum famulatu fore promiserant, ab illis recesserint, huius praeccepti auctoritate admonendi sunt, ut ad eos ipsos omnino reuertantur. Quod autem in praeccepto mentio fit proximi, id eo pertinet, ut hominum uitium demonstraretur, qui uicinos agros, aut proximas domos, aut aliam rem eiusmodi, quae secum continens sit, appetere solent: Vicinitas enim, quae in parte amicitiae ponitur, ab amore ad odium, cupiditatis uitio, traducitur.

Hoc

Hoc uero præceptum ij minime uiolant, qui res, quas proximi uenales habēt, emere de illis cupiūt, aut iusto pretio emunt. ij enim non modo proximi non lædunt, sed ualde adiuant, cum ei pecunia maiori commodo, usuique futura sit, quam res illa, quas ipse uenditat. Hanc de re aliena non concupiscenda legem altera sequitur, quæ prohibet, ne alienam concupiscamus uxorem. quæ lege concupiscendi libido non ea quidē tantum prohibita censetur, quæ adulter alterius uxorem appetit, sed etiam, quæ affectus aliquis alterius uxorem in matrimonium ducere concupiscit. eo enim tempore, cū repudiū permittebatur libellus, illud facile euenire poterat; ut, quæ ab uno repudiata esset, eam alter uxorem acciperet. at hoc Dominus uetuit: ne aut mariti ad uxores relinquendas sollicitarentur; aut uxores maritis difficiles se, ac morosas ita præberent, ut eam ob causam quadam quasi necessitas uiris imponeretur illas repudiandi. nunc uero grauius est peccatum, cum mulierem, etiam si a uiro repudiata sit, alteri in matrimonium ducere non liceat, nisi marito mortuo. itaque qui alterius uxorem concupiscet, facile ex una in aliam incidet cupiditatem: aut enim illius uirum mori, aut adulterium admittere cupiet. atque hoc idem de ijs mulieribus dicitur, quæ alteri desponsatæ sunt. neque enim has item concupiscere licet, cum ij, qui hæc pacta rescindere student, uiolent sanctissimum fidei sœdus. & quemadmodum, quæ alteri nupta est, eam

eam concupiscere omnino nefas est: sic, quæ ad Dei cultum, religionemque est consecrata, nullo pacto licet illam uxorem appetere. Si uero quis mulierem, quæ nupta est, cum eam innuptam esse opinetur, uxorem sibi dari concupiscit, neque, si in matrimonio alij collocatam intelligeret, eam nuptam sibi dari cuperet, id quod Pharaoni, & Abimelech contigisse legimus, qui Saram in matrimonio habere concupierunt, cum eam minime nuptam, Abrahæque sororem, non uxorem, arbitrarentur; ille Gen. 12. 20 certe, qui eo animo est, eiusmodi præcepti legem uiolare non uidetur.

Sed ut Parochus remedia patefaciat, quæ ad tollendum hoc cupiditatis uitium accommodata sunt, explicare alteram præcepti rationem debet; quæ in eo consistit, ut, si diuitie affluant, cor non apponamus, easque pietatis, & diuinarum rerum studio abycere parati simus, & in subleuandas pauperum miseras libenter pecuniam erogemus; si desint facultates, egestatem æquo, & hilari animo feramus. & quidem si rebus nostris dandis liberalitate utemur, rerum alienarum cupiditates restinguemus. De paupertatis autem laudibus, diuitiarumque despicientia, in sacris litteris, & apud sanctos Patres facile erit Parocho multa colligere, & fidei populo tradere. Hac item lege præcipitur, ut ardenti studio, summaque cupiditate optemus id potissimum effici, non quod nos concupiscimus, sed quod Deus uult, quemadmodum Domini oratione exponitur.

Remedia
aduersus
noxias con-
cupiscências

tur. Voluntas autem Dei in eo maxime est, ut nos singulari quodam modo sancti efficiamur, animūq. nostrum sincerum, atque ab omni labe purum, integrumque conseruemus, & exerceamus nos in ijs mentis, ac spiritus officijs, quæ corporis repugnant sensibus; horumque edomitis appetitionibus, ratione, ac spiritu duce, rectum uitæ cursum teneamus; quæ præterea sensus materiam cupiditatibus nostris, libidinique præbent, eorum vim maxime reprimamus. Sed ad hunc cupiditatum ardorē restringendum, plurimum etiam hoc potest, si, quæ incommoda ex illis accidunt, ea nobis ob oculos proponamus. Primum uero illud incommodum est, quod, quoniam eiusmodi cupiditatibus paremus, in anima nostra regnat summa peccati uis, ac potestas. **ad Rom. 6** quamobrem monuit Apostolus; Non regnet peccatum in uestro mortali corpore, ut obediatis concupiscentijs eius. Nam quemadmodum, si cupiditatibus resistimus, peccati uires concident: ita, si ijsdem succumbimus, Dominum a regno suo expellimus, & in eius locum peccatum introducimus. Alterum præterea incommodum est, quod ab hac concupiscendi ui, ueluti fonte quodam, omnia peccata manant, ut D. Iacobus docet. D. item Ioannes, Omne, inquit, quod est in mundo, concupiscentia carnis est, & concupiscentia oculorum, & superbia uitæ. Tertium incommodum in eo est, quoniam rectum animi iudicium his cupiditatibus obscuratur. homines enim ijs cupiditatum tenebris obcæcati

obcecati, honesta, & præclara putant omnia, quæcumq. ipsi concupiscunt. Opprimitur præterea concupiscendi uerbum Dei, quod in animis nostris a magno illo agricola Deo insitum est. sic. n. apud D. Marcum scriptum est: Alij sunt, qui in spinis seminantur: hi sunt, qui uerbum audiunt, & ærumnae sæculi, & deceptio diuitiarum, & circa reliqua concupiscentie introeuntes, suffocant uerbum, & sine fructu efficitur. Iam uero, qui præ ceteris hoc cupiditatis uitio laborant, quosque propterea Parochus ad colendum hoc præceptum diligentius cohortari debet, illi sunt, qui lusionibus non honestis delectantur, aut qui ludis immoderate abutuntur: mercatoresq. item, qui rerum penuriam anxioneque caritatem expetunt, atque id egre ferunt, ut alij præter ipsos sint, qui uendant, aut emant, quo carius uendere, aut uilius emere ipsi possint: qua in re item peccat, qui alios egere cupiunt, ut aut uendendo, aut emendo ipsi lucrentur. Peccant etiam milites, qui bellum expetunt, ut furari ipsis liceat: medici item, qui morbos desiderant: iureconsulti, qui causarum, litiumq. uim, copiamque concupiscunt: tum artifices, quæstus auidi, omnium, quæ ad uitam, cultumq. pertinent, penuriam exoptant, ut inde plurimum lucri faciant. In hoc præterea genere grauius uero peccat, qui alienæ laudis, gloriæque auidi, atque appetentes sunt, non sine aliqua famæ alterius obtrectatione, idque præsertim, si, qui illam appetunt, ignaui, nulliusq. pretij homines sunt: fama enim et gloria,

uirtu-

uirtutis, atque industriae, non ignauis, aut inertiae, premium est.

DE ORATIONE.

IN OFFICIO, & munere Pastoralis cumprimis necessaria est ad salutem fidelis populi, praecipuo Christianae precatationis; cuius uim, ac rationem multos necesse est ignorare, nisi pia, & fidei Pastoris diligentia tradita sit. Quamobrem praecipua Parochi cura uersari debet in eo, ut pii auditores intelligant, quid a Deo, & quo modo orandum sit. Omnes autem necessariae precatationis numeros continet diuina illa formula, quam Christus dominus apostolis, & per illos, eorumque successores, omnibus deinceps, qui Christianam religionem susciperent, notam esse uoluit. cuius uerba, atque sententias sic animo ac memoria comprehendere oportet, ut in promptu habeamus. Ut autem in hac orandi ratione suppeditet Parochis facultas instituendi fideles auditores; quae magis opportuna uisa sunt, hic proposuimus, sumpta ab ijs scriptoribus, quorum eo in genere doctrina, & copia maxime laudatur: nam reliqua, si opus fuerit, Pastores ex eisdem fontibus haurire poterunt.

DE NECESSITATE ORATIONIS.

Primum igitur docendum est, quam sit oratio necessaria: cuius praecipuum non solum consilij causa tradi-

traditum est, sed etiam necessarij iussi uim habet.
 quod a Christo domino declaratum est illis uerbis;
 Oportet semper orare. Hanc orandi necessitatem Luc. 11
 ipsa, etiam illo Dominice preccationis quasi proce-
 mio, ostendit Ecclesia; Preceptis salutaribus mo-
 niti, & diuina institutione formati, audemus di-
 cere. Itaque cum esset necessaria precatio Christia-
 nis hominibus, & illud a discipulis ipse rogatus es-
 set; Domine doce nos orare; prescripsit eis oran- Luc. 11
 di formam Dei filius, & spem attulit impetratio-
 nis eorum, quæ postulerent: & ipse documentum Luc. 6.
 fuit preccationis, qua non solum utebatur assidue,
 sed etiam in ea pernoctabat. cuius deinde officij,
 ijs, qui se ad Iesu Christi fidem contulissent, aposto-
 li precepta tradere non destiterunt. nam sancti &
 Petrus, & Ioannes, de ea diligentissime pios ad- 1. Pet. 3. 4
 monent: & eius rationis memor Apostolus pluri-
 bus locis Christianos hortatur ad salutarem orandi
 necessitatem. Præterea, tam multis indigenus ho-
 nis, & commodis, ad animum, & corpus tuendum
 necessarijs, ut ad preccationem confugere oporteat,
 tamquam ad unam omnium optimam & indigen-
 tiæ nostræ interpretem, & conciliatricem eorum,
 quibus egemus. Nam, cum nihil cuique debeat 1. Cor. 12. 13
 Deus; reliquum profecto est, ut, quæ nobis opus
 sunt, ab eo precibus expetamus; quas preces tam
 quam instrumentum necessarium nobis dedit ad id,
 quod optaremus, consequendum: præsertim cum
 quædam esse constet, quæ nisi eius adiumento non

M M liceat

liceat impetrare. Habent enim sacræ preces præstantem illam uirtutem, qua maxime demones eiciuntur. Est enim quoddam demonium genus, quod non eicitur nisi ieiunio, & oratione. Quare magnam sibi adimunt facultatem singularium donorum, qui hanc consuetudinem, exercitationemque non adhibent, pie ac diligenter orandi. petitione enim non solum honesta, sed etiam assidua opus est ad impetrandum, quod concupiscas. Nam, ut inquit S. Hieronymus, scriptum est, Omni petenti datur. ergo si tibi non datur, ob id non datur, quia non petis: petite ergo, & accipietis.

DE UTILITATE ORATIONIS.

Habet autem hæc necessitas iucundissimam utilitatem, quæ fructus ex se edit uberrimos: quorum copiam sument Pastores a sacris scriptoribus, cum opus erit illos impertiri fidei populo. nos ex ea copia aliquot elegimus, quos huic tempori accommodatos duximus. Primus autem fructus, quem inde capimus, est is, quod orantes Deo honorem habemus: siquidem est quoddam religionis argumentum oratio, quæ in diuinis litteris thymiamati comparatur. Dirigatur enim, inquit Propheta, oratio mea, sicut incensum in conspectu tuo. Quare nos hac ratione Deo subiectos esse profiteamur; quem bonorum omnium auctorem agnoscimus, & predicamus; in quem solum spectamus; quod unum incolumitatis, salutisque præsidium, atque persu-

per fugium habemus. Huius fructus illis etiam uer-
 bis admonemur; Inuoca me in die tribulationis; ^{Psal. 49}
 eruam te, & honorificabis me. Sequitur fructus
 amplissimus, et iucundissimus orationis, cum a Deo
 preces audiuntur: est enim, ex S. Augustini sen- <sup>S. Augusti-
 nus.</sup>
 tentia, cæli clauis oratio. Nam ascendit, inquit,
 precatio, & descendit Dei miseratio. licet alta sit
 terra, altum cælum: audit tamen Deus hominis
 linguam. Cuius orandi muneris tanta uis est, tanta
 utilitas, ut ea re cælestium donorum amplitudinem
 consequamur. Nam & impetramus nobis, ut du-
 cem, & adiutorem adhibeat spiritum sanctum;
 & fidei assequimur conseruationem, & incolumi-
 tatem, & uitationem pœnarum, & diuinum pa-
 trocinium in tentationibus, & ex Diabolo uictori-
 am. omnino inest in precatione singularis gaudij ci-
 mulus. quonobrem sic loquebatur Dominus;
 Petite, & accipietis, ut gaudium uestrum sit ple- ^{Ioan. 16}
 num. Nec uero, quin huic petitioni præsto sit, &
 occurrat Dei benignitas, ullus relictus est dubitan-
 di locus. quod multa comprobant diuinæ scripturæ
 testimonia; quæ quia sunt in promptu, illa modo
 apud Isaiâ exēpli causa attingemus: Tūc. n. inquit, ^{Isa. 58.}
 inuocabis, & Dominus exaudiet: clamabis, & di-
 cet, ecce adsum. & rursus: Eritq. antequā clamēt, ^{Isa. 63}
 ego exaudiam: adhuc illis loquentibus ego audiam.
 Exempla autem eorum, qui Deū exorauerunt, quia
 propemodum sunt & infinita, et posita ante oculos,
 omittimus. At interdum fit, ut quæ petimus, a Deo

MM ij non

non impetremus . ita est : sed tum maxime prospicit utilitati nostræ Deus ; uel quod alia nobis maiora , & ampliora bona impertitur ; uel quod nec necessarium nobis est , nec utile , quod petimus : immo uero fortasse superuacaneum id futurum sit , si dederit , atque pestiferum . Quædam enim , inquit **S. August.** sanctus Augustinus , negat propitius Deus , quæ concedit iratus . Nonnumquam etiam fit , ut adeo remisse , ac negligenter oremus , ut ne ipsi quidem , quod dicimus , attendamus . Cum autem sit oratio , mentis ascensus ad Deum : si in orando animus , qui ad Deum referri debet , peregrinatur , nulloque studio , nulla adhibita pietate , temere precationis uerba fiunt ; quo modo inanem huius orationis sonitum , Christianam precationem esse dicemus ? Quare minime mirum est , si Deus nostræ non obsequitur uoluntati ; cum uel ipsi nolle id nos , quod petimus , pene probemus , nostræ negligentia & ignoratione precationis ; uel postulemus ea , quæ nobis sunt obfutura . Contra uero scienter , ac diligenter petentibus multo plus tribuitur , quam a Deo postulauerint . quod & Apostolus testatur **Luc. 18** in epistola ad Ephesios ; & illa prodigi filij similitudine declaratur ; qui præclare secum actum esse existimaturus fuit , si in loco mercenarij famuli eum habuisset pater . etsi recte cogitantibus , non solum postulantis nobis cumulat gratiam suam Deus , non modo munerum copia , sed etiam celeritate tribuendi . quod ostendunt diuine litteræ , cū illa utuntur

tis loquendi formula: Desiderium pauperum exau ^{Psal. 9}
 diuit Dominus. intimis enim, & tacitis egentium
 studijs, ne expectata quidem eorum uoce, Deus occur
 rit. Accedit eo etiam ille fructus, quod orando ani
 mi uirtutes & exercemus, & augemus, maxime
 uero fidem. ut enim rite illi non orant, qui fidem
 Deo non habent: Quo modo enim, inquit, inuoca- ^{Ad Rom. 10}
 bunt, in quem non crediderunt? sic fideles, quo
 studiosius orant, eo maiorem, ac certiore fidem
 habent diuinæ curæ, & providentiæ; quæ potissimū
 id requirit a nobis, ut ad se de ijs, quæ nobis opus
 sunt, referentes, omnia postulemus. Posset uero
 Deus non petentibus, ne cogitantibus quidem,
 abunde nobis omnia dilargiri, quo modo & ani
 mantibus rationis expertibus cuncta suppeditat ad
 usus uitæ necessarios; sed beneficentissimus parens
 uult a filijs inuocari: uult nos quotidie rite peten
 do, petere fidentius: uult, impetratis ijs, quæ postu
 lamus, in dies magis testificari, ac prædicare suam
 in nos ipsos benignitatem. Amplificatur etiam
 charitas: nam illum auctorem agnoscentes omni
 um bonorum, utilitatumque nostrarum, quanta
 eum possumus maxima charitate amplectimur: &
 ut amantes colloquio & congressu magis ad amo
 rem incenduntur; sic pii homines, quo sæpius Deo
 facientes preces, & eius implorantes benignita
 tem, quasi cum ipso colloquuntur, eo maiori in
 singulas preces affectu letitia, ad eum aman
 dum, & colendum incitantur ardentius. Propte-

MM iij rea

rea nos hac uti uult exccitatione precationis, ne
 flagrantēs petendi studio quod optamus, tantum
 ea assiduitate, & cupiditate proficiamus, ut digni
 simus, in quos illa conferantur beneficia, quæ antea
 ieiunus, & angustus animus noster capere non po-
 terat. Vult præterea nos id, quod est, intelligere,
 ac præ nobis ferre, si gratiæ cælestis auxilio defera-
 mur, nostra opera nihil consequi posse, propterea-
 que toto animo ad orandum incumbere. Valent
 autem maxime hac tamquam orationis arma con-
 tra naturæ nostræ hostes acerrimos: inquit enim
 sanctus Hilarius: Aduersus Diabolum, armaque
 eius, orationum nostrarum sonitu certandum est.
 Præclarum præterea illum orationis fructum asse-
 quimur, quod, cum proclines simus ad malum, &
 ad libidinis uarios appetitus uitio infirmitatis inge-
 nite, patitur, se nostris cogitationibus concipi;
 ut, dum illum oramus, & mereri eius contendi-
 mus munera, accipiamus innocentie uoluntatem,
 & ab omni labe, delictorum omnium amputatio-
 ne, purgemus. Postremo ex sancti Hieronymi sen-
 tentia, iræ diuinæ resistit oratio. itaque sic ad Moy-
 Exod. 32 sem locutus est Deus: Dimitte me: cum quidem
 pœnas eum ab illo populo petere uolentem, preci-
 bus impediret: nihil enim est, quod æque Deum le-
 niat iratum, aut etiam paratum ad plagas scele-
 ratis inferendas, æque retardet, & reuocet a fu-
 rore, ac preces piorum hominum.

Exposita necessitate, & utilitate Christiane precationis, scire præterea oportet fidelem populum, quot, & quibus partibus ea constet oratio: id enim ad huius officij perfectionem pertinere testatur Apostolus; qui in epistola ad Timotheum ^{1. ad Tim. 2} cohortans ad pie, sancteque orandum, orationis partes diligenter enumerat. Obsecro, inquit, ^{1. ad Tim. 2} primum omnium fieri obsecrationes, orationes, postulationes, gratiarum actiones pro omnibus hominibus. Quod uero subtilis quædam est harum differentia partium; si eius explicationem auditoribus Parochi conducere existimabunt, consulent inter ceteros S. Hilarium, & Augustinum. Sed quoniam duæ sunt præcipue partes orationis, postulatio, & gratiarum actio; a quibus, tamquam a capite, manant reliquæ; minime eas prætermittendas duximus. Nam ad Deum accedimus, ut cultum ei, ac uenerationem adhibentes, uel ab eo aliquid impetremus, uel ipsi de beneficijs, quibus assidue ab eius benignitate ornatur, & augemur, gratias agamus. Vtramque hanc maxime necessariam, partem orationis, Deus ipse pronuncianit ore Dauidis, illis uerbis; In- ^{Psalm. 140} uoca me in die tribulationis; eruam te, & honorificabis me. Quantum autem egeamus diuinæ liberalitatis, ac bonitatis, quis ignorat, modo summam hominum egestatem, & miseriam.

MM iij intuea-

intueatur? Quam uero sit propensa Dei uoluntas in genus humanum, quam effusa in nos benignitas, omnes intelligunt, qui sensu oculorum, & mente præditi sint. Nam quocumque oculos conijcimus, quocumque nos cogitatione conuertimus, nobis admirabilis lux diuinæ beneficentiæ, ac benignitatis oboritur. Quid enim habent homines, quod a Dei largitate profectum non sit? et si omnia sint eius dona, ac munera bonitatis; quid est, quod non omnes pro uiribus beneficentissimum Deum laudibus celebrent, & gratiarum actione prosequantur? Sed utriusque officij, & petendi aliquid a Deo, & ei gratias agendi, multi sunt gradus: quorum alius alio est altior, atque perfectior. Vt igitur fidelis populus non solum oret, sed etiam optime fungatur illo munere orationis, proponunt ei Pastores summam, perfectamque orandi rationem, & ad eam quam diligentissime poterunt hortabuntur. Sed quanam est optimus orandi modus, & summus precationis gradus? nempe is, quo pii, & iusti homines utuntur; qui freti ueræ fidei stabili fundamento, quibusdam optimæ mentis, orationisque gradibus in illum locum perueniunt, ex quo infinitam Dei potentiam, immensam benignitatem, ac sapiëntiam contemplari possunt: ubi etiam in spem certissimam ueniunt, se & quidquid petierint in præsentia, & illam inexplicabilium bonorum uim consecuturos esse, quæ pollicitus est Deus largiturum se ijs, qui diuinum auxilium pie, & ex animo implorarint.

His,

His, quasi duabus a is, elata in calum anima, ar-
 denti studio peruenit ad Deum; quem omni gratia-
 rum & laudum honore prosequitur, quod summis
 ab eo beneficijs affecta sit; tum uero singulari adhi-
 bita pietate, ac ueneratione, quasi filius unicus
 carissi no parenti, quid sibi sit opus, non dubitan-
 ter exponit. Quem precandi modum, effundendi
 uoce, exprimunt diuine littere. inquit enim Pro-
 pheta; Effundo in conspectu eius orationem meam, Psal. 141
 & tribulationem meam ante ipsum pronicio. Quae
 uox eam uim habet, ut nihil reticeat, nihil occul-
 tet, sed effundat omnia is, qui ad orandum uenit,
 fidenter confugiens in sinum amantissimi parentis
 Dei. ad id enim nos doctrina caelestis hortatur il-
 lis uerbis; Effundite coram illo corda uestra: & Psal. 61
 Iacta super Dominum curam tuam. Hunc autem Psal. 54
 precationis gradum significat sanctus Augustinus,
 cum inquit in eo libro, qui inscriptus est Enchiri-
 dion; Quod fides credit, spes et charitas orat. Alius
 est eorum gradus, qui mortiferis peccatis oppressi,
 fide tamen ea, quae mortua dicitur, nituntur sese
 erigere, & ad Deum ascendere, sed, propter inter-
 mortuas uires, summamque fidei imbecillitatem, se
 altius a terra tollere non possunt: uerum tamen sua
 peccata recognoscentes, & eorum conscientia, ac
 dolore cruciati, humiliter, ac demisse, ex illo ma-
 xime longinquo loco paenitentes, scelerum a Deo ue-
 niam, et pacem implorant. horum oratio suum ob-
 sinit locum apud Deum. nam eorum preces audiuntur

547

- tur, immo uero huiusmodi homines liberalissime
 tur, immo uero huiusmodi homines liberalissime
 misericors Deus inuitat: Venite, inquit, ad me om-
 nes, qui laboratis, & onerati estis; & ego refi-
 ciam uos. ex horum hominum numero fuit ille pu-
 blicanus, qui cum oculos ad cælum tollere non au-
 deret, exijt tamen, inquit, e templo magis iustifi-
 catus, quam phariseus. Est præterea eorum gra-
 dus, qui nondum fidei lucem acceperunt, uerunta-
 men, diuina benignitate exiguum illorum naturæ
 lumen accendente, uehementer excitantur ad stu-
 dium, cupiditatemque ueritatis; quam ut docean-
 tur, summis precibus petunt. qui si manent in uo-
 luntate, a Dei clementia eorum studium non re-
 pudiat. Quod exemplo Cornelij Centurionis
 comprobatur uidemus. nemini enim, id ex animo
 petenti, clausæ sunt fores diuinae benignitatis. Po-
 siremus est gradus eorum, quos non modo faci-
 norum, ac flagitiorum non penitentes, sed etiam
 sceleribus scelera cumulant, tamen non pudet
 sæpe a Deo petere peccatorum ueniam, in quibus
 uolunt perseuerare; qui tali statu ne ab hominibus
 quidem audere deberent, ut sibi ignoscerent, po-
 stulare. horum oratio a Deo non auditur. sic enim
 de Antiocho scriptum est; Orabat autem hic sce-
 lestus Dominum, a quo non esset misericordiam con-
 secuturus. Quare uehementer hortandi sunt, qui
 in graui illa miseria uersantur, ut, abiecta peccan-
 di uoluntate, uere & ex animo se conuertant ad
 Deum.

DE IIS, QUAE PETENDA SVNT.

Sed quoniam, in singulis petitionibus quid postu-
landum, quid non, suo loco dicetur; satis hic erit
fideles uniuerse illud admonere, ut, quae iusta, quae
ue honesta sint, a Deo petant homines; ne, si, con-
tra quam deceat, aliquid postularint, illo respon- Matth. 10
so repellantur; Nescitis, quid petatis. Quidquid Ioan. 15
autem recte optari potest, petere licet. quod illa Do-
mini uberrima promissa testantur; Quodcumque
uolueritis, petetis, & fiet uobis. omnia enim se con-
cessurum pollicetur quare primum optatum, ac desi-
derium nostrum ad eam regulam dirigemus, ut ad
Deum, qui summum est bonum, summum studium,
desideriumq. referatur. Deinde cupiemus ea, quae
cum Deo nos maxime coniungant: quae uero nos inde
seiuuant, aut causam aliquam afferant disianctio-
nis, ab omni studio, & cupiditate nostra remouenda
sunt. Hinc licet colligere secundum illud summum,
& perfectum bonum. quo modo reliqua, quae dicun-
tur bona, & optanda sint, & a parente Deo postu-
landa. Nam haec corporis quae uocant, & exter-
na bona, ut sanitas, robur, pulchritudo, diuitiae,
honores, gloria, quia facultatem, ac materiam sa-
pe dant peccato, (qua re fit, ut non omnino pie,
aut salutariter petantur) erit illa petitio his pra-
scribenda finibus, ut haec uitae commoda postu-
lentur necessitatis causa. quae praecandi ratio re-
fertur ad Deum. Licet enim nobis ea precibus
petere

petere, quæ & Iacob, & Salomon poscunt. ille
 Gen. 28 enim in hunc modum, Si dederis mihi panem ad ue
 scendum, & uestimentum ad induendum, erit mihi
 Prouer. 30 dominus in Deum. Salomon his uerbis; Tribue
 tantum uictui meo necessaria. Cum uero nobis Dei
 benignitate suppeditetur ad uictum, & ad cultum,
 par est, nos illius Apostoli cohortationis recordari:
 1. ad Cor. 7 Qui emunt tamquam non possidentes, & qui utun
 tur hoc mundo, tamquam non utantur: præte
 rit enim figura huius mundi. Item: Diuitiæ si af
 fluant, nolite cor apponere. quarum fructum, &
 Psal. 61 usum tantummodo nostrum esse, sed ita, ut cum
 ceteris communicemus, ab ipso doctore Deo didi
 cimus. si ualemus; si reliquis externis, & cor
 poris bonis abundamus; eo illa nobis tributa es
 se memnerimus, ut & facilius Deo inseruire pos
 simus, & proximo omnia eius generis commoda
 re. Ingenij autem bona, & ornamenta, cuius ge
 neris sunt artes, atque doctrinæ, petere non licet,
 sed ea tantum condicione, si nobis ad Dei gloriam,
 & ad salutem profutura sunt. Quod autem omni
 no, & sine adiunctione, aut condicione optandum,
 querendum, postulandum est, quemadmodum an
 tea diximus, id Dei gloria est, & deinceps omnia,
 quæ summo illi bono coniungere nos queant, ut fi
 des, timor Dei, amor, de quibus plenius dicemus
 in explicatione petitionum.

PRO QVIBVS ORANDVM SIT.

His autem cognitis, quæ petenda sint, docendus
 est

est fidelis populus, pro quibus orare debeat. Continet autem oratio petitionem, & gratiarum actionem: quare prius de petitione dicamus. Orandum igitur est pro omnibus siue ulla exceptione uel inimicitarum, uel gentis, uel religionis. nam siue hostis sit, siue alienus, siue infidelis, proximus est: quem quia Dei iussu amare debemus, sequitur, ut preces quoque, quod amoris officium est, pro eo facere oporteat. nam eo pertinet illa Apostoli cohortatio; Obsecro fieri orationes pro omnibus hominibus. Qua in oratione primum petenda sunt, quae salutem animae complectuntur, deinde quae corporis. Debemus autem hoc precationis officium primum Pastoribus animarum tribuere, quod ab Apostolo eius exemplo monemur. scribit enim is ad Colossenses, ut orent pro se, ut sibi Deus aperiat ostium sermonis. quod item facit ad Thessalonicenses. Est praeterea in Actis apostolorum; Oratio fiebat sine intermissione ab Ecclesia pro Petro. Cuius etiam officium a D. Basilio in libris de moribus admonemur: pro ijs enim orandum esse, inquit, qui praesunt uerbo ueritatis. Secundo loco pro principibus nos precari oportet, ex eiusdem Apostoli sententia. quanto enim publico bono principibus pijs, & iustis utamur, nemo ignorat. itaque rogandus est Deus, ut tales sint, quales esse oportet, qui reliquis hominibus praesint. Extant exempla sanctorum hominum, quibus monemur, ut pro bonis etiam, pijsque deprecemur. Egent enim & illi precibus aliorum: quod

1. ad Tim. 2

Ad Colos. 4

Act. 13

quod diuinitus factum est, ne superbia efferatur, di-
 intelligunt se inferiorum suffragiis indigere. Iussit
 Matth. 5 præterea Dominus precari pro persecutibus, et ca-
 lumniantibus nos. Illud etiam S. August. testimonio
 celebratum est, hanc esse acceptam consuetudinē ab
 apostolis pro ijs, qui ab Ecclesia sunt alieni, preces,
 et vota faciēdi, ut infidelibus donetur fides: ut idolo-
 rum cultores ab impietatis errore liberentur: ut Iu-
 dei, discussa animorum caligine, lucem ueritatis ac-
 cipiant: ut hæretici redeuntes ad sanitatē, catholica
 doctrina præceptis erudiantur: ut schismatici, a qua
 descuerunt sanctissimæ parentis Ecclesiæ cōmunio-
 ne, cum ea iterum ueræ charitatis nodo iuncti copu-
 letur. Quantam autē uim habeant preces pro huius-
 modi hominibus factæ ex animo, constat tam mul-
 tis exemplis omnis hominum generis, quos quoti-
 die, ereptos a potestate tenebrarum, trāsferat Deus
 in regnum filij charitatis suæ: & ex uasis iræ, fa-
 cit uasā misericordiæ. in quo plurimum ualere pio-
 rum obsecrationem, nemo, qui recte sentiat, dubi-
 tare potest. Preces autem, quæ pro mortuis fiunt,
 ut ab igne Purgatorij liberentur, ex apostolorum
 doctrina fluxerunt. quæ de re satis dictum est, cum
 de sacrificio Missæ loqueremur. In ijs autem, qui
 peccare dicuntur ad mortem, uix quidquam pre-
 cibus, uotisq. proficitur. Veruntamen est Christianæ
 charitatis, et precari pro illis, & lacrymis contende-
 re, an eis possint reddere pacatū Deum. Execratio-
 nes uero sanctorū hominū, quibus in impios utitur
 ex

ex patrū sentētia, cōstat esse uel prædictiones eorū,
 quæ illis euētura sunt, uel adhibitas cōtra peccatū,
 ut, saluis hominibus, peccati uis intereat. In altera
 parte precationis, maximas Deo gratias agimus
 pro diuinis eius, immortalibusq. beneficijs, quibus
 et semper affecit, et quotidie afficit humanū genus.
 Maxime autē fungimur hoc munere gratiarum ac-
 tionis sanctōrū omniū causa, quo in officio singula-
 res Deo laudes tribuimus, et eorū uictoriæ, & triū-
 phi, quæ de omnibus et intinis, et externis hostibus
 eius benignitate deportarūt. Huc pertinet prima il-
 la pars Angelicæ salutationis, cū ea ad precandum
 utimur: *Aue Maria*, gratia plena: Dominus tecū:
 benedicta tu in mulieribus. Nā Deum summis &
 habendis laudibus, & gratijs agendis celebramus,
 quod sanctissimā uirginē omni caelestium donorum
 munere cumulauit; ipsiq. uirgini singularem illam
 gratulamur felicitatē. Iurē autē sancta Dei Eccle-
 sia huic gratiarum actioni preces etiam & implora-
 tionē sanctissimæ Dei matris adiunxit, qua pie atq.
 suppliciter ad eā cōfugeremus, ut nobis peccatori-
 bus sua intercessione conciliaret Deum, bonaq. tum
 ad hanc, tum ad eternā uitā necessaria impetraret.
 Ergo nos exules, filij Euxæ, qui hāc lacrymarū ual-
 lē incolimus, assidue misericordiæ matrē, ac fidelis
 populi aduocatā inuocare debemus, ut oret pro no-
 bis peccatoribus, ab eaq. hac prece opē & auxiliū
 implorare, cuius & præstātissima merita apud Deū
 esse, & summam uoluntatem inuandi humanum ge-
 nus, nemo, nisi impie & nefarie, dubitare potest.

Deum autem orandum esse, & eius nomen inuocandum, ipsa loquitur natura uis, insita in hominum mentibus, non solum tradunt diuine littere, **Psalm. 49** in quibus licet audire imperantem Deum, Inuocame in die tribulationis: sed Dei nomine tres personas intelligi oportet. Secundo loco confugimus ad auxilia sanctorum, qui in caelo sunt: quibus etiam preces esse faciendas, ita certum est in Ecclesia Dei, ut pijs nulla de eo dubitatio possit accidere. quae res quia separatim suo loco est explicata; eo & Parochos, & ceteros transmittimus. sed ut tollatur omnis error imperitorum, operae pretium erit docere fidelem populum, quid intersit inter hanc inuocandi rationem. non enim eodem modo Deum, & sanctos imploramus. nam precamur Deum, ut ipse uel bona det, uel liberet a malis: a sanctis autem, quia gratiosi sunt apud Deum, petimus, ut nostri patrocinium suscipiant, ut nobis a Deo impetrent ea, quorum indigemus. hinc duas adhibemus precandi formulas, modo differentes. ad Deum enim proprie dicimus, Miserere nobis, Audi nos: ad sanctum, Ora pro nobis. Quamquam licet etiam alia quadam ratione petere a sanctis ipsis, ut nostri misereantur: sunt enim maxime misericordes. itaque precari possumus eos, ut, conditionis nostrae miseria permoti, sua nos apud Deum gratia, ac deprecatione inuent. Quo loco illud maxime cauendum est omnibus, ne, quod Dei proprium

prium est, cuiquam præterea tribuant: immo uero, cum ad imaginem sancti alicuius quis Dominicam orationem pronunciat, ita tum sentiat, se ab illo petere, ut secum oret, sibi que postulet ea, quæ Dominicæ orationis formula continentur, & sui denique sit interpres, & deprecator ad Deum. nam eos hoc fungi officio docuit sanctus Ioannes apostolus in Apocalypsi.

Apocal. 8

DE PRÆPARATIONE ADHIBENDA.

Est in diuinis litteris; Ante orationem præpara animam tuam, & noli esse quasi homo, qui tentat Deum. Tentat enim Deus is, qui cum bene orat, male agit; & cum loquatur cum Deo, a precibus animus eius aberrat. Quare cum tanti intersit, quo quisque animo Deo preces faciat, tradent Parochi uias precationem pijs auditoribus. Primus igitur gradus ad orationem erit, uere humilis, ac demissus animus, scelerum quoque recognitio: qui bus sceleribus intelligat, qui ad Deum accedit, se non modo dignum non esse, qui quidquam impetret a Deo, sed qui ne in eius quidem conspectum ueniat oraturus. Huius præparationis sapissime mentionem faciunt diuinæ litteræ, quæ & illud loquuntur; Respexit in orationem humilium, & non spreuit preces eorum. item; Oratio humiliantis se, nubes penetrabit. Sed occurrent Pastoribus eruditis loci innumerabiles, qui in eam sententiam conueniant: quamobrem plurimum non necessaria com-

Eccle. 18

Psal. 101

Eccle. 35

NN

memora-

memoratione supersedemus . tantum uero , quæ
 alias attigimus , ne in hac quidem parte , quia sunt
 apposita ad hanc rationem , duo illa exempla præ-
 Luc. 18 termitteremus . Publicanus est ille notissimus ,
 qui longe consistens , oculos humo tollere non au-
 Luc. 7 debat . Est etiam mulier illa peccatrix , quæ , dolo-
 re commota , lacrymis pedes Christi domini per-
 fudit . uterque , quantum afferat orationi pon-
 dus humilitas Christiana , declarauit . Sequi-
 tur angor quidam in recordatione delictorum ,
 uel saltem aliquis doloris sensus ob eam causam ,
 quod dolere non possumus : quorum utrumque ,
 uel certe alterum , nisi a penitente adhibeatur ,
 uenia impetrari non potest . Sed quia sunt quæ-
 dam scelera , quæ maxime obstant , quo minus in
 precatatione Deus postulationi nostræ concedat , ut
 cades , & illata uis ; manus abstinendæ sunt ab hac
 Isa. 1 crudelitate , & uolentia . de quo facinore sic Isaia
 ore loquitur Deus : Cū extenderitis manus uestras ,
 auertam oculos meos a uobis : & cum multiplica-
 ueritis orationem , non exaudiam : manus enim ue-
 stræ sanguine plenæ sunt . Fugienda est ira , ac diffi-
 dium ; quæ magnopere etiam impediunt , ne preces
 i. ad Tim. 2 audiantur . de quibus est illud Apostoli ; Volo uiros
 orare in omni loco , leuantes puras manus sine ira ,
 & disceptatione . Videndum est præterea , ne nos
 Mar. 11 implacabiles cuiquam præbeamus in iniuria : nam
 sic aff. Et , Deum precibus adducere non poteri-
 mus , ut nobis ignoscat . Cum enim stabitis , in-
 Matth. 5 quit

quit ipse, ad orandum, dimittite, si quid habetis;
 & si non dimiseritis hominibus, nec pater uester
 dimittet uobis peccata uestra. Cauendum quo-
 que est, ne duri simus, & inhumani egentibus.
 nam in eiusmodi homines illud dictum est: Qui ob-
 turat aurem suam ad clamorem pauperis, & ipse
 clamabit, & non exaudietur. Quid dicemus de
 superbia? quæ quantopere Deum offendat, testis
 est illa uox; Deus superbis resistit, humilibus au-
 tem dat gratiã. Quid de contemptione diuinorum
 oraculorum? in quam extat illud Solomonis: Qui
 declinat aures suas ne audiat legem, oratio eius
 erit execrabilis. Quo tamen loco non excludi-
 tur deprecatio facta iniuriæ, non cadis, non ira-
 cundiæ, non illiberalitatis in pauperes, non super-
 biæ, non despicientiæ diuinæ orationis, non deni-
 que reliquorum scelerum, si ignoscendi uenia peti-
 tur. Est uero ad hanc quoque præparationem ani-
 mi, fides necessaria; quæ si desit, neque de summi
 Patris omnipotentia, neque de illius misericor-
 dia, unde tamen orantis fiducia oritur, habetur
 cognitio; quemadmodum docuit ipse Christus do-
 minus; Omnia, inquit, quæcumque petieritis in
 oratione, credentes accipietis. De huiusmodi fi-
 de scribit sanctus Augustinus de uerbis Domini:
 Si fides defecit, oratio perijt. Caput igitur est ad
 rite orandum, quod iam dictum est, ut fide fir-
 mi, ac fixi simus. quod Apostolus ex contrario
 ostendit: Quo modo inuocabunt, in quem non

Prouer. 21

Iacob. 4

1. Pet. 5

Prouer. 28

Matth. 21

Ad Rom. 10

NN ij credide-

crediderunt? Itaque credamus oportet, ut & ora-
re possimus, & ne nos fides ipsa deficiat, qua salu-
tariter oramus. Fides enim est, quæ preces fundit:
preces faciunt, ut, omni dubitatione sublata, sta-
bilis, ac firma sit fides. In hanc sententiam sanctus
hortabatur Ignatius eos, qui ad Deum adirent ora-
turi: Noli dubio esse animo in oratione: Beatus
est, qui non dubitauerit. Quare ad impetrandum
quod uelimus a Deo, maximum pōdus affert fides,
& certa spes impetrandi. quod monet sanctus Iaco-
bus; Postulet in fide, nihil hæsitans. Multa sunt,
quibus nos confidere oportet in hoc officio precatio-
nis. Est ipsa Dei in nos perspecta uoluntas, ac beni-
gnitas, cum iubet nos se patrem appellare, ut eius
nos esse filios intelligamus. Est prope infinitus nu-
merus eorum, qui Deum exorauerunt. Est sum-
mus ille deprecator, qui nobis semper præsto est,
Christus dominus; de quo sic est apud sanctum Ioan-
nem; Si quis peccauerit, aduocatum habemus apud
patrem, Iesum Christum iustum; & ipse est pro-
pitiatio pro peccatis nostris. Item Paulus aposto-
lus: Christus Iesus, qui mortuus est, immo qui
& resurrexit, qui est ad dexteram Dei, qui etiam
interpellat pro nobis. Item ad Timotheum: Vnus
enim Deus, unus & mediator Dei, & hominum
homo Christus Iesus. Tum ad Hebræos: Vnde de-
buit per omnia fratribus assimilari, ut misericors
fieret, & fidelis pontifex ad Deum. Quare et-
si nos indigni sumus, qui impetremus, tamen
optimi

Iacobi 1

1. Ioan. 3

Ad Rom. 8

1. ad Tim. 2

Ad Heb. 2

optimi dignitate interpretis, ac deprecatoris Iesu Christi sperare, & magnopere confidere debemus, nobis omnia, quæ per illum rite petierimus, concessurum Deum. Denique nostræ auctor est precationis spiritus sanctus: quo duce preces nostras audiri necesse est. Accepimus enim spiritum adoptionis filiorum Dei, in quo clamamus, Abba pater. Ad Rom. 8 qui quidem spiritus infirmitatem, qui inscitiam nostram adiuuat in hoc orandi munere: immo uero, inquit, ipse postulat pro nobis gemitibus inenarrabilibus. Quod si qui titubant interdum, nec se satis esse firmos in fide sentiunt; utantur illa uoce apostolorum; Domine adauge nobis fidem: & cæci illius, Ad Rom. 8
Luc. 17 adiuua incredulitatem meam. Sed tum maxime & fide, & spe uigentes, omnia a Deo optata consequemur, cum ad ipsius Dei legem, ac uoluntatem, omnem mentem, actionem, & orationem nostram conformabimus: Si manseritis, enim inquit, in me, & uerba mea in uobis manserint; quodcumque uolueritis, petetis, & fiet uobis. Marc. 9 Quamquam ad hanc impetrandi a Deo omnia facultatem, in primis necessaria est, ut antea diximus, obliuio iniuriarum, & beneuolentia, ac benefica uoluntas in proximos. Ioan. 15

QVÆ RATIO IN ORANDO

REQVIRITVR.

Maxime autem refert, quo modo sacris precibus utamur. nam etsi precatio bonum est salutare, tamen, nisi recte adhibeatur, minime prodest: quod

NN in enim

enim petimus, saepe non assequimur, ut sanctus in-
 Iacobi 4. quit Iacobus, ob eam causam, quia male petimus.
 Ergo docebunt Parochi fidelem populum, quæ sit
 optima ratio bene petendi, & priuatim, ac publi-
 ce orandi. quæ præcepta Christianæ orationis tra-
 Iohan. 4. dita sunt ex Christi domini disciplina. Est igitur orā-
 dum in spiritu, & ueritate. nam celestis pater ta-
 les quærit, qui adorent eum in spiritu, & uerita-
 te. orat autem eo modo, qui intimum, ac flagrans
 animi studium adhibet. a qua spiritali precandi ra-
 tione uocalem non excludimus: uerum tamen prin-
 cipatum iure tribuendum ducimus illi, quæ a ue-
 hementi animo proficiscitur, obsecrationi: quam
 Deus, cui patent occultæ hominum cogitationes,
 I. Reg. 1. audit, etiam si non ore proferatur. Audiuit An-
 næ, eius, quæ fuit mater Samuelis, intimas pre-
 ces; de qua illud legimus, flentem orasse, & tan-
 tum labia mouentem. Oravit hoc modo Dauid: in-
 quit enim: Tibi dixit cor meum, exquisiuit te fa-
 cies mea. Huiusmodi exempla in diuinis libris pas-
 sim legentibus occurrunt. Habet autem uocalis
 oratio propriam utilitatem, & necessitatem: nam
 incendit animi studium, & religionem orantis in-
 S. August. flammât. quod ad Probam scripsit sanctus Augu-
 stinus hoc modo: Nonnumquam uerbis & alijs si-
 gnis ad augendum desiderium sanctum, nos ipsi
 acrius excitamus. Cogimur interdum uehementi
 animi cupiditate, & pietate, uerbis efferre sen-
 tentiam. nam exultante animo letitia, per etiam
 est,

est, linguam exultare. & uere decet nos cumulat-
 um illud sacrificium facere & animæ, & corpo-
 ris, quem Apostolorum orandi morem fuisse, ex
 Actis, & ex Apostolo multis locis cognoscimus.
 Sed quoniam duplex precandi ratio est, priuata, &
 publica: priuata orationis pronuntiatione utimur,
 ut intimum studium, & pietatem adiuuet; in pu-
 blica, quæ ad incitandam fidelis populi religionem
 instituta est, certis, statisque temporibus lingue
 officio supersederi nullo modo potest. Hanc uero
 spiritus orandi consuetudinem, propriam Christi-
 anorum hominum, infideles minime colunt: de qui-
 bus ita licet Christum dominum loquentem audi-
 re: Orantes nolite multum loqui, sicut ethnici fa-
 ciunt: putant enim, quod in multiloquio suo exau-
 diantur. nolite ergo assimilari eis: scit enim pater
 uester, quod opus sit uobis, ante quam petatis eum.
 Cum autem prohibeat loquacitatem; longas ta-
 men preces, quæ a rehentem, ac diuturno ani-
 mi studio proficiuntur, tantum abest, ut reijci-
 at, ut etiam suo exemplo nos ad eam rationem
 cohortetur, qui non octo noctes in precatione con-
 sumpsit, sed ter eundem sermonem repetijt. Tan-
 tum igitur statuendum est, inani uerborum sono
 minime exorari Deum. Nec uero ex animo orant
 hypocritæ: a quorum nas cōsuetudine deterret Chri-
 stus dominus in hanc sententiam: Cum oratis, non
 eritis sicut hypocritæ, qui amant in synagogis, &
 in angulis platearum stantes, orare, ut uideantur

Matth. 6

Luc. 6
Matth. 26

Matth. 6

NN iij ab

ab hominibus . amen dico uobis , receperunt mercedem suam . Tu autem cum oraueris , intra in cubiculum tuum , & , clauso ostio , ora patrem suum in abscondito ; & pater tuus , qui uidet in abscondito , reddet tibi . Cubiculum , quod hoc loco dicitur , ad cor hominis referri potest ; quod non satis est ingredi , sed praterea occludi oportet , ne quid irrumpat , uel influat in animas extrinsecus , quo precationis integritas uiolari possit . tum enim celestis pater , qui omnium mentes , & occultas cogitationes maxime perspicit , orantis postulationi concedit . Requirit praterea oratio assiduitatem : quæ quantam uim habeat , iudicis illius exemplo , Dei filius ostendit : qui cum nec timeret Deum , nec hominem reuereretur , uictus assiduitate , ac diligentia uiduæ , eius postulationi concessit . Itaque assidue Deo preces faciendæ sunt ; nec imitandi illi , qui semel , aut iterum orantes , nisi , quod petunt , impetrarint , in oratione defatigantur . nulla enim huius officij lassitudo esse debet : quod nos Christi domini , & Apostoli docet auctoritas . quod si interdum uoluntas in eo defecerit , precibus a Deo petamus perseuerandi uim . Vult etiam Dei filius orationem nostram ad patrem suo nomine peruenire : quæ eius merito , et gratia deprecatoris id pōdus assequitur , ut a celesti patre audiatur . est enim eius illa uox apud S. Ioannem ; Amen amē dico uobis , si quid petieritis patrem in nomine meo , dabit uobis : usque modo non petistis quidquam in nomine meo ? petite , & ac-

& accipietis, ut gaudium uestrum sit plenum. &
 iterum: Quodcumque petieritis patrem in nomine ^{Ioan. 14}
 meo, hoc faciam. Imitemur ardens sanctorum ho-
 minum studium, quod in orando adhibebant. Gra-
 tiarum autem actionem cum precatione iungamus,
 apostolorum exemplo; qui hanc consuetudinem per-
 petuo seruauerunt: quemadmodum apud Aposto-
 lum licet uidere. Ieiunium uero, & eleemosynam
 ad orationem adhibeamus. Ieiunium quidem cer-
 te maxime est cum oratione sociatum. nam qui
 cibo, & potu sunt onusti, horum mens oppressa
 est sic, ut neque Deum intueri, neque, quid sibi
 uelit oratio, cogitare possint. Sequitur Eleemo-
 syna; quæ magnam & ipsa cum oratione socie-
 tatem habet. quis enim, cui facultas sit benigne
 faciendi ei, qui aliena misericordia uiuat, nec
 opituletur proximo, & fratri suo, se charita-
 te præditum dicere audeat? aut quo ore is, qui
 expers sit charitatis, Dei auxilium implorabit?
 nisi tum peccati ueniam precatur, simul & a
 Deo suppliciter postulat charitatem. Quare di-
 uinitus factum est, ut saluti hominum triplici hoc
 remedio subueniretur. cum enim peccando uel offen-
 damus Deum, uel proximos uiolemus, uel nos ip-
 sos ledamus; sacris precibus placatum reddimus
 Deum; eleemosyna redimimus hominum offensio-
 nes; ieiunio proprias uitæ sordes eluimus. & quā-
 quam singula prosint ad omnium scelerum genera,
 tamen proprie singulis ijs peccatis, quæ diximus,
 apposi-

apposita, & accommodata sunt.

PATER NOSTER QUI ES
IN CAELIS.

VM hac formula Christianae pre-
cationis, a Iesu Christo tradita, eam ha-

C beat uiam, ut, ante quam ad preces,
postulationesq. ueniamus, certis uer-
bis loco proæmij nobis utendum sit, quibus pie ad
Deum accedentes, fidentius etiam id facere possi-
mus; Parochi officium est, illa distincte, diluci-
deque declarare, ut alacrior pius populus ad pre-
ces adeat, seque cum patre Deo acturum intelligat.
Proæmium autem, si spectes uerba, breuissimum
est; si res æstimes, grauiissimum, mysteriorumque
plenissimum. Ac prima quidem uox, qua Dei ius-
su, & institutione utimur in hac prædicatione, est
PATER. nam etsi Saluator noster diuinam hanc
orationem prætexere potuit aliquo uerbo, quod
plus maiestatis haberet, exempli causa, Creato-
ris, aut Domini; tamen hac omisit, quæ timo-
rem simul nobis asferre possent; illud autem ad-
hibuit, quod orantibus, & aliquid a Deo peten-
tibus, amorem, fiduciamque conciliat. quid
enim iucundius est patris nomine? quod indulgen-
tiam sonat, & charitatem. Quibus autem ratio-
nibus patris nomen Deo conueniat, supeditabit
facultas docendi fidelem populum, ex locis crea-
tionis, gubernationis, ac redemptionis. nam cum
Deus

Deus hominem creauerit ad imaginem suam, nec illam ceteris animantibus impertiuert, ex hoc singulari munere, quo hominem ornauit, iure omnium hominum, nec fidelium modo, sed etiam infidelium, Pater in diuinis scripturis appellatur. A gubernatione uero sumere poterit argumentum, quod, prospiciendo, & consulendo utilitati hominum, præcipuo quodam curæ, & prouidentie modo nobis præstat patriam charitatem. Sed ut in huius explicatione argumenti paternam Dei de hominibus curam melius agnoscat, de custodia angelorum, in quorum tutela sunt homines, aliquid dicendum uidetur. Est enim Dei prouidentia datum hoc negotium angelis, ut custodiant humanum genus, singulisque hominibus præsto sint, ne grauius aliquod detrimentum accipiant. nam ut parentes, si infesta, & periculosa uia filiis iter faciendum sit, custodes adhibent, & periculorum adiutores: sic cælestis parens in hoc itinere, quod ad cælestem patriam contendimus, singulis nobis præposuit angelos, quorum ope, ac diligentia tecti, furtim paratos ab hostibus laqueos uitaremus, & factos in nos horribiles impetus repelleremus, iisque ducibus rectum iter teneremus; ne obiectus aliquis error a fallaci aduersario, nos de uia posset deducere, quæ ducit in celum. Quam uero habeat utilitatem hæc de hominibus Dei cura, ac prouidentia singularis, cuius munus, & administratio mandata est angelis, quorum

inter

inter Deum, & homines media est, et interiecta natura; patet exemplis, quorum copiam suppeditant diuinæ litteræ, quæ testantur, sæpe Dei benignitate factum esse, ut, inspectantibus hominibus angeli mirabiles res efficerent; quibus moneremur, innumerabilia eius generis, quæ sub oculos non caderent, a custodibus nostræ salutis angelis effici utiliter, Tob. 5.6 ac salutariter. Raphael angelus, Tobie comes, & dux itineris diuinitus adiunctus, illum duxit, & reduxit incolumem. cui & adiumento fuit, ne ab immani pisce deuoraretur; &, quanta esset in eius piscis iecore, fele, & corde uis, demonstrauit. Tob. 6 Ille demonum expulit, eiusque impedita, & colligata potestate, ne Tobie noceret, effecit. ille uerū, & legitimum matrimonij ius, & usum adolescentem edocuit. Tob. 12 Ille Tobie patri, oculis capto, lumina restituit. Angelus item ille, Principis apostolorum liberator, uberem præbebit materiam ad erudiendum pium gregem de admirabili fructu curæ, custodiæque angelorum, cum demonstrabunt Parochi angelum carceris tenebras illustrantem, & Petrum tacto eius latere, e somno excitantem, soluentem cathenas, dirumpentem uincula, monentem ut surgeret, seque sumptis caligis, & reliquo uestitu sequeretur; cum docebunt ab eodem angelo Petrum per custodias libere educatum e carcere, & aperta denique ianua in tuto collocatum. Huius generis exemplorum, quemadmodum diximus, referta est sanctarum litterarum historia, quibus intelli-

intelligimus quanta sit uis beneficiorum, quæ confert in homines Deus, angelis interpretibus, & internuncijs, nec solum certa aliqua, & priuata de re missis, sed a primo ortu, nostræ curæ præpositis, & in singulorum hominum salutis præsidio collocatis. Hanc doctrinæ diligentiam illa utilitas consequetur, ut audientium mentes erigantur, & ad agnoscendam, ac uenerandam Dei paternam de se curam, ac providentiam excitentur. Commendabit autem hoc loco Parochus, in primisque prædicabit diuitias benignitatis Dei erga genus humanum; quem cum a primo parente nostri generis, & peccati, usque ad hanc diem offenderimus flagitijs, ac sceleribus innumerabilibus, retinet tamen in nos charitatem, neque præcipuam illam de nobis curam deponit. Quem si quis existimat hominum obliuisci, amens est, & in Deum iacit indignissimam contumeliam. Irascitur Israeli Deus propter eius gentis blasphemiam, quæ se arbitrabatur celesti ope desertam esse. Est enim in Exodo: Tentauerunt Dominum, dicentes; Est ne Deus in nobis, an non? Et apud Ezechielem, succenset eidem populo Deus, quod dixerat; Non uidet Dominus nos; dereliquit Dominus terram. Ergo fidelis his auctoritatibus a nefaria illa opinione deterrendi sunt, fieri posse, ut Deum capiat hominum obliuio. In quam sententiam audire licet conquerentem de Deo apud Isaiam Israeliticum populum; contraque, Deum stultam eius querimoniam benigna similitudine refellen-

Exod. 17

Ezech. 8

Isa. 49 fellentem. Est enim ibi: Dixit Syon: Dereliquit me Dominus; & Dominus oblitus est mei. cui Deus: Numquid obliuisci potest mulier infantem suum, ut non misereatur filio uteri sui? et si illa oblita fuerit, ego tamen non obliuiscar tui. Ecce in manibus meis descripsi te. Quibus locis quamquam id liquido confirmatur; tamen, ut penitus fidei populo persuadeatur, nullum posse tempus accidere, quo deponat Deus hominum memoriam, quo eis non tribuat patriæ charitatis officia; Parochi rem clarissimo primorum hominum exemplo comprobabunt: quos, post neglectum, uiolatumque Dei iussum, cum acerbius accusatos, & horribili illa Gen. 3 sententia condemnatos audis; Maledicta terra in opere tuo; in laboribus comedes ex ea cunctis diebus uitæ tuæ; spinas, & tribulos germinabit tibi; & comedes herbas terræ: cum uides e paradiso expulsos, & ut omnis reditus spes adimeretur, cum in aditu paradisi collocatum legis Cherubin flammeum tenentem, & uersatilem gladium: cum ab ulciscente suam iniuriam Deo illos intimis, & eternis molestiis conflictatos intelligis: an non actum de homine putes? an non credas non modo diuino illum auxilio nudatum, sed etiam cuius iniuriæ propositum? Verumtamen in tantis diuinæ iræ & ultionis indicijs oborta est lux quædam Dei in eos charitatis. Fecit enim, inquit, dominus Deus Adæ, & uxori eius tunicas pelliceas, & induit eos: quod maximum fuit argumentum, hominibus nullo

nullo umquam tempore defuturum Deum. Huius
 etiam sententiæ vim, non exhauriri Dei amorem ul-
 la hominum iniuria, David expressit illis uerbis;
 Nunquid continebit Deus in ira sua misericordias Psal. 76
 suas? Hanc Habacuc Deum affatus exposuit, dum Abacuch 3
 inquit; Cum iratus fueris, misericordiæ recordabe-
 ris. Hanc sic Michæas aperuit; Quis Deus simi- Mich. 7
 lis tui? qui aufers iniquitatem, & transfers pec-
 catum reliquiarum hereditatis tuæ: non immittet
 ultra furorem suum, quoniam uolens misericor-
 diam est. Omnino res ita se habet: cum maxi-
 me perditos nos, & Dei præsidio spoliatos arbitra-
 mur, tum maxime, pro immensa sua bonita-
 te, nos quærit, & curat Deus; sustinet enim in ira
 gladium iustitiæ, nec cessat effundere inexhaustos
 misericordiæ thesauros. Magnam igitur vim ha-
 bent ad declarandam præcipuam Dei rationem in
 amando, tuendoque hominum genere, creatio, &
 gubernatio. sed tamen illud opus redimendi homi-
 nem sic eminet inter duo superiora, ut beneficentis-
 simus Deus, parensque noster summam in nos be-
 nignitatem tertio hoc beneficio cumulatam illustra-
 rit. Quare tradet spiritualibus filiis Parochus,
 et assidue eorum auribus inculcabit hanc præstatis-
 simam Dei erga nos charitatem, ut intelligant se,
 quia redempti sint, admirabilem in modum Dei fi-
 lios euasisse. Dedit enim, inquit Ioannes, eis pote- Ioan. 1
 statem filios Dei fieri, & ex Deo nati sunt. Quam
 ob causam baptismus, quod primum redemptionis
 pignus

pignus & monumentum habemus, sacramentum
 regenerationis dicitur: inde enim nascimur Dei fi-
 lij: nam inquit ipse Dominus: Quod natum est ex
 spiritu, spiritus est: et oportet uos nasci denuo. Item
 Petrus apostolus, Renati non ex semine corrupti-
 bili, sed incorruptibili, per uerbum Dei uiui. Huius
 pondere redemptionis, & spiritum sanctum accepi-
 mus, & Dei gratia dignati sumus. Quo munere
 Dei filij adoptamur, quemadmodum ad Romanos
 scripsit apostolus Paulus; Non accepistis spiritum
 seruitutis iterum in timore, sed accepistis spiritum
 adoptionis filiorum, in quo clamamus Abba pa-
 ter. Cuius uim, & efficaciam adoptionis expla-
 nat sanctus Ioannes ad hunc modum; Videte qua-
 lem charitatem dedit nobis pater, ut filij Dei nomi-
 nemur, & simus. His expositis, admonendus est
 fidelis populus, quid ipse uicissim debeat amanti-
 simo patri Deo, ut intelligat; quem amorem, ac pie-
 tatem, quam obedientiam, ac uenerationem crea-
 tori, gubernatori, ac redemptori prestare, qua-
 spe, ac fiducia illum inuocare oporteat. Sed ad eru-
 diendam inscitiam, dirigendamque sententiae per-
 uersitatem eorum, si qui tantummodo secundas
 res, & prosperum uitae cursum argumento esse
 existinant, Deum conseruare nobis amorem su-
 um, rebus autem aduersis, & calamitatibus,
 cum a Deo exercemur, id esse signum hostilis in nos
 animi, & prorsus abalienatae a nobis diuinæ uo-
 luntatis; demonstrandum erit, cum tangit nos ma-
 nus

Ioan. 3

1. Pet. 1

Ad Rom. 8

1. Epist. 3

Iob. 19

nus Domini, minime id hostiliter facere Dominum,
 uerum percutiendo sanare, & plagam a Deo ue-
 nientem esse medicinā. Castigat enim peccantes, ut
 ea disciplina meliores faciat, et presenti animaduer-
 sione redimat ab exitio sempiterno. Nam uisitat Psal. 88
 quidem in uirga iniquitates nostras, & in uerberi-
 bus peccata nostra, misericordiam autem suam non
 aufert a nobis. Quare monendi sunt fideles, ut in
 eiusmodi castigatione patriam Dei charitatē agno-
 scant, & illud apud patientissimum Iob in memo- Iob 5
 ria, & in ore habeant: ipse uulnerat, & mede-
 tur: percutit, & manus eius sanabunt: ut illud
 usurpēt, quod sub persona Israelitici populi scripsit
 Hieremias; Castigasti me, & eruditus sum, quasi Hiere. 31
 iuuenculus indomitus; conuerte me; et conuertar;
 quia tu dominus Deus meus. Vt Tobiae exemplum Tob. 11
 sibi proponant, qui cum in illa plaga cecitatis pa-
 ternam Dei manum cadentem sensisset, clamauit:
 Benedico te domine Deus Israel, quia tu castigasti
 me, & tu saluasti me. In quo maxime cauendum
 est fidelibus, ne, etiam si quouis incommodo affe-
 cti, quauis calamitate afflicti sint, Deum id igno- Luc. 21
 rare existiment: ait enim ipse: Capillus de capite
 uestro non peribit. immo uero se ipsi illo diuini ora-
 culi solatio consolentur, quod in Apocalypsi di- Apocal. 3
 ctum est; Ego, quos amo, arguo, & castigo.
 Conquiescant in Apostoli cohortatione ad Hebræ- Ad Heb. 12
 os; Fili mi, noli negligere disciplinam Domini,
 neque fatigeris, dum ab eo argueris: quem enim
 diligis

OO

diligit Dominus, castigat; flagellat autem omnem filium, quem recipit: quod si extra disciplinam estis, adulterini estis, & non filij. patres quidem carnis nostræ eruditores habuimus, & reuerbamur eos; non multo magis obtemperabimus patri spirituum, & uiuemus?

NOSTER. Cum patrem inuocamus singuli, & nostrum appellamus, docemur, ex dono, ac in re diuinæ adoptionis consequi necessario, ut fratres sint fideles omnes, & inter se fraterne amare debeant: Omnes, enim inquit, uos fratres estis; unus est enim pater uester, qui in caelis est. Quare etiam in epistolis, fideles omnes, apostoli fratres appellant. Ex quo item conficitur illa consecutio necessaria, ut eadem adoptione Dei non solum inter se fideles uniuersi fraterna necessitudine coniungantur, sed, quia homo est unigenitus Dei filius, fratres etiā eius & nominentur, & sint. nam in epistola ad Hebræos, cum de filio Dei loqueretur, scripsit Ad Heb. 2 Apostolus; Non confunditur fratres eos uocare, dicens, Nunciabo nomen tuum fratribus meis. quod tanto ante Dauid de Christo domino prædixerat. Ipse uero etiam Christus sic apud Euangelistam loquitur ad mulieres; Ite, nunciate fratribus meis, ut eant in Galilæam; ibi me uidebunt. Matth. 28 Quod tum ab eo dictum esse constat, cum iam excitatus a mortuis immortalitatem esset consecutus; ne quis existimet fraternam hanc cognationem, eius resurrectione, & in caelum ascensu dissolutam esse.

Tan-

Tantum enim abest, ut hanc coniunctionem, & charitatem Christi resurrectio diremerit, ut ex illa maiestatis, & gloriæ sede, tum, cum de omnibus omnis memoriæ hominibus iudicabit, fide – *Matth. 25*
 lium minimos ab eo, fratrum nomine, appellandos acceperimus. Qui autem fieri potest, ut Chri – *Ad Rom. 8*
 sti fratres non simus, cuius coheredes dicimur? *Ad Heb. 1*
 Est enim, primogenitus ipse, constitutus heres uniuersorum; nos uero secundo loco geniti, coheredes eius, pro modo cælestium donorum, pro ratione charitatis, qua præbuerimus nos ministros, & coadiutores spiritus sancti; quo auctore ad uirtutem, salutareshue actiones impellimur, & incendimur, ut eius freti gratia in certamen salutis fortiter descendamus; quo sapienter, constanterque confecto, decursoque huius uitæ spatio, iustum coronæ præmii capimus a cælesti parente, omnibus, qui eundem cursum tenuerint, constitutum. *Ad Heb. 6*
 Non enim, ut ait Apostolus, iniustus est Deus, ut obliuiscatur operis nostri, & dilectionis. Quam uero hanc ex animo uocem **NOSTER** proferre debeamus, S. Chrysostomi sententia declaratur, qui Deum inquit libenter Christianum audire non solum pro se, sed pro altero deprecantem; quod pro se orare naturæ est, pro altero gratiæ; pro se necessitas cogit, pro altero fraterna charitas hortatur. quibus illa subiunxit: Iucundior est Deo, quàm charitas fraterna commendat, quam ea, quæ necessitate pronunciat. In hac tanta materia salutaris orationis, monere,

& hortari debet Parochus omnes omnis ætatis,
 generis, ordinis, ut communis huius fraternæ ne-
 cessitudinis memores, comiter, & fraterne se ge-
 rant, neque se alijs alijs præferant insolentius. Nam
 etsi in Ecclesia Dei diuersi sunt officiorum gradus:
 tamen illa uarietas graduum, & munerum fra-
 ternæ necessitudinis coniunctionem minime tollit:
 quemadmodum in hominis corpore uarius usus, &
 diuersa functio membrorum nihil agit, quamobrem
 hæc, uel illa corporis pars membri minus, & no-
 men amittat. Propone tibi eum, qui regia sit pote-
 state: an is igitur, si fidelis est, frater non est om-
 nium, qui Christianæ fidei communionem continen-
 tur? maxime: quid ita? quia non est Deus alius is,
 ex quo diuites, & reges nati sunt, ab eo, a quo pau-
 peres, & qui in regum potestate sunt, extiterunt,
 sed unus Deus, & parens, & dominus omnium. Itaq.
 una spiritalis ortus omnium nobilitas, una dignitas,
 unus splendor generis; cum omnes ex eodem spiri-
 tu, ex eodem fidei sacramento nati simus filij Dei,
 & eiusdem hereditatis coheredes. Nec uero alium
 Christum Deum habent copiosi, & potentes homi-
 nes, alium tenuiores, & infimi; non alijs sacra-
 mentis sunt initiati, nec aliam hereditatem regni
 celestis expectant. Fratres sumus omnes, &, ut
 Ad Eph. 5 inquit Apostolus ad Ephesios, membra sumus cor-
 poris Christi, de carne eius, & de ossibus eius.
 Quod idem in epistola ad Galatas significat Apo-
 Ad Gal. 3 stolus: Omnes filij Dei estis per fidem in Christo Ie-
 su:

su : quicumque enim in Christo baptizati estis, Christum induistis : non est Iudæus , neque Græcus , non est seruus , neque liber , non est masculus , neque femina : omnes enim uos unum estis in Christo Iesu. Hæc autem accurate uersanda res est Pastoribus animarum , & scienter illis in hac sententia commorandum : est enim accommodatus locus non minus ad confirmandos , & excitandos inopes , & abiectos homines , quam ad coercendam , deprimendamque arrogantiam locupletum , atque potentium. Cui hominum incommodo uti mederetur , urgebat Apostolus fraternam hanc charitatem , & inculcabat fidelium auribus . Cum igitur has Deo preces factururus es , Christiane memineris te tamquam filium ad patrem Deum accedere . itaque cum precationem ordiris , & illud , Pater noster , pronuncias , cogita , quem in locum te summa Dei benignitas extulerit , qui non ut seruum ad dominum adire inuitum , ac timidum , sed ut ad patrem filium uoluntarium , securumque confugere iusserit . Qua in memoria , & cogitatione , quo uicissim studio , & pietate tibi orandum sit , considera : danda enim est tibi opera , te ut talem præbeas , qualem esse decet Dei filium , idest ut oratio , & actiones tue non indignæ sint diuino genere , quo te dignari uoluit beneficentissimus Deus . Ad hanc officij rationem nos Apostolus cohortatur , cum ait : Estote ergo imitatores Dei , sicut filij carissimi : ut uere de nobis dici possit , quod ipse Apostolus scripsit ad Thessaloni-

Ad Eph. 5

OO iij censes

1. Ad The. 5 censes; Omnes uos filij lucis estis, & filij diei.

QVI ES IN CAELIS. Constat inter omnes, qui recte de Deo sentiunt, ubique locorum, & gentium esse Deum. quod non ita intelligendum est, quasi ipse distributus in partes, una parte locum unum, alia alium occupet, ac tueatur. nam Deus spiritus est, omnis expers diuisionis. Quis enim audeat Deum, tamquam in uestigio positum, loci alicuius finibus circumscribere, cum ipse de se dicat; Numquid non calum & terram ego impleo? Quod rursum sic accipiendum est, Deum calum, ac terram, quæque cælo, ac terra comprehensa sunt, ui sua, ac uirtute complecti, non autem ipsum ullo loco contineri. adest enim rebus omnibus Deus, uel creans ipsas, uel conseruans creatas; nulla regione, nullis finibus uel circumscriptus, uel ita definitus, quo minus & naturam, & potestatem suam præsens ubique constituat. quod beatus David expressit illis uerbis: Si ascendero in calum, tu illic es. Verum etsi præsens adsit Deus in locis & rebus omnibus, nullis, ut diximus, terminis definitus, tamen in diuinis scripturis sepe dicitur habere domicilium suum in cælo. quod ideo factum uidemus, quod cæli, quos suspicimus, sunt nobilissima mundi pars, iidemque manent incorrupti, præstantes ui, magnitudine, ac pulchritudine ceteris corporibus, certisque ac stabilibus motibus præditi. Ergo ut excitaret hominum animos Deus ad contemplandam infinitam

Hier. 23

Psal. 138

tam

tam suam potestatem, ac maiestatem, quæ maxime elucet in opere calorum, se in diuinis scripturis habitare testatur in celis: sæpe etiam, quod res est, declarat, nullam esse mundi partem, quæ non præsentis Dei natura, & potestate comprehensa sit. Quamquam in hac cogitatione fideles non solum communis omnium parentis imaginem sibi proponunt, sed etiam in celo regnantis Dei; ut oraturi meminerint, mentem, animumque esse referendum ad cælum; quantumque spei, ac fiducie affert eis patris nomen, tantum Christianæ humilitatis, ac pietatis adiungat præstans illa natura, ac diuina maiestas patris nostri, qui est in celis. Quæ uerba præfiniunt etiam orantibus, quid petendum sit: Omnis enim postulatio nostra, quæ ad huius uite usum, ac necessitatem pertineat, nisi cum cælestibus sit coniuncta bonis, & ad illum finem dirigatur, inanis est, & indigna Christiano. Quare monebunt pios auditores Parochi de hac ratione precationis, & admonitionem illa Apostoli auctoritate comprobabunt; Si consurrexistis cum Christo, quæ sursum sunt querite, ubi Christus est in dextera Dei sedens; quæ sursum sunt sapite, non quæ super terram.

Ad Colos. 3

SANCTIFICETVR NOMEN TVVM.

Quid a Deo petendum, quoue ordine id agendum sit, magister ipse, ac dominus omnium docuit, & imperauit. nam cum studij, & desiderij nostri

OO

iiij

nuncia

nuncia sit, & interpres oratio, tum recte, & ratione petimus, cum postulationum ordo sequitur ordinem rerum expetendarum. Monet autem nos uera charitas, totum ut animum, ac studium conferamus in Deum: qui quoniam solus est in se ipso summum bonum, iure est precipuo quodam, ac singulari amore diligendus. Nec uero ex animo, & unice potest amari Deus, nisi rebus ac naturis omnibus eius honor, & gloria preponatur. bona enim, & nostra, & aliena, & omnino omnia, quaecumque boni uocabulo nominantur, ab illo profecta summo ipsi bono cedunt. Quare ut ordine procederet oratio, Saluator petitionem hanc de summo bono principem, & caput constituit petitionum reliquarum, docens nos, prius quam ea, quæ nobis, aut proximo cuique opus sint, postulemus, quæ propria sint Dei gloriæ, petere debere, ipsique Deo studium, & desiderium eius rei nostrum exponere. Quo facto manebimus in officio charitatis; qua docemur, & plus Deum, quam nos ipsos, diligere, & primum petere, quæ Deo cupiamus, deinde, quæ nobis optemus. Et quoniam desiderium, & petitio sunt earum rerum, quibus cæremus; nec uero Deo, id est eius naturæ, fieri accessio potest, aut augeri ulla re diuina substantia, quæ inexplicabilem in modum est omni perfectione cumulata; intelligendum est, extra hæc esse, quæ a Deo, ipsi Deo petimus, & ad externam eius gloriam pertinere. cupimus enim, & petimus, ut Dei nomen notius sit



sit gentibus ; ut eius regnum amplificetur ; ut plu-
 res quotidie obediant diuino numini . quæ tria, No-
 men , Regnum, Obedientia, non in illo ipso sunt in-
 timo Dei bono , sed assumuntur extrinsecus . Ve-
 rum ut , hæ petitiones quam uim habeant , & quid
 ualeant , planius intelligatur , Pastoris erunt par-
 tes , monere fidelem populum , uerba illa , Sicut in
 celo , & in terra , ad singulas referri posse prima-
 rum trium postulationum ; ut, Sanctificetur nomen
 tuum , sicut in celo , & in terra ; item , Adueni-
 at regnum tuum, sicut in celo , & in terra ; simili-
 ter , Fiat uoluntas tua , sicut in celo , & in terra .
 Cum autem petimus , ut sanctificetur nomen Dei ;
 id sentimus , ut augeatur sanctitas , & gloria diui-
 ni nominis . Quo loco Parochus animaduertet , ac
 docebit pios auditores , non id dicere Saluatorem ,
 ut eodem modo sanctificetur in terra , quo in celo ,
 idest , ut amplitudine terrestris sanctificatio celestē
 exæquet : hoc enim fieri nullo pacto potest : sed ut
 ex charitate , ex intimo animi studio id agatur . et si
 uerissimum illud est , sicuti est , diuinum nomen per
 se sanctificatione non egere , cum sanctum, & terri-
 bile sit, quemadmodum ipse Deus suapte natura san- Psal. 110
 ctus est ; neque ei ulla sanctitas, qua ab omni æter-
 nitate præditus non fuerit , possit accedere : tamen,
 quod in terris longe minori honore afficitur , quam
 par est, nonnumquam etiam maledictis, & nefarijs
 uocibus uiolatur, propterea cupimus , ac petimus,
 ut laudibus , honore , gloria celebretur ad exem-
 plum

plum laudum, honoris, & glorie, quæ illi in cælo tribuuntur; idest, ut sic honor, & cultus in mente, in animo, in ore uersetur, ut omni ueneratione & intima, & externa prosequamur, omni celebritate excelsum, purum, & gloriosum Deum ad imitationem supernorum, ac cælestium ciuium complectamur. Vt enim celites summa consensione, gloria, & predicatione efferunt Deum: sic precamur, ut idem contingat orbi terrarum, & omnes gentes Deum cognoscant, colant, & uenerentur; ut nulli plane mortales reperiantur, qui non et suscipiant Christianam religionem, & se totos Deo dicantes credant ex eo omnem sanctitatis fontem exsistere, neque quidquam esse purum, aut sanctum, quod non a sanctitate diuini nominis oriatur. Testatur enim Apostolus mundatam esse Ecclesiam in lauacro aque, in uerbo uitæ. significat autem, uerbum uitæ, nomen patris, & filij, & spiritus sancti, in quo baptizamur, & sanctificamur. Itaque, quoniam nulla cuiusquam expiatio, nulla munditia, & integritas esse potest, super quo non sit inuocatum diuinum nomen; cupimus, & petimus a Deo, ut omne hominum genus, relictis impuræ infidelitatis tenebris, ac radijs diuini luminis illustratum, huius uim nominis agnoscat sic, ut in eo ueram querat sanctitatem; & in nomine sanctæ, & indiuiduæ Trinitatis baptismi sacramentum suscipiens ipsius Dei dextera, perfectam uim sanctitatis consequatur. Pertinet uero optatum, & postulatio

Ad Eph. 5

latio nostra non minus etiam ad eos, qui flagitijs, & sceleribus cōtaminati, puram baptismi integritatē, & innocentie stolam amiserūt : quare factū est, ut in illis miserrimis suā iterum sedē impurissimus spiritus collocarit. Optamus igitur, et precamur a Deo, ut in ipsis etiam sanctificetur nomē eius ; ut ad cor, & ad sanitatem redeuntes, sacramento penitentiae redimant pristinam sanctitatē, seque ipsos purum, ac sanctum Deo templum, ac domicilium præbeant. Oramus denique, lumē ut suum Deus præferat omnibus mentibus; quo uidere possint, omne datum optimum, et omne donum perfectū, descendens a Patre luminum, ad nos diuinitus esse delatum ; quo temperantiā, iustitiam, uitam, salutem, omnia deniq. animi, corporis, externa, uitalia, ac salutaria bona illi accepta referāt ; a quo, quemadmodum prædicat Ecclesia, bona cuncta procedūt : si quid luce sua sol, si quid reliqua sidera motu, & cursu pro sunt hominum generi ; si circumfuso hoc alimur spiritu ; si terra frugum, & fructuū ubertate uitā sustinet omniū ; si opera magistratū quiete, ac tranquillitate fruimur ; & hæc, & huius generis bona innumerabilia nobis suppeditat immensa Dei benignitas. Quin etiā, quas philosophi secundas causas appellant, interpretari debemus, mirabiliter effectas quasdā, & ad usum nostrum accommodatas Dei manus, quibus nobis sua bona distribuit, ac longe, lateque diffundit. Quod autē maxime rem continet in hac petitione, illud est, ut omnes agnoscant, &

uene-

uenerentur sanctissimam Iesu Christi sponsam, & parentem nostram Ecclesiam: in qua non est fons ille amplissimus, atque perpetuus, ad eluendas, & expiandas omnes peccatorum sordes, unde hauriuntur uniuersa salutis, & sanctificationis sacramenta; quibus quasi caelestibus quibusdam fistulis in nos a Deo ille sanctitatis ros, & liquor effunditur: ad quam solam, & ad eos, quos suo sinu, & gremio complexa est, pertinet diuini illius imploratio nominis, quod unum sub caelo datum est hominibus, in quo oporteat nos saluos fieri. Verum

Ad Rom. 1
Ezech. 36

Ad Rom. 1
Ezech. 36

Parochi maxime hunc locum urgere debent, boni esse filij, non solum patrem Deum orare uerbis, sed re etiam, & actione conari, ut eluceat in ipso sanctificatio diuini nominis. Vtinam non essent, qui, cum oratione hanc Dei nominis sanctificationem assidue postulent, factis, quantum in ipsis est, illud uiolant, atque contaminant: quorum culpa interdum ipsi etiam Deo maledicuntur. in quos dictum est ab Apostolo: Nomen Dei per uos blasphematur inter gentes. Et apud Ezechielem legimus: Ingressi sunt ad gentes, ad quas introierunt, & polluerunt nomen sanctum meum; cum diceretur de eis, populus Domini iste est, & de terra eius egressi sunt. Qualis enim est uita, & ut sunt eorum mores, qui religionem profitentur; sic de religione ipsa, deque eius auctore religionis multitudo imperita iudicare solet. Quare qui uiuunt ex Christiana religione, quam susceperunt, & ad eius regulam oratio-

orationem, & actiones dirigunt suas, magnam facultatem præbent alijs laudandi nomen cælestis parentis, & omni honore, & gloria celebrandi. Nobis enim ipse has partes imposuit Dominus, ut illustribus uirtutis actionibus excitemus homines ad laudem, & prædicationem diuini nominis: ad quos loquitur in hunc modum apud Euangelistam: Sic *Matth. 5*
 luceat lux uestra coram hominibus, ut uideant opera uestra bona, & glorificent patrem uestrum, qui in cælis est. Et Princeps apostolorum: Conuer- *Epiſt. 1. c. 2*
 sationem uestram inter gentes habentes bonam, ut ex bonis operibus uos cōsiderantes, glorificet Deus.

ADVENIAT REGNUM TVVM.

Regnum cæleste, quod altera hac petitione postulamus, eiusmodi est, ut eo referatur, ac terminetur omnis euangelij prædicatio. nam & inde exorsus est ad pænitentiam cohortari S. Ioannes Baptista, dum, Pænitentiam, inquit, agite: appro- *Matth. 3*
 pinquabit enim regnum cælorum. Nec aliunde fecit initium suæ prædicationis Saluator humani generis; & in illo salutari sermone, quo beatitudinis uias discipulis in monte monstrauit, tamquam proposito orationis argumento principium duxit a regno cælorum: nam, Beati, inquit, pauperes spiritu: quoniam ipsorum est regnum cælorum. Quin etiam eum retinere cupientibus, attulit illam causam necessariæ profectionis: Et alijs *Luc. 4*
 ciuitatibus oportet me euangelizare regnum Dei: *Matth. 10*
 quia

quia ideo missus sum. Hoc idem postea regnum prædicare iussit apostolos; & illi, qui se ire ad sepeliendum patrem suum uelle dixerat, respondit; Tu uade, annuncia regnum Dei. Cum uero resurrexisset a mortuis, per illos quadraginta dies, quibus apparuit apostolis, loquebatur de regno Dei. Quare

Parochi hunc secundæ postulationis locum diligentissime tractabunt, ut fideles auditores, quanta sit in hac petitione uis, ac necessitas, intelligant. Primum autem ipsis ad rem scienter, subtiliterque explicandam magnam facultatem dabit ea cogitatio, quod, etsi hæc petitio coniuncta sit cum reliquis omnibus, eam tamen separatim etiam adhiberi iusserit a ceteris, ut, quod petimus, summo studio quæramus: inquit enim: Quærite primū regnum Dei,

& iustitiam eius; & hæc omnia adiicientur uobis.

Et quidem tanta uis, & copia celestium munerum hac postulatione continetur, ut omnia complectatur, quæ ad corpoream, & spiritualem uitam tuendam sint necessaria. quem autem regio nomine dignum dicemus, cui ea curæ non sint, quæ regni salutem contineant? quod si sunt homines de regni sui incolumitate solliciti: quanta regem regum omnium cura, & providentia tueri credendum est & uitam, & salutem hominum? Hac igitur regni Dei petitione comprehensa sunt omnia, quibuscumque in hac peregrinatione, uel exilio potius indigemus.

quæ concessurum se Deus benigne pollicetur: nam statim illa subiunxit: Et hæc omnia adiicientur uobis.

Qui-

Quibus omnino declarauit, se eum esse regem, qui
generi hominum copiose omnia, largeque suppeditat; in cuius infinitæ benignitatis cogitatione infusus David cecinit; Dominus regit me; & nihil mihi deerit. Verum minime satis est, uehementer petere Dei regnum, nisi ad petitionem nostram adhibeamus omnia tamquam instrumenta, quibus illud quaeritur, & inuenitur. nam & quinque fatuæ uirgines studiose illæ quidem petierunt ad hunc modum; Domine Domine aperi nobis: ueruntamen, quod illius postulationis præsidia non haberent, exclusæ sunt: nec iniuria: est enim illa Dei ore pronunciata sententia; Non omnis, qui dicit mihi, Domine Domine, intrabit in regnum cælorum. Quamobrem haurient animarum curatores Sacerdotes ex uberrimis diuinarum litterarum fontibus ea, quæ fidelibus desiderium studiumque commouent regni cælorum; quæ calamitosam status nostri condicionem illis ob oculos ponant; quæ sic eos afficiant, ut respicientes, & colligentes se, in memoriam redeant summæ beatitudinis, & inexplicabilium bonorum, quibus redundat æterna parentis Dei domus. Exules enim sumus, & plane eius loci incolæ, in quo habitant demones: quorum odium in nos nulla ratione mitigari potest: nam sunt infestissimi, & implacabiles in genus humanum. Quid domestica, intestinaque prælia, quæ inter se corpus, & anima, caro, & spiritus assidue gerunt? quibus, perpetuo
timen-

Psal. 129

Matth. 25

Matth. 7

timendum est, ne concidamus: timendum autem? immo uero statim concideremus, nisi propugnaculo diuinæ dexteræ defenderemur. Quam uim ad Rom. 7 miseriarum cum sentiret. Apostolus, Infelix, inquit, ego homo, quis me liberabit de corpore mortis huius? Hæc infelicitas nostri generis, quâquam per se cognoscitur, tamen ex contentione reliquarum naturarum, & creatarum rerum facilius intelligi potest. In illis siue rationis, siue etiam sensus expertibus raro fieri uidemus, ut aliqua natura a proprijs actionibus, a sensu, uel motu insito declinet sic, ut a proposito, & constituto fine defleat. Hoc apparet in bestijs agrestibus, nantibus, uolucris, ut res declaratione non egeat. Quod si cælum suspexeris, non ne uerissimum id esse intelligis, Psal. 118 quod a Dauide dictum est? In æternum, Domine, uerbum tuum permanet in cælo. Nempe illud continente motu, & perpetua conuersione fertur, ut ne minimum quidem a præsnita diuinitus lege discedat. Si terram, & reliquam uniuersitatem consideres; facile uideas, aut nulla, aut exigua ex parte deficere. At miserrimum hominum genus sæpissime labitur; raro, quæ recte sunt coagitata, persequitur; plerumque susceptas bonas actiones abiicit, atque contemnit; quæ modo placuerat optima sententia, subito displicet, & illa reiecta, ad turpia consilia, sibi que perniciose delabitur. Quenam igitur est huius inconstantie, miserieque causa? Contemptio plane diuini afflatus. claudimus enim aures

aures Dei monitis: oculos tollere nolumus ad ea, que nobis lumina diuinitus praeferuntur, nec caelestem patrem salutariter praecipientem audimus. Quare huc incumbendum erit Parochis, ut & miserias oculis subijciant fidelis populi, & commoremur causas miseriarum, & remediorum uim ostendant. quorum omnium illis facultas non deerit, comparata ex uiris sanctissimis, Ioanne Chrysostomo, & Augustino, maxime uero ex ijs, quae in Symboli expositione posuimus. nam, illis cognitatis, quis erit e facinorosorum hominum numero, quin adiumento Dei gratiae praeuentis, euangelico illo prodigi filij exemplo conetur exurgere, & erigere se, atque in caelestis regis, patrisque conspectum uenire? His explicatis, quae sit fidelium fructuosa petitio, aperient, quid sit, quod his uerbis a Deo postulemus, praesertim cum uocabulum regni Dei multa significet: quorum declaratio & ad reliqua scripturae intelligentiam non erit inutilis, & est ad huius cognitionem loci necessaria. Communis igitur quaedam regni Dei significatio, quae frequens est in diuinis litteris, est non solum eius potestatis, quam habet in omnem hominum, rerumque uersitatem, sed etiam prouidentiae, qua cuncta regit, & moderatur. In manu enim eius, inquit Propheta, sunt fines terrae. Quibus finibus intelliguntur etiam, quae occulta sunt, & abdita in intimis terrae, ac rerum omnium partibus. In hanc sententiam Mardocheus loquebatur illis uerbis:

P P

Domi-

- Mat. 13** Domine Deus, rex omnipotens: in ditione enim tua cuncta sunt posita; & non est, qui possit tue resistere uoluntati. Dominus omnium es; nec est, qui resistat maiestati tue. Item Dei regno declaratur præcipua illa, ac singularis prouidentia ratio, qua Deus pios, & sanctos homines tuetur, & curat. de qua propria, & eximia quadam Dei cura
- Psal. 22** dictum est illud a Davide: Dominus regit me, nihil
- Isa. 33** mihi deerit. tum ab Isaia: Dominus, rex noster, ipse saluabit nos. In qua Dei regia potestate etsi præcipua ratione sunt in hac uita ij, quos diximus, sancti, ac pij homines: tamē monuit Pilatū ipse Christus
- Ioan. 18** dominus, regnum suū non esse ex hoc mūdo, hoc est, minime ex hoc mundo, qui & conditus est, et interiturus, ortum habere, nam eo, quem diximus, modo dominantur imperatores, reges, respublicæ, duces, omnesque ij, qui uel expetiti, ac delecti ab hominibus præsunt ciuitatibus, atque prouincys; uel per uim, & iniuriam dominatum occupauerunt. Christus autem dominus constitutus est rex a Deo, ut
- Psal. 2** ait Propheta: cuius regnum, ex Apostoli sententia, iustitia est. inquit enim: Regnum Dei est iustitia, & pax, & gaudium in spiritu sancto. Regnat autem in nobis Christus dominus per uirtutes intimas, fidem, spem, charitatem, quibus uirtutibus regni quodam modo partes efficimur, & Deo peculiari quadam ratione subiecti, ad eius cultum ac uenerationem consecramur: ut, quem
- Ad Gal. 3** admodum dixit Apostolus; Viuo autem, iam non ego

ego ; uiuit uero in me Christus ; ita nobis dicere liceat ; Regno ego , iam non ego ; regnat uero in me Christus . Id autem regnum iustitia dicitur , quia Christi domini iustitia constitutum est . Ac de hoc regno sic loquitur apud sanctum Lucam Dominus ; Regnum Dei intra uos est . Nam etsi Iesus Christus per fidem regnat in omnibus , qui gremio , ac sinu sanctissime matris Ecclesie continentur , precipuo tamen modo regit eos , qui prestanti fide , spe , & charitate preediti , se , tamquam pura quedam , & uiua membra , Deo prebuerunt ; & in his Dei gratie regnum esse dicitur . Est uero etiam Dei glorie regnum illud , de quo Christum dominum apud sanctum Matthaeum loquentem audimus ; Venite benedicti patris mei ; possidete paratum uobis regnum a constitutione mundi . Quod idem ab eo regnum , apud sanctum Lucam latro admirabiliter , sua scelera recognoscens , expetebat in hunc modum ; Domine , memento mei cum ueneris in regnum tuum . Sanctus etiam Ioannes meminit huius regni : Nisi quis renatus fuerit ex aqua , & spiritu , non potest introire in regnum Dei . Meminit item Apostolus ad Ephesios : Omnis fornicator , aut immundus , aut auarus (quod est idolorum seruitus) non habet hereditatem in regno Christi , & Dei . Eodem pertinent aliquot similitudines Christi domini , loquentis de regno celorum . Necessesse est autem , prius ponere regnum gratie . neque enim fieri potest , ut in ullo regnet Dei gloria ,

Luc. 17

Matth. 25

Luc. 13

Ioan. 3

Ad Eph. 5

Matth. 13

PP ij nisi

Iean. 4 nisi eiusdem gratia, in illo regnarit. Est uero gratia, ipsius sententia Saluatoris, fons aquae salientis in uitam æternam. Gloriam autem quid esse dicemus, nisi gratiam quandam perfectam, & absolutam? quamdiu enim fragili hoc, & mortali corpore uestiti sumus, dum in hac cæca peregrinatione, & exilio uagi, & imbecilles absumus a Domino, saepe labimur, & cadimus, abiecto regni gratiæ adminiculo, quo nitebamur: cum autem regni gloriæ, quod perfectum est, lux nobis illuxerit, firmi, ac stabiles perpetuo consistemus. omne enim & uitium, & incommodum exhaurietur: omnis infirmitas confirmata roborabitur: ipse denique nostra in anima, & in corpore regnabit Deus. quæ res uberius in Symbolo tractata est, cum de resurrectione carnis ageretur. His igitur expositis, quæ communem regni Dei sententiam declarant, quid sibi hæc petitio proprie uelit, dicendum est. Petimus autem a Deo, ut regnum Christi, quod est Ecclesia, propagetur; ut se ad fidem Christi domini, & ad accipiendam ueri Dei cognitionem conuertant infideles, & Iudæi; & schismatici; ac hæretici redeant ad sanitatem, & ad Ecclesiæ Dei communionem, a qua desciiuerunt, reuertantur; ut compleatur, & ad exitium perducatur, quod

Isa. 54 Isaia ore dixit Dominus: Dilata locum tentorii tui. & pelles tabernaculorum tuorum extende; longos fac funiculos tuos, & clauos tuos consolida: ad dexteram enim, & ad leuam penetrabis: quia dominabitur

minabitur tui, qui fecit te. Et idem: *Ambula-* 1sa. 60
bunt gentes in lumine tuo, & reges in splendore or-
tus tui: leua in circuitu oculos tuos, & uide, om-
nes isti cōgregati sunt, uenerunt tibi: filij tui de lon-
ge uenient, & filia tuæ de latere surgent. Verum
quia sunt in Ecclesia, qui uerbis confitentes Deum, ad Titum. 8
factis negantes, deformatam fidem præferant,
in quibus propter peccatum dæmon habitat, ac do-
minatur tamquam in proprijs domicilijs; petimus
etiam, ut ad eos ueniat regnum Dei; quo illi, pec-
catorum discussa caligine, & radijs diuinæ lucis il-
lustrati, restituantur in filiorum Dei pristinam di-
gnitatem; ut, omnibus e suo regno, celestis parēs,
sublatis hæreticis, atque schismaticis, eiectisque
offensionibus, ac scelerum causis, aream purget
Ecclesiæ, quæ, Deo cultum pie, sancteque adhiben-
do, quieta, ac tranquilla pace perfruatur. Peti-
mus denique, ut solus in nobis uiuat, solus regnet
Deus; ne sit posthac morti locus; sed ut illa absor-
beat in uictoria Christi domini nostri, qui, disie-
cto, ac dissipato omni hostium principatu, potesta-
te, & uirtute suo omnia subiiciat imperio. Erit au-
tem curæ Parochis, ut, quod postulat huius ratio
petitionis, fidelem populum doceant, quibus cogi-
tationibus, & meditationibus instructus, has pie
Deo preces facere possit. Ac primum hortabuntur,
ut uim, ac sententiam intueatur illius similitudinis
a Salvatore introductæ; Simile est regnum calorū Math. 13
thesauro abscondito in agro: quem qui inuenit ho-

mo, abscondit, & prae gaudio illius uadit, & uen-
 dit uniuersa, quae habet, & emit agrum illum.
 nam qui nouerit Christi domini diuitias, is prae il-
 lis omnia contemnet, huic facultates, opes, poten-
 tia sordescunt. nihil enim est, quod illi summo pre-
 tio comparari, immo uero, quod in conspectu eius
 stare possit. Quare, quibus id nosse contigerit,
 Ad Phil. 3 exclamabunt illi, ut Apostolus; Omnia detrimen-
 tum feci, & arbitror ut stercora, ut Christum lu-
 crificiam. Hæc est illa insignis euangelij margari-
 ta, in quam qui pecuniam, ex omnium bonorum
 Matth. 13 uenditione redactam, erogarit, is beatitudine frue-
 tur sempiterna. O nos felices, si tantum luminis
 nobis præferret Iesus Christus, ut illam uidere pos-
 semus diuinæ gratiæ margaritam, qua ipse regnat
 in suis: nam & nostra omnia, & nos ipsos uenun-
 daremus, ut emptam illam tueremur. tum enim
 denique nobis id non dubitater dicere liberet: Quis
 Ad Rom. 8 nos separabit a charitate Christi? præstantem ue-
 ro regni gloriæ excellentiam, si, quæ sit, scire uo-
 lumus, eandem de illa & Propheta, & Apostoli
 Isa. 64 uocem, atque sententiam audiamus; Oculus non
 1. ad Cor. 2 uidit, neque auris audiuit, neque in cor hominis
 ascendit, quæ præparauit Deus ijs, qui diligunt il-
 lum. Proficiet autem ad impetrandum maxime,
 quod petimus, si, qui simus, ipsi nobiscum reputem-
 us, idest Adam progenies, iure e paradiso eiekti,
 & exules; quorum indignitas, ac peruersitas sum-
 mum Dei odium, ac sempiternas pœnas postularet.
 Quare

Quare demisso tum, & abiecto animo simus oportet. Nostra etiam erit plena Christianæ humilitatis oratio: & omnino nobis ipsi diffidentes, illius more publicani confugimus in Dei misericordiam; totumq. eius benignitati tribuentes, ipsi gratias agemus immortales, qui nobis suum spiritum sit elargitus, quo freti clamare audeamus, Abba pater. Luc. 18
 suscipiemus etiam illam curam, & cogitationem, quid agendum, quid contra uitandum sit, ut ad celeste regnum peruenire possimus. nō enim a Deo ad otium, & ad inertiā uocati sumus: quinimo inquit; Regnum calorum uim patitur, & uiolenti rapiunt illud: & Si uis ad uitam ingredi, serua mandata. Ad Rom. 8
 Itaque non est satis, petere regnum Dei, nisi suum ipsi etiam studium, & operam adhibeant homines. nam adiutores sint oportet, & administrari Dei gratiæ eo tenendo cursu, quo peruenitur in calum. Numquam nos deserit Deus; qui nobiscū se futurū perpetuo pollicitus est: unū ut nobis uidendum sit, ne Deum, et nos ipsos deseramus. Matth. 17
 Ac Dei quidem sunt in hoc Ecclesiæ regno omnia, quibus et uitā tuetur hominū, et salutē perficit sempiternam, et, quæ sub aspectum nō cadunt, angelorū copiæ, & plenissimum uirtutis celestis uisibile hoc munus sacramentorum. In his tantum nobis presidij est diuinitus constitutum, ut non modo ab acerrimorum hostium regno tuti esse, sed ipsum etiam tyrannum, eiusque nefarios satellites prosternere, & conculcare possimus. Matth. 19
 Quare uehementer

PP iij ad ex-

ad extremum petamus a Dei spiritu, nos ut omnia iubeat e sua uoluntate facere; Satanæ ut tollat imperium, nullam ut in nobis summo illo die potestatem habeat; ut uincat, & triumphet Christus; ut uigeant eius leges toto orbe terrarum; ut decreta seruentur; nullus ut proditor, aut desertor eius sit; sed tales se præbeant omnes, ut in regis Dei conspectum non dubitanter ueniant, & constitutam illis ex omni aternitate possessionem adeant regni celestis, ubi beati cum Christo sempiterno æuo fruatur.

FIAT VOLUNTAS TUA.

Matth. 7

Cum a Christo domino dictum sit; Non omnis, qui dicit mihi, Domine, Domine, intrabit in regnū calorum; sed, qui facit uoluntatem patris mei, qui in celis est, ipse intrabit in regnū calorum: quicumque in illud celeste regnum peruenire cupiunt, id a Deo petere debent, ut fiat uoluntas eius. Quamobrem hæc loco posita petitio est statim post regni celestis postulationem. Vt autem intelligant fideles, quam necessariū id nobis sit, quod hac prece postulamus, quantamque uim salutarium munerum ex eius impetratione consequamur; demonstrabunt Parochi, quibus miserijs, & ærumnis oppressum fuerit hominum genus propter peccatum primi parentis. Nam a principio Deus proprii boni appetitionem creatis rebus ingenerauit, ut naturali quadam propensione suum quærerent, & expeterent finem, a quo ille numquam, nisi obiecto extrinsecus impedimento, declinant. Hæc autem initio fuit in homine expeten-

expetendi Deum, suae beatitudinis auctorem, pa-
 rentemque, eo praeclarior, & praestantior uis, quod
 is compos esset rationis, atque consilij. Sed hunc
 amorem, sibi naturaliter ingenitum, cum reliquae
 naturae rationis expertes conseruassent, quae ut ini-
 tio procreatae fuerunt natura bonae, sic in eo statu,
 & condicione manserunt, hodieque manent; mise-
 rum hominum genus cursum non tenuit: non enim
 solum bona iustitiae originalis amisit, quibus a Deo
 supra naturae suae facultatem auctum, ornatumque
 fuerat, sed etiam insitum in animo praecipuum uir-
 tutis studium obscurauit. Omnes, inquit, declina- Psal. 72
 uerunt, simul inutiles facti sunt. non est, qui faci-
 at bonum, non est usque ad unum. Nam sensus &
 cogitatio humani cordis in malum prona sunt ab ado Gen. 8
 lescencia sua; ut inde facile intelligi possit, nemi-
 nem per se salutariter sapere, sed omnes ad malum
 esse propensos, innumerabilesque esse hominum pra-
 uas cupiditates, dum procliues sunt, & flagranti
 studio feruntur ad iram, ad odium, ad superbiam, ad Rom. 7
 ambitionem, ad omne fere malorum genus. Qui-
 bus in malis quamquam assidue uersemur; tamen,
 quae summa est nostri generis miseria, permulta ex
 illis sunt, quae nobis minime mala uideantur. quae
 res insignem arguit hominum calamitatem, qui
 cupiditatibus ac libidinibus obcaecati non uideant,
 quae salutaria opinantur, plerumque esse pestifera,
 immo uero ad illa perniciofa mala, tamquam ad
 optabile & expetendum bonum, rapiantur praeci-
 pite

pites, ab ijs, quæ uere bona sunt, & honesta, tamquam a contrarijs rebus, abhorreant. Hanc opinionem, corruptumque iudicium detestatur Deus illis
 It. 5 uerbis; Væ, qui dicitis malum bonum, & bonum malum, ponentes tenebras lucem, & lucem tenebras, ponentes amarum in dulce, & dulce in amarum. Itaque, nostris ut subijciant oculis nostras misérias, comparant nos diuinæ litteræ ijs, qui uerum gustandi sensum amiserunt: quare fit, ut a salubri uictu alieni sint, appetantque contrarium. Cum egrotis præterea nos conferunt. ut enim illi, nisi morbum depulerint, sanorum, & integrorum hominum officia ac munera obire non possunt: sic nos actiones, quæ Deo gratæ sint, suscipere sine diuinæ gratiæ adiumento nequimus. Quod si quædam sic affecti assequimur; leuia illa sunt, & quæ ad consequendam cælestem beatitudinem parum uel nihil momenti habent. At Deum, ut par est, amare, & colere, quod maius quiddam & altius est, quam ut nos humi strati id humanis uiribus assequamur, numquam poterimus, nisi adminiculo diuinæ gratiæ subleuemur. Quamquam aptissima est etiam illa comparatio ad significandam miseriam humani generis condicionem, quod similes esse dicimur puerorum, qui suo relictæ arbitrio temere mouentur ad omnia: pueri, inquam, sumus, & imprudentes, ludicris sermonibus, & inanibus actionibus dediti, si a diuino presidio deseramur. sic enim nos obiurgat Sapientia: Vsquequo paruuli diligenti-

Prouerb. 1

cap. 1

diligitis infantiam, & stulti ea, quæ sibi sunt noxia, cupient? Et in hunc modum hortatur Apostolus: Nolite pueri effici sensibus. Etsi maiori in
 1. ad Cor. 14
 manitate, & errore uersamur, quam illa puerilis ætas: cui tantum abest humana prudentia, ad quam tamen per se tempore potest peruenire; cum ad diuinam prudentiam, quæ ad salutem necessaria est, nos nisi Deo auctore, & adiutore adspirare non possimus. nisi enim præsto nobis sit Dei auxilium, reiectis ijs, quæ uere sunt bona, ad interitum ruimus uoluntarium. Ac si quis, discussa diuinitus animi caligine, has uideat hominum miseria, & sublati stupore, sentiat legem membrorum, ac sensus cupiditates, spiritui repugnantes, recognoscat, omnemque dispiciat naturæ nostræ propensionem ad malum; qui poterit non ardenti studio opportunum tanto huic malo, quo naturæ uicio premimur, remedium querere, salutareque illam regulam expetere, ad quam Christiani hominis uita dirigenda, & conformanda sit? Hoc igitur illud est, quod imploramus, cum ita precamur Deum, Fiat uoluntas tua. Cum enim, abiecta obedientia, & Dei uoluntate neglecta, in has miseria incidimus, unum illud tantorum malorum remedium nobis diuinitus propositum est, ut ex Dei uoluntate, quâ peccando contempsimus, aliquando uiuamus, omnesque cogitationes & actiones nostras ea regula metiamur. quod ut assequi possimus, suppliciter illud a Deo petimus, Fiat uoluntas tua. Id uero illis
 etiam

etiam uehementer petendum est, in quorum animis iam regnat Deus, quique iam sunt radijs diuini luminis illustrati; cuius gratiae beneficio, Dei obtemperent uoluntati. Quibus licet ita comparatis propriae tamē cupiditates aduersantur propter procliuitatem ad malum, insitam in hominum sensibus; ut, etiam si tales simus, magnum tamen hoc loco nobis periculum sit a nobis ipsis, ne abstracti, & illecti a concupiscentijs, quae militant in membris nostris, iterum de salutis uia deflectamus. de quo nos periculo Christus dominus admonuit illis uerbis: *Vigilate, & orate, ut non intretis in tentationem: spiritus quidem promptus est, caro autem infirma.* Non enim est in hominis potestate, ne in eius quidem, qui per Dei gratiam est iustificatus, ita domitos habere carnis affectus, ut nunquam illi postea excitentur: quippe cum eorum, qui iustificati sunt, mentem sanet Dei gratia, non etiam carnem: de qua illud scripsit Apostolus: Scio enim, quia non habitat in me, hoc est in carne mea bonum. Nam ut semel primus homo iustitiam originalem, quo tamquam freno quodam cupiditates regebantur, amisit, minime eas postea ratio ita continere potuit in officio, ut ea non appeterent, quae etiam rationi repugnant. Itaque in ea hominis parte peccatum, idest peccati fomitem habitare scribit Apostolus, ut intelligamus eum non ad tempus, quasi hospitem, diuersari apud nos, sed, quam diu uiuimus, tamquam incolam nostri corporis indomiti-

domicilio membrorum hærere perpetuo. Ergo domesticis & intestinis hostibus assidue oppugnati, facile intelligimus, confugiendum esse ad Dei auxilium, petendumque, ut fiat in nobis uoluntas eius. Iam uero faciendum est, ut sciant fideles, quæ sit huius petitionis uis. quo loco, multis omissis, quæ a doctoribus scholasticis de Dei uoluntate utiliter, & copiose disputantur, uoluntatem hic accipi dicimus pro ea, quam signi appellare solent, hoc est, pro eo quod Deus a nobis fieri, aut caueri iusserit, aut monuerit. Quare uoluntatis nomine hoc loco comprehensa sunt uniuersa, quæ nobis ad caelestem beatitudinem comparandam proponuntur, siue illa ad fidem, siue ad mores pertineant; omnia denique, quæcumque nos Christus dominus per se, uel per Ecclesiam suam facere aut imperarit, aut prohibuerit: de qua uoluntate ita scribit Apostolus: Nolite fieri imprudentes: sed intelligentes, quæ sit uoluntas Dei. Cum igitur illud precamur, Fiat uoluntas tua; petimus in primis nobis, ut Pater cælestis facultatem concedat obtemperandi diuinis iussis, & inseruiendi ei in sanctitate & iustitia omnibus diebus nostris; ut ad nutum & uoluntatem eius omnia faciamus; ut ea colamus officia; de quibus in sacris litteris admonemur; ut ipso duce & auctore reliqua omnia præstemus, quæ eos decent, qui non ex uoluntate carnis, sed ex Deo nati sunt, exemplum Christi domini secuti, qui factus est obediens usque ad mortem, mortem autem crucis;

Ad Eph. 5
1. Pet. 2

cis ; ut parati simus omnia perpeti potius , quam
 uel minimum ab eius uoluntate discedere . Nec ue-
 ro quisquam est , qui huius studio , & amore peti-
 tionis flagret ardentius , quam is , cui concessum
 sit , ut summam eorum dignitatem intueatur , qui
 Deo obediunt . Idem enim illud uerissime dici in-
 telligit , Servire Deo , & illi obedire , regnare esse .
 Quicumque , inquit Dominus , fecerit uolunta-
 tem patris mei , qui in caelis est , ipse meus fra-
 ter , soror , & mater est ; hoc est , cum illo sum om-
 nibus amoris , & beneuolentiae uinculis coniunctis-
 simus . Nemo fere est ex uiris sanctis , quin præ-
 cipuum huius petitionis munus a Deo uehemen-
 ter postularit : ac , præclara quidem omnes , sed
 uaria per sepe oratione usi sunt : in quibus miri-
 ficum & suauissimum Dauidem uidemus illud ua-
 rie postulantem . modo enim inquit : *Vtinam di-*
rigantur uiae meae ad custodiendas iustificationes
tuas . Interdum : Deduc me in scimitam manda-
torum tuorum . Nonnumquam : Gressus meos
dirige secundum eloquium tuum , & non domine-
tur mei omnis iniustitia . Huc pertinent illa : Da
mibi intellectum , ut discam mandata tua . Iudi-
cia tua doce me : da mihi intellectum , ut sciam
testimonia tua . Sæpe alijs uerbis eandem tractat ,
uersatque sententiam . qui loci diligenter animaduer-
tendi sunt , & fidelibus explicandi ; ut , quanta sit
in prima huius petitionis parte uis , & copia salu-
tarium rerum , omnes intelligant . Secundo loco ,
cum

cum illud precamur, Fiat uoluntas tua; detestamur opera carnis: de quibus scribit Apostolus: Manifesta sunt autem opera carnis; quæ sunt fornicatio, immunditia, impudicitia, luxuria, &c. Ad Gal. 5
Ad Rom. 8
& Si secundum carnem uixeritis, moriemini. petimusque ne sinat Deus ea nos perficere, quæ sensus, quæ cupiditas, quæ imbecillitas nostra suaserit, sed ut nostram uoluntatem sua uoluntate moderetur. Alieni sunt ab hac uoluntate uoluptuarij homines, qui in terrenarum rerum cura, & cogitatione defixi sunt. Feruntur enim libidine præcipientes ad potiundum, quod concupierunt, & in illo fructu prauæ cupiditatis felicitatem ponunt, ut beatum etiam esse dicant, qui, quodcumque optarit, consequatur. Nos contra petimus a Deo, ut ait Apostolus, ne carnis curam faciamus in desiderijs, sed ut fiat uoluntas eius. Ad Rom. 13 etsi non facile adducimur, ut precemur Deum, ut cupiditatibus nostris non satisfaciatur. habet enim difficultatē hanc animi inductio: quod ipsi quodam modo, id petentes, nos uidemur odisse: quod etiam stultitiæ tribuunt ij, qui toti hærent in corpore. sed nos stultitiæ famam subeamus libenter Christi causa. cuius est illa sententia: Si quis uult post me uenire, Matth. 16
Luc. 9 abneget semet ipsum, præsertim cum sciamus, multo præstare, id optare, quod rectum, iustumque sit, quam illud assequi, quod a ratione, a uirtute, a Dei legibus sit alienum. & certe detiore loco is est, quicumque ad id peruenit, quod

quod temere ac libidinis impulsu cupiebat, quam
 qui, optime quod optauit, non assequitur. quam-
 quam non id modo petimus, ne concedatur nobis a
 Deo, quod ipsi nostra sponte cupimus; cum studium
 nostrum deprauatum esse constat; sed ne id etiam
 detur, quod, suatore, & impulsore Dæmone, si-
 mulato lucis angelo, tamquam bonum interdum po-
 stulamur. rectissimum illud Principis apostolorum
 studium uidebatur, pietatisque plenissimum, cum
 Dominum a consilio proficiscendi ad mortem auoca-
 re conabatur: & tamen eum, qui humanis sensi-
 bus, non diuina ratione ducebatur, Dominus acri-
 ter obiurgauit. Quid amanti in Dominum uide-
 tur eo postulari potuisse, quod sancti uiri Iacobus,
 & Ioannes, illis irati Samaritanis, qui magistrum
 hospitio accipere nolissent, ab eo petierunt, ut iu-
 beret ignem e cælo descendere, qui duros illos, &
 inhumanos absumeret? At a Christo domino repre-
 Luc. 9 hensi sunt illis uerbis: Nescitis, cuius spiritus estis:
 Filius enim hominis non uenit animas perdere, sed
 saluare. Neque uero solum, cum, quod cupimus,
 malum est, aut mali speciem habet, Deum preca-
 ri debemus, ut fiat uoluntas eius, sed etiam, cum
 re uera malum non est; ueluti cum uoluntas sequi-
 tur primam illam nature inclinationem, ut ap-
 petat ea, quæ naturam conseruant, & reijciat,
 quæ ei contraria uideantur. Quocirca, cum in eum
 locum uentum est, ut aliquid petere uelimus huius
 generis: tum uero dicamus ex animo, Fiat uolun-
 tas

tas tua : imitemur illum ipsum , a quo salutem , & salutis disciplinam accepimus ; qui cum naturaliter insito cruciatuum , & acerbissima mortis timore commoueretur , tamen in illo horrore summi doloris , suam ad Dei patris retulit uoluntatem : Non mea , inquit , uoluntas , sed tua fiat . Sed mirabiliter deprauatum est hominum genus : qui cum uim etiam suae attulerint cupiditati , eamque diuinæ uoluntati subiecerint , tamen sine Dei auxilio , quo a malo protegimur , & in bonum dirigimur , peccata uitare non possunt . Ergo confugiendum est ad hanc precationem , & petendum a Deo , ut in nobis ipse instituta perficiat , ut exultantes cupiditatis motus comprimat , ut appetitus rationi obediens efficiat , ut nos denique totos ad suam conformet uoluntatem . Precamur etiam , ut Dei uoluntatis cognitionem totus orbis terrarum accipiat ; quo diuinum mysterium , absconditum a seculis , & generationibus , notum ac peruulgatum sit apud omnes . Formam præterea , & præscriptionem huius obedientie postulamus , ut uidelicet ad eam regulam dirigatur , quam in celo & seruant beati angeli , & colit reliquus cælestium animarum chorus ; ut quemadmodum illi sponte , & summa cum uoluptate obediunt diuino numini , sic nos Dei uoluntati , quo modo ipse maxime uult , libentissime pareamus . & uero in opera , & studio , quod Deo nauamus , summum a nobis amorem Deus , & eximiam charitatem requirit ; ut , etiam si

Luc. 22

22

spe

spe caelestium premiorum totos nos ei dicauerimus, tamen ideo illa speremus, quod, ut in eam spem ingrederemur, placuit diuina maiestati. Quare tota nitatur illo in Deum amore nostra spes; qui mercedem amoris nostro proposuit eternam beatitudinem. Sunt enim, qui amanter alicui seruiant, sed tamen pretij causa, quo amorem referunt. Sunt praeterea, qui tantummodo charitate & pietate commoti, in eo, cui dant operam, nihil spectant, nisi illius bonitatem, atque uirtutem; cuius cogitatione, & admiratione se beatos arbitrantur, quod ei suum officium praestare possint. & hanc habet sententiam illa appositio, Sicut in caelo, & in terra. Maxime enim nobis enitendum est, ut Deo simus obedientes, quemadmodum beatas mentes esse diximus. quorum laudes in illo summae obedientiae munere obeundo, eo psalmo persequitur Dauid:

Psal. 102 Benedicite Domino omnes uirtutes eius, ministri eius, qui facitis uoluntatem eius. Quod si quis, sanctum Cyprianum secutus, sic illa interpretatur, ut dicat, In caelo, in bonis, & pijs; In terra, in malis, & impijs: nos uero etiam eius sententiam comprobamus; ut pro caelo spiritus, pro terra caro intelligatur; ut & omnes, & omnia in omnibus Dei uoluntati obediant. Gratiarum item actionem continet haec petitio. Veneramur enim eius sanctissimam uoluntatem, & maximo perfusi gaudio summis laudibus, & gratulationibus omnia eius opera celebramus, qui certo sciamus eum omnia bene fecisse

fecisse. cum enim constet, esse omnipotentem Deum; necessario sequitur, ut omnia eius nutu facta esse intelligamus. cum uero etiam ipsum, sicuti est, summum bonum esse affirmamus; nihil ex eius operibus non esse bonum, cum omnibus ipse suam impertuerit bonitatem, confitemur. Quod si in omnibus diuinam rationem non assequimur, in omnibus tamen, & ambigui causa neglecta, & reiecta omni hesitatione, illud Apostoli profiteamur, ininuestigabiles esse uias eius. Sed ob id maxime etiam Dei uoluntatem colimus, quod ab eo cælesti lumine dignati sumus. Ereptos enim de potestate tenebrarum, transtulit in regnum filij dilectionis sue. Sed ut extremo loco id explicetur, quod ad meditationem pertinet huius petitionis; redeundum est ad id, quod initio attigimus, debere fidelem populum in huius pronuntiatione petitionis esse demisso, & humili animo, reputantem secum eam, quæ in natura est insita, cupiditatum uim, diuinæ uoluntati repugnantem, cogitantem se in eo officio uinci a naturis omnibus: de quibus ita scriptum est: Omnia seruiunt tibi: maximeque imbecillem esse, qui nullum opus Deo gratum non modo non perficere, sed ne instituire quidem possit, nisi Dei adiumento subleuetur. Quoniam uero nihil magnificentius est, nihil prestantius, quam, ut diximus, Deo seruire, & uitam ex eius lege, ac præceptis agere; quid optabilius esse potest homini Christiano, quam ambulare in uis Domini, quam nihil agitare.

Ad Rom. 11

Ad Col. 1

Psalm. 138

22 ij animo

animo, nihil actione suscipere, quod a diuina uoluntate abhorreat? ut uero eam exercitationem capiat, & illud institutum teneat diligentius, petat ex diuinis libris exempla eorum, quibus, cum illi consiliorum suorum rationem non retulissent ad Dei uoluntatem, omnia male ceciderunt. Moneantur postremo fideles, ut in simplici & absoluta Dei uoluntate acquiescant: seruat equo animo conditionem suam, qui sibi inferiori loco uidetur esse, quam eius dignitas postulet: ne deserat ordinem suum, sed in ea uocatione maneat, in qua uocatus est, & proprium iudicium subiiciat Dei uoluntati, qui nobis melius consulit, quam ipsi optare possimus. si angustia rei familiaris, si corporis ualitudine, si persecutionibus, si alijs molestiis, & angoribus premimur; certo statuendum est, nihil horum sine Dei uoluntate, quæ summa omnium ratio est, nobis accidere posse; ideoque non debere nos grauius commoueri, sed inuicto animo ferre, semper illud in ore habentes, Domini uoluntas fiat: & illud beati Iob: Sicut Domino placuit, ita factum est: sit nomen Domini benedictum.

PANEM NOSTRVM QVOTIDIANVM
DA NOBIS HODIE.

Quarta petitio, & reliquæ deinceps, quibus animæ, & corporis subsidia proprie, ac nominatim postulamus, ad superiores petitiones referuntur. habet enim hunc ordinem, ac rationem precationis

catio Dominica, ut postulationem rerum diuinarum consequatur earum petitio, quæ ad corpus, & ad hanc uitam tuendam pertinent. nam ut ad Deum, tamquam ad ultimum finem, referuntur homines: sic humanæ uitæ bona ad diuina eadem ratione diriguntur. quæ quidem ideo optanda, ac petenda sunt; uel quod ita diuinus ordo postulat; uel quod illis adiumentis ad diuinorum bonorum adeptionem indigemus, ut ijs adminiculis propositum finem consequamur, qui regno, & gloria cælestis patris, atque ijs præceptis colendis, seruandisque continentur, quæ Dei uoluntatis esse non ignoramus. quare omnem uim, & rationem huius petitionis ad Deum, eiusque gloriam referre debemus. Præstabunt igitur suum officium Parochi fidelibus auditoribus, ut intelligant, in ijs petendis, quæ ad usum, ac fructum pertinent rerum terrenarum, esse intendendum animum, ac studium nostrum ad Dei præscriptionem, nec inde ulla ex parte declinandum. Nam in eo, quod scribit Apostolus; Quid oremus, Ad Rom. 8 sicut oportet nescimus; maxime peccatur his postulationibus terrenarum, & caducarum rerum. Ergo petenda sunt bona hæc, ut oportet; ne, perperam aliquid postulantes, responsum illud a Deo feramus; Nescitis quid petatis. Erit autem certa iudicandi nota, quæ praua sit, quæue recta petitio, consilium, & propositum postulantis. Nam si quis terrena petit eo animo, ut illa omnino bona existimet, & in illis, tamquam in optato fine, conquies-

Matth. 13

Q Q iij scens

scens, nihil præterea requirat; sine dubio non orat,
 sicut oportet. Non enim, inquit sanctus Augusti-
 nus, petimus temporalia hæc tamquam bona no-
 stra, sed tamquam necessaria nostra. Apostolus
 1. ad Cor. 10 etiam in epistola ad Corinthios docet, omnia, quæ
 spectant ad usus uitæ necessarios, ad Dei gloriam
 referri oportere. Siue enim manducatis, inquit,
 siue bibitis, siue aliud quid facitis, omnia in glori-
 am Dei facite. Sed ut uideant fideles, quantam
 habeat hæc petitio necessitatem; commemorabunt
 Parochi, quanta ad uictum, & ad uitam colen-
 dam indigentia sit externarum rerum. quod ma-
 gis intelligent, si comparatio fiet eorum, quæ pri-
 mo illi parenti nostri generis, & reliquis deinceps
 hominibus fuerunt ad uiuendum necessaria. nam
 etsi ille in amplissimo innocentie statu, unde & ip-
 se, & eius culpa omnis posteritas corrui, necesse
 habuisset adhibere cibum ad reficiendas uires: ta-
 men inter illius, & nostræ uitæ necessitates mul-
 tum interest. non enim ei uestibus ad tegumentum
 corporis opus fuisset, non tecto ad perfugium, non
 armis ad defensionem, non remedijs ad ualetudi-
 nem, non alijs multis, quorum subsidio nos ad hanc
 naturæ imbecillitatem, ac fragilitatem tuendam
 egemus. satis ei fuisset ad immortalem uitam ille
 fructus, quem felicissima uitæ arbor nullo eius,
 aut posterorum labore præbuisset. Neque uero fu-
 turus erat homo in tantis paradisi delicijs otiosus,
 quem ad agendum Deus in eo uoluptatis domicilio col-
 locarat:

locarat : uerum nulla ei opera molesta , nullum officij munus non iucundum fuisset . tulisset ille perpetuo suauissimos fructus ex cultura feliciū hortorum ; nec eum umquam opera , aut spes fefellisset . At posterorum proles non solum fructu priuata uitalis arboris , uerum etiam horribili illa sententia Gen. 3 condemnata est ; Maledicta terra in opere tuo ; in laboribus comedes ex ea cunctis diebus uitæ tuæ ; spinas , & tribulos germinabit tibi , & comedes herbas terræ : in sudore uultus tui uesceris pane tuo , donec reuertaris in terrā , de qua sumptus es : quia puluis es , & in puluerem reuerteris . Nobis igitur cōtra euenerunt omnia , atque illi , & posteris contigisset , si Dei dicto audiens fuisset Adam . itaque uersa sunt omnia , & mutata in deterrimā partem . In quo illud grauissimum est , quod maximos sumptus , summum laborem , ac sudorem sapissime nullus fructus consequitur ; cum fruges datæ in deteriore segetem , uel succrescenti agrestium herbarum asperitate opprimuntur , uel nimbis , uento , grandine , uedine , rubigine percussæ , & prostratæ intereunt ; ut omnis anni labor , exiguo tempore , aliqua celi , uel terræ calamitate recidat ad nihilum . quod accidit immanitate nostrorum scelerum ; a quibus auersus Deus nostris minime benedicit operibus ; sed horrenda manet sententia , quam de nobis initio pronunciauit . Ergo Pastores in huius loci tractationē incūbēt ; ut sciat fidelis populus , sua culpa homines in has angustias , et

22 iij miseri-

miseras incidere ; ut intelligat desudandum quidē ,
 & elaborandum esse in parandis ijs , quæ ad uiuen-
 dum sunt necessaria , ueruntamen , nisi laboribus
 nostris benedixerit Deus , fallacem spem , & ina-
 1. ad Cor. 3 nem fore omnem contentionem . Nam neque qui
 plantat , est aliquid , neque qui rigat , sed qui incre-
 Psal. 126 mentum dat Deus . Et ; Nisi Dominus ædificauerit
 domum , in uanum laborauerunt , qui ædificant
 eam . Docebunt igitur Parochi , esse res pene innu-
 merabiles , quæ si nobis desint , uel uitam amitti-
 mus , uel agimus insuauem . Hac enim cognita re-
 rum necessitate , naturæque imbecillitate , Christia-
 nus populus caelestem Patrem adire cogetur , & ab
 eo terrena , & caelestia bona suppliciter petere . Imi-
 Luc. 15 tabitur prodigium illum filium , qui cum in regio-
 ne longinqua cœpisset egere , nec esset , cum esuri-
 ret , qui ei siliquas daret , aliquando ad se rediens ,
 intellexit , malorum , quibus premebatur , nusquam
 nisi a patre esse expetendum remedium . Quo loco
 accedet etiam fidentius ad orandū fidelis populus ,
 si in cogitatione diuinæ benignitatis recordabitur ,
 paternas aures perpetuo patere filiorum uocibus .
 nam dum hortatur nos , ut panem petamus , ea se
 recte petentibus abunde largiturum pollicetur . do-
 cendo enim , quo modo petamus , hortatur ; hortan-
 do , impellit ; impellendo , spondet ; spondendo , nos
 in spem certissimæ impetrationis inducit . Excitatis
 igitur , & inflammatis animis fidelis populi , sequi-
 tur , ut , quid hac petitione postuletur , declaran-
 dum

dum sit : primum, qui sit ille panis, quem petimus. Sciendum igitur est, in diuinis litteris hoc panis nomine multa quidem significari, sed illa duo precipue, primum quidquid in uictu, ceterisque rebus, ad corpus, uitamque tuendam adhibemus, deinde, quidquid nobis ad spiritus, & animæ uitam, ac salutem Dei munere tributum est. Petimus autem hoc loco huius, quam in terris agimus, uitæ subsidia, sanctorum Patrum ita sentiētium auctoritate. Quamobrem minime sunt audiendi, qui dicunt, non licere Christianis hominibus a Deo petere terra huius uitæ bona. nam huic aduersantur errori, præter consentientem Patrum sententiam, exempla permulta tum ueteris, tum noui testamenti. Iacob enim uouens, sic orabat; Si fuerit Dominus Gen. 28 mecum, & custodierit me in uia, per quam ego ambulo, & dederit mihi panem ad uescendum, & uestimentum ad induendum; reuersusque fuero prospere ad domum patris mei; erit mihi Dominus in Deum, & lapis iste, quem crexi in titulum, uocabitur domus Dei; cunctorumque, quæ dederit mihi, decimas offeram tibi. Salomon etiam certum petebat huius uitæ subsidium, cum illud precabatur; Mendicitatem, & diuitias ne dederis mihi; Prouer. 30 tribue tantum uictui meo necessaria. Quid, quod Saluator humani generis illa iubet petere, quæ nemo negare audeat ad corporis usum pertinere? Ora Matth. 24 te, inquit, ut non fiat fuga uestra in hieme, uel Sabbatho. Quid dicemus de S. Iacobo? cuius illa Iacobi. 5 sunt:

sunt. Tristatur aliquis uestrum? oret: æquo animo est? psallat. Quid de Apostolo? qui sic cum Romanis agebat: Obsecro uos fratres per dominum nostrum Iesum Christum, & per charitatem sancti spiritus, ut adiuuetis me in orationibus pro me ad Deum, ut liberer ab infidelibus, qui sunt in Iudæa. Quare, cum & diuinitus concessum sit fidelibus, ut petant hæc subsidia rerum humanarum, & per facta hæc a Christo domino tradita sit orandi formula; ne illud quidem dubium relinquitur, unam ex septem hanc esse petitionem. Petimus præterea panem quotidianum, idest uictui necessaria; ut panis nomine, quod satis sit, & uestium ad tegendum, & cibi ad uescendum, siue panis is sit, siue caro, siue piscis, siue quodcumque aliud, intelligamus.

4. Reg. 6 uidemus enim usum esse hoc loquendi modo Eliseum, cum regem moneret, ut præberet panem militibus Assyrijs, quibus magna ciborum copia data

Luc. 14 est. Illud etiam de Christo domino scriptum scimus: Ingressus est in domum cuiusdam principis Pharisæorum sabbatho manducare panem. qua uoce, quæ ad cibum, quæque ad potum pertinent, significari uidemus. Ad huius petitionis absolutam significationem præterea animaduertendum est, hoc panis uocabulo non abundantem, & exquisitam ciborum, ac uestium copiam, sed necessariam, ac simplicem intelligi debere: quemadmodum scripsit

1. ad Tim. 6 Apostolus; Habentes alimenta, & quibus tegamur, his contenti simus: Et Salomon, ut diximus,

mus; Tribue tantum victui meo necessaria. Hu-
 ius quoque frugalitatis, & parsimonie illa uoce,
 quæ proxime sequitur, admonemur. cum enim,
 Nostrum, dicimus, panem illum ad necessitatem
 nostram, non ad luxuriam petimus: non enim No-
 strum dicimus, quia cum nobis opera nostra, sine
 Deo, parare possimus: (est enim apud Dauidem;
 Omnia a te expectant, ut des illi escam in tem- Psal. 103
 pore: dante te illis, colligent: aperiente te ma-
 num tuam, omnia implebuntur bonitate: & alio
 loco; Oculi omnium in te sperant Domine, & tu
 das escam illorum in tempore opportuno) sed quia
 necessarius est, & a parente omnium Deo, qui
 omnes sua providentia alit animantes, nobis attri-
 butus. Ob eam quoque causam panis noster appel-
 latur, quod iure est a nobis acquirendus, non iniu-
 ria, fraude, aut furto parandus. quæ enim nobis
 malis artibus conciliamus, non nostra sunt, sed alie- Psal. 117
 na, sæpiusque illorum calamitosa est uel adeptio,
 uel possessio, uel certe iactura. contra uero hone-
 stis, ac laboriosis piorum hominum lucris, ex Pro-
 phete sententia tranquillitas inest, & magna feli-
 citas. Labores enim, inquit, manuum tuarum Deuter. 28
 quia manducabis, beatus es, & bene tibi erit.
 Iam uero ijs, qui iusto labore victum querunt,
 fructum sue benignitatis eo loco pollicetur Deus;
 Emitteret Dominus benedictionem super cella-
 ria tua, & super omnia opera manuum tua-
 rum, benedicetque tibi. Neque solum petimus a
 Deo

Deo nobis, ut illo uti liceat, quod nostro sudore, ac uirtute peperimus eius adiumento benignitatis: id enim uere dicitur nostrum: sed etiam bonam mentem postulamus, ut recte partis, recte item, ac prudenter uti possimus. **QVOTIDIANVM.** huic etiam uoci subiecta est ea notio frugalitatis, ac parsimoniae, quam proxime diximus. non enim multiplicem, aut delicatum cibum postulamus, sed eum, qui naturae necessitati satisfaciat: ut eos pudeat hoc loco, qui, fastidio communis cibi, & potionis, conquisitissima escarum, ac uinorum genera persequuntur. Nec minus hac quotidiani uoce improbantur ij, quibus horrendas illas minas proponit Isaias;

Ifa. 5 *Vae, qui coniungitis domum ad domum, & agrum agro copulatis usque ad terminum loci: numquid habitabitis uos soli in medio terrae? Etenim est inexplebilis horum hominum cupiditas, de quibus illud scriptum est a Salomone; Auarus non implebitur pecunia. ad quos dictum etiam illud pertinet*

Eccle. 5 *Apostoli; Qui uolunt diuites fieri, incidunt in tentationem, & laqueum Diaboli. Quotidianum praeterea panem appellamus, quod uescimur eo ad reficiendum uitalem humorem, qui quotidie consumitur ui naturalis caloris. Est denique illa huius ratio nominis, quod assidue petendus est, ut in hac consuetudine amandi, & colendi Deum retineamur; nobisque omnino persuadeamus, id quod est, uitam, ac salutem nostram ex Deo pendere. DA*

NOBIS. *Quantam haec duae uoces materiam praebent*

beant ad cohortandum fideles, ut infinitam Dei potentiam pie, sancteque colant, & uenerentur, in cuius manu sunt omnia, & ut nefariam illam Sata Luc. 4
 nae ostentationem detestentur; Mihi tradita sunt omnia, & cui uolo do illa; nemo non uidet. nam unius nutu Dei distributa cuncta, & conseruantur, & augentur. Sed quæ diuitibus hæc est imposita necessitas, dixerit quispiam, petendi quotidianum panem, cum rebus omnibus abundant? Hæc illis necessitas est orandi in hunc modum, non ut dentur eis, quorum Dei benignitate habent copiam, sed ne, quæ abunde illis adsunt, amittant. Quamobrem, ut scribit Apostolus, Hinc discant diuites non sublime sapere, neque sperare in incerto diuitiarum, sed in Deo uiuo, qui præstat nobis omnia abunde ad fruendum. Huius autem necessariæ petitionis hanc causam affert sanctus Chrysostomus, non solum ut nobis suppetat cibus, sed ut eum nobis suppeditet Domini manus, quæ, salubrem, atque adeo salutare uim inserens pani quotidiano, efficit, ut & cibus corpori proffit, & corpus animæ seruiat. Sed quid est, quamobrem, DA NOBIS, numero multitudinis dicimus, non autem, mihi? Quia proprium illud est Christianæ charitatis, non ut quisque de se uno sollicitus sit, sed ut præterea de proximo labore, & in cura suæ utilitatis meminerit etiam aliorum. accedit eo, quod, quæ alicui munera diuinitus tribuuntur, non idcirco tribuuntur, ut solus is ea possideat, uel in illis luxuriose

Ambr. ex
Basilio Ma
gno in ser-
mone 81.

Matth. 5

Prover. 9

xariorse uiuat, sed ut cum alijs communicet, quæ necessitati superfuerint: nam inquit sancti Basilii, & Ambrosii: Ejurientium panis est, quem tu detines: nudorum indumentum est, quod tu recludis: miserorum redemptio est, & absolutio, pecunia, quam tu in terram defodis. **HODIE.** Admonet nos hæc uox cōmunis infirmitatis. quis enim est, qui, si minus sua unius opera providere se posse sperat in longinquū tempus necessarios uitæ sumptus, saltem in diem uictus subsidia paraturum non confidat? Sed ne huius quidem fiduciæ facultas nobis a Deo permittitur, qui nos singulorum etiam dierum cibum a se petere iussit. Quæ sententia habet illam necessariam rationem, quia quotidiano pane egemus omnes, quotidie etiam Dominica precatione singulis utendum esse. Hæc de pane, qui ore perceptus, corpus alit, atque sustentat, qui cōmunis fidelium, & infidelium, piorum, & impiorum, admirabili Dei bonitate, qui solem suum ori facit super bonos, & malos, pluit super iustos, & iniustos, omnibus impertitur. Reliquus est spiritalis panis; quem etiam hoc loco petimus. Quo significantur omnia, quæcumque in hac uita ad spiritus, & animæ salutē, et incolumitatē requiruntur. ut. n. multiplex est cibus, quo corpus alitur, & sustentatur: sic nō est unius generis esca, quæ spiritus, & animæ uitam continet. nam & uerbū Dei cibus est animæ: sapientia enim inquit; Venite, comedite panem meum; & bibite uinum, quod miscui uobis.

Huius

Huius autem uerbi facultatem cum adimit Deus hominibus, quod efficere solet, cum grauius nostris sceleribus offenditur, fame dicitur premere genus humanum. sic enim est apud Amos: Emit- Amos 8.
tam famem in terram, non famem panis, neque sitim aquæ, sed audiendi uerbum Domini. Vt autem illud est certum propinquæ mortis signum, cum non possint homines uel cibum sumere, uel sumptum retinere: sic magnum est desperatæ salutis argumentum, cum uel non querunt uerbum Dei, uel, si adsit, non sustinent; & illam impietatis uocem in Deum effundunt; Recede a nobis, Iob 21
scientiam uiarum tuarum nolumus. In hoc furore animi, & mentis cacitate uersantur illi, qui, neglectis ijs, qui legitime eis præsent, catholicis, & Episcopis, & sacerdotibus, & a sancta Romana Ecclesia desciscentes, corruptoribus Dei uerbi hæreticis se in disciplinam tradiderunt. Iam uero panis est Christus dominus, animæ cibus: inquit enim ipse de se; Ego sum panis uiuus, qui de calo descendi. Incredibile est, quanta uoluptate, Ioan. 6
ac lætitia perfundat piorum animas hic panis tum, cum maxime terrenis molestiis, & incommodis confluantur. exemplo nobis est sanctus ille chorus apostolorum, de quibus extat; Illi quidem ibant gaudentes a conspectu concilij. Act. 5
Referti sunt huiusmodi exemplis libri de uita sanctorum hominum; & de intimis his bonorum gaudijs ita loquitur Deus; Vincenti dabo manna absconditum Apocal. 2

Præ-

Præcipue autem panis noster est ipse Christus dominus, qui in sacramento Eucharistiæ substantialiter continetur. Hoc inexplicabile pignus charitatis dedit nobis redditurus ad patrē, de quo dixit: Qui manducat meam carnem, & bibit meum sanguinem, in me manet, & ego in illo. Accipite, & manducate, hoc est corpus meum. Ea petent Parochi, quæ ad fidelis populi utilitatem pertinebunt, ex eo loco, quo separatim huius sacramenti uis, ac ratio continetur. Et uero dicitur hic panis noster, quia fidelium modo hominum est, idest eorum, qui charitatem cum fide coniungentes, penitentiae sacramento sordes eluunt peccatorum; qui non dimittentes memoriam, se Dei filios esse, diuinum sacramentum sumunt, & colunt, quanta maxima possunt sanctitate, ac ueneratione. Quotidianus uero quamobrem dicatur, in promptu duplex ratio est, altera, quod in sacris Christianæ Ecclesiæ mysterijs quotidie & offertur Deo, & datur pie sancteque postulanti; altera, quod quotidie sumendus est, uel certe ita uiuendum, ut quotidie, quoad eius fieri possit, digne sumere queamus. Audiant, qui contra sentiunt, nisi longo interuallo salutaribus his epulis animæ uesci non oportere, quid sanctus dicat

S. Ambr. in lib. 5 de Sacramento, ca. 4 Ambrosius: Si quotidianus est panis, cur post annum illum sumis? Sed in hac petitione ad illud præcipue cohortandi sunt fideles, ut, cum recte & consilium, & industriam suam posuerint in comparandis rebus uitæ necessarijs, rei exitum Deo permittant,

tiant suumque desiderium ad eius referant uoluntatem, qui non dabit in æternum fluctuationem iusto. Nam uel concedet Deus, quæ petuntur, & Psal. 54
ita suum optatum consequentur; uel non concedet, & id erit certissimum argumentum, nec salutare illud esse, nec utile, quod pijs a Deo negatur, cui magis curæ est de eorum salute, quam illis ipsis. Quem locum instruere poterunt, explicandis ijs rationibus, Parochi, quæ a sancto Augustino in epistola ad Probam præclare colliguntur. Extremum illud erit in huius tractatione petitionis, ut meminerint diuites facultates suas, & copias Deo acceptæ referre, cogitentque se idcirco illis bonis esse cumulatos, ut illa distribuant indigentibus. In quam sententiam conueniunt, quæ in prima epistola ad Timotheum ab Apostolo differuntur: unde magnâ uim Parochis petere licebit diuinorum præceptorum ad hunc locum utiliter, ac salutariter illustrandum. 1. ad Tim. 6

S. Augustinus.

ET DIMITTE NOBIS DEBITA NOSTRA, SICUT ET NOS DIMITTIMUS DEBITORIBUS NOSTRIS.

Cum ita multa sint, quæ infinitam Dei potentiam, cum pari sapientia, ac bonitate coniunctam, significent, ut, quocumque oculos, cogitationemque conuerteris, certissima signa immensæ potestatis, ac benignitatis occurrant; nihil profecto est, quod summum eius amorem, & admirabilem in nos charitatem magis declaret, quam inexplicabile mysterium

RR sterium

sterium Iesu Christi passionis , unde perennis ille
 fons ad eluendas peccatorum sordes erupit ; quo
 perfundi , & expiari , Deo duce , ac largitore , ex-
 optamus , cum illud ab eo petimus , Dimitte nobis
 debita nostra . Continet autem hæc petitio sum-
 mam quandam eorum bonorum , quibus per Iesum
 Christum cumulatam est humanum genus . id enim
 Isa. 27 docuit Isaias : Dimittetur , inquit , iniquitas do-
 mui Iacob , & iste omnis fructus , ut auferatur
 peccatum eius . quod Dauid etiam ostendit , beatos
 prædicans eos , qui salutarem illum fructum perci-
 pere potuerunt , his uerbis : Beati , quorum remis-
 sa sunt iniquitates . Quare est accurate , ac dili-
 genter Pastoribus huius postulationis animadu-
 erenda , & exponenda sententia , quam ad celestem
 uitam consequendam tantum ualere intelligimus .
 Ingredimur autem nouam precandirationem . nam
 hætenus a Deo non solum æterna , & spiritua-
 lia bona , sed caduca , et quæ ad hanc uitam pertinet ,
 commoda petiuimus : nunc uero mala deprecamur
 & animæ , & corporis , & huius , & sempiternæ
 uitæ . Sed quoniam ad impetrandum , quod postu-
 lamus , requiritur recta postulandi ratio ; quo mo-
 do affectos esse oporteat eos , qui Deum hoc orare ue-
 lint , dicendum uidetur . Monebunt igitur Paro-
 chi fidelem populum , primū necesse esse , ut is , qui
 ad hoc petendum uelit accedere , suum ipse pecca-
 tum agnoscat ; deinde , ut eius sensu , ac dolore
 commoueatur ; tum , ut sibi omnino persuadeat ,
 Deum

Deum in hac esse uoluntate, ut ijs. qui peccauerunt, ita, ut diximus, affectis, & comparatis, ignoscat; ne forte acerbam delictorum recordationem, ac recognitionem illa ueniae desperatio consequatur, quæ olim Caim, & Iudæ animum occupauit; qui Deum Gen. 4 modo uindicem, & ultorem, non etiam mitem, & Matth. 27 misericordem, existimarunt. Ergo in hac petitione sic affecti simus, oportet, ut dolenter peccata nostra recognoscentes, ad Deum, tamquam ad parentem, non quasi ad iudicem confugiamus; a quo, non ut ex iustitia nobiscum agat, sed ex misericordia, postulemus. Facile autem adducemur, ut peccatum nostrum agnoscamus, si ipsum audierimus Deum nos in sacris litteris huius rationis admonentem: est enim illud apud Dauidem: Omnes declinauerunt, simul inutiles facti sunt: non est, qui faciat bonum, non est usque ad unum. In eandem sententiam loquitur Salomon; Non est homo iustus Eccle. 7 in terra, qui faciat bonum, & non peccet. Quo illud etiam pertinet; Quis potest dicere, mundum Prouer. 10 est cor meum, purus sum a peccato? Quod idem a sancto Ioanne, ad deterrendos homines ab arrogantia, scriptum est; Si dixerimus, quoniam peccatum non habemus; ipsi nos seducimus, & ueritas in nobis non est. Et a Hieremia; Dixisti, absque peccato, & innocens ego sum: & propterea auertatur furor tuus a me: ecce ego iudicio contendam tecum, eo quod dixeris, non peccaui. Quorum sententias

RR ij omnium

omnium idem, quieas illorum ore pertulerat. Christus dominus hoc petitionis præscripto confirmat, quo iubet nos delicta nostra confiteri. id enim secus interpretari prohibuit auctoritas Mileuitani Concilii in hunc modum: Placuit, ut, quicumque uerba ipsa Dominicæ orationis, ubi dicimus, Dimitte nobis debita nostra, ita uult a sanctis dici, ut humiliter, non ueraciter hoc dicatur; anathema sit. Quis enim ferat orantem, & non hominibus, sed ipsi Domino mentientem, qui labijs sibi dicit dimitti uelle, & corde dicit, quæ sibi dimittantur debita, non habere? Verum in necessaria recognitione peccatorum nō est satis, illa leuiter recordari. nam, ut acerba nobis sit ea memoria, ut cor pungat, animum stimulet, & dolorem inuratur, necesse est. Quare pertractabunt locum hunc diligenter Parochi, ut non solum facinorum, ac flagitiorum suorum meminerint fideles auditores, sed ut moleste, dolenterque meminerint, ut, cum angantur intimis sensibus, conserant se ad patrem Deum, a quo, ut inherentes euellat scelerum aculeos, suppliciter petant. Nec uero solum erratorum turpitudinem studebunt subicere oculis fidelis populi, uerum etiam indignitatem, ac sordes hominum, qui, cum nihil simus, nisi putida caro, nisi summa scditas, incomprehensibilem illam Dei maiestatem, & inexplicabilem præstantiam, incredibilem in modum audeamus offendere, præsertim a quo procreati, liberati, innumerabilibus, maximisque beneficijs

ficijs aucti simus: ut quid? ut abalienati a patre
 Deo, qui summum bonum est, turpissima peccati
 mercede, Diabolo nos addicamus in miserrimam
 seruitutem. neque enim dici potest, quam crudeli-
 ter ille dominetur in eorum animis, qui, repulso sua
 ui iugo Dei, ruptoque charitatis amabilissimo no-
 do, quo parenti Deo spiritus noster adstringitur, ad
 hostem acerrimum desciverunt; qui eo nomine prin-
 ceptus, & rector mundi, & princeps tenebrarum, Ioan. 14
 & rex super uniuersos filios superbiæ, dicitur in di-
 uinis litteris. In eos autem, qui Dæmonis tyranni-
 de opprimuntur, uere conuenit illa uox Isaïæ; Do-
 mine Deus noster, possederunt nos domini absque
 te. Hec si nos minus mouent rupta fœdera charita-
 tis, moueant certe calamitates, & ærumnæ, in
 quas per peccatum incidimus. uiolatur enim san-
 ctitas animæ, quam Christo desponsam esse scimus.
 profanum fit illud idem templum Domini, quod qui
 contaminant, in eos dicit Apostolus; Si quis au-
 tem templum Dei uiolauerit, disperdet illum Deus.
 Innumerabilia sunt mala, quæ peccatum inuehit
 in hominem: quam pene infinitam pestem Dauid
 his uerbis expressit; Non est sanitas in carne mea,
 a facie iræ tuæ: non est pax ossibus meis, a facie
 peccatorum meorum. Nimiram norat hanc plagæ
 uim, cum nullam sui partem pestifero peccato inta-
 ctam fateretur. peruaserat enim in ossa peccati ui-
 rus, idest, rationem, & uoluntatem, quæ maxi-
 me solidæ sunt animæ partes, infecerat. hanc late

Ad Eph. 6
 Iob 41

Isa. 26.

1. ad Cor. 3

Psal. 37

RR iij paten-

patentem pestem indicant sacræ litteræ, cum peccatores, claudos, surdos, mutos, cecos, & omnibus membris captos appellant. Sed præter dolorē, quem ex peccatorum quasi scelere sentiebat, magis etiamangebatur David ex ira Dei, quam in se propter peccatum cōmotam intelligebat. Bellum. n. est sceleratis cum Deo, quorum sceleribus incredibiliter offenditur: inquit enim Apostolus: Ira, & indignatio, tribulatio, & angustia in omnem animam hominis operantis malum. nam etsi transierit actio peccati, tamen peccatum macula & reatu pernanet; cui semper imminens ira Dei illud insequitur, tamquam umbra corpus. Cum igitur David his uulneraretur aculeis, ad petendam delictorum ueniam excitabatur: cuius & exemplum doloris, & doctrinæ rationem, ex quinquagesimo eius psalmo depromptam, proponunt Parochi fidelibus auditoribus, ut Prophetæ imitatione & ad doloris sensum, idest ad ueram pænitentiam, & ad ueniæ spem erudiri possint. Quantam habeat utilitatem hæc docendi ratio, ut ex peccatis dolere discamus, illa Dei apud Hieremiam declarat oratio, qui cum Israelem ad pænitentiam hortaretur, admonebat eum, ut malorum sensum perciperet, quæ peccatum consequuntur: Vide enim, inquit, quia malum, & amarum est, reliquisse te dominum Deum tuum, & non esse timorem mei apud te, dicit dominus Deus exercituum. Qui carent necessario hoc recognitionis, ac doloris sensu, ij apud prophetas

phetas, Isaiam, Ezechielem, & Zachariam, cor du-
 rum, lapideum, & adamantinum habere dicun-
 tur. sunt enim, inftar lapidis, nullo dolore molliti,
 nullum uitæ, idest salutaris recognitionis sensum
 habentes. Sed ne peccatorum grauitate deterritus,
 se populus ueniam impetrare posse desperet; ipsum
 ad spem uocare Parochi debebunt his rationibus;
 quod & Ecclesiæ Christus dominus potestatem de-
 dit remittendi peccata, quemadmodum sacrosancti
 Symboli articulo declaratur, & hac petitione do-
 cuit, quanta esset Dei bonitas, ac liberalitas in ge-
 nus humanum. nisi enim promptus esset, ac para-
 tus Deus ad condonandum peccata penitentibus,
 numquam nobis hanc precandi formulam præscri-
 psisset; Dimitte nobis debita nostra. Quamobrem
 illud fixum in animis tenere debemus, fore, ut is
 paternam misericordiam nobis impertiat, qui ipsam
 his precibus iussit exposcere. nam omnino sub hac
 petitione, illa est subiecta sententia, sic esse in nos
 affectum Deum, ut uere penitentibus libenter
 ignoscat. Est enim Deus is, in quem, abiecta obe-
 dientia, peccamus; cuius ordinem sapientiæ per-
 turbamus; quantum est situm in nobis, quem of-
 fendimus; quem factis, dictisque uiolamus. Ve-
 rum idem est ille beneficentissimus parens, qui,
 cum possit omnia condonare, non modo se id uel-
 le declarauit, sed etiam impulit homines, ut a
 se ueniam peterent, &, quibus uerbis id face-
 rent, docuit. Quare nemini dubium esse potest.

RR iij quin

quin, illo auctore, in nostra potestate sit, nobis Dei gratiam reconciliare. Et quoniam hæc testificatio propensæ ad ignoscendum diuinæ uoluntatis fidem auget, spem alit, charitatem inflamat; operæpretium est ornare hunc locum nonnullis diuinis testimonijs, & hominum exemplis; quibus maximorum scelerum penitētibus Deus ueniam concesserit. quam sententiam quoniam persecuti sumus, quantum res ferebat, in præmio huius precationis, & in ea Symboli parte, quæ est de remittendis peccatis; inde assument Parochi, quæ ad hunc locum instruendum pertinere uidebuntur, reliqua haurient ex diuinarum litterarum fontibus: tum uero eodem utantur instituto, quo in ceteris petitionibus utendum duximus; ut intelligant fideles, quid hic, Debita, significant; ne forte decepti ambiguo, aliud ab eo, quam quod petendum sit, postulent. Primum autem scire oportet, minime petere nos; nobis ut remittatur amor ex toto corde, ex tota anima, & ex tota mente nostra, quem omnino Deo debemus, & cuius debiti solutio est ad salutem necessaria. Neque uero, quia, debiti nomine, etiam obedientia, cultus, ueneratio, & cetera huius generis officia continentur, postulamus, ut non amplius ea debeamus, sed precamur, ut liberet

LUC. II. a peccatis: sic enim S. Lucas est interpretatus: qui peccata pro debitis posuit, ob eam causam, quod illis committendis rei efficimur Deo, & debitis penis propositi, quas uel satisfaciendo, uel patiendopendi-

pendimus. Huius generis debitum fuit, quod Chri^{Pfal. 68}
stus dominus locutus est ore Prophetæ; Quæ non
rapui, tunc exolvebam. Quæ Dei uerbi sententia
licet intelligere, non solum nos debitores esse, sed
etiam non esse soluendo; cum peccator per se satisfa
cere nullo modo possit. Quare confugiendum no
bis est ad Dei misericordiam: cui quia par iustitia
respondet, cuius est retinentissimus Deus, utendum
erit deprecatione, & patrocínio passionis domini
nostri Iesu Christi; sine qua nemo umquam ueni
am delictorum impetrauit; a qua omnis & satisfa
ciendi uis, & ratio tamquam ex fonte profluxit.
nam pretium illud in cruce a Christo domino perso
lutum, & nobiscum per sacramenta, re, uel stu
dio, ac desiderio adhibita, communicatum, tanti
est, ut nobis impetret, & consiciat, quod hac peti
tione postulamus, ut peccata nostra remittantur.
Quo loco non id modo pro leuibus erratis, & facil
limis ad impetrandam ueniam, sed pro grauibus,
& mortiferis peccatis deprecamur. quæ precatio
in scelerum grauitate pondus non habebit, nisi id a
pænitiæ sacramento, re, uel certe desiderio su
scepto, ut iam dictum est, assumpserit. Dicimus
autem, Debita nostra, longe aliter, atque, Pa
nem nostrum, antea diximus. noster enim ille est
panis, quia nobis Dei munere tribuitur: at pecca
ta nostra sunt, quia illorum culpa residet in nobis:
nam nostra uoluntate suscipiuntur; quæ peccati uim
non haberent, nisi essent uoluntaria. Nos igitur,

cam

eam culpam sustinentes, & confitentes, ad expiandum peccata necessariam Dei clementiam imploramus. In quo non utimur excusatione cuiusquā, nec causam in quemquam transferimus, ut primi
 Gen. 3 homines Adam, & Eua fecerunt; ipsi nos indicamus, illam, si sapimus, Propretæ precationem adhibentes,
 Psal. 140 Non declines cor meum in uerba malitiæ ad excusandas excusationes in peccatis. Nec uero dicimus, dimitte mihi, sed nobis; quod fraternæ necessitudo, & charitas, quæ inter omnes homines intercedit, a nobis singulis postulat, ut de communi proximorum salute solliciti, cum pro nobis preces facimus, pro illis etiam deprecemur. Hunc orandi morem, a Christo domino traditum, deinceps ab Ecclesia Dei acceptum, perpetuoque seruatum, ipsi & maxime tenuerunt Apostoli, & ut ceteri adhiberent, auctores fuerunt. Huius autem flagrantis studij, & cupiditatis in deprecando pro salute proximorum, habemus in utroque testamento sanctorum Mosis, & Pauli præclarum exemplum: quorum alter sic Deum precabatur;
 Exod. 32 Aut dimitte eis hanc noxam, aut, si non facis, dele me de libro tuo: alter in hunc modum;
 Ad Rom. 9 Optabam ego ipse anathema esse a Christo pro fratribus meis.

SICUT ET NOS DIMITTIMVS
 DEBITORIBVS NOSTRIS.

Illud, Sicut, dupliciter intelligi potest: nam & similitudinis uim habet, cum uidelicet a Deo petimus.

mus, ut, quemadmodum nos iniurias, & contumelias remittamus ijs, a quibus lesi sumus, sic ipse nobis peccata condonet. Est præterea conditionis nota: in quam sententiam Christus dominus eam formulam interpretatur: Si enim dimiseritis, inquit, hominibus peccata eorum, dimittet & uobis pater uester celestis delicta uestra; si autem non dimiseritis hominibus, nec pater uester dimittet uobis peccata uestra. Verum habet uterque sensus eandem ignoscendi necessitatem: ut, si uolumus Deum uobis ueniam concedere delictorum, parcamus illis ipsis necesse sit, a quibus iniuriam accepimus. sic enim Deus obliuionem iniuriarum, mutuumque studium, & amorem requirit a nobis, ut eorum, qui in gratiam non sunt reconciliati, dona, ac sacrificia reiiciat, & aspernetur. Est etiam naturæ lege sancitum, ut tales nos alijs præbeamus, quales eos in nos esse cupimus: uere ut impudentissimus ille sit, qui postulet a Deo, ut sui sceleris pœnam prætermittat, cum ipse in proximum animum rotineat armatum. Quare parati, & prompti ad ignoscendum esse debent ij, quibus impositæ sunt iniuriæ; cum & urgeantur hac precandi formula; & apud sanctum Lucam id iubeat Deus; Si peccauerit in te frater tuus, increpa illum; & si pernitentiam egerit, dimitte illi; & si septies in die peccauerit in te, & septies in die conuersus fuerit ad te, dicens, pœnitet me, dimitte illi. Et in euangelio sancti Matthæi sit: Diligite inimicos uestros. & Aposto-

Matth. 6]

Luc. 17

Matth. 5

Apostolus

ad Rom. 11
Prouer. 25

Mar. 11

Apostolus, & ante eum Salomon scripserit; Si esurierit inimicus tuus, ciba illum; si sitit, potum da illi: & sit apud sanctum Marcum euangelistam; Cum stabitis ad orandum, dimittite si quid habetis aduersus aliquem; ut et pater uester, qui in caelis est, dimittat uobis peccata uestra. Sed quoniam, deprauata naturae uitio, nihil acrius fit ab homine, quam ut inferenti condonet iniurias: omnem conferant Parochi animi, & ingenii uim ad commutandos & flectendos animos fidelium ad hanc lenitatem, & misericordiam, Christiano homini necessariam. Commorentur in tractatione diuinorum oraculorum: in quibus audire licet imperantem Deum, inimicis ignoscendum. Prædicent id, quod uerissimum est, magno esse argumento hominibus, eos esse Dei filios, si facile remittant iniurias, & inimicos diligant ex animo. Elucet enim in eo, quod inimicos diligimus, similitudo quædam cum parente Deo, qui sibi inimicissimum, & infestissimum genus hominum, filij sui morte ab æterno exitio redemptum, reconciliauit. Sit autem huius cohortationis, & præcepti clausula illud imperium Christi domini, quod recusare non possumus sine summo dedecore, & pernicie; Orate pro persequentibus, & calumniantibus uos, ut sitis filij patris uestri, qui in caelis est. Verum hoc loco non uulgaris Pastorum prudentia requiritur, ne quis, cognita huius difficultate, ac necessitate præcepti, salutem desperet. Sunt enim, qui cum, se debere intelligant continere

rere

vere iniurias obliuione uoluntaria, & eos dilige-
 re, qui læserunt, id cupiunt, & pro uiribus faci-
 unt, sed uniuersam memoriam iniuriarum sibi ex-
 bauriri non posse sentiunt. nam resident in animo
 quedam reliquæ simultatis: quamobrem magnis
 agitantur conscientie fluctibus, uerentes, ne, pa-
 rum simpliciter, & candide positis inimicitiis, Dei
 iusso non obediant. Hic igitur Pastores contraria
 studia carnis, & spiritus explicabunt, quod illius
 sensus sit ad uindicationem procliuus, huius ratio
 propensa ad ignoscendum, hinc inter ipsos perpetu-
 am turbam, ac rixam existere: quare saluti mini-
 me diffidendum esse demonstrabunt, reclamitanti-
 bus, & aduersantibus rationi, corruptæ naturæ
 appetitionibus, modo spiritus persitet in officio &
 uoluntate remittendi iniurias, proximumque dili-
 gendi. Quod autem aliqui fortasse fuerint, qui,
 cum nondum animum inducere possint, obliti iniu-
 rias, ament inimicos, propterea deterriti ea, quæ
 diximus, condicione huius petitionis, Dominica
 precatione non utantur; duas has rationes afferent
 Parochi, quibus exitiosum hunc errorem illis eripi-
 ant. Nam quiuis unus e fidelium numero preces
 has facit totius Ecclesiæ nomine; in qua pios esse
 aliquot necesse est, qui debitoribus ea, quæ hic com-
 memorantur, debita remiserunt. Accedit eo, quod
 id a Deo petentes, una etiam petimus, quidquid
 ad illud impetrandū in eam petitionem a nobis neces-
 sario conferendum est. petimus enim & ueniam
 pecca-

peccatorum, & donum ueræ penitentiae: petimus facultatem intimi doloris: postulamus, ut a peccatis abhorrere, & illa sacerdoti uere ac pie confiteri possimus. Itaque cum necesse etiam nobis sit parere ijs, qui damnum, aut malum aliquod dederint, cum, ut nobis Deus ignoscat, precamur, simul oramus, ut facultatem largiatur reconciliandi nos illis, quos odimus. Quare deterrendi sunt ab ea opinione, qui inani, & prauo illo timore commouentur, ne sibi Deum reddant offensorem hac precatione; contraque etiam cohortandi ad frequentem precationis usum, quo a parente Deo postulent, ut sibi det eam mentem, ut ijs, qui læserint, ignoscant, & inimicos diligant. Sed, ut precatio omnino fructuosa sit; primam hæc in ea est cura, meditatioque adhibenda, nos Deo supplices esse, & ab eo ueniam petere, quæ non datur, nisi penitenti: itaque nos ea charitate, & pietate præditos esse oportere, quæ penitentibus conueniat; conuenire autem maxime ijs, subiecta quasi oculis propria flagitia, atque facinora lacrymis expiare. Cum hac cogitatione coniungenda est cautio in posterum earum rerum, in quibus fuit aliqua occasio peccandi, quæque nobis ansam dare possint ad offendendum parentem Deum.

manu d.
igne uah

Psal. 50 In his turis uersabatur Dauid, cum diceret; Et peccatum meum contra me est semper. Et alio loco;
Psal. 6 Lauabo per singulas noctes lectum meum; lacrymis meis stratum meum rigabo. Proponat sibi præterea unusquisque ardentissimum orandi studium

dium eorum, qui a Deo precibus impetraverunt ue-
 niam delictorum, ut publicani illius, qui longe con-
 sistens præ pudore, ac dolore, et oculis humi defixis,
 tantum pulsabat pectus, eam habens orationem,
 Deus propitius esto mihi peccatori: Tum illius pec- Luc. 18
 catricis mulieris, quæ Christo domino, retro stans, Luc. 7
 rigatos a se eius pedes, capillis etiam absterfos oscu- Matth. 24
 labatur: Petri denique Principis apostolorum, qui
 egressus foras, fleuit amare. Deinde cogitandum
 est, quo infirmiores sunt homines, & ad morbos
 animi, quæ sunt peccata, propensiores, eo pluri-
 bus, & frequentioribus medicamentis indigere:
 sunt autem ægrotae animæ remedia, pœnitentia, &
 Eucharistia. Hæc igitur sæpiissime adhibeat fidelis
 populus: deinde eleemosyna, quemadmodum tra-
 dunt diuinæ litteræ, medicina est accommodata sa-
 nandis animæ uulneribus. quare, qui pie hac prece
 uti cupiunt, pro uiribus benigne faciant egentibus.
 quantam enim uim habeat ad delendas scelerum ma-
 culas, testis est in Tobia angelus Domini sanctus Tob. 12
 Raphael, cuius est illa uox; Eleemosyna a morte
 liberat, & ipsa est, quæ purgat peccata, & facit
 inuenire misericordiam, & uitam æternam. Testis
 est Daniel, qui Nabuchodonosor regem sic admone- Dan. 4
 bat; Peccata tua eleemosynis redime, & iniquita-
 tes tuas misericordijs pauperum. Optima au-
 tem largitio, & impertiendæ misericordiæ ratio, est
 obliuio iniuriarum, & bona uoluntas erga eos,
 qui rem, uel existimationem, uel corpus tuum,

tuorumue uiolarint. Quicumque igitur cupit in se esse maxime misericordem Deum, is ipsi Deo suas donet inimicitias, remittatque omnem offensionem, & pro hostibus libentissime deprecetur, omnem captans occasionem de illis ipsis bene promerendi. Sed quoniam hoc argumentum explicatum est, cum homicidij locum tractauimus, eo reuicimus Parochos. qui tamen hanc petitionem hoc fine concludant, nihil iniustius esse, aut fingi posse, quam eum, qui cum hominibus durus sit, ut nemini se det ad lenitatem, idem postulet, ut in se sit mitis, & benignus Deus.

ET NE NOS INDVCAS IN TENTATIONEM.

Non dubium est, quin filij Dei post impetratam delictorum ueniam, cum, incensi studio adhibendi Deo cultum, & uenerationem, caeleste regnum exoptant, & omnia diuino numini tribuentes pietatis officia, toti pendent a paterna eius uoluntate, ac prouidentia, tum eo magis humani generis hostis omnes aduersus illos artes excogitet, omnes machinas paret, quibus oppugnentur sic, ut uerendum sit, ne, labefactata, & mutata sententia, rursum in uitia delabantur, longeque deteriores euadant, quam antea fuerint. De quibus illud 1. Pet. 2 Principis apostolorum iure dici possit; Melius erat illis, non cognoscere uiam iustitiæ, quam, post agnitionem, retrorsum conuerti ab eo, quod illis tradi-

traditum est, sancto mandato. Quare nobis a Christo domino datum est huius petitionis præceptum, ut quotidie nos Deo commendemus, eiusque patriam curam, & præsidium imploremus, minime dubitantes fore, ut, si deseramur diuino patrocínio, uergeremur in hostis laqueis irretiti teneamur. Neque uero solum in hac orandi regula iussit a Deo petere, ne patiatur nos induci in tentationem, sed in illa etiam oratione, quam ad sacros Apostolos habuit sub ipsum mortis tempus, cum quidem ipsos mundos esse dixisset, eos huius officij his uerbis admonuit; Orate, ut non intretis in tentationem. Quæ iterum a Christo domino adhibita admonitio magnum diligentiae onus imponit Parochis excitandi fidelem populum ad frequentem huius usum precationis, ut, cum tanta hominibus ab hoste Diabolo in singulas horas pericula huius generis intenduntur, a Deo, qui solus illa propulsare potest, petant illud assidue, Ne nos inducas in tentationem. Intelliget autem fidelis populus, quantopere egeat diuini huius adiumenti, si suæ imbecillitatis, inscitiaeque meminerit; si recordabitur illam Christi domini sententiam, Spiritus quidem promptus est, caro autem infirma; si ei uenerit in mentem, quam graues sint, & exitiales hominum casus, impellente demone, nisi sustineantur dexterae caelestis auxilio. Quod illustrius esse possit humanae infirmitatis exemplum, quam sacer ille chorus Apostolorum, qui magno ante animo cum essent, primo quoque obiecto terrore, reli-

Ioan. 13

Matth. 26

Matth. 26

SS

eto

Matth. 26

Et Saluatore, diffugerunt? et si illustrius etiam est illud Principis apostolorum, qui in tanta professione singularis & fortitudinis, & amoris in Christum dominum, cum paulo ante, sibi bene fidens, ita dixisset;

Matth. 26

Si oportuerit me mori tecum, non te negabo: statim unius uoce muliercula perterritus, se dominum non esse, iureiurando affirmavit. nimirum illi in summa spiritus alacritate non respondabant uires. Quod si uiri sanctissimi humanæ naturæ fragilitate, cui confidebant, grauiter peccauerunt: quid non timendum est ceteris, qui ab eorum sanctitate absunt longissime? Quare proponat fidei populo Parochus prælia, ac pericula, in quibus assidue uersamur, dum anima est in hoc mortali corpore, quos undique caro, mundus, & Satanas oppugnant. Quid ira, quid cupiditas in nobis possit, quotusquisque est, qui magno suo malo non experiri cogatur? Quis non his laceffitur stimulis? quis hos non sentit aculeos? quis subiectis non uritur ardentibus facibus? & quidem tam uarij sunt ictus, tam diuersæ petitiones, ut difficillimum sit grauem aliquam plagam non accipere. Ac, præter hos inimicos, qui habitant, & uiuunt nobiscum,

Ad Eph. 6

sunt præterea illi hostes acerrimi, de quibus scriptum est; Non est nobis colluctatio aduersus carnem, & sanguinem, sed aduersus Principes, & potestates, aduersus mundi rectores tenebrarum harum, contra spiritualia nequitia in caelestibus. Accedunt enim ad intimas pugnas externi impetus & im-
pres-

pressiones demonum; qui & aperte nos petunt, & per cuniculos influunt in animas nostras, uix ut ab illis cauere possimus. Illos & principes appellat Ad Eph. 6
 Apostolus propter naturæ excellentiam: (nam natura hominibus, & ceteris, quæ sub sensum cadunt, creatis rebus antecellunt) & potestates uocat, quod non solum naturæ ui, sed potestate etiam superant: et rectores nominat mundi tenebrarum: non enim clarum, & illustrem mundum regunt, idest bonos, & pios, sed obscurum, & caliginosum, nempe eos, qui flagitiosæ, & facinorosæ uitæ sordibus, ac tenebris obcæcati, duce tenebrarum Diabolo delectantur. Nuncupat etiam demones spiritualia nequitia: est enim & carnis, & spiritus nequitia. Carnalis quæ dicitur nequitia, incendit appetitum ad libidines, & uoluptates, quæ percipiuntur sensibus. Spiritualia nequitia sunt mala studia, & prauæ cupiditates, quæ ad superiorem pertinent animæ partem; quæ tanto peiores sunt, quam reliquæ, quanto mens ipsa, & ratio altior est, atque præstantior. Quæ Satanae nequitia quia maxime spectat illuc, ut cælesti nos hereditate priuet; propterea dixit Apostolus, In cælestibus. ex quo licet intelligere, magnas esse hostium uires, inuictum animum, immane in nos, & infinitum odium: bellum etiam perpetuum eos gerere nobiscum, ut nulla pax esse cum illis, nullæ indutiæ fieri possint. Quantum uero au-
 deant, declarat Satanae apud Prophetam uox, Isa. 14.

SS ij In

In calum conscendā : aggressus est primos homines in paradiso: adortus est Prophetas: appetiuit apostolos, ut, quemadmodum loquitur apud Euāgelistam

Luc. 22 Dominus, Cribraret eos sicut triticum: ne ipsum quidem Christi domini os erubuit. Itaque eius inexplabilem cupiditatem, & immensam diligentiam

1. Pet. 5 sanctus Petrus expressit, cum dixit; Aduersarius uester Diabolus, tamquam leo rugiens, circuit, quarens, quem deuoret. Quamquam non unus

modo tentat homines Satan, sed gregatim interdum demones in singulos impetum faciunt: quod ille cō

Mar. 5 fessus est daemon, qui rogatus a Christo domino, quod sibi nomen esset, respondit, legio mihi nomen

Luc. 8 est; nempe demonum multitudo, quæ miserum il-

Matth. 12 lum diuexarat. & de alio scriptum est; Assumit septem alios spiritus secum, nequiores se, & intrā-

tes habitant ibi. Multi sunt, qui, quod impulsus, atque impetus demonum in se minime sentiunt, totam rem falsam esse arbitrantur; quos ipsos a de-

monibus non oppugnari mirum non est, quibus se sponte dediderunt. non est in illis pietas, non chari-

tas, non uirtus illa Christiano homine digna: quare fit, ut toti sint in potestate Diaboli; nec ullis tenta-

tionibus opus est ad eos euertendos, in quorum iam animis, ipsis libentibus, commoratur. At uero qui se Deo dicauerunt, in terris caelestem uitam a-

gentes, ij maxime omnium Satanae incurfibus petuntur, hos acerbissime odit, his in singula temporis momenta struit insidias. plena est historia diui-

narum

narum litterarum sanctorum hominum; quos præsenti etiam animo stantes, uel ui, uel fraude peruer-
tit. Adam, Dauid, Solomon, alique, quos enu-
merare difficile sit, experti sunt demonum uiolen-
tos impetus, & callidam astutiam, cui resisti non
possit consilio, aut hominum uiribus. Quis igitur
se suo præsidio satis tutum existimet? Itaque pie, ca-
steque petendum a Deo est, ne nos tentari sinat su-
pra id, quod possumus, sed faciat etiam cum ten-
tatione prouentum, ut possimus sustinere. Verum
hic fideles confirmandi sunt, si qui animi imbecilli-
tate, aut rei ignorance demonum uim perhorre-
scunt, ut ipsi temptationum fluctibus agitati, in hunc
precationis portum confugiant. non enim Satan
in tanta & potentia, & pertinacia, in capitali odio
nostri generis, nec quantum, nec quam diu uult, ten-
tare nos, aut uexare potest, sed omnis eius pote-
stas Dei nutu, & permissu gubernatur. notissimu
est exemplum Iob: de quo nisi Diabolo dixisset De-
us; Ecce uniuersa, quæ habet, in manu tua sunt;
nihil eius Satanas attigisset: contra uero nisi addi-
disset Dominus, Tantum in eum ne extendas ma-
num tuam; uno Diaboli ictu cum filiis ipse, facul-
tatibusque concidisset. Ita autem alligata est demo-
num uis, ut ne in porcos quidem illos, de quibus
scribunt euangelistæ, non permittente Deo inuade-
re potuisset. Sed ad intelligendam huius petitionis
uim dicendum est, quid hic tentatio significet, quid
item, induci in temptationem. Est autem, tentare,

1. ad Cor. 10

Iob 1

Marc 8
Matth. 5
Luc. 8

SS iij peri-

periculum facere de eo, qui tētetur, ut ab ipso, quod cupimus, elicientes, uerum exprimamus. qui tentandi modus in Deum minime cadit. quid enim est, Ad Heb. 4. quod nesciat Deus? Omnia enim, inquit, nuda, & aperta sunt oculis eius. Est alterum tētandi genus, cum, longius progrediendo, aliud quæri solet in bonam, uel in malam partem: in bonam, cum ea re tentatur alicuius uirtus; ut, illa perspecta, & cognita, is commodis, & honoribus augeatur, eiusq. exemplum ceteris imitandum proponatur, ac denique omnes ob id ipsum ad Dei laudes excitentur. quæ tentandi ratio sola conuenit in Deum. huius Deuter. 13. exemplum tentationis est illud in Deuter. Tentat uos dominus Deus uester, ut palam fiat, utrum diligatis eum, an non. Quo modo etiam tentare dicitur suos Deus, cum inopia, morbo, & alijs calamitatum generibus premit; quod probandæ eorum patientiæ causa facit, & ut alijs documentum Gen. 22. sint Christiani officij. In hanc partem legimus Abraham esse tentatum, ut filium immolaret. quo facto, fuit is obedienciæ, & patientiæ exemplum singulare ad memoriam hominum sempiternam. In Tob. 12. eandem sententiam dictum est de Tobia; Quia acceptus eras Deo, necesse fuit, ut tentatio probaret te. In malam partem tentantur homines, cum ad peccatum, aut exitium impelluntur: quod proprium Diaboli officium est. is enim eo animo tentat homines, ut decipiat, agatque præcipites. Matth. 4. quamobrem Tentator in diuinis litteris appellatur.

tur. In ijs uero tentationibus modo intimos nobis
 admonens stimulos, animæ affectiones, & com-
 motiones adhibet administras; modo nos exagitans
 extrinsecus, externis rebus utitur, uel prosperis
 ad efferendos, uel ad frangendos aduersis; nonnum-
 quam habet emissarios, & excursores perditos ho-
 mines, in primisque hæreticos, qui sedentes in ca-
 thedra pestilentie, malarum doctrinarum, morti-
 fera semina dispergunt, ut illos, qui nullum dele-
 ctum, aut discrimen habent uirtutis, & uitiorum,
 homines per se procliuēs ad malum, nutantes, ac
 præcipitantes impellat. Dicimur autem induci in
 tentationem, cum tentationibus succumbimus. In-
 ducimur uero in tentationem dupliciter, primum,
 cum de statu dimoti, in id ruimus malum, in quod
 tentando nos aliquis impulerit. At nemo quidem
 a Deo hoc modo in tentationem inducitur: quia ne-
 mini est peccati auctor Deus, immo uero odit om-
 nes, qui operantur iniquitatem. Sic uero etiam Psal.
 est apud sanctum Iacobum: Nemo, cum tenta- Iacobi 2.
 tur, dicat quoniam a Deo tentatur: Deus enim
 intentator malorum est. Deinde dicitur nos in
 tentationem indicare is, qui etsi non tentat ipse,
 neque operam dat, quo tentemur, tentare ta-
 men dicitur, quia, cum possit prohibere, ne id
 accadat, aut ne tentationibus superemur, non im-
 pedit. Hoc modo Deus bonos, & pios tentari
 quidem sinit, ueruntamen sua gratia sustentatos
 non deserit. Nec uero non interdum iusto, & oc-

culto Dei iudicio, nostris id sceleribus postulâtibus, nobis ipsi relictî, concidimus. Præterea nos in tentationem Deus inducere dicitur, cum eius beneficijs, quæ nobis ad salutem dedit, abutimur ad perniciem, & patris substantiam, ut prodigus ille filius, dissipamus, uiuendo luxuriose, nostris cupiditatibus obsequentes. Quamobrem id dicere possumus, quod de lege dixit Apostolus; Inuentum est mihi, mandatum, quod erat ad uitam, hoc esse ad mortem. Opportunum rei exemplum est Hierosolyma, teste Ezechiele; quam Deus omni ornamentorum genere locupletarat, ut eius ore Prophetæ diceret Deus; Perfecta eras in decore meo, quem posueram super te: & tamen illa ciuitas diuinis cumulata bonis, tantum abest, ut optime de se merito, ac merenti Deo gratiam habens, celestibus beneficijs ad beatitudinem consequendam, cuius gratia ea acceperat, uteretur, ut, ingratissima in parentem Deum abiecta spe, cogitatione celestium fructuum, tantum præsentî abundantia luxuriose, ac perditè frueretur. quod Ezechiel eodem capite pluribus uerbis persecutus est. Quare sunt eodem loco ingrati in Deum homines, qui præbitam sibi ab eo diuinitus uberem materiam recte factorum, ad uitia, illo permittente, conuertunt. Sed oportet hûc diuinæ scripturæ morê diligenter attendere, quæ Dei permissione ipsi interdum uerbis significat, quæ proprie si accipiantur, tamquam actionem in Deo significant:

Exod. 47 nam in Exodo sic est: Indurabo cor Pharaonis, & apud

apud Isaiam: Excæca cor populi huius. & ad Ro-^{Isa. 6}
 manos scribit Apostolus: Tradidit illos Deus in pas-^{Ad Rom. 1}
 siones ignominie, & in reprobum sensum. Qui-
 bus in locis, alijsque similibus, non id omnino esse
 actum a Deo, sed permissum, intelligendum est.
 His positis, non erit difficile scire, quid in hac pre-
 cationis parte postulemus. Nec uero petimus, ne
 omnino tentemur. Est enim hominum uita, tenta-
 tio super terram. Est autem ea res utilis, & fru-
 ctuosa hominum generi. nam in tentationibus nos
 ipsos, idest uires nostras, cognoscimus. quamob-
 rem etiam humiliamur sub potenti manu Dei, ui-
 riliterque decertantes, expectamus immarcesci-
 bilem coronam gloriæ. Nam & qui certat in ago-
 ne, non coronatur, nisi legitime certauerit; & ^{2. ad Tim. 2}
 ut inquit sanctus Iacobus, Beatus uir, qui suffert ^{Iacobi 1}
 tentationem; quoniam, cum probatus fuerit, acci-
 piet coronam uitæ, quam repromisit Deus diligen-
 tibus se. Quod si urgemur nonnumquam hostium
 tentationibus; magnæ nobis erit lenationi illa cogi-
 tatio, habere nos adiutorem pontificem, qui possit ^{Ad Heb. 4}
 compati infirmitatibus nostris, tentatum ipsum per
 omnia. Quid hic igitur petimus? ne diuino præsi-
 dio deserti, tentationibus uel decepti assentiamur,
 uel cedamus afflicti; ut præsto sit nobis Dei gratia,
 quæ, cum defecerint nos propriæ uires, in malis
 recreet, ac reficiat. Quare & generatim Dei opem
 implorare debemus in omnibus tentationibus; &
 nominatim, cum singulis affligimur, ad precatio-
 nem

- nem confugere oportet . quod a Dauide factum legimus pene in unoquoque tentationū genere : nam
- Psal. 118 in mendacio sic precabatur : Ne auferas de ore meo uerbum ueritatis usquequaque . In auaritia ad hūc modum ; Inclina cor meum in testimonia tua , & non in auaritiam . In rebus uero inanibus huius uitæ , & illecebris cupiditatum , hac prece utebatur :
- Psal. 118 Auerte oculos meos , ne uideant uanitatem . Ergo postulamus , ne morem geramus cupiditatibus , ne ue defatigemur in tentationibus sustinendis , ne declinemus de uia Domini , ut tam in rebus incommodis , quam in prosperis , æquitatem animi , constantiamque seruemus , & nullam nostri partem
- Ad Rom. 16 Deus sua tutela uacuam relinquat . Petimus denique , ut Satanam conterat sub pedibus nostris . Reliquum est , ut fidelem populum ad ea Parochus cohortetur , quæ in hac precatione maxime cogitare , & meditari oporteat . in qua erit illa optima ratio , si , quanta sit hominum infirmitas , intelligentes , uiribus nostris dissidemus , & , omni spe nostræ incolumitatis in Dei benignitate collocata , eo freti patrocínio , uel in maximis periculis magnum animum habuerimus , præsertim cogitantes , quam multos hac spe , atque hoc animo præditos ex hiantibus Satanae faucibus liberarit Deus .
- Gen. 39. 41 An non Ioseph undique circumdatum ardentibus insanæ mulieris facibus , e summo ereptum periculo , ad gloriam extulit ? non Susannam , a Satanae ministris obsessam , tum , cū nihil propius esset , quam

quam ut nefarijs sententijs interficeretur, serua-
uit incolumem? neque mirum: erat enim, inquit, Dan. 13
cor eius fiduciam habens in Domino. Insignis est
laus, & gloria Iob, qui de mundo, de carne, de Sa-
tana triumphauit. Plurima sunt huius generis
exempla, quibus Parochus diligenter pium popu-
lum ad eam spem fiduciamque cohortari debet.
Cogitent etiam fideles, quem in hostium tentatio-
nibus ducem habeant, nempe Christum dominum,
qui uictoriam ex illo certamine retulit. Vicit ipse Luc. 13.
Diabolum. est is ille fortior, qui superueniens for-
tem superauit armatum; quem & armis nuda-
uit, & spolijs. De eius uictoria, quam de mun-
do reportauit, est apud sanctum Ioannem; Confi- Ioan. 16
dite, ego uici mundum. & in Apocalypsi dicitur Apoc. 5, 6
ipse leo uincens, & exisse uincens, ut uinceret:
quia in uictoria suis etiam cultoribus faculta-
tem uincendi dedit. Est Apostoli ad Hebraeos e- Ad Heb. 11:
pistola plena uictorijs sanctorum hominum, qui
per fidem denicerunt regna, obturauerunt ora
leonum: & quæ sequuntur. Ex his uero, quæ sic
acta legimus, eas uictorias cogitatione comple-
ctamur, quas quotidie reportant ex intimis, &
externis demonum prælijs homines fide, spe, &
charitate præstantes: quæ tam multe sunt, tamq.
insignes, ut, si sub aspectum caderent oculo-
rum, nihil frequentius accidere iudicarem, nihil
gloriosius: de quorum hostium clade his uerbis scri-
psit sanctus Ioannes: Scribo uobis, iuuenes, quo-
niam

niam fortes estis, & uerbum Dei manet in uobis, & uicistis malignum. Vincitur autem Satanas nō otio, somno, uino, comessatione, libidine, sed oratione, labore, uigilia, abstinentia, continētia, castitate.

Matth. 26 Vigilate, & orate, inquit, ut iam diximus; ut non intretis in tentationem. Qui ijs armis ad illam pugnam utuntur, in fugam conuertunt aduersarios:

Iacob 4 qui enim resistūt Diabolo, is fugiet ab eis. In his tamen sanctorum hominum uictorijs, quas diximus, nemo sibi placeat, nemo se efferrat insolentius, ut se suis uiribus hostiles dæmonum tentationes, impetusque sustinere posse confidat. non est naturæ nostræ, non humanæ imbecillitatis. Hæ uires, quibus prosternimus Satanae satellites, dantur a Deo; qui

1. Reg. 2 ponit, ut arcum æreum, brachia nostra; cuius beneficio arcus fortiū superatus est, & infirmi accincti sunt robore; qui dat nobis protectionem salutis; cuius nos dextera suscipit; qui docet manus nostras ad præliū, & digitos nostros ad bellū: ut uni Deo pro uictoria sint agenda, & habenda gratia, quo uno & auctore, & adiutore uincere possumus:

1. ad Cor. 15 quod fecit Apostolus: inquit enim: Deo autem gratias, qui dedit nobis uictoriam per dominum nostrū Iesum Christum. Eundem auctore uictoriæ prædicat celestis illa uox in Apocalypsi: Facta est salus,

Apocal. 12 & uirtus, & regnum Dei nostri, & potestas Christi eius; quia proiectus est accusator fratrum nostrorum, & ipsi uicerunt eum propter sanguinem agni. Testatur idem liber, Christi domini, partā ex mundo

mundo, carneque, uictoriam eo loco; Hi cum agno Apocal. 17
 pugnabunt, et agnus uincet illos. Hæc de causa, &
 de modo uincendi. Quibus expositis, proponent fi-
 deli populo Parochia Deo paratas coronas, & con-
 stitutam uictoribus sempiternam præmiorum am-
 plitudinem. quorum ex eadem Apocalypsi diuina
 proferent testimonia; Qui uicerit, non lædetur a Apocal. 2.3
 morte secunda. & alio loco; Qui uicerit, sic uestie-
 tur uestimentis albis, & non delebo nomen eius de
 libro uitæ. & Confitebor nomen eius coram pa-
 tre meo, & coram angelis eius. & paulo post De-
 us ipse ac Dominus noster ita loquitur ad Ioannem:
 Qui uicerit, faciam illum columnam in templo
 Dei mei, & foras non egredietur amplius. Tum in-
 quit: qui uicerit, dabo ei sedere mecum in throno Apocal. 3
 meo, sicut & ego uici, & sedi cum patre meo in
 throno eius. Denique cum sanctorum gloriâ, et per-
 petuam illam bonorû uim, quibus in cælo fruuntur,
 exposuisset, adiunxit; Qui uicerit, possidebit hæc. Apocal. 31

SED LIBERA NOS A MALO.

Postrema hæc petitio est instar omniû, qua Dei
 filius diuinam hanc orationem conclusit; cuius etiâ
 uim, & pondus ostendens, ea usus est orandi clau-
 sula, cum e uita migraturus, Deum patrem pro
 hominum salute deprecaretur: Rogo, enim in- Ioan. 17
 quit, ut serues eos a malo. Ergo hac precationis
 formula, quam & præcepto tradidit, & exemplo
 cõfirmavit, quasi quadam epitome summatim com-
 plexus

plexus est uim, & rationem ceterarum petitionum. Cum enim id, quod ea prece continetur, impetrauerimus, nihil, auctore sancto Cypriano, remanet, quod ultra adhuc debeat postulari: cum semel protectionem Dei aduersus malum petamus: qua impetrata, contra omnia, quæ Diabolus & mundus operantur, securi stamus, & tuti. Quare, cum tanti sit hæc petitio, quanti diximus, debet Parochus in ea fidelibus explicanda summam adhibere diligentiam. Differt autem hæc, & proxima petitio, quod illa uitationem culpæ, hæc pænæ liberationem postulamus. Quare non iam monendus est fidelis populus, quantopere & laboret ex incommodis & calamitatibus, & celestis egeat adiumenti. nam quot & quantis miseris proposita sit hominum uita, præterquam quod & sacri, & profani scriptores hoc argumentum sunt copiosissime persecuti, nemo fere est, quin intelligat & suo & alieno periculo. persuasum enim est omnibus, quod exemplum patientia Iob memoria prodidit, Homo natus de muliere, breui uiuens tempore, repletur multis miserijs, qui quasi flos egreditur, & conteritur, & fugit uelut umbra, & numquam in eodem statu permanet. Nec uero ullum præterire diem, qui propria aliqua molestia, aut incommodo notari non possit, testis est illa Christi domini uox, Suffici diei malitia sua. Et si condicionem humanæ uitæ declarat ipsius Domini monitum illud, quo

crucem

Iob 14

Matth. 6

crucem quotidie sumi, seque docuit sequi oportere. *Ut* igitur quisque sentit, quam laboriosa sit ^{Luc. 9.} & periculosa hac uiuendi ratio, ita facile persuadebitur fideli populo, malorum liberationem a Deo implorandam esse, praesertim cum nulla re magis ad orandum adducantur homines, quam cupiditate, & spe liberationis eorum incommodorum, quibus premuntur, aut quae impendeant. Est enim haec insita ratio in animis hominum, ut in malis statim ad Dei auxilium confugiant. Quae de re illud scriptum; Imple facies eorum ignominia, & ^{Psal. 82} quarent nomen tuum Domine. Sed si illud fere sua sponte faciunt homines, ut in periculis & calamitatibus inuocent Deum; certe, quo modo id recte facere possint, ab ijs, quorum fidei ac prudentiae commissa est eorum salus, maxime docendi sunt.

Non enim desunt qui contra Christi domini iussum praepostero utantur ordine precationis. nam qui iussit nos ad se confugere in die tribulationis, idem ^{Psal. 49} orationis ordinem nobis praescripsit: uoluit enim ut prius quam precaremur ut nos liberaret a malo, peteretur uti nomen Dei sanctificaretur, & adueniret regnum eius; & reliqua postularemus, quibus, quasi gradibus quibusdam, in hunc locum peruenitur. sed quidam, si caput, si latus, si pes condoluit, si rei familiaris iacturam faciunt, si minae, si pericula ab inimicis intenduntur, in fame, in bello, in pestilentia, ommissis medijs dominicae precationis gradibus tantum petunt
ut ex

ut ex illis eripiantur malis . at huic consuetudini repugnat Christi domini iussum : *Quarite primum regnum Dei* . Itaque qui recte preces faciunt , cum deprecantur calamitates , incommoda , malorum depulsionem , id referunt ad Dei gloriam . sic Dauid illi precationi ; Domine ne in furore tuo arguas me ; subiecit rationem , qua se Dei gloriae cupidissimum ostendit : inquit enim : Quia non est in morte , qui memor sit tui ; in Inferno autem quis confitebitur tibi ? Et idem , cum oraret Deum , sibi ut misericordiam impertiret , subiungit illud : Docebo iniquos vias tuas , & impij ad te conuertentur . Ad hanc orandi salutarem rationem , & ad exemplum Prophetæ incitandi sunt fideles auditores , & simul docendi , quantum intersit inter infidelium , & Christianorum hominum preces . Petunt uehementer illi etiã a Deo , ut possint ex morbis , uulneribusq. conualescere , sibi ut ex urgentibus , uel imminentibus malis euadere liceat ; sed tamen illius precipuam spem liberationis ponunt in remedijs , natura , uel hominum industria comparatis : quin etiam sibi datum a quouis medicamentum , etiam si cantionibus , si ueneficijs , si demonum opera confectum sit , sine ulla religione adhibent , modo aliqua ualitudinis spes ostendatur . Longe alia est ratio Christianorum ; qui in morbis , & in omnibus aduersis rebus habent summum perfugium , & praesidium salutis Deum ; unum illum omnis auctorem boni , & liberatorem suum agnoscunt , ac uenerantur ; remedijs

dii: uero quæ inest ad sanandum uis, inſitam a Deo
 eſſe pro certo habent, tantumque illa ægrotis pro-
 deſſe exiſtimant, quantum ipſe uoluerit Deus. eſt
 enim a Deo data hominum generi medicina, qua
 morbos ſanaret. Hinc eſt illa Eccleſiaſtici uox; Al- ^{Eccle. 38}
 tiſſimus creauit de terra medicinam, & uir pru-
 dens non abhorrebit illam. Itaque qui Ieſu Chriſto
 nomen dederunt, non in illis remedijs ſummâ ſpem
 reponunt recuperandæ ualeitudinis, ſed ipſi medi-
 cinæ auctori Deo maxime confiſunt. Quare etiam ^{2. Paral. 16}
 in diuinis litteris reprehenduntur ij, qui, medicinæ
 fiducia, nullum Dei auxilium requirunt: immo ue-
 ro, qui uitam agunt ex diuinis legibus, abſtinent
 omnibus remedijs, quæcumque ad curationem a
 Deo non adhibita eſſe conſtet. quod ſi etiam eorum
 uſu mendicamentorum illis ſit explorata ſpes ſanita-
 tis, tamen ab ijs, ut cantionibus & dæmonum ar-
 tificijs, abhorrent. Ad id autem fideles cohortari
 oportet, ut Deo confiſant: ea enim re iuſſit nos be-
 neſcentiſſimus parens liberationem malorum po-
 ſtulare, ut in eo ipſo, quod iuſſit, ſpem etiam impe-
 trationis haberemus. multa ſunt in ſacris litteris
 huius rei exempla: ut qui minus rationibus addu-
 cuntur ad bene ſperandum, exemplorum multitu-
 dine confiſdere cogantur. Abraham, Iacob, Loth,
 Ioseph, Dauid ſunt in oculis, locupletiffimi teſtes
 diuinæ benignitatis. ſacræ noui teſtamenti litteræ
 tam multos enumerant, qui ex maximis discrimi-
 nibus erepti ſunt piæ pondere precationis, ut res
 TT exemplo-

exemplorum commemoratione non egeat. una igitur illa Prophetæ sententia contenti erimus, quæ
 Psal. 33 uel infirmissimum quemque confirmare potest. Clamauerunt enim, inquit, iusti, & Dominus exaudiuit eos, & ex omnibus tribulationibus eorum liberauit eos. Sequitur huius uis & ratio petitionis, ut fideles intelligant, non omnino petere nos hoc loco, ut a malis omnibus liberemur. sunt enim quædam, quæ communiter mala putantur; quæ tamē sunt illis fructuosa, qui patiuntur, ut ille stimulus, qui Apostolo erat adhibitus, ut Dei gratia adiunūte uirtus in infirmitate perficeretur. hæc si cognita sit eorum uis, summa uoluptate pios afficiunt: tantum abest, ut a Deo petant, ut auferantur. Quare tantum ea mala deprecamur, quæ nullam animæ utilitatem afferre possunt, reliqua minime, modo aliquis inde salutaris fructus existat. Omnino igitur huic uoci ea subiecta uis est, ut a peccato liberati, a tentationis etiam periculo, ab intimis, externisque malis eripiamur; ut tuti simus ab aqua, ab igne, a fulgure; ne grando noceat frugibus; ne annonæ caritate, seditionibus, bello laboremus: petimus a Deo, ut morbos, pestem, uastitatem arceat, uincula, carcerem, exilium, prodiones, insidias, ceteraque omnia prohibeat incommoda, quibus maxime terreri, ac premi solet hominum uita; omnes denique flagitiorum et facinorum causas auertat. neque hæc solum, quæ omnium consensione mala sunt, deprecamur: sed illa etiam

etiam, quæ pene omnes bona consistunt, diuitias, honores, ualitudinem, robur, hanc ipsam uitam, petimus, inquam, ne ad malum & ad animæ nostræ exitium hæc conuertantur. Oramus etiam Deum, ne morte opprimamur repentina; ne in nos iram Dei concitemus; ne, quæ impios manent, supplicia subeamus; ne igne purgatorij torqueamur; a quo ut alij liberentur, pie & sancte precamur. hanc petitionem & in Missa, & in Litanis sic interpretatur Ecclesia, nos uidelicet ea præterita, præsentia, futura mala deprecari. Non uno autem modo Dei nos benignitas eripit a malis: nam impendentes prohibet calamitates: quo modo legimus magnum illum Iacob esse liberatum ab inimicis, quos in illum concitabat Sichiamitarum cædes: extat enim illud, Terror Dei inuasit omnes per circuitum ciuitates, & non sunt ausi persequi recedentes. Et quidem beati omnes, qui cum Christo domino in cælis regnant, omnibus malis Dei ope liberati sunt. nos autem, qui in hac peregrinatione uersamur, ab omnibus incommodis solutos esse minime uult, sed eripit a quibusdam. etsi sunt instar liberationis malorum omnium ea solatia, quæ dat interdum Deus ijs, qui rebus premuntur aduersis. His se consolabatur Propheta, cum illa dicebat; Secundum multitudinem dolorum meorum Psal. 93 in corde meo cōsolationes tuæ latificauerunt animam meam. Præterea a malis homines liberat Deus, cū illos in summū discrimen adductos integros seruat,

TT ij & incolu-

Dan. 3 & incolumes : quod & pueris illis in ardentem for-
 nacem coniectis , & Danieli contigisse legimus ,
 Dan. 6 quem leones nihil læserunt , quemadmodum neque
 Dan. 3 pueros flamma uiolauit . Malus uero etiam ex sen-
 tentia sanctorum Basilij magni , Chrysostomi , &
 Augustini præcipue dicitur demon , quod homi-
 num culpæ , idest sceleris , & peccati auctor fuit :
 quo etiam ministro utitur Deus in repetendis pœnis
 a sceleratis & facinorosis : dat enim Deus omne ma-
 lum hominibus , quod illi peccati causa patiuntur .
 in quam sententiam loquuntur diuinæ litteræ illis
 Amos 3 uerbis ; Si erit malum in ciuitate , quod Dominus
 Isa. 45 non fecerit ? item , Ego dominus , & non est alter ,
 formans lucem , & creans tenebras , faciens pa-
 cem , & creans malum . Malus quoque dicitur dæ-
 mon ob eam causam , quod , et si nihil eum læseri-
 mus , tamen perpetuum bellum nobis infert , &
 capitali nos insectatur odio . quod si nobis & fide
 armatis , & innocentia testis nocere non potest ,
 tamen nullum finem facit tentandi nos externis ma-
 lis , et quacumque potest ratione diuexandi . quam-
 obrem Deum precamur , ut nos a malo liberare
 uelit . Dicimus autem a malo , non a malis , ob id ,
 quod mala , quæ in nos a proximis proficiscuntur ,
 illi assignamus , tamquam auctori , & impulsori :
 quo minus etiam proximis irasci debemus ; quin
 odium & iracundiam in ipsum Satanam conuerte-
 re oportet , a quo hominēs ad inferendam iniuriam
 impelluntur . Itaque si te aliquare læserit proxi-
 mus ,

mus, cum preces facis parenti Deo, pete, ut non modo te liberet a malo, idest ab ijs, quas tibi proximus imponit, iniurijs; sed illum ipsum eripiat proximum ex Diaboli manu, cuius impulsu homines in fraudem inducuntur. Illud denique sciendum est, si in precibus & uotis non liberamur a malis, debere nos, quæ premant, ferre patienter, intelligentes placere diuino numini, ut toleranter ea patiamur. Quare minime nos indignari, aut dolere par est, quod preces nostras non audiat Deus, sed omnia ad eius nutum ac uoluntatem referre oportet, existimantes id utile, id esse salutare, quod, Deo placet, ut ita sit, non autem id, quod secus nobis uideatur. Postremo docendi sunt pij audito- res, dum in hoc uitæ curriculo uersamur, eos ad omne incommodorum & calamitatum genus non solum æquo, sed etiam gaudenti animo ferendum paratos esse debere. Omnes enim, inquit, qui pie ^{2. ad Tim. 9} uolunt uiuere in Christo Iesu, persecutionem pati- ^{Act. 14} entur. Item; Per multas tribulationes oportet nos intrare in regnum Dei. Rursum; Nonne hæc oportuit pati Christum, & ita intrare in gloriam su- ^{Luc. 24} am? Non enim æquum est, seruum maiorem esse domino suo: sicuti turpe est, e sententia S. Bernardi, membra esse delicata sub spinoso capite. Præclarum illud est exemplum Viriæ propositum ad imitandum, qui, adhortante Dauide, domi ut se contineret, inquit: Arca Dei, & Israel, & Iuda ha- ^{2. Reg. 22} bitant in papilionibus, & ego ingrediar domum ^{IT iij meam?}

meam? His instructi rationibus, ac meditationibus
 si ad orandum uenimus, illud assequemur, ut, si mi-
 nus undique cincti, malis que circumdati, queam-
 modū tres illi pueri intacti ab igne, sic nos inuio-
 lati seruemur; certe, ut Machabei, casus aduersos con-
 stanter ac fortiter feramus. In contumelijs, et cru-
 ciatibus sacros imitabimur Apostolos, qui casi uer-
 beribus, uehementer letabantur, quod digni habiti
 essent qui pro Christo Iesu contumelias paterentur.
 sic nos ita comparati canemus illa summa animi uo-
 luptate; Principes persecuti sunt me gratis, et a uer-
 bis tuis formidauit cor meum: lator ego super
 eloquia tua, sicut qui inuenit spolia multa.

A M E N.

Hanc uocem, sicuti est, signaculum orationis Do-
 minicæ appellat sanctus Hieronymus in Commenta-
 rijs in Matthæum. Quare ut admonuimus antea
 fideles de præparatione, quæ adhibenda sit prius
 quam aggrediantur ad diuinam precationem; sic
 nunc faciendum duximus, ut clausulæ ac finis ipsius
 precationis causam, rationemque cognoscant.
 Non enim pluris est diuinas preces diligenter or-
 diri, quam religiose absoluerè. sciat igitur fide-
 lis populus multos esse, & eos uberes fructus,
 quos ex Dominicæ orationis fine percipimus: sed
 omnium uberrimus ac latissimus fructus est, eo-
 rum impetratio, quæ postulauimus: de quo supra
 satis dictum est, Non solum autem consequimur
 postrema hac parte precationis, ut nostræ preces
 audiam

audiantur, sed quædam etiam maiora ac præclariora, quam ut uerbis explicari possint. nam cum orando homines cum Deo colloquantur, ut sanctus Cyprianus ait, sit quodam inexplicabili modo oranti diuina maiestas propior, quam ceteris; quem præterea singularibus ornat muneribus: ut qui pie Deum orant, quodam modo cum ijs, qui ad ignem accedunt, comparari possint: qui si algēt, calescunt; si calent, æstuant: sic illi assistentes ad Deum pro modo pietatis, ac fidei ardentiores euadunt: inflammatur enim eorum animus ad Dei gloriam, mens illustratur admirabilem in modum, omnino cumulatur diuinis muneribus. est enim illud proditum sanctis litteris; Præuenisti eum in benedictionibus dulcedinis. Exemplo est omnibus magnus ille Moyses, qui a Dei congressu & colloquio digrediens diuino quodam fulgore collucebat sic, ut Israelitæ eius oculos, & os intueri non possent. Omnino qui uehementi illo studio preces faciunt, Dei benignitate ac maiestate admirabiliter perfruuntur. Mane astabo, inquit Propheta, & uidebo, quoniam non Deus uolens iniquitatem tu es. hæc quo magis noscunt homines, eo Deum uehementiori cultu ac pietate uenerantur; eo etiam sentiunt iucundius, quam suauis sit Dominus, et quam uere beati sint omnes, qui sperant in eo; tum uero clarissima illa luce circumfusi, quanta sit eorum humilitas, quanta sit Dei maiestas, considerant. est enim illa sancti Augustini regula: Nouerim me. Itaque fit, ut suis uiribus

Psal. 109

Exod. 34

2. ad Cor. 3

Psal. 5

s. August.

TT -iiij diffi-

diffidentes, totos se committant Dei benignitati, minime dubitantes, quin is ipsos paterna illa sua, & admirabili charitate complexus, abundanter ijs omnia suppetet, quæ sint ad uitam, & salutem necessaria; hinc se ad agendas Deo gratias conuertant, quantas animo maximas capere possunt, quantas oratione completi: quod magnum Dauidem fecisse legimus: qui cum ita precationem instituisset; *Saluum me fac ex omnibus persequentibus me; sic*
Psal. 7 *eam absoluit; Confitebor Domino secundum iustitiam eius, & psallam nomini Domini altissimi. Sūt eiusmodi sanctorū preces innumerabiles, quarum exordium est timoris plenum, clausula spei bonæ lætitiæque referta: sed mirabile est, quam eo in genere eniteant Dauidis ipsius precationes. nam cum*
Psal. 3 *metu perturbatus sic orare esset exorsus, Multi insurgunt aduersum me, multi dicunt animæ meæ, non est salus ipsi in Deo eius: confirmatus aliquando, gaudioque perfusus, subiunxit paulo post, Non timebo millia populi circumstantis me. alio etiam psalmo, suam cum deplorasset miseriam, ad extremum Deo confisus, incredibiliter lætatur spe sempiternæ beatitudinis;*
Psal. 4 *In pace, in id ipsum, inquit, dormiam & re-*
Psal. 6 *quiescam. Quid illa? Domine ne in furore tuo arguas me, neque in ira tua corripas me; quanto cum tremore, & pallore Prophetam dixisse credendum est? contra, quæ deinceps sequuntur, quam sidenti ac latanti animo? Discedite a me,*

me, inquit, omnes, qui operamini iniquitatem;
 quoniam exaudiuit Dominus uocem fletus mei.
 Cum uero Saulis iram, furoremque pertime-
 sceret, quam humiliter ac demisse Dei opem im- Psal. 33
 plorabat: Deus in nomine tuo saluum me fac,
 & in uirtute tua iudicame. & tamen hilare ac
 fidenter in eodem psalmo subiecit; Ecce enim
 Deus adiuuat me, & Dominus susceptor est a-
 nimæ meæ. Quare qui se confert ad sacras preces
 fide, speque munitus, parentem adeat Deum, ut se
 id consequi posse, quod ei opus sit, nullo modo diffi-
 dat. Sunt autem in extremo hoc diuinæ precatio-
 nis uerbo, AMEN, multa quasi semina quædam
 earum rationum, cogitationumque, quas diximus.
 & quidem adeo frequens fuit hæc Hebræa uox in
 ore Saluatoris, ut spiritui sancto placuerit, ut in Ec-
 clesia Dei retineretur. cui uoci illa quodā modo sub-
 iecta sententia est: Scito tuas auditas esse preces.
 habet enim uim respondentis, & illum, qui preci-
 bus, quod uelit, impetrarit, cum bona gratia dimit-
 tentis Dei. Hanc sententiam perpetua Ecclesiæ Dei
 consuetudo comprobauit, quæ in sacrificio Missæ,
 cum pronunciatur oratio Dominica, non rei sacræ
 ministris, quorum partes sunt illa dicere, Sed libera
 nos a malo, attribuit hanc uocem AMEN, sed ipsi
 sacerdoti, accommodatam, reseruauit; qui cum
 Dei & hominum sit interpres: Deum exoratum ef-
 se populo respondet. Nec tamen hic ritus commu-
 nis est omnium precationū, quippe cū in ceteris mi-
 nistrorum

nistrorū sit munus respondēdi, Amen; sed proprius
 Dominicæ orationis. nam in alijs precibus consen-
 sum modo, desideriumque significat; in hac responsio
 est, Deum orantis postulationi consensisse. Ac ua-
 rie quidem a multis est interpretatum hoc uerbum,
 Amen. Septuaginta interpretes uerterunt, fiat: alij
 reddiderunt, uere: Aquila, fideliter, conuertit. sed
 parui refert, hoc, an illo modo sit redditum; modo
 habere intelligamus eam uim, quā diximus, confir-
 mantis sacerdotis concessum id esse quod petebatur.
 cuius sententiæ testis est Apostolus in epistola ad
 2. ad Cor. 1 Corinthios. Quotquot enim, inquit, promissiones
 Dei sunt, in illo est, ideo & per ipsum Amen Deo,
 ad gloriam nostram. Est etiam hæc nobis accommo-
 data uox, in qua inest confirmatio quædam earum
 petitionum, quas adhuc adhibuimus: quæ etiam eos
 reddit attentos, qui dant operam sacris precibus: fit
 enim sæpe, ut in precatione distraeti homines uarijs
 cogitationibus, alio traducantur: immo uero summo
 studio petimus hac ipsa uoce, ut omnia fiant, id est
 concedantur, quæ antea petimus; uel potius intel-
 ligentes nos iam impetrasse omnia, ac sentiētes præ-
 sentem uim diuini auxiliij, illud una cum Propheta
 psal. 53 canimus; Ecce enim Deus adiuvat me, & Dominus
 susceptor est animæ meæ. Nec est, quod quisquam
 dubitet, quin & nomine filij sui, et uerbo, quo sæpis-
 sime is usus est, moueatur Deus, qui semper, ut ait
 Ad Heb. 5 Apostolus, exauditus est pro sua reuerentia.

INDEX CATECHISMI.

A BBATIBVS permissum est ut interdum minores ordines administrent folio 372	boris priuata, & horribili senten- tia maledicta 598
Abraha peregrinatio 404	Adam & Christi comparatio 49
Abraha sinus 68	Adulterium quid 479
Absoluiionis forma 296	Adulterij interdicto qua peccata prohibeantur 480
Absoluendi qui sunt 328	Adulterij detestatio 480
Absoluendi potestas quibus dataz 16	Adulterium quare prohibitum 480
Absolutio quando penitentibus de- neganda 327	Adulterij interdicto omne impuri- tatis et impudicitie genus quo cor- pus polluitur, prohibetur 481
Absolutio peccatorum est effectus penitentiae. 312	Adulterio intimae animi libido pro- hibetur 481
Accidentia in Eucharistiae sacramē- to manent sine subiecto 265	Adulterium insignem turpitudinis notam inurit 483
Actiones Deo gratas sine adiuuen- to diuinae gratiae suscipere non pos- sumus 586	Adulterorum supplicium & dam- na 484
Actio. gratiarum erga Deum quo modo fiat in petitione de facien- da Dei uoluntate 594	Affectus carnis ita domitos habere ut omnino non excitentur, non est in hominis etiam iustificati pote- state 588
Actio gratiarum est una de parti- bus orationis 535	Affinitas patrinorum cum quibus contrahatur. 192
Adam sibi & posteris donum iusti- tiae originalis amisit 598	Amen quid significet 649
Adam cibo indigebat in statu in- nocentiae ad reficiendas vires 598	Amen interpretatio 649
Inter Adam necessitates & nostras multum interest 598	Amen cur in sacrificio missae reserua- tur sacerdoti pronūciandum 649
Adam non indignisset multis rebus quibus nos indigemus, si non pec- casset 599	Amor Dei in redemptione erga ho- mines ostensus 559
Adam in paradiso uoluptatis ocio- sus non erat futurus 598	Angelorum creatio 28
Adam in paradiso nulla molestia af- fectus fuisset 599	Angeli ab ortus sui initio gratia praediti 29
Adam posteritas fructu vitalis ar-	Angeli sapientia & potentia or- nati 29
	Angelica salutationi adiunxit Ec- clesia preces & implorationem beata

INDEX

beata virginis	543	Anima duabus alis ad calum per-	
Angelorum plurimi ex celestibus se-		uenit	537
dibus deturbati	29	Apostoli quare a Christo dati	2
Angelorum scientia	29	Apostolorum auctoritas, eis a Chri-	
Angelorum potestas	29	sto data	2
Angeli quare uirtutes dicti	29	Apostoli duodecim articulis distin-	
Angelus multa edocuit Tobia	383	cti symbolum composuerunt	12
Angeli quo modo adorentur	410	Apostoli caerimoniarum instituto-	
Angeli quare humana specie effin-		res	213
gantur	416	Apostoli a domino Chrisma compo-	
Angelica salutatione Deus lauda-		sitionem didicerunt	224
tur	543	Appetitus proprij boni rebus omni-	
Angelica salutatio est actio gra-		bis ingeneratur	584
tiarum	543	Appetere Deum a principio homini	
Angelorum custodia erga homi-		datum	584
nes	555	Appetitionibus corrupte nature	
Angelorum obediētia erga Deū	594	etiam reclamantibus et aduersan-	
Angeli non adorantur ut Deus	410	tibus, uoluntas remittenda iniu-	
Angelorum opera quotidie a maxi-		rias sufficit	621
mis periculis liberamur	411	Argumentū desperata salutis	607
Ab anima Christi numquam sepa-		Artibus malis qua acquiruntur no-	
rat a est diuinitas	59	stra non sunt	603
Anima Christi re & presentia ad		Articuli quare dicti	13
inferos descendit	68	Ascendit Christus ut homo et cor-	
Anima Christi descendens ad infe-		pore & anima in calos	80
ros communicauit meritum pas-		Ascendens Christus in calum, sedet	
sionis animabus patrum	69	ad dexteram patris, & quomodo	
Anima est immortalis	130	intelligatur	80
Anima piorum ante Christi mortē		Ascendit Christus propria uirtute	80
ad sinum Abraham deserebatur	70	Ascensio Christi est tanquā finis ad	
Anima que peccauerit, quomodo		quē cetera mysteria referuntur	81
moriatur	422	Articuli fidei, primus fol. 12	
Anime non nihil deest ad summam		Secundus fo. 32. Tertius fol. 33	
felicitem, dum est separata a		Quartus fo. 53. Quintus fo. 66.	
corpore	132	Sextus fol. 79. Septimus 86.	
Anima separata a corpore propen-		Octauus fol. 95. Nonus fol. 103	
sionem habet ad corpus	132	Decimus fol. 122. Vndecimus 129	
		Duode-	

INDEX

Duodecimus	142	test	165
Articulus de ascensione Christi eius		In baptismo unica an trina ablu-	
maiestatem & gloria declarat	82	tio fiat, nihil refert	186
Ascensionis Christi in calv causa	82	In baptismo caput abluendum	186
Beneficia quae ex ascensione Chri-		In baptismo verba simul cum ablu-	
sti nobis donantur	83	tione proferenda	186
Absentatio vitium deterrimū	508	Baptismus a Christo domino insti-	
Absentatores homines vitio cbi re-		tutus & quando	186
Etationis peccant	508	Quando vis sanctificandi aquis	
Avari reprehenduntur	518	fuerit tributa	187
Baptismi cognitio maxime necessa-		Baptismi lege quo tempore homi-	
ria	176	nes teneri coeperunt	187
Baptismus quare a Parochis sit do-		Baptismi ministri	189
cendus	167	Baptizare sacerdotes quare presen-	
Quo tempore a Parochis de baptis-		te etiam episcopo possunt	189
mo differendum	177	Ordo inter baptismi ministros ser-	
Baptismi vox quid significet	177	uandus	191
Baptismi sacramentum quibus no-		Baptizandos suscipere quibus non	
minibus significatur	178	liceat	194
Baptismi, ut sacramentum est, defi-		Baptismus necessari ^o ad salutē	195
nitio	178	Baptismi sacramentum pueris dan-	
Baptismi sacramentum quibus re-		dum	195
bus conficiatur	179	Baptizantur pueri in fide parentū	
Aqua quae in sacro fonte ad baptis-		& ecclesie	196
mum conficiendum asseruatur, nō		Baptizandi sunt filij quāprimū	196
est sacramentum	179	In baptizandis adultis diversa ra-	
Baptismi materia est aqua elemen-		tio est seruanda ab ea, qua in pue-	
taris	179	ris	197
Baptismi figure	180	Baptismus adultis quando sit sta-	
In baptismo quare chrisma adda-		tim conferendus	198
tur	180.182	Baptizandi quo modo affecti esse	
Baptismi formae	182	debeant	199
Baptismi forma apud Gracos va-		Baptizandi interrogantur an ue-	
ria	184	lint baptizari	199
Cur baptizabāt apostoli in nomi-		Quando baptizandi amentes &	
ne Iesu	70, 184	dormientes	199
Baptismus tribus modis confici po-		Ad baptismi gratiam consequendā	

INDEX

<i>fides est necessaria</i>	200	<i>sistat</i>	149
<i>Baptizandum peccatorum peniteat</i>	200	<i>Bella intestina hominis</i>	575
<i>oportet</i>	200	<i>Bellum sceleratis cum Deo</i>	614
<i>Baptismi sacramento omne peccatum condonatur</i>	202	<i>Benedictionibus Dei opera nostra prospere cedunt</i>	599
<i>In baptismo prorsus tolluntur peccata, & radicitus euelluntur</i>	202	<i>Benignitas Dei non uno modo eripit nos a malis</i>	643
<i>In baptizatis concupiscentia remanet, sed peccatum non est</i>	203	<i>Blasphemare nomen Dei & sanctorum, detestabile scelus</i>	437
<i>Baptismi proprius effectus peccatorum omnium remissio</i>	204	<i>Bona humane uitae quare optanda & petenda</i>	597
<i>Peccata & peccatorum poenae per baptismum remittuntur.</i>	204	<i>Bona temporalia quō petenda</i>	596
<i>Poenae civilibus iudicijs persoluēda per baptismū nō cōdonantur</i>	205	<i>Bona humane uitae ad bona diuina dirigunt</i>	597
<i>Post baptismum quare non restituitur in statū natura integra</i>	205	<i>Bona humane uitae adiumenta sunt ad diuinorum bonorum adeptionem</i>	597
<i>Baptismi fructus</i>	208	<i>CATECHISMI necessitas</i>	2.6
<i>Baptismus characterē imprimit</i>	210	<i>Catechismi doctrina ad captum cuiusque accommodata</i>	5
<i>Baptismū iterari sacrilegiū est</i>	210	<i>Character trium sacramentorum effectus</i>	173
<i>Baptismus caliditū patefacit</i>	212	<i>Character quid praestet</i>	173
<i>Cerimonia & preces, quae in baptismo fiunt, ad tria capita rediguntur</i>	213	<i>Baptismus characterē imprimit</i>	210
<i>Fons baptismi consecratur addito oleo mystica unctionis</i>	213	<i>Characterem imprimit confirmatio</i>	232
<i>Certi dies expectantur ad consecrandam baptismi aquam</i>	214	<i>Characterem imprimit ordinis sacramentum</i>	359
<i>Baptizatis quae nomina imponenda</i>	216	<i>Charitatis praecepta duo</i>	455
<i>Beatitudo essentialis in quo sita</i>	147	<i>Charitas proximi a charitate Dei ortum habet</i>	455
<i>Beati lumine gloria eleuantur ad diuinam essentiam uidēdam</i>	148	<i>Charitas uera quid moneat</i>	313
<i>Beatitudinis imagines & similitudines</i>	149	<i>Castitas nō solū uirginibus, sed quōlibet uitā agunt, & iis qui matrimonio iuncti sunt, cōuenit</i>	482
<i>Beatitudo accidentalis in quo consistat</i>	149	<i>Castitatis remedia</i>	482
		<i>Casti-</i>	

INDEX

Castitatis remedia quæ in actione constitunt	485	Clauium dignitas et amplitudo	125
Cautio adhibenda in peccatorum occasionibus uitandis	630	Concupiscentia in renatis remanet sed peccatum non est	203
Cerimonie & preces quæ in baptismo fiunt, ad tria capita re- diguntur	213	Concupiscentia praua, stirps ma- lorum omnium	517
Cerimonie & ritus, quibus sacra- mentũ cõfirmationis cõfertur	233	Concupiscentia rerum alienarum et uxorũ quid inter se differat	517
Cerimonie quæ ad penitentiae sa- cramentum adhibentur	297	Concupiscentia quid	519
Cerimonia quæ in sacramento ex- treme unctionis adhibentur	345	Concupiscendi uis non semper in uitio ponenda	519
Cibus multiplex & delicatus non postulandus a Deo.	604	Cõcupiscendi uis recta Deo aucto- re a natura nobis insita est	519
Cibus multiplex anima	606	Concupiscentia primorum paren- tum peccato deprauat	520
Clerici nomen unde deductum	361	Cõcupiscentia uis, si moderata est, quasnam utilitates afferat	520
Clericorum corona unde ortum ha- buerit, & quid significat	361	Concupiscentia quare a Paulo pec- catum sit dicta	520
Communio unum ex nominibus Eu- charistiae	236	Non concupisces, quem sensum ha- beat	522
Ante communionẽ preparatio qua lis esse debeat, & quam sit neces- saria	272	Concupiscentia non est aliena u- xor	524
Preparatio ad communionem est, pacem cum alijs habere	273	Concupiscere alienam uxorem quã periculosum sit	524
Communione sumpturus amo- rem erga Deum habeat	274	Concupiscendi uitio qui maxime laborent	527
Communicandum omnibus esse sal- tem in paschate	275	Confessio peccatorum & eius ne- cessitas	311
Communicandi sub una specie qua- re ecclesia consuetudinem appro- bauerit	279	Confessio quare instituta	312
Communia tribus personis diuinis & non communia	45	Confessionis utilitas	313
Clauium necessitas in ecclesia	124	Confessio accusatio dicitur & qua- re	313
		Iudicium ecclesiasticum quod sit in confessione, longe dissimile est fo- rensis iudicij	314
		Confessio a Christo ob eius bonita- tem	

INDEX

tem et misericordiā instituta	314	ciendum.	225
Confessionis figura	315	Confirmationis sacramenti for-	225
Confessionis legi quinam parere	317	ma	225
debeant	317	In confirmatione tria obseruan-	226
Confessio quo tempore puero indi-	317	da.	226
cta	317	Confirmationis sacramenti mini-	226
Confessio quando iteranda.	321	ster proprius	226
Confessionis minister idoneus &	322	Ad confirmationem quare patrinus	228
legitimus.	322	uocetur	228
In confessione scelera non excusan-	326	Affinitas qua cum patrinis confir-	228
da.	326	mationis contrahitur	228
Culpa eorū qui uerecūdia impediti	327	Confrmandi qua atate esse de-	228
peccata confiteri nō audent.	327	beant	228
Peccata diligenter peruestigan-	327	Confirmationis sacramentum quo	228
da.	327	modo sit necessarium	228
Confessor quando a se penitentes	327	Confirmationis sacramentum ad	229
dimittere debeat	327	uniuersos fideles aque pertinet	229
Confidere oportet in officio precan-	348	Confirmationis sacramentum susci-	230
di.	348	pientes adulti dolere debent de	230
Confirmationis sacramentum	219	peccatis	230
Confirmationis nomen.	219	Confirmationis sacramētū precede-	229
Cōfirmatio est uere sacramētū	221	re debet confessio in adultis	229
Confirmationis sacramentū a bap-	221	Confirmationis sacramentum no-	230
tismo maxime disunctum.	221	uam gratiam tribuit	230
Cōfirmationis sacramēti origo	223	Confirmationis uocabulum unde	231
Confirmationis sacramēti Chri-	223	deductum	231
stus auctor	223	Confirmationis effectus	232
Confirmationis sacramētum qua-	222	Confirmatio non potest iterari	232
re chrisma appellatum.	222	Confirmationis sacramenti cerimo-	233
Chrismatis materia.	223	nia & ritus	233
Chrisma episcopi cōsecratione con-	223	Cōfirmationis sacramentū quotiē po-	233
ficitur.	223	re potissimum administratur	233
Chrisma quare ex oleo & balsamo	224	Contritio quid	301
conficiatur.	224	Contritionis uis & efficacia	304
Chrisma a quibus ceremoniis &	224	Contritionis proprius dolor ad sin-	306
quando conficiatur.	224	gula peccata mortalia adhiben-	306
Sacris precationibus chrisma confi-		cus	306

INDEX

Ad contritionem ueram qua sint	debeat	43
neceſſaria	306	Christum regnum spirituale
Ad contritionem excitandum eum	Christus a diuerſis naturis diuer-	38
qui de peccatis non doleat	326	ſas proprietates accepit
Corona uincētib. parata a Deo	37	Christus quare dominus noſter di-
Creationis opus ab iis facilius cre-	41	cendus
ditur qui de Dei omnipotentia	Christus non eſt dicendus filius Dei	41
non dubitant	27	adoptione, ſed natura
Quare Deus creauit omnia	28	Christus a Dauide originem tra-
De creatione angelorum	29	xit ſecundum carnem
Deus creator uiſibilium & inuiſi-	Christus quare nouiſſimus Adam	49
bilium	30	appellatus
Deus qua crauit conſeruat	31	Christus naſcens ſalutari doctri-
Creatura noua in Chriſto qua	401	na nos inſtituit
Verbi huius, credo, in materia fi-	Christi ſanguine ſcelera noſtra ex-	51
dei euangelica acceptio & pro-	piantur	127
feſſio	13	Christus ſacramentorum omnium
Quis ſit qui credat	14	auctor
Quid primo credendum	23	Christus totus in ſacramento Eu-
Credens inquirendi curioſitate eſt	9	chariſtia continetur
liber	16	Christus qua ratione ſit in ſacra-
Credendum eſſe Deo	16	mento
Credens interiorem fidei actum	Christus qua ratione penitentie	264
aperta fidei profeſſione proferre	ſacramentum inſtituerit	293
debet	15	Chriſti & eius matris & ſancto-
Chriſtianorum omnium unus ſpi-	rum imagines pingi, non interdū	413
ritualis ortus	564	citur precepto legis
Chriſtiani hominis ſciētia uno ca-	Christus frater noſter	362
pute comprehenditur	5	Chriſti reſurrectio, fraternitatem
Chriſtiani doctōris opera in quo	Chriſti cum hominibus non di-	563
precipue uerſari debeat	6	rimur
Chriſtiani uita non in otio degen-	Christi diuinitas numquam a cor-	57
da	6	pore ſeiuncta
Chriſtiana philoſophia & ſeculi	Christus pro peccatorib. paſſus	60
ſapientia in quo differant	16	Chriſtiani quare ſancti dicantur
Chriſtianus homo quātum Chriſto	113	

INDEX

Christus quō in nobis regnet	578	Cultus diei festi quare institutus	442
Christi causa libenter stultitia fa-		Cupiditas uitiosa quare prohibea-	521
ma subeunda	591	tur	
Christus imitandus in referenda		Cupiditates propria etiam iustis	588
nostra uoluntate ad uoluntatem		aduersantur	
Dei	593	DAEMONVM odium in homi-	575
Christus dominus, panis est	608	nes	
Christi passionis mysterium maxi-		Demon, simulato lucis angelo,	
me Dei potentiam & benignita-		quæ bona non sunt tamquam bo-	
tem ostendit	609	na postulare persuadet	592
Christi passionis patrocinio ueniā		Dæmonum externi impetus & im-	
peccatorum impetramus	617	pressiones	627
Circumstantia peccatorum in con-		Dæmones quare principes appella-	
fessione narrantur	320	ti & rectores mundi tenebra-	
Clauius ecclesiæ aditus in celum		rum	627
aperiri	312	Dæmones perpetuum bellum no-	
Clericorum corona quid significet		biscum gerunt	627
361		Dæmones quos nō oppugnent	628
Concio sacra a fidelibus attente		Dæmonum uis alligata	629
audienda	450	Dæmon quare malus præcipue di-	
Cōtra eos, qui medicamētis utun-		catur	644
tur dæmonum arte cōpositis	640	Dæmoni assignamus omnia mala	
Creatio omnibus personis Trinita-		quæ in nos a proximis profiscun-	
tis communis	32	tur, tamquam auctori & impul-	
Creatura noua in Christo est, qui		sori	644
mandata dei obseruat	401	debita, quæ dimitti postulamus,	
Crucis Christi pretium quanti sit		quæ sint	616
617		Cuius debiti solutio sit ad salutē	
Colere deos alienos quare deus		necessaria	616
prohibuerit	415	Debita quare dicantur nostra	617
Cultus diuini cupidos homines ef-		Decalogi præcepta	396
se oportet	421	Decalogus legum omnium summa	
Cultus oxternus deo præcipitur		& epilogus	396
adhiberi tertio præcepto	439	Decalogi præcepta decem ex duo-	
Cultus sabathi quo tempore tol-		bis charitatis pendent	397
lendus erat	440	Decalogi	

INDEX

Decalogi deum esse auctorem cre-	Dei prouidentia erga homines	555
dere, maximam uim habet ad eā	Deus hominū nō obliuiscitur	557
legem seruandam	Dei benignitas & misericordia	
398	erga homines	559
Decalogi lex quanta maiestate da	Dei amor erga homines in redem	
ta	ptione ostensus	559
400	Dei manus cum nos tangit, id nō	
Descensus Christi ad inferos cau	hostiliter facit sed amanter	560
sa	De ^o quare castigat quos amat	561
68	Deus calamitates nostras nō igno	
Ante Christi mortē animae piorū	rat	561
ad sinū Abraha deferēbātur	Deus omnium deus est	564
70	Deus est ubique, & quo modo	566
Desideria exaudit Deus	Deus quare in calis esse dicatur	
559	566	
Deum unum solum esse non plures	Deus quo modo ex animo ametur	
confitendum est	568	
20	A Deo quid primo petendū	568
Deus quare pater uocatur	Dei gloria quo modo petatur	568
20.22	Dei nomen quo modo sanctificari	
Deo omnipotens uis tribuitur	petamus	569
24	Dei nomen sanctum & terribile	
Deus omnium creator	sanctificatione non eget	569
27.30	Dei nomen re, non uerbis tantum,	
Deus qua creauit conseruat	sanctificandum	572
31	Dei prouidentia erga hominum sa	
Deo, & non sanctis, sacrificium	lutem	574
offertur	Dei potentia & prouidentia	577
283	Deus non ad otium & inertiam	
Deus est legis auctor	nos uocauit	583
398	Deus nunquam nos deserit	583
Deum amare facile est	Deus adminicula nobis cōcedit ad	
41	regnū celorum consequendū	583
Deus quare zelotes appellat ^o	Deum amare, ut par est, sine diui-	
420	na gratia adminiculo non possu-	
Deus quare pœnam ad tertiam &	mus	586
quartam generationem commine		
tur		
421		
Dei bonitas superat eiusdem iusti		
tiam		
423		
Dei nomen quō honoretur		
425		
Deo multa imposta nomina		
425		
Deus quibus modis laudāndus		
426		
Deus nō habebit insōtē eū, qui no		
mē eius frustra assumpserit		
437		
Deus primus diligendus, deinde		
parentes		
456		
Deus desideria exaudit		
550		
Deus omnium hominum pater uo		
catur		
555		

vv q Ad

INDEX

Ad christianam prudentiam, nisi	Deus utitur demone ministro in
Deo auctore, & adiutore, nos	repetendis pœnis a sceleratis
aspirare non possumus 587	644
Deus in iustificatis mentem sanat	Deus suis nunquam defuit 2
non carnem 588	Diaboli crudelis dominatus 613
Deus requirit summū amorem in	Diabolus quare mundi princeps
opera & studio quod ei naua-	& tenebrarum dicatur 613
mus 593	Diaboli proprium officium 632
Dei opera omnia bona 595	Diabolus quo animo tentet homi-
Deus omnibus operibus suis suam	nes 630
bonitatem impertit 595	Diabolus quare tentator dicatur
Dei voluntatem quare maxime co-	630
lamus 595	Diabolus quibus modis utatur ad
Dei uie inuestigabiles 595	tentandum 631
Deus nobis melius consulit quam	Die dominico quid agere & a
nos optare possumus 596	quibus abstinere fideles oporteat
Ad Dei gloriā omnia ad usus uite	443
necessaria sunt referenda 598	Diuitia non amande 525
Dei infinita potētia colenda 605	Diuites quare panem quotidianū
Deus prōptus et paratus ad condo-	petere debent 605
nādum peccata penitētibz 615	Diuites facultates suas Deo acce-
Deus beneficētissimus parens 615	ptas referant 609
Deus iustitia retinentissimus 617	Diuites quare bonis cumulantur
Deus quomodo tentet suos 630	a Deo 606
Deus quomodo tentari sinīt bo-	Doctōris legitimi fidelis opera ne
nos 631	cessaria 2
Deus quomodo nos in tētationem	Doctrina Catechismi ad captum
inducere dicitur 632	cuiusque accommodata 8
Deus dat vires ad Satanam pro-	Doctrina fidei catholice quibus re-
sternendum 636	bus contineatur 9
Dei benignitas non uno modo eri-	Doctrina Christiane capita qua-
pit nos a malis 643	tuor 9
Deus nō uult nos ab omnibus in-	Dolor ex peccatorum cognitione
commodis solutos esse 643	614
Deus dat solatia ijs, qui aduersis	Dubitare in oratione non debe-
gramuntur 643	mus 547
	Propheta

INDEX

Propheta planius de ecclesia quā	Quare credere sanctam ecclesiam,
de Christo locuti sunt 103	& non in sanctam, dicatur 118
ECCLESIAE nomine quid sit	Eleemosyna neccesitas 496
proprie intelligendum 104	Cohortatio ad eleemosynam fa-
Ecclesia & synagoga differentia	ciendam 497
105	Labore ac manibus ea querenda
Ecclesia multis nominibus uoca-	quibus inopum indigentia leua-
tur 106	ri possit 497
Ecclesia militans & triumphans	Eleemosyna orationi addēda 553
quare dicatur 106	Eleemosyna medicina est accōmo-
Ecclesia militantis & triumphan-	data sanandis animae uulneri-
tis differentia 107	bus 623
Ecclesia figura & similitudines	Episcopi tantum & sacerdotes po-
108. 116	testatem habent remittendi pec-
Quinam ab ecclesia excludantur	cata 125
109	Episcopi administratio quae 372
Ecclesia catholica proprietates &	Episcopus tantum ordines confer-
prerogativa 110	372
Ecclesia caput uisibile 110	Escharum conquisitissima genera
Ecclesia unitas 110	persequi non licet 604
Ecclesia sancta appellatur 113	Eucharistia usu qui aliquandiu ca-
Ecclesia catholica 115	rent, plurimum damni patiun-
Ecclesia uera dignoscenda a falsa	tur 175
certissima regula 116	Eucharistia institutio 235
Ecclesia est apostolica 116	Eucharistia dignitas & excellen-
Ecclesia non potest errare 116	tia 235
Extra ecclesiam uerus cultus non	Eucharistiae sacramētum pluribus
reperitur 117	nominibus appellatum 236
Ecclesia originē suae ueritatis tra-	Eucharistia quare dicatur commu-
xit ab Apostolis 116	nio 236
Ecclesiam uniuersalem omnes te-	Eucharistiam post cibum et potum
nere debent, qui salutem conse-	sumere non licet 237
qui cupiunt 115	Eucharistia uere est sacramētum
Ecclesiae auctor Deus 118	& unum ex septem 237
Ecclesiam clauēs regni calorum ha-	In eucharistiae sacramēto adoram-
bere, fide intelligimus 118	corpus & sanguinē Christi 238

V V 3 Qua

INDEX

Que proprie sacramenti rationem habeant in Eucharistia	238	Panis & uini substantia post consecrationem in sacramento Eucharistia non remanet	260
Eucharistia cum ceteris sacramentis differentia	239	Post consecrationem quare Eucharistia sacramentum panis vocatur	262
Eucharistia sacramentum perfectum facit materia consecratio	239	Conuersio admirabilis in sacramento Eucharistia transubstantiatio vocatur	263
Eucharistia est unum tantum sacramentum & non plura	239	Eucharistia sacramentum non curiose scrutandum	263
Eucharistia sacramentum tria significat	240	Qua ratione Christus sit in Eucharistia sacramento	264
Eucharistia sacramenti materia duplex	241	Panis & uini species in sacramento Eucharistia sine aliqua re subiecta manent	265
Aqua modica uino quare admisceatur	243	Eucharistia sacramentum quare sub panis & uini specie administrari Christus instituit	265
In eucharistia sacramento quid significet panis & uinum	244	Eucharistia fons omnium gratiarum	266
Eucharistia sacramenti forma	246	Eucharistia quomodo gratiam tribuat	267
Forma consecrationis uini & eius declaratio	247	Prima gratia nemini tribuitur nisi prius Eucharistia sacramentum uoto perceperit	268
In sacramento eucharistia tria sunt maxime admiranda	251	Eucharistia omnium sacramentorum finis	268
In eucharistia uerum corpus Christi & sanguinem contineri	253	Eucharistia figura est manna	269
Eucharistia sacramentum non est tantum signum corporis Christi	253.265	Eucharistia utilitates	269
Eucharistia fructus	256	Eucharistia sacramenti sumendi tres rationes	271
In Eucharistia sacramento totus Christus continetur	257	Maximis bonis se priuant qui cum parati sint sacramentaliter sumere corpus Domini, spiritu tantum accipiunt	272
In Eucharistia sacramento que sint ex concomitantia	258		
Due consecrationes quare separatim fiant in sacramento Eucharistia	259		
In quauis utriusque speciei particula Eucharistia totus Christus continetur	259		

Eucha-

INDEX

Eucharistia accipere nemini licet	ma	281
ante sacramentalem confessionem, si sacerdotis facultas data sit, si peccati mortalis conscientiam stimulet		274
Ieiunii ad eucharistia sacramentum accedere debemus		274
Aliquot dies ab uxoribus abstinendum ab ijs qui matrimonio iuncti sunt, cum ad communionem accedere uolunt		275
Eucharistia communio saepius iteranda		275
Eucharistia sacramento quotidie alenda est anima		276
Eucharistiam olim fideles quotidie sumebant		276
Ab eucharistia communione excipiuntur qui per aetatem rationis usum non habent		277
Eucharistia quare infantibus negatur		277
Eucharistia sacramentum amen- tibus non detur		278
Eucharistiam sub utraque specie laicis sumere non licet		278
Quare ecclesia consuetudinem communicandi sub utraque specie prohibuerit		279
Solis sacerdotibus potestatem tradita est sacramentum Eucharistia conficiendi		280
Qui non est consecratus, sacra uasa tangere non audeat		281
Eucharistia est sacrificium		281
Eucharistia uictima deo gratissi- ma		281
Eucharistia a Christo instituta duabus de causis		282
Eucharistia, ut sacramentum est, non solum merendi sed etiam satisfaciendi uim habet		283
Eucharistia sacrificium quando institutum		283
Eucharistia figura et oracula		284
Eucharistie sacramentum inexpli- cabile pignus charitatis		608
Eucharistia sacramentum quare dicatur panis noster		608
Eucharistia sacramentum quare dicatur quotidianus panis		608
Exempla qua ad bene sperandum nos inducere possunt		641
Exempla humana infirmitatis		625
Exitus rerum deo permittendus		645
Extrema unctio		341
FALSVM testimoniū quid		505
Falsi testimonij damna		506
Falsum testimonium non solum in iudicio sed extra iudicium uetatur		506
Falsum testimonium dicere contra se, non licet		504
In falsis testimonijs mendacium numeratur		505
Festorum dierum preceptum		439
Festi diei cultus quare institutus		442
Festi dies prater sabbatum alij apud Iudeos		447
Festi dies prater diem dominicum quare instituti ab Ecclesia		44

V V iij Di

INDEX

<i>Dies celeberrimi in Ecclesia</i>	448	<i>Fides ad iustificationem necessaria</i>	75
<i>Festis diebus quibus operibus christiani se exercere debeant</i>	450	<i>Figura conceptionis et natiuitatis Iesu Christi</i>	50
<i>Felicitas in quo consistit</i>	144	<i>Figura crucis Christi</i>	56
<i>Felicitas semel adepta numquam amittitur</i>	144	<i>Figura confessionis</i>	315
<i>Fides ad salutem consequendam necessaria</i>	11	<i>Filius Dei & uere deus Iesus Christus</i>	39
<i>Fidei multi gradus</i>	12	<i>Filius Dei quomodo generatur</i>	39
<i>Quid primo credendum</i>	13	<i>Forma sacramenti Eucharistiae declaratur</i>	246
<i>Notitia quae fidei disciplina comparatur, multo certior est quam quae humanis est rationibus comprehensa</i>	18	<i>Forma sacramenti penitentiae</i>	296
<i>Fides de omnipotentia Dei quam necessaria & utilis</i>	25	<i>Forma sacramenti extreme unctionis</i>	344
<i>Fides redemptionis ad salutem necessaria semper fuit</i>	33	<i>Forma confirmationis sacramenti</i>	225
<i>Fides ueterum & nostra eadem</i>	35	<i>Formula orandi diuersa ad Deum & sanctos</i>	544
<i>Fides penitentiam antecedit oportet</i>	290	<i>Fornicationis peccati calamitas propria</i>	482
<i>Fides quid significet</i>	14	<i>Frugalitati consulendum</i>	498
<i>Fides non uere dicitur pars penitentiae</i>	290	<i>Fructus arboris uitae</i>	487
<i>Fideles ad complectendam celestem doctrinam quando sint propensiores</i>	406	<i>Furti precepti uis auditoribus inculcanda</i>	487
<i>Fides necessaria in oratione</i>	547	<i>Furti precepto Dei benignitas erga nos maxime percipitur</i>	488
<i>Fide firmos esse, caput est ad rite orandum</i>	547	<i>Furti preceptum in duas partes diuisum</i>	488
<i>Fiducia de Deo unde ortum habet</i>	547	<i>Furti nomine quid intelligatur</i>	498
<i>Fiduciam conciliat nomen patris in oratione</i>	600	<i>Rapina maius peccatum quam furtum</i>	489
<i>Fiducia orationis unde in nobis oriatur</i>	600	<i>Quare septimum preceptum furti nomine, non rapinae, notatum sit</i>	489
		<i>Furtum, quod est iniusta possessio, et usus rerum alienarum, uarijs nominibus</i>	

INDEX

nibus notatur	489	legerit	405
Furandi etiam animus lege Dei		Hebraici populi liberatio ab Ae-	
prohibetur	490	gypto	404
Furtum quam graue scelus sit	490	Hebraeos durissima seruitute pre-	
Furit immanitatem declarât qua		mi quare Deus permiserit	475
furtum consequuntur	490	Hebraeo populo permiffa praftita	
Furtorum multa genera	491	post 300. annos quare.	406
Rapina latius patent quem fur--		Locus & tempus in quo Israel le-	
ta	493	gem a Deo accepit	406
Rapaces qui sunt, & rapinarum		Homicidium prohibens praeceptū,	
uaria genera	493	auditu incundum	467
Furti excufationem nullam accipit		In praecepto, Non occides, duo con-	
Deus		tinentur	467
Excufationes quibus se homines		Homicidium quod hoc praecepto	
defendunt in furtis	499	non uetatur	468
Fur diuinum nomē aedecorat	500	Occidere uetitū est omnibus	470
GAUDIA intima sanctorum	607	Omnes homines huius legis ui,	
Gloria inenarrabilis sanctorum		Non occides, defenduntur	470
144		Se ipsum non licet occidere	470
Gloria Dei quomodo in oratione		Lex non occidendi, non solum ma-	
petatur	568	nus sed animum cohibet	471
Gloria quid	580	Homicidium peccatum est nefari-	
Gradus quibus ad orationem acce-		um	472
dimus	545	Homo ad imaginem & similitu-	
Gratia quid	208	dinem Dei formatus.	30
Gratiam quomodo euchariftia con-		Homo postremo creatus non ui na-	
ferat	268	tura sed diuino beneficio immor-	
Gratiarum actio cum oratione iun-		talis	30
genda	553	Prima hominis ruina.	32
Gravitas relabentium	61	Homo christianus quantum Chri-	
HAERETICORVM artes quibus		sto debeat	42
sunt usq; ad impia dogmata in-		Homines diuini cultus cupidos ef-	
fundenda	4	se oportet	421
Hereticus qui dicatur	103	Homo quid debeat Deo	559
Hereticorū pestis quo irrepsit	4	Hominiū miserie propter pecca-	
Hebraeorum gentem quare de ^o de-		tum primi parentis	584
		Homo	

INDEX

Homo qua bona per peccatū ami- serit	585	Hypocrite animo non orant	551
Homines comparātur agris & ijs qui gustum amiserunt	586	Hypocritarum mos in orando fu- giendus	551
Homo pueris comparatur	586	I E S V M Christum filium Dei credentes, quam utilitatem ca- pian	32
Homo etiam iustificatus non ita habet domitos carnis affectus, ut illi postea excitari non pos- sint	588	Iesus Dei filius solus potuit nos Deo reconciliare	33
Homines uoluptuosi a diuina uo- luntate alieni	591	Iesus quid significet	35
Hominis instabilitas	576	Iesus Christus, Rex, sacerdos, & propheta supremus	36
Hominis imbecillitas	595	Iesus filius Dei et uerus Deus	39
Homo qua maledictione condem- natus post Ada peccatum	699	Incarnatio uerbi	44
Hominis inscitia & imbecillitas	625	Incarnationis mysterium non una persona confecit	45
Preceptum de honorādo Deo	423	Incarnationis uerbi opus, quare spiritui sancto peculiari quadā ratione tribuitur	46
Preceptum de honore parentum	453	In incarnationis mysterio quadā supra nature ordinem, quadam nature ui effecta	46
Honorare quam uim habeat	456	Mirabilia qua in uerbi incarna- tione acciderunt	46
Honoris uox rite in precepto po- sita	457	Simul Christi corpus formatū at- que animatum, & corpori et anī me diuinitas coniuncta	46
Honorandi a nobis patres cuius- cumque generis	457. 461	Anima Christi uberrimā spiritus sancti copiam accepit	47
Honoris officia que in parētes con- ferri debent	459	Christus nō est filius Dei adoptio- ne, sed natura	47
Honor mortuis parentibus tribu- endus	460	Maria uirgo uera christi mater	48
Improbis etiam Pastoribus obedi- endum	461	Maria Eue respondet	49
Regibus parendum	462	Incarnationis Iesu Christi myste- rium quanto pietatis studio reco- lendū	52
Honorantes parentes quos fructus percipiant	463	Ieiunium orationi sociandum	553
Hostes humani generis, omnes ad- uersus nos artes excogitant	624		

Ima-

INDEX

Imagines uenerari ut Deos prohi-	debita nostra, sicut & nos	619
bitum est	414	
Imagines in ecclesia habere nō so-	Inimicis parcendum si uolumus nō	
lum licet sed maximo fidelium	bis peccata dimitti	619
bono factum est	417	
Ad imaginem sanctorū cum quis	Inimici diligendi	619
orationem dominicam enūciat,	Inimicis nō parcentes quid a Deo	
quid sentiendum	545	
Incommoda omnia a quo animo fe-	petere debeant	622
renda	645	
Indignari non debemus cū nostras	Inimici inuisibiles	626
preces non exaudit Deus	645	
Indigentiam habemus externarū	Instrumenta quibus queritur &	
rerum ad uictum uitamque exco-	inuenitur regnum Dei	575
lendam	598	
Infelicitas hominis quo modo co-	Interpretatio Cypriani uerborum	
gnosci possit	sicut in celo & in terra	594
Inferni significatio	68	
Ingratitudo hominum erga Deū	Interpretatio huius uocis, amen,	
632	549	
Inhumanitas i egenos fugiēda ab	Iudicium finale	86
eo qui a deo uult exaudiri	547	
Iniuria remittēda ab eo, qui uult,	Tria Christi officia ad suam eccle-	
ut Deus sibi ignoscat	siam decorandam	86
546		
Iniuriarum obliuionem a nobis re-	Dies Domini Christi aduentus nō	
quirat Deus	uisimus dicitur	87
69		
Iniurias condonare nolentes in-	Quare Christus ad iudicandum	
que incommoda incidunt	uenturus	87
477		
Remedia ad deponendas iniurias	Duplex Christi ad nos aduētus	87
478		
Iniurias remittendi uoluntas suf-	Iudicij generalis necessitas	88
ficit reclamantibus corrupta na-	Iudex omnium Christus quare fu-	
tura appetitionibus	turus	91
621		
Iniurias non obliuisci in animo	Iudicium precedentia signa	90
habentes uti debent hac preca-	Iudicij forma, & ratio	92
tionis conditione, dimitte nobis	Iudicantis Christi sententia uer-	
	ba	92
	Iudicij universalis articulus quā	
	utilis	94
	Iudicia forensia iure et ex legibus	
	administranda	510
	Iustificari nō potest qui non est pa-	
	ratus ad omnia Dei praecepta ser-	
	uanda	402
	Iustitia originalis supranatura fa-	
	cultatem	

INDEX

<i>cultatem homini a Deo data</i>	30	<i>mala parit</i>	434
<i>Iurandi lex quæ iubeat et quæ pro-</i>		<i>Gravi peccato se adstringit, qui te</i>	
<i>hibeat</i>	425	<i>mere iurat</i>	434
<i>Iurandi frequens usus minime lau-</i>		<i>Iurare falsum, prohibitum est se-</i>	
<i>dandus</i>	427	<i>cundo precepto</i>	435
<i>Iurare quid</i>	428	<i>Iurare falsum, est peierare, et quod</i>	
<i>Iurare per creaturas, iusiurandum</i>		<i>modis peierant homines</i>	435
<i>est</i>	428	<i>Iurandi precepto quare minæ ad-</i>	
<i>Iusiurandum per execrationem</i>	429	<i>iunctæ</i>	438
<i>Iusiurandum assertorium & pro-</i>		<i>Summa hominum proclivitas ad</i>	
<i>missorium</i>	429	<i>peierandum</i>	438
<i>Iusiurandum ut rectum sanctumque</i>		<i>Propter periurium diversis suppli-</i>	
<i>sit, quæ requiruntur</i>	430	<i>cys affligimur</i>	438
<i>Iuratus quæ considerare debeat</i>		<i>LACRYMAE in penitentiâ sum-</i>	
	430	<i>mopere optanda</i>	306
<i>Iusiurandum non exigitur a pue-</i>		<i>Lex naturæ a lege scripta non di-</i>	
<i>ris ante pubertatem</i>	431	<i>versa</i>	398
<i>Iustificatio impij, magnū opus</i>	126	<i>Lex in decalogo contenta non est</i>	
<i>Iustificatur impius per sacramenta</i>		<i>novæ lex, sed natura lex illustra-</i>	
<i>tamquam per instrumenta</i>	125	<i>ta</i>	398
<i>Iustitia maxime in promissis re-</i>		<i>Legis iussa difficultatem non ha-</i>	
<i>quiritur</i>	431	<i>bent</i>	400
<i>Iurando peccat qui iniustum ali-</i>		<i>Legi obtemperandum</i>	401
<i>quid promittit</i>	431	<i>Legis observantiæ fructus</i>	402
<i>Iurare cui non liceat</i>	431	<i>Ad legem observandam propensio-</i>	
<i>Iusiurandum quando sit laudabi-</i>		<i>res nos reddit, scire Deum esse</i>	
<i>le</i>	432	<i>dominum nostrum</i>	408
<i>Iusiurandum a fide originem du-</i>		<i>Lex omnis ad præcepta servandæ</i>	
<i>cit</i>	432	<i>homines premio, aut pœna indu-</i>	
<i>Iusiurandum ad quem finem ten-</i>		<i>cit</i>	418
<i>dere oporteat</i>	433	<i>Legis servandæ modus & ratio</i>	
<i>Quodnam iusiurandum a Christo</i>			423
<i>prohibeatur</i>	433	<i>Lege non concupiscendi præscripta</i>	
<i>Iurandi necessitas excusationem</i>		<i>quid a Deo provisum sit</i>	516
<i>habet</i>	434	<i>Lex Dei intimo animi sensu ser-</i>	
<i>Iurandi nimia consuetudo multa</i>		<i>vanda</i>	518
		<i>Diffe-</i>	

I N D E X

Differentia inter diuinas & hu- manas leges	518	Maria uere mater dei quare	47
Lex diuina quasi speculum quod- dam est in quo natura nostra ini- tia inueniuntur	519	Maria perpetua & incorrupta uir- ginitas	49
Loquacitas uitanda	514	Maria in partu Spiritus sanctus affuit	49
Liberum arbitrium homini da- tum	30	Maria cum eua confertur	50
Lingua uitium communissimum	502	Maria ex regibus orta	49
Loquacitas in oratione prohibe- tur non longe preces	551	Maria felicitatem gratulamur, cum eam angelica salutatione salutamus	543
Lucris honestis tranquillitas inest	603	Mariam iure oramus, ut nobis pec- catoribus ueniam sua interces- sione conciliet	543
Lumen diuinum quid nobis faciat	502	Maria mater misericordie	543
MALA cum patimur, ad dei au- xilium confugimus	639	Maria aduocata nostra	543
Malorum omnium liberationem non petimus	642	Mariae merita apud Deum prestan- tissima	543
Mala quadam, que communiter mala putantur, sunt tamen fru- tuosa	642	Mariae summa uoluntas adiuan- di humanum genus	543
Mala illa deprecamur, que nullam anime utilitatem afferre possunt	642	Maledictio qua condonatus est ho- mo post Ada peccatum	699
A quibus malis liberari petendum sit	643	Materiae sacramenti Eucharistiae duplex	241
Mala que in nos a proximis profi- ciscuntur, demoni assignanda	644	Materia sacramenti penitentiae	478
Malorum liberatio a Deo impe- tranda	639	Materia sacramenti extremae un- ctionis	343
Mala anime & corporis depreca- ri debemus	610	Matrimonium unde dictum	377
Maria dei & hominis mater uere & proprie dicitur	47	Matrimonij sacramentum uarijs nominibus appellatum	377
		Matrimonij differentia & eius de- claratio	377
		Matrimonium inire non possunt qui legibus a matrimonij consor- tio excluduntur	378
		Matrimonij uis & natura in quo consistit	378
		Con-	

INDEX

Consensus matrimonium efficit	378	Matrimonia Iudeorum	387
Consensus uerbis, quæ præsens tē- pus significat, exprimat	379	Quare antiqui patres plures si- mul uxores ducerent	387
Consensus alterius tantum ad ma- trimonium coniungendum satis esse non potest	379	Libellus repudiij quare in lege Mo- sis concessus	387
Matrimonium non cōtrahitur per uerba futurum tempus significā- tia	379	Matrimonium duorum tantum & non plurium coniunctione defini- tur	388
Verborum loco in matrimonio nu- tus & signa sufficiunt	380	Infidelis ad ueram religionem con- uersus primam, ceteris relictis, pro uxore habeat	388
Præter consensum ut uerum matri- monium existat, concubitus ne- cessario non requiritur	380	Matrimonii uinculum nullo diuor- tio dissolui potest	388
Matrimonii duplex ratio, ut est in officium nature, & ut est sacra- mentum	381	Matrimonium dissolui non posse utilissimum est	389
Matrimonium, ut est officium na- ture, a Deo institutum	381	Fidelium coniugia perfectione & nobilitate gentilium & Iudeo- rum matrimonij longe præstant	390
Matrimonium indissolubile	382	Matrimonij bona tria	390
Matrimonium quibus causis insti- tutum	382	Matrimonia clandestina neque ue- ra neque rata esse	394
Matrimonij natura ut sacramen- tum est	384	Matrimonij impedimenta	394
Matrimonium quid significet	385	Matrimonium contrahentes quo modo affecti esse debeant	395
Matrimonium sacramentum esse, & unum de septem legis euange- lica sacramentis	376	Matrimonij usus qui esse debeat	396
Matrimonij sacramentum a Chri- sto institutum	385	A matrimonii officio interdum o- randi causa abstinendum	396
Matrimonium gratiam significat & tribuit	386	Mæchæ prohibita est præce- pto sexto	479
Matrimonij sacramentum quan- tum præstet matrimonij ante le- gem	386	Mæchiæ quare post homicidium pro- hibeatur	479
		Præceptum de mæchiæ quibus uer- bis tractandum	479
		Mæchiæ præcepti duplex uis	479
		Medici-	

INDEX

<i>Medicina a deo hominibus data</i>	<i>Christi passionem, sed multo clariorem reddit</i>	336
641		
<i>In medicina remedijs quo modo spes ponenda</i>	<i>merendi ampla occasio, patienti animo labores & incommoda ferre</i>	338
641		
<i>Meditationes de Christi passione</i>	<i>Merentur opera nostra exaudiri per meritum Christi</i>	552
59		
<i>Mendacium plenissimum impietatis</i>	<i>Mereri possumus cum divina gratia uitam aeternam</i>	336
509		
<i>Mendacio fallere ioco & officii causa, indignum est</i>	<i>Minister sacramenti baptismi proprius</i>	189
509		
<i>Mendacij summa miseria & turpitudine</i>	<i>Ministorum baptismi ordo qui seruandus est</i>	191
512		
<i>Mendacij pater Damon</i>	<i>Minister proprius sacramenti confirmationis</i>	228
512		
<i>Mendacium quae mala consequuntur</i>	<i>Ministram confessionis scientia et prudentia praeclitum esse oportet</i>	324
512		
<i>Mendacij uitium est fere insanabile</i>	<i>Ministri sacrificium facientes Christi personam suscipiunt</i>	285
513		
<i>Mendacij uitium latissime patet</i>	<i>Miseria humanae causae</i>	576
513		
<i>Mendacia excusare, error</i>	<i>Miseria hominis propter peccatum primi parentis</i>	585
514		
<i>Mendacio nemo studeat</i>	<i>Miseria summa humani generis, quae mala sunt non ut mala iudicare</i>	585
505		
<i>Mens bona a Deo postulanda</i>	<i>Miseria hominum unde</i>	588
333		
<i>Meritum nostrum diuina gratia adiuuatur</i>	<i>Missa sacrificium idem cum eo quod in cruce oblatum est</i>	285
336		
<i>Meritis paria redduntur premia in calis</i>	<i>Missa sacrificium non est nuda commemoratio sacrificij in cruce peracti, sed uere propitiatorium</i>	286
151		
<i>Merentur fructum passionis qui sacrificium Eucharistiae offerunt</i>	<i>Missa sacrificium pro mortuis offertur & illis prodest</i>	286
283		
<i>Meritum praeij gloria immortalis operibus nostris tribuitur</i>	<i>Missa ritus non superuacaneus</i>	287
335		
<i>Meritum operum nostrorum ex merito passionis Christi pendet</i>		
335		
<i>Meritum nostrum non obscurat</i>		

INDEX

Misse sacrificium propitiatorium sacrificium	286	Nomen Dei sanctum & terribile sanctificatione non eget	569
Misse sacrificium pro mortuis of- fertur	286	Nomen Dei quomodo sanctifica- tur in omnibus	571
Misse omnes communes dicenda 286		Nomen Dei re, non uerbis tantum, sanctificandum	572
Misse ritus non sunt inanes, & su- peruacanei	278	Nota certa indicandi qua sit pra- ua, quae recta petitio.	397
Cur Christus in ligno mortem per- passus	54	Obedire debent omnia diuine uo- luntati	595
Christus uere mortuus & sepul- tus	56	Obtrectatio uitium pessimū	506
Christus locum, modum, & tem- pus suae mortis elegit	57	Obtrectatorū multa genera	507
Anima Christi quo ad inferiorem partem cruciata	53	Odium demonum in nos infini- tum	627
Mulier quare ex latere uiri for- mata non ex pedibus aut ex capite	393	Officium Parochi, quod auditori- bus prestare debet	597
Necessitate nostra cognita ad pa- trem adire cogimur	600	Opus redimendi hominum genus eminet inter opera gubernatio- nis & creationis	559
Necessitati nostrae quae supersunt cum alijs communicanda	606	Operibus regnum Dei compara- tur	583
Nequitia carnis & spiritus	627	Orandus primo Deus, deinde san- cti	544
Nomina inponenda baptizatis	316	Orandi optimus modus	536
Nomina gentilium imponentes ba- ptizatis reprehenduntur	218	Pro quibus orandum	540
Nomen Dei Tetragrammaton non pronuntiare inanis est supersti- tio	425	Orandi sancti, & quae ratione, ut nostri miserrantur	544
Nomina deo imposita.	425	Orandi ratio	549
Nomini diuino quam uerus honor attribuatur.	425	Orandum est in spiritu & uerita- te	550
Nomen clericum unde deductum	361	Orandi in spiritu consuetudinem infideles non habent	551
Nomen Dei quomodo sanctificari petatur	569	Orandum in nomine Christi	552
		Orandus Deus, cum proximus nos ledat, quomodo	645
		Orantes deo honore habemus.	530
		Orandi	

INDEX

Oranti maiestas diuina fit pro-	Oratione deo nos subiectos esse
pior 467	profitemur 530
Orantes cū deo colloquuntur 647	Oratio est celi clauis 531
Orantium fructus et munera 647	Orationis vis, & utilitas 531
Orare sicut oportet debemus, &	Oratio quibus partibus cōstet 535
qui non sic orent 598	Orationis partes precipue due
Multi sunt gradus petēdi aliquid	535
a deo, & gratias agendi 536	Oratio eorum qui nondum fidei
Modus precandi uocem effunden-	lucem acceperunt 538
do 537	Oratio quorum non exaudiatur a
Quos peccatores in oratione deus	deo 539
exaudiat & inuet 537	Orationes pro impijs facta 542
Petenda a deo que 539	Orationes pro mortuis in purga-
Quid sit sine adiunctione peten-	torio ab Apostolis fluxere 542
dum 540	Orationes pro peccātibus ad mor-
Execrationes sanctorū in impios	tem non proficiunt 542
sunt predictiones 543	Orationem dominicam ante ima-
Oratio ad deum necessaria 529	gines sanctorū pronuntiās quid
Christus in oratione pernocta-	sentire debeat 545
bat 529	Oratio humilis 545
Orationis utilitas & fructus 530	Orationis preparatio 545
Oratio est quoddam religionis ar-	In oratione qui uult exaudiri, a
gumentum 530	quibus ei sceleribus abstinē-
Observatio legis necessaria ad sa-	dum 546
lutem 401	Orationem nostram facit execra-
Omnis doctrina ratio, fidelibus	bilem contemptus diuina legis
tradenda, in scripturam & tra-	547
ditionem distribuitur 9	Oratio dubitationem non admit-
Operibus cum gratia dei factis	tit 548
diuina legi satisfacere possu-	Oratio mentalis uocalem non ex-
mus 336	cludit 550
Operibus nostris uitam eternam	Oratio mentalis principem locum
consequi possumus 336	tenet 550
Opera, que sine fide & charita-	Orationis uocalis propria utilitas
te sunt, grata esse non possunt	& necessitas 550
336	Oratio priuata & publica 551

XX

Ora-

INDEX

Orationis dominice expositio	554	Ordinandi prius sacramento penitentia conscientiam purgent	373
Oratio pro altero facta orati prodest	563	Ordinis sacramentum pueris & furiosis non conferendum	374
Oratio ne inanis sit, quid requirat	567	Qui aetatis annus in singulis ordinibus expectandus	374
Orationes sunt arma contra satanam	636	Ordinis sacramentum gratia confert	375
Orationes in principio timoris plenae, in fine exultationis	648	Ordinis sacramentum characterem imprimi	375
Ordo seruandus in oratione	639	Originalis iustitiae donum homini datum	30
Ordo quid	359	PANIS nomine multa in diuinis litteris significari	60
Ordinis sacramentum multos habet gradus & varias functiones	359	Panem petendo quid a Deo petamus	602
Ordo sacer iter ecclesiae sacramenta quare enumerandus	359	Panis ad necessitatem, non ad luxuriam petendus	602
Ordo sacer characterem imprimi	359	Panis a nobis iure acquirendus, non iniuria, uel fraude	603
Ordines septem	360	Panis quare quotidianus appellatus	604
Ordines maiores & minores	360	Panis assidue a Deo petendus quare	609
Prima tonsura	360	Panem quotidianum quo modo diuites petere debeant	605
Ordo ostiarum, munus	362	Panis spiritualis petendus	606
Ordo lectoris, officium	363	Panis spiritualis quid significet	606
Ordo exorcistarum, munus	363	Panis, qui Christus est, incredibili letitia perfundit piorum animos	608
Ordo acolutorum, munus	363	Panis noster substantialis Christus in Eucharistia sacramento continetur	608
Ordo subdiaconi, officium	364		
Ordinibus sacris lex perpetuae continentiae imponitur	364		
Ordo diaconi, munus	366		
Ordo sacerdotum	373		
Ordines sacri quibus sint dandi	372		
Opera nostra ex Christi gratia merentur	336		
Ordines sacri sunt statis diebus quibus etiam ieiunia indicuntur	372		
			Pasionis

INDEX

Passionis Christi mysterium maxi- me Dei potentiam et benignita- tem ostendit 609	smum prater sacramenti mini- stros 191
Passionis Christi tēpus quare ob- servatur 54	Patrinorum affinitas cum quibus contrahitur 192
Anima Christi, quo ad inferiore partem, cruciata 54	Patrini partes 193
Passionis Christi causa 60	Quibus non liceat baptizandos su- scipere 194
Passus est Christus pœnas grauissi- mas 62	Patrinus quare ad confirmationē uocetur 227
Passiones Christi acerbiores, quā sanctorum 63	Patrini confirmationis quam affi- nitatem contrahant 228
Passio Christi quæ commoda nobis conferat 64	Patroni causarum officia 511
Passio Christi nobis ueniam pecca- torum impetrat 617	Patriarcharum gradus 370
A passione Christi omnis satisfac- tionis uis & ratio fluxit 617	Patriarche quatuor 371
Pastorum ecclesia uerba tamquam Dei uerba recipienda 2	Peccatum, & peccati pœna, ex Adam ad nos permanauit 33
Patris uox quid in Deo signifi- cet 20	Peccata quedam remitti nō posse, quo modo intelligatur 299
Pater quare dicatur prima perso- na in diuinis 22	Peccata cogitationis confiteri de- bemus 519
Parentum honor 453	Peccata diligenter peruestigan- da 327
Patris nomine qui uocentur 457	Peccatum consequuntur duo 331
Patres cuiuscumque generis a no- bis honorandi 457.461	Peccati fomes 519
Parentum officia erga filios 465	Peccatum et peccati fomes ubi ha- bitet 583
Parentes nimiam seueritatem & indulgentiam fugiant 465	Peccatorum nostrorum immani- tate auersus a nobis Deus o- peribus nostris non benedicat 599
Pater quare in principio oratio- nis positum 554	Peccato omnes addictos esse 611
Pater omnium Deus 555	Peccatorum recognitio qualis esse debeat 612
Patrini baptizandorum 191	Peccatorum turpitude 612
Patrini quare adiuncti ad bap- tismum	Peccati pestis 612
	Peccatum, etsi eius actio transie- rit,

XX ij rit,

INDEX

<i>vit, macula tamen & reatu per-</i>		<i>Penitentia sacramentum est ne-</i>	
<i>manet</i>	614	<i>cessarium</i>	287
<i>Peccatum semper insequitur ira</i>		<i>Penitentia reiterari debet</i>	287
<i>dei</i>	614	<i>Penitentia secunda naufragij ta-</i>	
<i>Peccatorum dolor & sensus quam</i>		<i>bula</i>	288
<i>sit necessarius</i>	614	<i>Penitentia uaria notio, & pote-</i>	
<i>Peccata penitentibus condonare,</i>		<i>stas</i>	288
<i>semper promptus est & paratus</i>		<i>Penitentia multiplex</i>	289
<i>Deus</i>	615	<i>Penitere Deum, per translationē</i>	
<i>Peccatis Deus offenditur</i>	614	<i>dicimus</i>	289
<i>Peccata quare debita dicantur</i>		<i>Penitentia uarie significationes</i>	
	616	<i>in quo differant</i>	289
<i>Peccatorum remissionem peten-</i>		<i>Penitentiam fides antecedit</i>	290
<i>tes excusatione non utimur</i>	618	<i>Penitentia intima quare sit uir-</i>	
<i>Peccata sine Dei auxilio uitare</i>		<i>tus</i>	291
<i>non possumus</i>	593	<i>Penitens uere quid sibi proponat</i>	
<i>Peierat is qui iurando iustitiam</i>			291
<i>deferit</i>	435	<i>Quibus gradibus ad penitentiam</i>	
<i>Peierare uarijs modis solemus</i>		<i>licet ascendere</i>	292
	435	<i>Penitētia regnum calorum sacre</i>	
<i>Summa hominum procliuitas ad</i>		<i>littere pollicentur</i>	292
<i>peierandum</i>	438	<i>Penitentia exterior est sacramen-</i>	
<i>Propheta falsi exierunt in mun-</i>		<i>tum</i>	293
<i>dum</i>	3	<i>Penitentia sacramentum quare</i>	
<i>Prophetarum falsorum impietas</i>		<i>Deus instituerit</i>	293
<i>quam longe sit progressa</i>	3	<i>Penitentia sacramenti materia</i>	
<i>Purgatorius ignis ante Christi ad</i>		<i>& forma</i>	295.296
<i>uentum</i>	30	<i>Penitētia cerimonia & ritus</i>	297
<i>Propter periurium diuersis suppli-</i>		<i>Penitentia sacramenti fructus</i>	
<i>cis affligimur</i>	438		288
<i>Pœna grauissima quas Christus</i>		<i>Penitentia nos in Dei gratiam</i>	
<i>perpeffus est</i>	62	<i>restituit</i>	298
<i>Pœna postulāda est liberatio</i>	639	<i>Penitentia partes integrales</i>	300
<i>Penitentia necessitas</i>	122	<i>Penitentia quare ex partibus con-</i>	
<i>Penitentia usu carere, plurima da-</i>		<i>stet</i>	301
<i>mna affert</i>	175	<i>Penitentia publica quare publico</i>	
		<i>peccato</i>	

INDEX

peccato indicatur	333	a deo possumus	601
In penitentia duo animaduerten-		Petere non sibi, sed omnibus, est	
da	335	proprium Christiana charita-	
Penitentia poena a nobis suscepta		tis	605
Dei animaduersionem anteuertit	335	Petere dimitti debita, quid sibi ue-	
Petrus summus pontifex, et caput		lit	610
omnium apostolorum	111	Petere non debemus ut omnino no-	
Petrus a Christo caput Ecclesie		tentemur	633
constitutus	112	Petere non debemus, omnino ab	
Petri successor eandem cum Petro		omnibus malis liberari	642
potestatem habet	110	Petere debemus, ut Domini man-	
Pericula, in quibus assidue uersa-		cibos suppeditet	605
mur, ante oculos ponenda	626	In petendis his quæ ad usum rerum	
Permissio in deo quo modo intelli-		terrenarum pertinent, animus	
gatur	632	ad Dei præscriptionem intenda-	
Personarum diuinarum proprietates	22	tur	597
Persona prima in diuinis quare		Potentibus pijs hominibus si quid	
pater dicatur	22	negat Deus, argumentum est id	
Quæ ad diuinas personas pertinet,		eis utile non fuisse	645
subtilius exquirere non oportet	22	Petitio de regno Dei cum omni-	
Petitores & accusatores quo modo		bus coniungenda & separatim	
sint monendi	511	facienda	574
Petere quid primum a deo debeamus	568	Petitio, fiat uoluntas tua, quem	
Petere regnum Dei non satis est ad		ordinem habeat	684
illud acquirendum	575	Petitiones quibus corporis & ani-	
Petere ut deus nostris cupiditatibus		mæ subsidia petuntur	596
non satisfaciatur, difficilius		Philosophia Christiana a secula-	
animum inducimus	591	ri sapientia quid differat	16
Petere non debemus abundantem		Philosophi quid de deo senserint	17
& exquisitam copiam ciborum	602	Pontifex romanus catholica eccle-	
Petere subsidia rerum humanarum		sia pontifex	371
		Pontifici romano summa digni-	
		tas & iurisdictio diuinitus da-	
		ta	371
		Pontifex romanus moderator uni-	
		uer-	

INDEX

versalis Ecclesia, Petri successor, & Christi uerus et legitimus Vi- carius	371	Præceptorum duorum ultimorum duplex necessitas	517
Postulatio de regno Dei magnam nim donorum & copiam conti- net	574	Preces Deo assidue faciende	552
Postulatio dimittendi debita de quibus intelligatur	616	Preces etiam pro proximis facien- de	618
Precatione dominica singuli quo- tidie uti debent	606	Preces Christianorum & infidelium in quo differant	640
Precantes omnes ecclesia nomine precantur	621	Preces cum non audit Deus, indi- gnari non debemus	645
Decem præcepta ex duobus pen- dent	397	Preces, quæ in litanis sunt, qua- re instituta	643
Præceptum primum decalogi	403	Pretium crucis Christi quanti sit	615
Præceptorum ordinis ratio	408	Prædicatio diuini uerbi numquam intermittenda	3
Præceptum duplex continetur in uerbis primi præcepti	408	Prædicare non debet aliquis nisi mittatur	2
Præceptum omnium primum & & maximum	409	Prædicatio uerbi Dei fidem nobis acquirat	1
Præcepti primi transgressores	409	Prædicantium uerbum Dei aucto- ritas	2
Præcepto primo non prohibetur ars sculpendi, pingendi, & fin- gendi	414	Premia uictoribus proposita	637
Præceptum primum quare a secu- do separatum	423	Præparatio ad orationem in quo consistat	545
Præcepti secundi lex quid perhi- beat & quid iubeat	453	Præparatio ante communionem qua- lis et quam necessaria	272
Præcepti de diligendis parētibus usus latissime patet	453	Præparatio ad communionem re- quirat ut ieiuni accedamus	274
Præcepta decalogi duabus tabu- lis incisa, & quare	454	Providētia dei erga homines	555
Præceptum de diligendis parenti- bus quare matrem explicet	458	574. 578	
Præcepta ultima duo quare simul coniuncta	516	Proximus qui	504
		Pudicitia & continentia omni stu- dio colenda	481
		Purgatorius ignis	68
		RAPINAE & quot earum ge- nera	489. 491
		Ratio	

INDEX

Ratio impetrandi quod a Deo pe-	582	Remedia ad diuersas noxias cupi-	525
timus		ditates	
Redemptionis pondere quid acce-	559	Remedia egrotantis anima, peni-	623
perimus		tentia, & Eucharistia	
Regnum celeste	573	Remissio peccatorum in ecclesia re-	123
Regnum Dei ante omnia postulanda	573	peritur	
Regni Dei postulatio magnam do-	574	Remissionis peccatorum beneficium	128
norum vim continet		quanto studio sit suscipiendum	
Regni Dei multa significationes	577	Remittendi peccata potestatem	
Regnum Christi non est de hoc	578	Christus episcopis & sacerdotibus	127
mundo		in Ecclesia concessit	
Regnum Dei quid sit	578	Peccata nostra Christi sanguine	127
Regnum Dei intra nos	579	remittuntur	
Regnum Christi quare iustitia di-	578	Remissionem peccatorum nemo se-	299
caitur		ne penitentia consequitur	
Regnum gratia Dei in quibus	579	Remissa culpa, non semper pœna	332
sit		que peccato debetur, condona-	
Regnum glorie Dei quid	579	tur	
Regnum gratie prius ponendum,	579	Quare pœna omnis in penitentia	332
quam gloria		sacramento aque ac in baptismo	
Regnum Christi quod est eccle-	580	non remittitur	
sia		Restitutio penitenti est necessa-	307
Regni ecclesia propagatio	580	ria	
Regnum Dei quo modo ueniat in	581	Qui cogēdi sunt ut restituāt	339
peccatores		Restitutionis definitio	495
Regnum Christi quo modo peti-	581	Resurrectio Christi, & de eius glo-	71
tur		rioso mysterio	
Regni calorum excellentia	583	Christus sua uirtute resurrexit	71
Regni calorum consequendi ad-	597	Resurrectionis beneficio Christus	72
minicula a Deo nobis concessa		primus omnium est affectus	
Regnum calorum ingredi cupien-	584	Resurrexisse Christum tertia die,	73
tes petere debent a Deo, ut fiat		quo modo intelligatur	
uoluntas eius		Resurrectionis Christi mysterium	75
		maxime necessarium	
		Resurrectionis Christi finis	75
		XX iiij Resur-	

INDEX

Resurrectio Christi quæ nobis exē	tuerit	284
pla sumenda proponat	77	
Resurrectionis spiritualis signa	78	
Resurrectionis mortuorum fide fi-		
des nostra innititur	129	
Resurrectio hominis quare resur-		
rectio carnis dicatur	130	
Resurrectio carnis exemplis & te-		
stimonys comprobatur	131	
Resurgentium varia conditio	134	
Resurrecturi, omnes morituri sunt		
nemine excepto	134	
Resurgent corpora nostra immor-		
talia	138	
Resurrectio mortuorum probatur		
	134	
Eorum qui resurgent dotes	139	
Ex resurrectionis articulo qui fin-		
ctus capiantur	141	
SABBATHI celebritas quare		
in sacris litteris sapissime preci-		
pitur	440	
Sabbathum quid significet	444	
Sabbathi sanctificatio quid	444	
Sabbathum quare Domino conse-		
cratum	445	
Sabbathum signum fuit	446	
Sabbathum celeste	446	
Sabbathum quare in diem Domi-		
nicum translatus	447	
Sabbathum qua ratione colēdum		
	448	
Sacerdotibus solis data est facul-		
tas sacramentum eucharistie con-		
ficiendi	280	
Sacerdotes quando Christus insti-		
tuerit		
Sacerdos silentio peccata in con-		
fessione audita comprimat	324	
Sacerdotes Dñi & angeli uocan-		
tur	354	
Sacerdotes noui testamēti ceteris		
omnibus prastantiores	354	
Sacerdotum potestas maxima	354	
Sacris initiandi quem finem sibi		
praponere debent	356	
Sacerdotes mercenarij	355	
Sacerdotes per ostium ecclesie in-		
gredientes	356	
Sacerdotes in omni lege	358	
Sacerdoti ab episcopo quando po-		
testas tradatur	359	
In sacerdotibus ordinandis ceri-		
monia	369	
Sacerdotalis ordo tamen si un⁹ est,		
uarios tamen & dignitatis et po-		
testatis gradus habet	370	
Sacerdotes simplices	370	
Quid in eo qui sacerdos creandus		
est requirendum	372	
Sacerdos quam cognitionem habe		
re debeat	373	
Sacerdotis duo munera	374	
Sacerdotij nobilitas & excellent-		
	353	
Sacerdotij onus nemini temere im-		
ponendum	354	
Qui ad sacerdotium uocari dicun-		
tur	354	
Sacerdotij potestas duplex	358	
Sacerdotij legis euangelica pote-		
stas plurimum prastat sacerdoti		
legis		

INDEX

legis natura scripta	358	Sacramentorum cerimonie sine	
Sacerdotij euangelici potestas a		peccato pratermitti non possunt	
Christo ortum habet	358		165
Sacerdotij munus	369	Sacramentorum cerimonie si omit	
Sacerdotij functio precipua	370	tuntur, nihil reuera de sacramē	
Sacramenti nomen quo modo acci		ti ratione minuitur	196
piatur	154	Sacramenta quare sollemnibus ce	
Sacramentum quid	154	rimonejs ministrantur	165
Sacramentis salus & iustitia com		Sacramentorum numerus	116
paratur	154	Sacramentorum differentia inter	
Sacramenti definitio ex August.		se	167
154		Sacramentorum auctor Christus	
Sacramenta inter eas res, qua si-			168
gnificant, referuntur	155	Sacramenta quare per homines	
Sacramenta sunt signa rei sacra		deus ministrari uoluerit	169
154		Sacramentorum ministri Christi	
Sacramenta sunt signa a Deo tra-		personam gerunt	169
ditata	157	sacramenta noua legis impura cō	
Sacra res est gratia Dei	158	scientia ministrare quam perni-	
Sacramentum sanctitatem signifi		ciosum sit ipsis ministris	170
cat & efficit	159	Sacramentorum effectus	171
Sacramenta non sunt, imagines		Sacramenta gratiam iustificantē	
sanctorum & cruces	158	conferunt	171
Sacramenta plures res significant		Sacramentorum noua legis excel-	
159		lencia ad uetera comparatorum	
Sacramenta legis euangelica qua			173
re instituta	160	Sacramenta tria characterem im	
Sacramentum quodlibet ex duo-		primunt	273
bus conficitur, ex materia &		Sacramentorum usu Christianum	
forma	163	edificium fulcitur	175
Verba inter omnia signa maximā		Sacramentum Eucharistie soli sa-	
uim habent	164	cerdotes conficiunt	280
Sacramenta noua legis formam		Sacramenta per improbos, si, qua	
uerborum præscriptam habent, a		ad eorum rectam rationem atti-	
qua si discedatur, sacramenti ra		nent, rite seruentur, conficiun	
tio constare non potest	165	tur	281
		Sacramen-	

INDEX

Sacramenti & sacrificij differen- tia	283	Satisfactio qua nobis Deum pla- catum reddit, quae sit	329
Sacrificium uni Deo & non san- ctis offertur	283	Satisfactio canonica	330
Sacrificium unum sunt cruenta & incruenta hostia	285	Satisfactio a nobis sumpta	330
Sacrificium idem est quod in mis- sa & quod in cruce oblatum est	286	Satisfactio quae est sacramenti pars	330
Sanctorum communio quam uti- lis, & quid significet	119	Satisfactionis definitio & neces- sitas	330. 331
Sanctorum communione omnes Christiani unum corpus sunt	121	Satisfactionis uis	331
Sanctorum cultus, in sanctis uene- randis Dei gloria non minuitur, sed augetur	411	Satisfactio nostra Christi satisfac- tionem non obscurat, sed multo clariorem reddit	336
Sanctorum patrocinium non est su- peruacaneum	412	Satisfactio uera quae requiritur	337
Christus etsi mediator propositus sit non propterea sequitur quin ad sanctorum gratiam confuge- re liceat	412	Qui satisfacit iustus est	337
Sanctorum imagines pingi non prohibetur diuino precepto	419	Opera poenalia & afflictiua susci- piuntur in satisfactione	336
Satane ausus	627	Omne satisfactionis genus ad tria praecipue confertur	337
Satane incursum qui maxime om- nium petantur	628	Satisfaciendi uim habeant incom- moda & labores a Deo immisi, si patienti animo ferantur	338
Satan non potest tentare, quando & quantum uult, sed quando, & quantum a Deo permittitur	629	Satisfacere unus pro altero potest	338
Satan quibus rebus uincatur	638	Satisfactorum se proximo, si quid de re aut existimatione detraxe- rit, polliceri debet penitens pri- usquam a peccati absoluitur	339
Scismatici qui sunt	607	In satisfactionis poena irroganda quid sit seruandum	340
Satisfactionis necessitas	329	Satisfactionis modum culpa ratio compensabit	628
Satisfactionis nomen unde	329	Satisfactionis opera a sacerdote indicta penitens saepe etiam ul- tro suscipiat	340
Satisfactio uarie accipitur	329	Seruare Deo, nihil magnifican- tius	595
		San-	

INDEX

<i>Sancti quomodo a nobis innocen-</i>	<i>Spiritus sancti propria significa-</i>
<i>tur</i> 544	<i>tio</i> 93
<i>Sanctiones Ecclesiasticae sacerdo-</i>	<i>Quare persone tertie in divinis</i>
<i>tem confessionis ministrum esse,</i>	<i>propriū nomē tributū non sit</i> 97
<i>declariant</i> 322	<i>Spiritus sanctus patri & filio in</i>
<i>Sepultura Christi cur sit expressa</i>	<i>omnibus omnino equalis</i> 97
<i>mentio</i> 58	<i>Spiritus sanctus est Deus</i> 98
<i>Sepultura, passio, & mors Chri-</i>	<i>spiritus sanctus a patre filioque</i>
<i>sto ut homini, non ut Deo conue-</i>	<i>procedit</i> 100
<i>nit</i> 59	<i>Spiritus sancti admirandi effe-</i>
<i>Signa a natura adinuenta & di-</i>	<i>ctus</i> 101. 102
<i>uinitus data</i> 157	<i>Spiritus sanctus quare dominus</i>
<i>Signa quæ dicantur</i> 156	<i>appellatus</i> 100
<i>Signa ante iudicium</i> 91	<i>Symbolum ab apostolis compositū</i>
<i>Sicut in celo & in terra, ad tres</i>	<i>& quare sic appellatum</i> 12
<i>primas postulationes referri</i> 569	<i>Symbolum in tres partes distribu-</i>
<i>inter omnia signa uerba maximā</i>	<i>tum</i> 13
<i>uim habent</i> 164	<i>In tentatione ne inducamur, o-</i>
<i>Signaculum totius orationis do-</i>	<i>randus est Deus</i> 625
<i>minica</i> 646	<i>Tentationum fluctibus agitati in</i>
<i>Spes impetrandi maximum pon-</i>	<i>precationis portum confugia-</i>
<i>dus ad impetrandum affert</i> 548	<i>mus</i> 629
<i>Spes celestium premiorum quomo-</i>	<i>tentatio quid</i> 629
<i>do nos uero dicare debeamus</i> 594	<i>Tentandi genera multa</i> 630
<i>Spes nostra in amore in Deum co-</i>	<i>Tentari homines in malam par-</i>
<i>ta nitatur</i> 594	<i>tem</i> 630
<i>Spem habere debemus impetrandi</i>	<i>Tentator quare diabolus dicatur</i>
<i>ueniam peccatorum</i> 615	<i>631</i>
<i>Spes in tentationibus ex quibus</i>	<i>In tentationem quando induci-</i>
<i>noscatur</i> 633	<i>mur</i> 631
<i>Spes habenda, cum tentamur, in</i>	<i>Tentat, qui non impedit tentatio-</i>
<i>Dei patrocínio</i> 634	<i>nem</i> 531
<i>Superbia magnopere Deum offen-</i>	<i>Tentatio est uita hominis super</i>
<i>dēt</i> 547	<i>terram</i> 633
<i>Spiritus sancti personam non de-</i>	<i>Tentationes a quo animo ferenda</i>
<i>bemus ignorata</i> 95	<i>633</i>

Terra

I N D E X

Terra in media mundi parte consistit	29	Traditione apostolica capilli in corona speciem clericis tondentur	344
Testimonij falsi non dicendi preceptum	502		361
Testimonij falsi non dicendi preceptum lingue uitii cohibet	503	Traditio apostolorum, qua Episcopus a tribus Episcopis consecratur	372
Testimonij falsi non dicendi precepto due leges continentur, una iubens, altera prohibens	503	Traditio de numero sacramentorum	166
Quid precepto non dicendi falsum testimonium prohibeatur	503	Traditione apostolica Episcopus est minister ordinandi ad sacros ordines	367
Testem iuratum index reijcere non potest	504	VERBA pastorum ecclesie tamquam Dei uerba recipienda	2
Testimonium falsum in se dicere non licet	504	Verbi diuini predicatio nunquam intermittenda	2
Testimonium falsum quid	505	Verba inter omnia signa maximam uim habent	164
Testimonij falsi damna	506	Verbi predicatione & sacramentorum usu Christianum edificium fulcitur	175
Testimonium falsum non solum in iudicio sed extra iudicium uetatur	506	Verbi incarnatio	44
Quot modis falsa dicendo existimatio hominis offenditur	507	Verbum Dei cibus est anime	606
Testimonium est confessio laudis Dei	510	Verbi Dei fames quare a Deo mitatur	607
Testimonij uere in rebus humanis maximus usus	511	Verum confiteri debent rei & sortes, cum ex iudicij forma interrogantur	510
Testes in iudicio caueant, ne quod exploratum non habent, pro certo affirmant	511	Verum tacere interdum licet sed extra iudicium	511
Tondendi caput in corone speciem consuetudinem Petrus primus induxit	361	Vicarius potestatis Episcopi Ecclesie prepositus	112
Traditione Apostolica declaratur		Vigilie tentationes uincunt	636
Purgatorius ignis	58	Vir quare uxorem diligere debeat	386
Traditione patrum peruenire ad non formam uerborum extrema uisionis		Viri officium erga uxorem	392
		Vita	

INDEX

Vita aeterna quid significet	142	Vnctionis extrema utilitas	349
Vita aeterna magis explicat homi- nis felicitatē quā beatitudo	143	Vnctionis extrema tempus oppor- tunissimum	350
Vita hominis tentatio	633	Vnctionis extrema sacramentum suscipientes agroti quare non sa- nentur	351
Vita & salus nostra ex Deo pen- det	604	Voluntas Dei ut fiat, quare peti- mus	587
A vitio linguae innumerabilia ma- la proficiuntur	503	Voluntas Dei, quā fieri petimus, est voluntas signi	589
Vnctionis extrema sacramentum, quare sic dictum	341	Voluntas Dei ut fiat, qui maxime petere debeant	588
Vnctionis extrema sacramento, in assidua mortis meditatione uer- samur	540	Voluntas signi quae	589
Vnctio extrema est uere sacramen- tum	234	Voluntas Dei ut fiat, maxime de- siderandum	591
Vnctio extrema est unū sacramen- tum tantum	343	Voluntas tua fiat, quo modo Deo ex animo dicendum	593
Vnctionis extrema materia, et for- ma, & ritus	345	voluntatem suam Christus ad pa- tris uoluntatē retulit in maximo acerbissima mortis dolore	593
Vnctionis extremae sacramentum quibus sit conferendum	346	Voluntatem diuinā totus mundus cognoscere debet	593
Vnctionis extremae sacramentum a Christo institutum	345	Voluntas Dei in terra seruanda, sicut in caelo seruatur	593
Vnctionis extremae sacramentum quo tempore adhibeatur	349	Voluntas Dei summa est omnium ratio	596
Vnctionis extremae sacramentum suscipere apti nō sunt qui ratio- nis usu carent	347	Voluntate Dei omnia eueniunt	596
Quae partes corporis sint ungenda	347	Voluntatem Dei quare maxime colamus	549
Vnctionis extremae sacramentum potest iterari	348	Vxorem uir diligere debet	386
Vnctionis extremae preparatio	348	Vxoris & uiri mutua officia	391
Vnctionis extremae minister	349	Vxoris partes erga uirum	393
		Vxor uiro subdita sit	393

FINIS.



5842120

